


The Ohio State University



3 2435 031148893

Hunlarn, Turklerin, Mogollarn v
D141G8159

001
V5

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	07	26	02	7	02	011	7

LIBRARY
OHIO STATE UNIVERSITY

A NOTE TO THE READER:

Because of its value and condition
this volume has been microfilmed
to preserve its content.

Please check the Libraries' catalog
for location of a copy of that
microform.

Thank you,
The Preservation Committee

4/26/1991
D88

هونلرك ، توركلرك ، موغوللرك ودها سائر
غربي تاتارلوك تاريخ عمومىسى

کتابخانه ملی ایران

بخش خط و کتابت
تفحص شده است

نسخه
جلد

تألیف و ترجمه انجمنی طرفدارن قبول ایدیلشدن .

هونك مونغولك ودهانك نانارل


نانارل مونغولك
ع ١٤٠٠

مترجمی

محرری :

مصطفیٰ باهر

دو کینی Deguignes



طنین مطبعه سی — ۱۹۲۴

STX

D141

G8193

1923

V.5

هونلرك تاريخ عمومىسى

اون بىشنجى كىتاب

موغوللار

هونىي قەلر ايله شاتوتوركلرى تاتارستانده محوايدىلد كدن
صوكره بو جسيم قطعەنك ادارهسى شرق تاتارلرينه يعنى
ابتدا خيتانلره ، صوكره نيوچهلره كچمشدى كه بونلر تورك
قومندن آيريدرلر . اون ايكنجى عصرده تاتارستان حالا
نيوچهلرك النده ايدى . بونلر صوكره چينك شمال ولايتلرينى
ضبط ايتمشلردى . چين ايمپراطورلغىنك جنوب قسمى ايسه عن
اصل چينلى بر حكمدار طرفندن اداره ايدىليوردى . هيا
ياخود تانغوت قراللرى تيمته ، بعض چين ولايتلرينه
وتاتارستانده كائن سائر بعض جوار الكالره صاحب ايدىلر .
خوارزم سلطانلرى غوريىلرله سلجوقيلرى محوايتد كدن

صوكره ماوراءالنهرده ، ايرانده وهندستانك بر قسمنده
 حكران اوليورلردى . خليفه لر بغدادده ؛ صلاح الدين
 عائله سى مصرده وسوريه ده ، قونيه سلطانلرى آسيای صغرا ده
 حاكم ايديلر . ايشته اوزمان ، جنكيز خان تاتارستانك
 اعماقندن چيقدى . ايمپراطورلغى شرق تاتارلرينك الندى
 آلدى ، تورك ملتته اعاده ايتدى . چينه كيردى ، خوارزم
 قطعه سنده حرب ايله دى . اوندى صوكره اولادلرى
 فتوحاتلرى دها توسيع ايتديلر ، آسياده بولونان بوتون
 ايمپراطورلقلرى ييقديلر ودنيانك بو پارچه سنك يوزى
 تماماً دكيشديرديلر [۱] .

[۱] بو كتابده و آشاغيكى كتابلرده راهب غوبيل Père gaubil

طرفندن نشر ايديلش اولان مونغول تاريخى Histoire des mongous
 ندن بالخاصه استفاده ايتدم . بو راهب چينده بولونان اك ماھر
 جزويت ميسيونرلرندن بريد . بوتون چين مورخلرينك آثارى
 ندن ايتمش اولديغى جهتله بوايشى بر دها بالذات يانمغه حاجت
 كورمدم . ذاتاً موضوع بحث اولان تفصيلاته بن هيچ بر شى
 علاوه ايدهميه جكدم . بوكا تاتارلرك تاريخ انسانيتى Histoire générale-
 alogique des Tatars ده الحاق ايتدم . بو همان هر نقطه سنده
 چين تاريخى ايله توافق ايتمكده در . موسيو دولاقروا Delacroix نك
 جنكيز خان تاريخى Histoire de genghizkhan بكاپك خرافه آلود
 تفصيلات ايله مالى كورونديكندن اوندى بوراده استفاده ايدهمدم .
 مع مافيه بونك هر طرفنى ده رد ايتمش دكلم .

بویوک انقلابه بادی اولان وصو کره ، طانی-دیغمز
ایمپراطورلقلرک اک بویوکنی تأسیس ایله ین ملت هی-چده
متمدن بر ملت اولمادیغی کی قوانینده کی اصابت و حکمتی
اوزاقلرده کی اقوامه بیلدیرمک هوسنده ده دکلدی . بو ،
باربار برملتدی ، غایت اوزاق مملکتلره آنجق اورانک بوتون
ثروتلرینی آلمق ، اقوامی اسارت آلتنه صو قق ، باربارلق
ایچنه دالدرمق و نامنی معظم و مدهش برحاله کتیرمک ایچون
کیدییوردی . موغوللر تاتارستانک خصوصی بر قبیله سی
ایدیلر . قدیم تورکلرک نسلندن کلیورلردی . بواسکی تورکلرک
تاریخی اولکی کتابلرده کوزولمشدر . ده ا سائر بعض
قبیله لرله برلکده موغوللر اولدقجه مهم بر ملت تشکیل
ایدیورلردی . بو قبیله لرک برنجیسنه ایقا Ika موغول یعنی
بویوک موغوللر دیرلردی . ایکنجیسنک اسمی صو موغول
ایدی . بوده برنهر قربنده اقامت ایتمه لرندن ایلری کلشدی .
اوچن-جیسی مرکیت Merkat موغوللری ایدی [۱] .
دیگرلری قنقراتلر [۲] Kunkurats ، ایکیراسلر [۳]

پلان قارین
تاتارلرک تاریخ
عمومیسی

- [۱] حالا بونلره مارقاتلر یا خود مرکیتلر دینلمکده در .
[۲] بونلر ، تاتارخانک اوغلی اولدینی سویله نن قایان Caïan
نسلنددرلر . قایانک اوچ اوغلی واردی : جورلوق مرکان
Zurlukmergan ، قابای شیره Cabaischira ، بوسیونای
Busyudai اوق آتقدم پک ماها لان برنجی اوغلی ایکنجی
قاردشیه غوغا ایتدی . آت اوزرنده بربرینه اوق آتهرق اوروشمغه

Ankarahs ، اولقنوتلر [۴] Allaknuts ، قونكلوت [۵]
 Caranuts ، قورلاسار [۶] Curlass ، ايلچيكيين [۷]
 Ilzigans ، اورناوتلر [۸] Ummauts ، قونككتارلر ،
 Cunnachmars ، ارلاتلر Arlats ، كلكنوت Calkits ،
 قشقلر [۹] Kishliks ، هوشينلر Uischuns ، سلدوسلر

قرار ويرديلر . قاباي شيره قورقدي ، اوقدن اجتناب ايچون
 باركيرك بر طرفنه اكيلىدى . بويوك قاردشى متأثر اولهرق اوني
 اولديرمك ايستهمدى . اوقيله قولاغندهكى كوپه سنى قوپاردى وبوني
 غايت ماهرانه ياپدى . صوكره قنقرات نامنده براوغلى دوغدى . بوبر
 قبيله رئيسى ومؤسسى اولمشدر .

[۳] بونلر قاباي شيره نك اوغلى ايكيراسك نسلنددرلر .

[۴] قاباي شيره نك اوغلى اولقنوت نسلنددرلر .

[۵] بوسبودايك بويوك اوغلى قرانوتك نسلنددرلر .

[۶] بونلر قورلاس Curlass بن ميسر اولوك Meisir ili

بن قونعكوت Conachlot بن بوسبوداي نسلنددرلر .

[۷] بونلر قورلاسك قاردشى ايلچيكيين نسلنددرلر .

[۸] قديماً بونلره اورناوتلر Urnauts لر ديرلردى . بو

قبيله دن برينك قونككتار Cunnachmar نامنده براوغلى اولدى .

عيني اسمدهكى قبيله اوندن كلمشدر . متكليك الجكه Menglik iska

يعنى صوفي منتليق - كه جنكيز خان زماننده معمر ايدى - بو صوك

قبيله دندى . ارلات اسمنده براوغلى ايله كلكنوت اسمنده براوغلى

اولدى . هرايكيسى ده قبيله رئيسلريدن .

[۹] بونلر كلكنوت قبيله سندن قشلق نسلنددرلر .

Sulduz ، (دوربانلر) [۱۰] Durmans ، (بارينلر) ،
Bariens ، سوقنوتلر Sukuts ، كورلو اوت Kurla-uts ،
برقوت Burkuts ، الخ ديرلر .

پلان قارپن
هه تون

قديم توركلرك بقاياسى اولان بوتون بو باربارلر چهره
اعتباريله سائر انسانلردن فرقليدرلر . ياناقلرى چوق
چيقيقدر . كنديلرى نحيف ، بللرى اينجه ، قسم اعظمك
بويلرى اورتهدر . صقاللرى آذر . بو آسيا فاتحلىرىنىڭ
اخلاق وعاداتى چهرهلىرىنىڭ چركينلىكىدىن دها قابادر .

[۱۰] نيزون قاينك اوغلى كچينلىرى مركان قارداشلىرىنىڭ اك
كوچوكى اولقله برابر تخته چييقنجه بوتدن ممنون اولمايان سائر دوت
قارداشى چىكىلدىلر ، دورمان يعنى درتلر دىلىن بوقىيلهك رئيسى
اولدىلر . دورمان توركجهد دوت ديمكدر . بوقىيلهيه منسوب بر
آدمك باريهن اسمنده بر اوغلى اولدى كه باريهن قىيلهسنك رئيسيدر .
بونك قارداشنىڭ جاريهلردن برندن بر اوغلى دوغدى . بو قادين
افنديسنىڭ زوجهلىرىنىڭ حدتندن قورتولماق ايچون اوغلى سوقنوت (؟)
Sukuts دىلىن كوچوك آغاچلر آراسنه صاقلادى . باباسى چوجوغى
صوكره اولاد ديه قبول ايتدى وبو چوجوق (سوقنوت)
Sukuts لك رئيسى اولدى .

قانقراتلر ، اوقليانلر ، دسوفژه راتلر ، آدسبراتلرده ذكر
ايدىلىكدهدر . بو صوك ايكي قىيله القنوتلردن كلكدهدرلر . باژوتلر
متعدد قوملره منقسمدرلر . [اك مهملى ساداجين باژوتلر ، ماقريم
بو اسملك اصللارنى جامع التوارىخده بولامادم . بونلرك اسم
حقىيلىرىنىڭ قىينكىيات ، دوقلات ، سوبجرات ، تايچيوت اولمى لازمكلير .
زيرامد كورتارىخده مفعول شعباتىدىن اولماق اوزرهمد كورددرلر . ح . ج]

چاديرلر آلتندە اوتورورلر . چاديرلرلر تپەسەندە بىر دىلىك
 براقيرلر . بو ھەم تەجرىبە ھەم اوجاق خىدمىتى كورور . چاديرلر
 كچەلرلە قاپلانمىشدر . چوغى پارچە پارچە سو كولور وقولايجە
 نقل ايدىلار . بعض چاديرلر تىكرلك اوستنە استنادايتدیرلمشدر .
 روبروكى بونلرى بر چوق صىغیرلر چكرلر . زىكىنلرلر چاديرلرى
 ايجندن اشلەلرلە ورسملرلە تربىە ايدىلمشدر . طيش طرفندە
 كچە باغ ایلە ياخود قويون سودى ایلە طلا اولونمىشدر . بودە
 ياغمورك نفوذینە ميدان ویرمەك ايجوندۇر . چادر صاحى قرمزى
 چوقەدن ياخود سائر برقاشدن ياپىش براثواب كير وچاديرك
 اورتەسندە اوتورور . غداسى كوپك، قورد، تىلىكى، بار كير،
 حتى حين حاجتدە انسان اتى، فارەدر . بو موغوللار ضياقتلرندە
 حاولوكى شىلرى بىلمزلىر . قسم اعظمى اللرىنى چيزمەلرینە
 سىلرلر . بعضيلرينك كوچوك منديل كى برشيلرى واردۇر .
 سفرەيە اوتوردقلىرى زمان برى اتى دىلىم دىلىم كسر، دىكرى
 يىچاق ایلە داغيتير . قوللاندىقلىرى قابلىرى صاقلادقلىرى ات صويى ایلە

باژوتلردۇر . يانندە اوتوردقلىرى نهرلردن دولايى كندىلرینە بويلە
 دىليور . مكرينلر ، قرجيسلر ياخود وكسلر ، كم كمجوتلر ، اوريانكەقتلر ،
 ترغونلر اجدادى اولان اويرات ، قوريلر ، توالاشلر ، توماتلر ،
 بولغاچينلر ، كرموجينلر ، تىلكوت ، اوراسوتلر ، قوسوماينلر
 (بونك كسەتى ، اولمىسى لازىمكلىرى . ح . ج) نايمانلر ، كرايتلر ،
 انكوتلر ، قورقانلر ، جلايرلردە واردۇر . بوتون بوقبيلەلر تورك
 عرقندىرلر .

یبقارلر . ایچدکری شی قیصراق، قویون، کچی، اینک یاخود
دوه سودیدر . تخمر ایتش قیصرای سوتنه قیزا [۱] Cosmos
دیرلر . بویوکلر قارا قیز ایچرلر . بودهاصولیدر . روبروقوئیس
Ruburuquise بونک خوش برایچکی اولدیغنی وبرچوق خواصی
بولوندیغنی سویله یور . قیشین بویاچکی یی یالک ز زکیئلرا یچه بیلیرلر .
دیگرلرینک ایچدیکی، صودن عبارتدر؛ بونک ایچنده داری
قایناتیرلر . صباحلری بوندن برایکی باردق آلیرلر . بوتون
کون کندیلرینه کفایت ایدر . اقشاملری برآز ات صوی
ایله ات یرلر . یازین سوت مبدول اولدیغنی ایچون بالنسبه
آز ات بمکده درلر . بوتون بمکلرنده غایت پیسدرلر . سرخوش
اولمقدن افتخار ایدرلر . خسیسدرلر . یابانجیلره عائد اولان
هر شیئه غبطه ایدرلر . نره یه کیدرلر سه اولری ده برابر کیدر .
صیغر، دوه، قویون، کچی، بارکیر خصوصنده زکیئلدرلر .
هیچ دوموز بسله مزلر .

پلان قارین
هه تون
م . پول
هر شیئک خالق اولق اوزره برمعبوده اعتقاد ایدرلر .
بومعبوده ناتاغای Natagai نامنی ویریرلر . فقط کندیسنه
هیچ عبادت ایتمزلر . دعالرینی و قربانلرینی خصوصی صنملره
توجیه ایدرلر . بوصنملرک اوزری کچه لرله یاخود ایپک
قاشلرله اور تولودر . بونلری چادیرلرینه وا کثریا، دیگرلرندن

[۱] موسیو پول بوکا تحریفاً قوئینیس Chuinis یاخود
قمیوس Chemius دیر .

دها مزین آرابه‌لره قویارلر . وبونلری سورولرینک حامیسی
 دییه‌تلقی ایدرلر. بو معبودلردن برینی چالمق اعدام جزاسنه مستحق
 بر جنایت عد اولونور . بیک کشییه ، یوز کشییه
 رئیسلك ایدنلرک چادرلرنده اورتیه‌رده دائماً بو معبودلردن
 بری وارددر. بونلره قیصر اقلرینک سوتلرینک ایلک ترفنده‌لری
 و عمومیتله ایلک دفعه ییوب ایچدکلری شیلرک کافه‌سندن
 بر قسمنی تقدیم ایدرلر . بر حیوانی کسدکلری زمان یورکنی
 صنمک اوکنه کوتورورلر، ایرته‌سی کونه‌قدر اوراده بر اقیملر.
 بویوک خانک چادیرینک اوکنده دائماً بو پوتلردن غایت مزین
 بردانه‌سی دورور . بوکا هدیه‌لر و بالخاصه بارکیلر تقدیم
 ایدرلر. آرتق اوبارکیلرله مقدس نظریله باقیلیر. هیچ برشیئده
 قوللانماز . جنوب طرفنه قارشى بر حرمت مخصوصه‌لری
 وارددر . بوده اغلب احتماله کوره، معبودلری اولان فو Fo
 نك جنوب مملکتلرنده تولد ایتیش اولماسنددر . کونشه،
 آتسه، صویه، طوپراغه طاپارلر . فقط کندى دینلرینی
 یابانجیلره قبول ایتدیرمک خصوصنده هیچ حرصلری یوقدر.
 بوجهته قطعی بر سربستی ویریرلر . هیچ بر زمان کمیکلری
 قیرمازلر . بونلری یاقارلر . آتشک تأثیریه حصوله کلن
 چاتلامه‌لرله تفأل ایلرلر . بر ییچاغی یاخود بالطه‌ی آتسه قویمق
 یاخود آتشک قربنده استعمال ایتمک، بر قامچینک اوزرینه
 دایانمق، اوتلره قامچی ایله دوقونمق، قوش یاورولرینی طوتمق

ويا اولديرمك، بر بار كبرى يولارايلاه دوكمك، يا خود كمى آغزنده
اولديغى حالده اوتلاتمق، بر كمىكى باشقه بر كمىك واسطه سيله
قىرمق، سوت دوكمك، اتى يره دوشورمك، اقامت ايدىلن
چيت داخلنده دفع طبعى ايله مك اونلرجه بر جنايت عد
اولونمقده دو. بو حر كىلردن برىنى قصدى صورتده ياپانلر
اعدام اولونور. ايسته ميه رك يامش اولانلر جزاى نقدى ايله
قورتولورلر. بو جزاى كاھنه تآديه ايدرلر. كاھن كلير، تلويث
ايدىلش شئيى تطهير ايلر. بونك ايچون ده اوشئيى ايكي آتش
آراسندن كچيرير. بو مراسم اجرا اولونمادن اول كيمسه
اوشئيى ال سوره مز. برات پارچه سنى يوتاماديغى ايچون يره
آتانلر، حكمدار چادرينك اشيكنه باسانلرده اعدام جزاسنه
اوغرارلر. سحر بازلرينك استقباله عائد ويردكلرى خبرلره،
قوشلرك اوچوشلرندن چيقاريلان معنالره بويوك براعت
كوستيرلر. بر شيئه تشبث ايدىلجكلرى زمان آى ابتداسنى
يا خود آيك اون دردينى بىكله رلر، آيه « بويوك مليكه » نامنى ويريرلر.
كنديلرينك نردينه بر هيئت سفارت واصل اولديغى
زمان بونلرى هديه لريله برابر ايكي آتش آراسندن كچيره رك
تطهير اتمكه بويوك براھميت ويريرلر. يىلديرمه چارپلمشلره
حتى بوصورتله اولمش بر آدمك چاديرنده بولونان كيمسه لره
وعموميتله اولنلرله عىنى محله اقامت ايدن آدملره قارشى ده
بو مراسمى تطبيق ايلرلر. ايكي آتش ياقارلر. بونلرك ياننه يره ايكي

میزراق دیکرلر . یوقاری طرفلرینه براب ایلر بر بزارچه سی
 باغلارلر . ملوت عدایدیلن کیمسه لری بونک آلتدن کچیرلر .
 بواثناده بری بر طرفده دیکری اوتیه طرفده دوران ایکی
 قادین کچن آدمک اوزرینه صوسرپرلر ودعا اوقورلر . بر آراه
 میزراقلر آلتدن کچرکن قیریله جق اولورسه هپسی کاهنلره
 عا ئد اولور . بریسی خسته لاندیغی زمان قایدسنک اوزرینه
 سیاه برکجه پارچه سی صاریلی بر میزراق دیکیلیر . آرتق کیمسه
 ایچری یه کیرمکه جسارت ایده مز . خسته حالت نزع کلدیکی
 وقت یاننده کیلرک هپسی چکیلیرلر . چونکه اولدیکی صیراده
 اوراده حاضر بولونورلرسه یکی آیدن اول ایمپراطورک یاخود
 قوماندانلرینک قبیله سنه کیده مزلر .

بریسی اولدیکی زمان اقامتکاهی ایلر برلکده اونی صحرا یه
 کیزلیجه کومرلر . اولو بریره اوتورتولور . او کنده برماصه
 واردر . ماصه نک اوزرنده برقاب ات یمکی ، برقاب قصر اراق
 سوتی واردر . کندیسیلر برلکده بر قیصر اراق ایلر یاوروسی
 اکرلی وکلی بر بار کیده کومولور . باشقه بر بار کیده کسیلیر
 وینیر . صو کره دریسی اوت ایلر دولدیریلارق درت صیریق
 اوزرینه قونولور . بوصورتله متوفانک اوتیه کی دنیاده کندیسنه
 لازم اولان هر شیئی بولاجغی ادعا یدیلیور . صو کره ، متوفانک
 بئندیکی آراه قیریلیر ، اوی یقیلیر . او چنجی بطنه قدر اسمنی
 اغزه آلفه کیمسه جسارت ایده مز . ملتک اکابری مراسم

مخصوصه ايله دفن اولونور . كيزليجه قيره كيدرلر . اوتلري
 كوكلرندن يولارلر . صوكره بويوك بر چوقور قازارلر .
 بونك ياننده تامماً طوپراغك آلتنده برچوقور دها ياپارلر .
 نعشى بوايكنجى چوقوره قويارلر . حياتنده اكچوق سوديكي
 خدمتجيسنى كنديسنك آلتنه قويهرق اوله جك حاله كلنجه يه
 قدر اوراده براقيرلر . صوكره چيقارارق نفس آلديريرلر .
 بر مراسم اوچ دفعه تكرر ايدر . خدمتجى بوكا تحمل ايدم
 بيلمك سعادتنه نائل اولورسه قبيله داخلنده حر و ذى قدرت
 اولور . صوكره اولوي ايكنجى چوقورده تكميل ثروتلريله
 و بحث ايتديكمز لوازم ايله برلكده براقيرلر . برنجى چوقورى
 دولدورورلر . يولدقلى اوتلرله اورترلر . بوده مزارك یری
 مجهول قالمق ايچوندر . ايمپراطورلرينه وعائلهسى، افرادينه
 مخصوص بررواردر . نرده اولسه لر نعليلرينى اورايه
 كوتورورلر . بومزارلق بورقان قالدين Burcan Caldin
 دنيلن محله كائدر . موسيو پولك روايتنه نظراً جنازه آلاينه
 اشتراك ايدنلر يولده راست كلدكلرينك كافه سنى: هايدى
 اوته كي دنياده افندمزه خدمته كيتديكز ! ديهرك اولديريرلر
 فقط بوتون مورخلر بونى تكذيب ايديورلر . يالكيز برقاق
 اسيرى قتل ايله اکتفا ايدرلر .

تاتارلر بوتون قوملر ايچنده حكمدارلرينك اوامرینه پلان قارپن
 اك چوق مطيع ومنقاد اولان كيمسه لردر . عینی زمانده

دیگر قوملره قارشى ده صوك درجه ده مغرور و متكبردرلر .
 سرخوشلغه مبتلا اولمغه برابر آرالرنده كندیلرینی غوغایه
 مجبور ایده جك هیچ براختلاف تصور ایدیله من . سرقتدن
 بحث اولوندیغی ایشیدیلر . بر حیوان غائب اولدیغی زمان صاحبه
 كتیریلر یا خود هیچ دو قرنولماز . آرالرنده بویوك بر اثر مرحمت
 حکم سورر . محتاج اولدقلری شیلری بر برلرینه ویریرلر .
 بر برلرینی هیچ قیصقانمازلر . بر برلرینه دعوا آچازلر . قاریلرینی
 سورلر . قاریلری ده كندیلرینه صادقدرلر . آچلغه ، صیجاغه
 صوغوغه خارق العاده بر صبر ایله تحمل ایدرلر . غایت مهمانوازدرلر .
 فقط كندیلری ده عینی صورتله قبول ایدیلمك ایسترلر .
 یالاندن فوق العاده نفرت ایدرلر . بر مجرم در حال جرمی
 اعتراف ایدر . بر آدم یا پمادیغی پارلاق بر شیلله هیچ بر زمان
 افتخار ایتمز . ایشته قاتارلر كندی آرالرنده بویله درلر . سائر
 قوملره قارشى بویوك بر استحقاق حسی بسلرلر . واونلری
 آلداتمقدن باشقه برتی دوشونمزلر . باشقه قوملری تحت
 انقیاده آلق حرصنه مالیکدرلر . آنحق بو شرط ایله صلح
 یاپارلر . تحت اطاعتلرینه آلدقلری قوملرک اموالک حتی
 قیزلرینک اوندی برینی كندیلرینه آیریرلر . بوقادینلری
 كندیلرینه اسیر یاپارلر . معاهداته نادراً رعایت ایلرلر .
 بونلرک قانونلری موجبنه غیر مشروع مناسبات حالنده
 یا قالاتمش بر ارکک ایله بر قادین ، بر بریله غیر مشروع

مناسباتده بولونان بر قیز ایله بر ارکک و بر خیرسز قتل
 اولونابیلیر . کندیلرینک تصورلرینی دشمنه خبر ویرنلره
 وما فوقنه حرمتسزلك ایدنلره صوپا آتیلیر . بر تاتار ، قانونك
 بخش ایتدیكى مساعددن استفاده ایله بر قاچ قاری آلدیغی
 زمان هپسینك اقامتگاهى وعائلهسى آیری اولمق لازم کلیر .
 فقط ایچلرندن بردانهسى ذاتاً ایلك زوجہ دییه تلقی اولونور .
 بونلر مشروع زوجهلرله مستفرشه چوجوقلری آراسنده
 هیچ فرق کوزتمزلر . پدر هر ایکی چوجوغهده جانك
 ایسته دیکنى ویره بیلیر . پدرلر وفات ایتد کدن صوکره
 اوغللرک اوکی والدہ لرله ، قاردهشلرک ، برادرلرینک وفاتندن
 صوکره ینکه لرله تزوج ایتهلری اونلرجه بر عادت اولمشدر .
 هایتون ارککلر یالکیز اوق یایمق ، سورولری محافظه ایتک ، آوه
 کیتمک و اوق آتمق ایله مشغول اولورلر . بوتون ایشی قادینلر
 کورور . یعنی اثوابلری ، آیاق قابلرینی ، چیمهلری اونلر
 یاپار ، آرابهلری اونلر اداره و تعمیر ایدرلر . دوهلری اونلر
 یوکلہ تیرلر . آتہ بینمکده ، اوق آتمقده قادینلرده ارککلر
 قدر ماهر درلر .

ایمپراطورک بوتون ملت اوزرنده مطلق بر حکم و نفوذی
 واردر . بویوکلر ایمپراطورک اوامرینی بر اطاعت کامله ایله
 تلقی ایدرلر . کندیلرینه کوسترلہ ین یرده چادیرلرینی
 قورامازلر . حکمدار نرده بولونورسه اوراده کی هرشی ،

اموال ، اشیا ، حیوان سـورولری و انسانلر اوکا عاؤدر
حکمدارلر کندیلرینه تابع ایکنجی درجه ده کی حکمدارلر
اوزرنده ده غینی نفوذ و صلاحیته مالکدرلر . سفیریوللادقلری
زمان تبعه بوسـفرايه الزم اولان هر شیئی تدارك و تأمین
مجبوردر . قبیله رئیسـلری هر سنه ایمپراطوره سوت تأمین ایتـمک
اوزره برقـاچ قیصرـاق ویریرلر . تبعه ده قبیله رئیسـلرینه قارشـی
عینی قیود ایله مکلفدرلر . عمومیتله ، بو ایمپراطورلقـده حر
بر کیمسه یوقدر . ایمپراطور ایله رؤسا اهالیده خوشلرتنه
کیدن هر شیئی کندیلرینه آلیرلر . فقط ضبط ایدلمش بر
مملکته کیدن اک عادی تاتار بیله اوراده بر صاحب مطلق
حالنده حرکت ایدر .

هایتون

تاتارلر حرب ایتـدکلری زمان دوغـرودن دوغـرویه
بر چوق اوق آتدقلرندن دولایی محاربه پک خونریزانه اولور
او قدر قوتله اوق آتارلر که بونلر هر دورلو اسـاحه یی دلوب
کچرلر . بر تاتاراردوسی پک غلبه لق کبی کورونمز . چونکه
کوچوک طاقلر حالنده یورورلر . جسوردرلر . قوماندانلرینک
امرینه اطاعت ایدرلر . قوماندانلر معیتلرنده کنه اشارتلر
واسطه سیله حرکتلر و مانوره لر یاپدیریرلر . عسـکره آیلق
ویرلمز . هر نفر آو ایله یاخـود دشمندن آلدیغـی غنیمت ایله
کچینیر . شهریمی وقلعه لری محاصره ده ماهردرلر . مجبور اولدقلری
زمان فرار ایتـمکن هیچ صیقـیلمازلر .

ایشته جنکیز خانك و اولادلرينك ادارهسى آلتنده بوتون
 آسیایي تحت اطاعته آلان ملت بویله بر ماندرد . جنکیز خان
 کندیلرینك اك بویوك بر حکمداری کبی تلقی ایدن موغوللر
 اونك خارقه آلود بر صورتده دنیایه کلدیکنه اعتقاد ایدرلر .
 موغوللرک ادعاسنه نظراً قدیم خانلرندن یولدوز Yulduz
 نامنده بری [۱] ایکی اولاده مالک ایدی . بونلر کندیسنندن
 اول وفات ایتشلردی . بو چوجوقلرک برندن (بونبايان)
 Dejun-baïan اسمنده بر اوغلان ، دیکرندن ده آلانقوا
 Alancava اسمنده بر قیز قالدی . بونلری اولندیردیلر .
 بویوك پدری یولدوزدن صوکره پك آز معمر اولان دبون
 بايان قاریسی الانقوایی ایکی چوجوقله طول براقدی .
 چوجوقلرک ایلکی بلکدای Belgadei اسمنده ویدی
 یاشنده ایدی . ایکنجیسی بکجدای [۲] rgdsadei اسمنده
 و آلتی یاشنده ایدی . آلانقوا بونلری بویوتمکله مشغول اوله رق
 تکرار اولمک ایسته مدی . فقط روایت اولوندیغنه کوره بر کون
 اویقودن اویانیر کن او طه سنده بویوك بر آیدینلق کوردی . بو آیدینلق
 طورونجی دنکده بر ارکک سیاستنه منقلب اولدی . صوڪ
 درجه ده کوزل کوزلری واردی . آلانقوا او قدر قورقدی که
 استمداد ایچون هایقیرمق ایسته دی . فقط کندنده قدرت

[۱] برنجی جلده بوباده ویردیکنز ایضاحاته مراجعت ایدیکنز .

[۲] بونلره بلغابوت Belgajut و بونیات Bugnat ده دیرلر .

تاتارلرک تاریخ
 عمومیه سی
 مساکشی

بولامادی . بو روح آلانقوا ایله یادی . آلانقوا ابتدا
سوزینه اینانمایه جقلری قورقوسیه بو وقعهدن بحث ایتک
ایسته مه مشدی . فقط روح متعدد وقعهلر یانه کلدیکی جهته
که قالدی . که لکی فرق ایدیلدی . بو دفعه قبیله آراسنده
بر چوق کورولتویه سبیت ویزدی . آلانقوا قباحتمز
اولدیغنی اثبات ایچون اوچ ازکک چوجوق دوغورمایه جق
اولورسه مجرم معامله سی کورمکه راضی اولدیغنی سویله دی .
فی الحقیقه دنیا یه اوچ چوجوق کتیردی . بونلره بوقون
قتتین Bocum catagun ، بوسقین سالجی Boskin saldgi ،
بوزنجیر Bouzendgir نامی ویردیله . چوجوقلرک اوچنده
نورانیون دنیلدی . چونکه کونشک چوجوقلری دییه تلقی
اولونیورلردی . جنکیز خان بو اوچنجی چوجوغک
نسلندن کلکده در .

صراکشی

بوما مالک ماهیتی نه اولورسه اولسون ، موغول قبیله سی [۱]
۱۱۳۵ تاریخلرینه دوغرو تاتارستانده کسب قوت ایتمش
برحاله ایدی . نیوچه لک الکاسنک شمالنده اوتوریورلردی .
نیوچه تاتارلرینک ایمپراطوری بوموغوللره قارشى عسکر
کوندرمکه مجبور اولدی . موغوللر کوستردکلری مقاومت
شدیده ایله گندیلرینک غایت جسور وای مسلح اولدقلرینی

قاممو

[۱] جینلیلر بوکا مومقو Mum-ku دیورلر . وقتیه مومقو
Mum-ou یاخود مومقوسو Mum-ko-su دیرلردی .

آكلاتديلر. نيوچه لرك قوماندانى [۱] جېخانه سنى بىترد كدن
 صوكره عودته مجبور اولمشدى. اثنای عودتده، هاى لينغ
 Hai-ling دىلن برىرده مغلوب اولدى. مؤخرآ، نيوچه لرك
 عاىىلرندن بعضىلرى موغوللار ك ياننه چكىلدیلر. نيوچه لرك
 اىمپراطورينك بوقبيله قارشى يوللادىنى عسكر اونلرى تحت
 اطاعته آلمغه موفق اولامادى. نيوچه اىمپراطورى تاتارستانه
 وچينك نصفنه صاحب اولمغله برابر اونلرله صلح ياممغه، اونلره
 اراضى وىرمكه ورئىسلرينه بعض عنوانلر بخش ايلمكه مجبوريت
 حس ايتدى. بونك اوزرينه كوچوك موغول خانى كندىسنه
 چين حكمدارلرى كى اىمپراطور ديدىرتمكه باشلادى.

يسوكاى بهادر Yesoukai Bahadour موغول خانى
 اولونجه دائره نفوذ و قدرتى اوزاقلره تشميل ايتدى.
 آچدىنى سفرلرك تفصيلاتى معلوم دكلدر. مورخلر بونلردن
 يالكر بردانه سنى حفظ ايتمشلردر كه اوده جنكيز خانك تولدينه
 تعلق ايدر. صو موغوللر ياخود اصل تاتارلر يسوكاى تحقير
 ايتمشلردى. بوده انتقام آلمق اچون درحال اردولرينك باشنده
 اونلرك اراضيسنه كىرمشدى. اوزمان صو موغوللار خانى
 اولان تموجين Temoudgin مغلوب اولدى اردوسى
 بوزولدى. يسوكاى، ممالكنه مظفرانه عودت ايتدىكى زمان
 براوغلى دوغمش اولدىغنى خبر آلدى. مظفريتكن خاطر دىنى

[۱] اسمى هوشائو Hôu cha-hou ايدى.

سنه

۱۱۶۳

تاتارلرلر تاريخ

عمومي

محافظه ايچون اوکا غلبه چالديغي خانك اسمنى ويردى .

ايسته بوصوتله يسوكايك اوغلانہ تموچين دینلدى . بوچوجق،

بلونیولدوق [۱] Blunjulduk مملکتینده تولد ایتش اولان

مشهور جنکیز خاندان . دنیایه کلیرکن آووجنده تحثر ایتش

برقان پارچه سی بولونديغي ايچون باباسی کاهنلری استفسار

ایتدی . بونلرک سویلدیکی شیلردن ممنون اولمادی . صوکره،

غایت مجرب برآدم اولان وزیرى صوغوچين Soughoudgin

مراجعت ایتدی . بوده یکی دوغان شهزاده نك برچوق ملتلی

تحت انقیاده آلاچغی، بوتون دشمنلرینی کنديسنه اطاعته

مجبور ایده جکینی سویله دی . تموچين چوجوقلقدن حیقديغي

زمان پدری پسوکای اوکا مربی اولمق اوزره، برمدت اول

وفات ایتش اولان صوغوچينك اوغلی قراچار نویانی تعیین

ایتدی . پسوکای بویوک برامید بسله دیکی بوچوجوغك

بویودیکینی کورده مەدن کینج یاشینده وفات ایتدی . تموچینی

کوچوک حکومتنه قوت وسطوتنه وارث اوله رق راقدی .

اوزمان تموچين آنجق اون اوچ یاشینده ایدی . قارده شلری

کنديسندن دهها کوچوک دیلر . والده سی اولون اکایه [۲]

۱۱۷۶

[۱] موسیو پتی Petis بوکادیلون ایلداق Dilon ildac دیور .

جنکیزخان هجر نك ۵۵۹ نجی سنه سینده دوغمشدر . بوسنه نه

موغوللارده تونقوز یاخود اوتوز سنه سی دیرلر .

[۲] جینلیلر بونی تحریف ایله یوئلون Yue-lun دیرلر .

ایقاموغول لسانده بویوک دیمکدر .

Oulun-ika اداره حکومت تودیع ایدیلدی . دولت اولدجه بویومشدی . چونکه بسوکایک تحت اطاعتده اوتوز قرق بیک عائله واردی . بونلر کندیشنه ویرکو ویریورلردی . هپسنت منشألری بردی ، عینی نسلدن کلیورلردی . جوار قبیلهلردن بعضیلری ده موغول قبیلهلرینه عرض اطاعت ایتشلردی . بوتون قبیلهلر بویوک اولاد اولق اعتباریله بحق تموجینه عائد بولونیورلردی . تاتارستانده بوعادتدر . قاردشلرده بویوک قاردشلرینه سائر تبعه لر کی عائد اولورلر و اوکا ویرکو ویریرلر . فقط سنوی یالکیز هر دورلو مواشیدن یالکیز برأسدن فضله برشی ویرمزلر . چوجوقلری بوامتیازه نائل اولامازلر ، عادی تبعه میاننه کیررلر .

صوکره همان بوتون آسیایه صاحب اولان بو حکمدار ایشته باشلانغجده بویله ساده جه بر قبیله رئیس ، بزم چیفتلک صاحب لری کی قیرلرده یاشایان بر راعی ایدی . یالکیز او حرب یامق حقنه ده مالکدی . جسارتی سایه سنده سائر ملت رئیس لرینک فوقه چیقدی . بونلرک هپسینی تحت اطاعتنه آلدقن صوکره ، میلیونلرجه عسکر چیقارایلن ، علوم و فنون غایت ترقی ایتمش بولونان ، چوقدن بری مؤسس وپایدار اولان ، ازمنه قدیمه نیک اک بویوک آدم لری طرفندن یاشلش قانونلرله اداره ایدیلن معظم ایمپراطورلقلره هجوملر ایتدی .

یسوکایه عرض اطاعت ایتش اولان بوتون عائله لر آرتق سلاح قوتیله دائره اطاعتده طونولمادقلری جهته چوق کچمه دن بوبویوندوروقلرینی سیلکدیلر وبرقادین ایله اون اوچ یاشنده برچوجوغك حکمی آلتنده قالمق ایسته مدیلر . ابتدا الك مهم واک زنکین برقبیله اولان تایخوتلر [۱] Taizeuts عصیان ایتدیلر . صوکره آرقه سندن سائر قبیله لرده عصیان ایدهرک هپ بردن تارغوتای قریلتوق [۲] Burganai kariltuk نامنده بررئیس انتخاب ایتدیلر . تموجینه منقاد قالان قبیله لر جدینک [۳] احفادی ایله منلقوتلر قبیله سنک نصفندن ودها سائر برقاچ عائله دن عبارتدیلر . بایاثوتلر ، سچیوتلر ، دسویجراتلر Dsoigerats ، نیرونلر ، منکقوتلر دیگر قسمی تارغوتای قیریانووک جاموقا [۴] Gemonka نامنده دیگر بررئیسک طرفنی التزام ایتدیلر . تموجین پک کنج اولمقله برابر سفره

[۱] چینلیر بولره تاجه هو Ta-tche-hou وموسیو پتی تانژوتلر Tanjout دیورلر .

[۲] ابن آدال ابن قدان تایشی ابن مورائق [جامع التواریخه نظراً قدان تایشی بن همیقای قان بن سورقدو کوچینه بن جرقه لینکوم بن قایدو خان . مکرمین] دوقوجینا بن جرقه لینکوم ابن قایدو خان .

[۳] قبل خان .

[۴] چینلیر بوکا چاموها دیرلر . جیجن لقبیله یادایدیلردی که موغولجده بلیغ معناسنه در . دسویجرات قبیله سندن ایدی .

چىقدى وعاصىلارە حرب ايتدى . فقط مظفريت مشكوك
برحاله قالدىنى ايچون چكلمكە ودها مساعد بر زمان بىكلەمكە
مجبور اولدى . بو صورتە دەا بويوك برحاله كلنجەيە قدر
قالدى . نہايت ، بر فراريدن تايخوتلرلە نيرونلر ك تاتارلر [۱]
ومر كيتلرلە برلشەرك اوتوز بيك كشيلىك براردو ايله كنديسە
هجومە كلمك اوزرە اولدقلىرىنى خبر آلدى . درحال ، كنديسە
تابع اون اوچ قىيلەيى طوپلادى . اشىالرى ومواشىيى
قراركاهنك اورتەسنە آلدقن صوكرە ، اوتور بيكە بالغ اولان
اردوسنى صف حرب اوزرە ترتيب ايتدى . بونلر اغىرلىقلىرى
محافظة ايچون ھې بر صيرا اوزرىنە دىزلمشدى . دشمنە قارشى
يورودى . خارقە آلود بر شجاعت اثرى كوستردى وبويوك
بر مظفريت قازاندى . دشمنلرى بش آلتى بيك ضايعات
ويردىلر . ايچلرندن برچوغى اسير دوشدى . تايخوتلر رئيسى
مقتول اولدى . جاموقا قاجدى .

تموچىن بو محاربەدن صوكرە ضابطلرىنە ونفرلرىنە
مكافاتلر ويردى ، كندى بار كىرلرندن ، اثوابلرندن احسانلردە
بولوندى . صوكرە ، عاصىلرى جزالاندرمىق ايچون اوجاقلر ك
اوستنە ىتمش بويوك قازغان قويدىردى ، عصيانك باشلىجە
مرتەبلىرىنى قاينار صولر ك ئىچنە آتدىردى . سائر قىيلەلر ك
اوزرىنە يورودى ، بونلر ك مسكەنلرىنى يغما ، مواشىلرىنى

[۱] بوقوم اوتون نہرى بويىچە اقامت ايدردى .

ضبط ایتدی . بك چوق اسیر آلدی . رؤسانك چو جوقلرینی
كوله یاپدی و دیگرلرینی اردولرینه تقسیم ایلدی . تکمیل
تایجوتلر قبیله سی تحت اطاعته آلدی . تموجینك نامی
تاتارستانده مشهور اولدی . جوار حکمدارلر کندیسنك
اتفاقنه طالب اولدیلر . ارغونه = اورخون Ergoné شهرینه
جوار ممالکده حاکم اولان پوتو Po-tou تموجینك قاردشی
تمولون = تموکه او تجمکین Temoulun ایله اولندی و صوکره لری
تموجینك الصادق متفقلرندن بری اولدی .

غوبیل

اوتارینخده نیوچه تاتارلری تاتارستان ایمپراطورلغنی
اشغال ایدیورلردی . تموجینده داخل اولدیغی حالدده بوتون
قبیله رئیسلری تاتار حکمدارینك بنده سی صفتیله اوکابر مقدار
ویرکی وایجابنده عسکر ویرمکه مجبور ایدیلر . تاتار قبیله لری
نیوچه ایمپراطورینه قارشى عصیان ایتمشلردی . در حال قبیله
رئیسلرینه عاصییه قارشى حرکت ایچون امر ویریلدی .
اوفون نهری ساحلنده طوپلانلدى . تموجین ایله کرایتلر
Keraïts خانى طوغرول [۱] بوايشده ایفالتدکلری خدمتله
متناسب مکافاتلره نائل اولدیلر . تموجینه اردوده مهم بروظیفه
ویریلدی . طوغروله خان عنواننه صمیمه^۱ وام یعنی قرال عنوانی
توجیه اولوندی . صوکره لری کندیسنه وام خان دینامش

[۱] ابوالغازی بوکا تایرل Tairell چینلیلر ایسه تحریفاً تولى

• بوده تحریف ایدیلەرک اولك خان Onk-khan شکیلنه
 صوقولمشدر . نسطوری خرسیتیان ولان بو حکمداره
 خرسیتیانلر قرال ژان دیرلردی . تاریخده پک چوق اسمی
 کچن مشهور راهب ژان بودر . قاراقورومده اقامت ایدردی .
 تاتارستانده پک ذی قدرت اولان مرغوز Mergous خانک
 حفیدی ایدی . مرغوز خان نیوچه تاتازلری نزدنده اسیر
 ایکن وفات ایتمشدر [۱] . وفاتنده ایکی اوغلی قالمشدی .
 ری تورک لقبیله یادایدیلن قورجاقورا [۲] ، دیکری کورخان دره
 اونک خان ، قورجاقورک اوغلی ایدی . برچوق فلاکتلره
 اوغراددی . عموجه سی کورخان طرفندن مغلوب ایدیلدی .
 تموچینک پدرینک یاننه چکیلدی . اوده کندیسنی تکرار
 مملکتنه اعاده ایتدی ، اورایه تکرار حاکم اولدی . فقط
 عائله سنده نفاق دایما موجود ایدی . ایکه قرا Eifenkera [۳]
 اسمنده برقاردشی واردی که سلینغا نهری قربنده اقامت ایدن
 نایمانلرک نزدینه التجا ایدهرک اونلرک خانلرینی کرایتلرک
 مملکتنده [۴] حرب ایتمکه تشویق ایله دی . اونک خان

[۱] موسیو پتی بوکا Cans de courgé دییور .

[۲] پتی بوکا قوجه بویروق Codgia boiruc دییور .

[۳] چینلیلر بوکا ایفانقوله I-fan-coulé دییورلر . موسیو

پتی ارقه قرا دییور . چونکه عرب حرفلرینک نقطه لرینی یا کلش قوئمشدر

[۴] بوقوم تولادورغون نهرلری قربنده اقامت ایدردی . چینلیلر

بونلره قهلیه دیرلر

مغلوب اولدىغى ايچون شاچه ئويه دوغرو هوئەنى قەلرك نۇزىيە
فرارە مجبور اولدى . تموجين كىندىسەنە عىسكىر وىردى
ومىلكىتەنە عودت ايتەسى ايچون ياردىمە بولوندى . ابتدا ،
نايمانلار كىمتىقلىرى اولان مىركىتلىرى بىرلىككە مغلوب ايتدىلار .
صوكرە بالذات نايمانلار غلبە چالدىلار . فقط اونك خان
بومناسىبتەلە آلدىغى غنائى هېچ داغىتمامش اولدىغىدن تموجين
اوندىن آرىلغە باشلادى ، چكىلدى . اوقون نەرى قىرىندە
بىر مقدار عىسكىر طوپلامقەدە اولان تايچوتلار خانك اوغلىلە
حرب ايدەرك اونى مغلوب ايتدى .

بوقدر موفقىياتى قىسقىقانان مغلوب جموقا تموجينە
بىرچوق دشمنلار پىدا ايتىك ايچون چالدىشى . بىرچوقلىرى اونك
سوزلىرىنە قاپلدىلار وموغول خانە قارشى ميدانە چىقدىلار .
بىر مجلس طوپلادىلار . بوندە قىتقنلار [۱] سىجىوتلار [۲] ،
قىلوپانلار ، تاتارلار كىرئىسلرىلە نايمانلار خانى طرفىدن كوندىرلىش
مىرخصىلر واردى . تموجين ايلە اونك خانى الە كچىرەك ايچون
صىرف غىرت ايتەكە قىرار وىردىلار . قىتقرات [۳] قىيلەسىك
كىسى اولان تركە ايل [۴] Turkilli بواتفاقە جىرا كىرەمشى .

[۱] چىنلىلار بونلارە هاتا قىن دىرلار .

[۲] چىنلىلار بونلارە ساچى هو دىرلار .

[۳] چىنلىلار بونلارە هونىغقى لا دىرلار .

[۴] چىنلىلار بوكا تەيەن دىرلار .

کندی اراضیسنه چکیله رک علی العجله تموچینی کیفیتدن خبردار ایتدی . در حال تموچین ایله اونک خان حربه چیقیدیلر دشمنلرینی علی الغفله باصدیلر . متعدد مصادماتده اونلری پریشان ایتدیلر . بونک اوزرینه ترکه ایل آچیقندن آچیغه تموچینک طرفنی التزام ایتدی . قنقرات نامنی طاشییان کندی قبیله سیله اوروت ، منکقوت ، جلایر ، قالاچ قبیله لری ده بو اثره اقتفا ایتدیلر . بو صورتله موغول حکمداری بوتون دشمنلرینه قارشى قویه بیله جنک حاله کلدی . بو قبیله لر تموچین عائله سنه مربوط ایدیلر . چونکه بو زنجیرک طورونی دوتومین خان [۱] نسلندن کلیورلردی . ترکه ایل تموچین ایله صیقى بر اتفاق عقد ایتدی . ایکی عائله رئیس لرینک آنجق بر برلرینک قبیله سندن قیز آلا بیلمه لرینی قرارلاشدیردیلر . بومعاهدمه اوزون مدت رعایت اولونمشدر .

سنه

۱۲۰۲

غوبیل

دائما مغلوب اولان جهوقا بوتون تاتارستانی قاریشدیرییور ، تکمیل قبیله رئیس لرینی نفوذ وسطوتی مهم صورتده تزیاید ایتمکده اولان تموچین علیهنه تحریک ایدییهردی . بوتون متفقلرینی توروپیرا نهری ساحل لرنده طوپلاتدی و کندیسینی بو اتفاقک رئیس تعیین ایتدیردی . نایمانلرک خانى اولان یو یروق [۲] کندیلرینه التحاق ایله دی . تموچین ده عسکرینک

[۱] چینلیلر : کا ناچین بهادر دیورلر .

[۲] چینلیلر پولوغو دیورلر .

مقدارینی آرتیرمق ایچون هیچ بر تدیری اهل ایتدی .
 بوتون متفقلری امدادینه قوشدیلر . درت جسور قوماندانی
 واردی که شجاعت مجسمه تلقی ایدیلیورلردی . بونلر جلایر
 قبیله سندن موغلی ایله چلائو هوئن Tchelaohoen ، آرلات
 قبیله سندن پورچو Portchou ، اویشون [۱] قبیله سندن
 پورغو Porgou ایدیلر . تموچینک اردوسنده غربدن کلمش بر
 مجوسی ده واردی که فن حربده غایت ماهر ایدی .

سنه
 ۱۲۰۳

تموچینک ای عسکرلریله کیده رک آلتای [۲] داغلرند
 اونک خانه التحاق ایتدی . جموقانک اردوسی اوراده قرارگاه
 قورمشدی . بویوک بر مصادمه یه کیریشلمک اوزره ایکن
 قوتنه اعتماد ایدمه یین و تموچین عسکرلرینک جسارتندن
 قورقان جموقا حربه جسارت ایدمه دی . حیلله یه مراجعت
 ایدرک اونک خان ایله تموچینک آرالرینی بوزمغه چالیشدی
 و بوکا موفق اولدی . اونک خان تموچینی او قدر قیصقاندی که
 کیجه لین صاووشه رق اونی دشمنک تکمیل قوتلرینه قارش
 یالکنز براقدی و آساولی Asaouli نهرینه دوغرو
 چکیلدی . اورادن تولا شهری جوارلرینه کیتدی . تموچین
 کیدوب تولا و لونون نهرلری آراسنده موقع آلمغه مجبور

[۱] چینلیلر بونلره هیو هو شین دیورلر .

[۲] چینلیلر آلتای داغلرینک بر قولی اولان شائو داغنه .

کیتدی دیورلر .

اولدی . نایمانلر اونك رجعتندن استفاده ايله اونك خانك تبعه سی اولان کرایتلا اوزرینه هجوم ایتدیلا ربوتون اقامتگاهلارینی تخریب ایللایلر . او قدر آلچقجه سنه ترك ایتش اولدیغی تموچینه مراجعت مجبوریته قالدان اونك خان کندیسنی مدافعه ایتمه سنی رجا ایچون اوکا متعدد ساعیلر کوندردی . تموچینك قوماندانلری در حال حرکت ایدلرک نایمانلری مغلوب ایلایلر . دشمنك کرایتلردن آلمش اولدیغی بوتون غنائمی استرداد ایتایلر . بو قدر بویوك بر خدمت ایکی حکمداری باریشدیردی . اونك خان قیزلردن برینی تموچینك بویوك اوغلی توشنییه ویرمکی وعد ایتدی . تموچینده اونك خانك اوغلنه کندی قیزی ویرمك تعهدنده بولوندی .

غوبیل
تاتارلرک تاریخ
عمومیسی

جموقا ، اونك خانك بر کره دهه ضعفندن استفاده چاره سنی بولدی ، ایکی خانك آراسنی ینه آچدی . خفیف مشرب وموسوس بر حکمدار اولان اونك خانك سنکون [۱] اسمنده براوغلی واردی . جموقا بونی تموچین ايله اتفاقدن آیرمق ایچون بوتون مهارت وخدعه سنی صرف ایتدی . موغول خانك پدرینك غایت مدهش بر دشمنی اولدیغی واونك خانه قارشى حرب ایچون نایمانلر خانيله اتفاق ایتدیکنی آکلاتدی . سنکون ، جموقا ايله اولان ملاقاتنی باباسنه حکایه

[۱] چینلیلر بوکا ایلاهو دیرلر .

ايتىدىكى زمان اونك ده قناعى صارصىلدى . نايما نلر خانيه
 دشمندى . بو خانك كىندىسىنى مو اچون پچاره لر اراماسى
 بك طبيعى اولدىغى اچون ايشيتدىكى بو سوزلر دهه نى قولايجه
 ياتىوردى . فقط صو كره ، كىندىسىله تموجين عائله سى
 آراسنده من القديم موجود اولان اتقاقى و دوستلغى دوشونه رك
 تموجينك دشمنلر طرفنى التزام ايله بو رابطه لرى قيرمغه
 قالقه جغه احسان ويره ميوردى . نهايت ، بو مختلف دوشونه لرك
 فنا تاثيرنده ، احتياطلې بولونمغه قرار وىردى [۱] .

تموجينك ياپدىغى او قدر خدمتلر اونك خانى جوقانك
 سوزلرینه اينانما مغه ميل ايتدىريوردى . فقط تموجينك
 قدرت وسطوتندن اوز كيوردى . بناءً عليه تموجينه بو قداى
 قىحات نامنده برىنى سفير كوندرك يكيدين دوستلغنه طائب
 اولمغه وعىنى زمانده چو جوقلرى آراسنده تصور ايتدكلرى

[۱] روبرو قوئىس بو وقايقدن بك قارىشيق صورتده بحث
 ايدىر . اونك خانه Unc ياخود Vuk دىر و بونى قاره خطايدى
 حكران اولان قون خانك قارده شى ديه كوستىر . اغلب احتمال
 كوره بو كور خاندرك خيتانلرك ايمپراطورى اولان كور خان ايله
 قارىشدىريور . كىلاى بونى كيوك ايله ده قارىشدىر . واوكا كن
 خان نامنى وىرىر . اونك خانك تبعه سنه قرىت مركىتلر يعنى كرايتلر
 و مركىتلر دىيور . موغوللار موآلار نامنى وىرييور . جنكيزك اعلىند
 اولدىغى سويليور . يوقايدى كورولدىكى اوزره موغول خانلرى
 دميرجىلكه اشتغال ايدىن كيمسه ارك نسلندن كليورلردى . بومصالده
 بوندن جيقه شدر .

صهریتك موقع اجرایه وضعی ایسته مکه قرار ویردی .
 سفیر ، بو مناسبتله تموجینی بالذات اونك خاك نردینه دعوت
 ایتمه مأمور ایدی . تموجین کلیر گلر کنديسینی اولدیرتمك
 ایچون قرار ویریلشدی . تموجین سفیری حسن صورتله قبول
 ایتدی . جوقاك تحریکاتندن خبری اولمادیغی ایچون ، اونك
 خاك مملکتك یوانی طوتدی . فقط یولده قاین پدری منکلیك
 ایچقایه راست کلدی . بو اوننی کرایتلی خانك تصوراتندن
 خبردار ایتدی . بونك اوزرینه درحال کریه دوندی ، سفیری
 اعاده ایتدی . افندیسینی دعوت ایتك ایسترسنده او موسمنده
 مواشی پك ضعیف اولدیغندن کنديسینی لایقی وجهله اعزاز
 ایده مه مکدن قورقدیغنی ، بونی باشقه بر زمانه ، اونك خاك
 کنديسینی زیارته کلمه سندن صوکره یه تعلیق ایتدیکنی سویله دی .
 بوقوملرك اخلاق وعاداتنده ایشته بو قدر ساده لك واردی .
 حکمدارلرده تبعه لری کبی سوت ایله ومواشیلرینك اتلرله
 یاشارلردی . ایجابنده بو حیات راعیانیه نی ترك ایله اردولره
 قوماندا ایدرلردی . اوزاقدن بیوک برر حکمدار کبی تلقی
 اولونورلردی . جینکیز خان نفوذ وقدرتك اك صوکره درجه سنه
 واصل اولدیغی زمان بیله عینی طرز معیشتی ترك
 ایتدی . سفیرك عزیمتندن بر قاچ کون صوکره بری بادای
 Badu دیکری قیشلیق Keschlouk نامنده ایکی قاردش کلرک [۱]

[۱] هر ایکسی ده کلکنوت قبیله سندن ایدیلر .

تموچینی اونك خانك تصور اتندن خبردار ایتدیلر . اونك
 خان ایلک تصویرینی موقع اجرایه وضع ایدمه یخه شیمدی موغول
 خانی علی الغفله باصمق فکرینه دوشمشدی . مملکتلری بربرینه
 قومشو اولدیغی ایچون اونك خان ایرته سی اقشام عسکرلریله
 برابر سفره چیقہ جق و طلوع شمسده تموچینك قرارگاهنی
 باصه جقدی . غائب ایدہ جك وقت یوقدی . قوتلی بر دشمنه
 قارشى قویہ جق درجه ده قوته مالک اولمایان تموچین حاضر لایمغه
 وقت بولدیغی جهتله علی العجله ایکی بیك بشیوز کیشی طوپلادی .
 قاریسنی ، چوجوقلرینی ، موایشیسنی و بوتون اشیاسنی بالجونہ
 بالیغ Balzuna balig نامنده امین بریره یوللادی . دشمننه
 متانتله منتظر اولدی . هر دقیقه محاربه یه حاضر اوانق ایچون
 معیتده کیلره کیجه لین بار کیرلرینك دیز کینلرینی طوته لرینی امر
 ایتدی . طلوع شمس وقتنده اونك خان اون ایکی بیك کیشی
 ایله کوروندی . تموچین عسکرلرینی ایکی یه آیردی . برنجی
 قسم ایله پوصویہ یاتدی ، دیکرینه ده کرایتلرک تعقیب ایدہ جکلری
 یول اوزرندہ اخذ موقع ایتہ لرینی سویله دی . دشمن پیشداری
 کوروندیکی زمان بوترتیبات حسیله هر طرفدن احاطه ایدیلیوردی .
 درحال پریشان ایدلدی . پیشدار مفرزه سننه مظاهرت ایتک
 ایسته ین اونك خانك واوغلی سنکونك مساعیسی فائده سنزقالدی .
 حتی بونلری طوپلامغه بیله موفق اولامادیلر . کندیلری ده
 بوزولدیلر . سنکون بر اوق ضربه سیله یوزندن مجروح اولدی .

تموچین کندیلرینی تعقیب ایتمه‌نی موافق کورمدی. کرایت‌لرک
تکرار هجوم ایتمه‌لرندن قورقولا بیلردی. اونلرک بوتون
اردولرینی طوپلایه‌رق یاپه‌جق‌لری هجومه مقاومت ایده‌بیله‌جک
حاله دکلدی. بالجونه بالیقه دوغرو چکیلدی. فقط اوراده
اوزمان صو بولونمادیغی ایچون اورخون [۱] نه‌ری ساحلنده
قرارگاه قورمغه مجبور اولدی. قنقرات قبیله‌سی بونه‌رجوارنده
ساکن ایدی. تموچین یا کندیس‌یله دائماً متفق قالمق یاخود
دشمنلرینک طرفی التزام ایتدیکنی علناً سویله‌مک تکلیفی ایله
بو قبیله رئیسینه بر ضابط کوندردی. ترکه ایل تردد ایتدی.
بوتون قبیله‌سیله تموچین اردوسینه التحاق ایتدی. برلکده
قولانور یاخود تولانهرینه دوغرو یورویه‌رک اورادددوردیلر.
تموچین بادورچین قبیله‌سندن ارقی جیون بهادر Arcadgium
bahadur ی نانکورلک‌کندن و دسیسه کارلغندن دولای
مؤاخذاتده بولمق اوزره اونک خانه کوندردی. بوسفیر اونک
خانه شو سوزلری سویله‌دی :

غوبیل
تاتارلرک تاریخ
عمومیسی

« عموجه‌کیز کورخان سزی مغلوب ایتدیکی زمان بسو‌کای
نزدینه التجا ایتدیکی‌کیزی ، اونک‌ده سزی مملکت‌کزه تکرار
کوندردیکی تخطر ایدی‌کیز. برادر‌کیز ایکه‌قرا سزه قارشى
ایمانلری تحریک ایتدیکی زمان فراره مجبور اولدیغی‌کیزی ،
پسو‌کایک سزه عسکر ویردیکنی و بوعسکرک مرکیتلری مغلوب

[۱] شیمدی بونلره قالا صو دیورلر.

ایده رک نایمانلر طرفندن پریشان ایدیلله کیزه میدان ویرمدکاری
تخطر ایدیگز . پسو کایک وفاتندن صو کره افنده تموچین
چوق کره سزده اولمادیغی زمان کندی مواشیسندن سزه
ویزمشدر . مرکیتلره قارشى آچدیغیکز حربده سزه غایت
لزوملی بر صیراده امداد کوندردیکی حالدده آلان غنائمی اولجه
قرارلاشدیغی وجهله پالاشمقدن امتناع ایتدیگز . تموچین
هر زمان دشمنلر کیزک تصوراته مانع اولمغه چالیشمشدر .
بو قدر ایله که مقابل بو کون بویوک بر نانکورتک کوستر مکن
باشقه بر شی یا پمایورسکیز . »

بو سوزلره جواب ویره جک برلا قیردی بولامایان پک
محبوب اولان اونک خان سنکونک کندیسنه جواب ویره جکینی
سفیره بیان ایتدی . صوک مصادمه ده آلدیغی یارده دن دولایی
پک قیزغین اولان وانتقام آلمق حرصنه دوشن سنکوت هیچ
برائتلافه یاناسمق ایسته مدی . تموچین دهها باشقه تشبثلرده
بولو دیسه ده هپسی فائده سز قالدی .

غوبیل

قبیله لردن بعضیلری بو ایشه مداخله ایدرک تموچینک
نزدینه کیتدیله . قارده شی جوجی قاسار Joudgicasar ،
قونقورات قبیله شی رئیس قاین برادری و اچو Ouatchou
قورلاسلرک [۱] رئیس پوقو Poukou ، اونک خانک

[۱] چینلیلر بونی ایکی لیه سسلرک رئیس عد ایدیورلر . بن بو
قبیله یی قورلالر یا خود قالاچلر دییه تاقی ایدیورم .

برادری ایکه قرا [۱] ودها سائرلری اورخون قریبنده
پانچونی Pantchouni نهرینه کیتدیله . بوجی قاسار
بوراده بر بارکیر کسیدیدی . تموچین نهرک صویندن
آلهرق ایچدی و ایچرکن بوتون حیاتنده طاتلی و آجی
شیلری بو رئیسارله و قوماندانلرله پایلاشه جغنه یمین ایتدی و بو
یمینی نقض ایدرسه ایچدیکی صو کی اولماسنی سویلهدی . بوتون
بو رؤساده اوکا امثالاً عینی یمینی ایتدیله و او تاریخن اعتباراً
تموچینه غایت مربوط قالدیلر .

ایکی دشمن اردو بربرلرینه تولا و کرلون نهرلری آراسنده
تصادف ایتدیله . اوراده قانلی برمحاربه اولدی . تموچین بونده
تماماً غالب کلدی . اونک خان ایله اوغلی سنکون قاجدیله .
بوتون تبعه لری تموچینه عرض تابعیت ایتدیله . تموچین اونک
خانی تعقیب ایچون برمفرزه کوندردی . اونک خان طوتولدی .
فقط قاجغه موفق اولدیغی جهتله نایمانلرک اراضیسنه التجا
ایتمک ایسته دی . او زمان نایمانلرک خانی تایانغ خان - Tayang
khan ایدی . فقط نایمان قبیله سندن ایکی کوچوک رئیسک [۲]
النه دوشدی . بونلر اونی حکمدارلرینک دشمنی کی تلقی
ایدهرک معیتده کیلرله برابر قفاسنی کسیدیلر و تایانغ خانه
کوتوردیلر . تایانغ خان بو حرکتلرینی تقییح ایتدی . اونک

غوبیل
تاتارلرک تاریخ
عمومی
ابوالفرج

[۱] بوکا یا قاقارا دخی دیرلر .

[۲] اسملری قوری ماجو ایله نامینادر .

خانہ جلاداق دکل بالعکس رهبرک ایتمه لری لازم کلدیکنی
 سویله دی . اونک خانی یاشندن دولای شایان حرمت بویوک بر
 حکمدار کی تلقی ایدیوردی . باشنی کوموش ایله چرچیوه -
 له تهرک اوتوردیغی یره قویدیردی . ایشته حقنده بر چوق
 مصالار روایت ایدیلن بو مشهور راهب ژانک عاقبتی بویله
 اولمشدر . نسطوری مذهبنی قبول ایتمش اولان اونک خان
 ژان اسمنی آلمشدی . بوندن دولاییدرکه ابوالفرج کندیسنه
 قرال یوحنا دییور . راهب دنیلمه سی ده اغلب احتماله کوره
 نسطوریلرک کندیسنی راهب یامش اولمالرندن ایلری کلمکده در .
 نسطوریلر کیم ایسترسه حتی چوققلره بیله بو موقعی بخش
 ایدرلردی . اونک خانک اوغلی سنکون بر مدت تبعه سی
 آراسنده صاقلی قالدی . صوکره ، تانغوت یاخود هیا قراللغنه
 چکیلیدی . اورادن طرد ایدیلدی . خوتن الکاسنه کچدی .
 قالات قبیله سندن قالیزوها (کلنجوها را) اونی اولدیرتدی .
 باشنی ، قاریسنی ، چوققلرینی و بوتون اشیا سنی تموچینه کوندردی .
 کرایتله و خانلرینه یاپیلان معاملله نایمانلرک خانی تایانغی
 قورقوتدی . تموچینک قوت وسطوتنه قارشى قویمق ایچون
 بر هیئت اتفاقیه وجوده کتیرمک لازم اولدیغنه حکم ایتدی .
 موغول خاننک دشمنی جموقا کندیسنک یانده ایدی . سلاحه
 صاریلغنه تشویق ایدیوردی . اونغوت قبیله سنک رئیس

آلاقوس [۱] Alakus ی کندیلرینه جلب ایتمهک چالیدیلر.
 تموچینک نفوذ و قدرتی کیتدجکه قورقوله جق بر شکل آلدیغنی ،
 تحت اطاعتنه آلدقلرینه پک خشین معامله ایتدیکنی ، ایلری
 کلنلری قتل ایتدیره رک قوتی آرتدیرمق ایچون افرادی محافظه
 ایله دیکنی ، بوتون اونک خان عائله سنی اورته دن قالدیردیغنی ،
 بوندن دولایي عمومک منفعتی و تاتارستانک محافظه سی ایچون بر
 اتفاق وجوده کتیردکلرینی بیان ایتمک اوزره کندیسنه برسفیر
 کوندردیلر . تموچینه مربوط اولان آلاقوس بو اتفاقه داخل
 اولمای رد ایتدی و موغول خانه کیفیتی خبر ویردی .

تموچین کندیسنه تابع اولان بوتون قبیله رئیسـلرینی
 درحال طـوپلادی . تعقیب ایده جکلری پلانه دائر اونلرله
 مذاکره ده بولوندی . هپسی ، بارکیرلرک صوگ سفردن
 هنوز یورغون اولدقلری جهته نایمانلرله حربه کیتمک ایچون
 باشقه برزمانه انتظارایدیله سی فکرنده بولوندیلر . فقط تموچینک
 عموجه سی داریتـلای اولجینگان [۲] Daritlai olzingan
 سلاحه صاریلق ایچون وقت غائب ایتمه مک الزم اولدیغنی بیان

[۱] چین تاریخی بوکا آلاؤوس دییور . آلتای داغلرینک
 جنوب شرقیسنده اقامت ایدن بیاض تاتارلر قبیله سنک رئیسـی ایدی .
 آلاؤوسک قدم تورک حکمدارلری نسلندن اولدیغی ده ینه چین
 تاریخی سویلیور .

[۲] بوکا داریتـلای بولای ده دیرلر . چینلیر کندیسنه قان چه
 قین نامنی ویریورلر .

ایله اردو ایچون لازم اولان بوتون بارکیرلری کندیسینی
 ویره جگنی تأمین ایلدی . در حال حربه قرار ویریلدی . تموچین
 نایمانلردن اول داورانمق ایچون تکمیل عسکرلرینی طوپلادی .
 پک اعتماد ایتدیکی زنانوویان Zena novian ی دشمنک حالندن
 وقوتندن خبر آلمغه کوندردی . بو قوماندان بر نایمان طوته رق
 تموچینه کتیردی . بوتون تایانغ خانک مارقاتلر = مرکیتلر ،
 اویراتلر ، تسویجه راتلر ایله برلشدن صو کره آلتای یاخود
 سیدبا نهرینی کچمش اولدیغنی و تموچینک قبیله لرینه دوغرو سرعتله
 ایلریله دیکنی خبر آلدیلر . تموچین هیچ وقت غائب ایتدی . یوله
 چیقادی . بز قاق کون صو کره کشف قوللری دشمن اردوسنی
 بولدیلر . تموچین صف حرب ترتیب ایتدی . صاغ جناحک
 قومانداسنی قاردشی جوجی قاساره صول جناحک قومانداسنی اوغلی
 توشییه ویردی و کندیسینی مرکزیه کچدی . دشمنه هجوم ایدرایتمز
 تهلهکلی صورتده مجروح دوشن تایانغ خان جوارده کی برتپه یه
 چکیلدی . قوماندانلری ارتق پک از بر عمری قالمش اولدیغنی
 کوره رک غالبک آلنه دوشوب قورقدقلری معامله لره اوغرامامق
 ایچون صوک درجه یه قدر مدافعه ده بولونمق عزیمتله بر هجوم
 یاپدیلر . محاربه تکرار باشلادی . برچوق کشی تلف اولدی .
 تایانغ خان کوستردکلری اثر صداقتدن ممنون اولدیغنی بیان
 ایدهرک تموچینه تسلیم اولمالری ایچون عسکرلرینه امر ویردی .
 فقط بونلر اطاعت ایتدیلر . بر عسکر قالمایجه یه قدر حرب

ایتدیله . تایانغ خان اوغلیله امنتده قالان برقاچ کشیله قاجغه
تشیث ایتدی ایسه ده یولده اولدی . اوغلی كشلوك Keschlouk
تایانغك بویوك برادری و نایمان خانلرندن بری اولان
بویروكك زردینه چکیلدی .

سنه
۱۲۰۵

بویو یوك مظفريتدن صوكره ، موسم پك ایلریله مش اولدیغی
ایچون تموجین قیشلاغه چکیلدی . فقط ایرته سی بهارده سفره
چیقدی . مارقاتلرک خانی توقتابك Tocta begh ۱۷۱ دائماً
موغول خاننك دشمنلریله برلشمشدی . نایمانلرله اولان صوك
محاربه یه ده اشتراك ایتمش و بوزغونلغك بدايتنده معیتله برلکده
بویروق خانك یاننه چکیلمشدی . تموجین بو کوچوك خانی محو
ایتمزسه مظفريتنی تام عد ایتیه چکدی . اراضیسنه کیردی .
بوتون مارقات = مرکیت قبیله سنی تحت انقیاده آلدی ،
اردوسنی تزید ایچون بونلردن بر چوق آدم آلدقن صوكره
تانغوتلر خاننك یاخود هییالر قرالنك اراضیسنه آقین یامغه
کیتدی . صوكره کندی ممالکینه عودت ایتدی . اوراده ،
برچوق قبیله لر کنديسینه عرض اطاعت ایلدیلر . بونك اوزرینه

۱۲۰۶

اردولرینك بوتون رؤسای و قوماندانلر نومانقوره - Nauman
coura الكاسنده اونون نهرینك منبعنده بویوك بر مجلس
طوپلادیلر . منکلیق ایسكانك اوغلی بر خواجه ئی میدان
چیقاردیلر . بو آدم کنديسینی مظنه دن ادعا ایدیوردی . چوللرده

ابوالفرج
تاتارلرک تایغ
عمومیسی

[۱] چینایلر کنديسینه توتو دیورلر .

دولاشير ، غايت زاهدانه ياشار و بويوزدن اطرافنده كيلر
اوزرنده بر تائير و نفوذى حائز بولونوردى . قيشك اك
شدتلى زماننده بيله چيلاق كزردى . بر مجلسده ، جناب
حقك كنديسنه عيان اولديغنى ، و جناب حق طرفندن ،
دنيانك تموجينه ويريلديكنى ، بعدما او كاجنكيز خان دنيلمه سنى
ايسته ديكنى ، نسلندن كله جكلرك كافه سنك خان اوله جقلرينى
بيانه مأمور بولونديغنى سويله دى . بو حر كت موفقيتله نتيجه لندى .
هيچ كيمسه تموجينك خانلغه ارتقاسنه اعتراض ايمه دى .
طوپلانان عسكرلر مختلف دوقوز بايراق آلتنده دوقوز قسمه
تفريق ايدىلاشدى . هپسى ده تموجينه جنكيز خان يعنى غايت
بويوك خان نامنى ويرديلر [۱] . بوندن صوكره جنكيز خان
ناميله ياد ايدىده جكمز تموجين ، مو قلى غويانغ [۲] Mokli gouïang
ايله پورچونى كنديسنه وزير و قوماندان ياپدى .

سنه
۱۲۰۷
ابوالفدا

باشلرنده بويروق خان اولان نايمانلر اوزمانه قدر جنكيز
خانه عرض اطاعتدن استسكاف ايلشلردى . بويروق اونك

[۱] سوزى شايان اعتماد اولان تاتارلرك تاريخ انسانى محررى موغول
لساننده « جين » بويوك ، « كيز » ادات تفضيل اولديغنى سويليور . بو
اسمى چينغ - قى - سه شكائنده يازان چينليلر بوكله نك خرافه آلود بر قوشك
سسسى اولديغنى بيان ايدىورلر .

[۲] چينليلر بوكا موهولى دىورلر . غويانغ لقبى اغلب احتمال
كوره چينجه او آنغ يعنى قرال كله سندن محرفدر . بولقبى او كا
جنكيز خان و برمشدى .

تکميل دشمنلریله مناسبتهدار ایدی و بو دشمنلرک مقدارینی غوبیل
 آرتیرمغه چالیشیوردی . جنکیز خان عسکرلریله بویروقلک
 قرارگاهى اوزرینه یورودی . اوراده بوخانک آوه چیقمش
 اولدیغنی خبر آلدی . کندیسنی تعقیب ایتدیردی . بویروق
 خان اله کچیریلدی و قفاسی کسیدلی . بویروقلک آدمیلرندن
 بری درحال تایانغ خانک اوغلنه و عائله سنک سائر افرادینه
 ایشی خبر ویردی . هپسی قاچدیلر و ایرتیش نهرینه دوغرو
 چکیلدیلر . اوراده برلشهرک قوتلی برهیئت وجوده کتیردیلر .
 کندیلرینه مرکیتلرک خانى توقتا بك ظهیر اولیوردی . جنکیز
 خان بوتون اسیرانی و غنائمی کندی مملکته کوتوردی .
 و ایرته سی بهارده عسکرینک باشنه کچهرک ایرتیش نهرینه دوغرو کیتدی .
 رئیسلى قوناقابك Conaca begh نامند بری اولان سويجراتلرله
 آرسلان نامنده بر رئیسك اداره سی آلتنده بولنان قارلیقلر [۱]
 جنکیز خانک قوتنه قارشى قویمغه جسارت ایدم مدکلری جهته
 وکا عرض اطاعت ایتدیلر . و اونى کشلوکلک و توقتا بکلک
 قرارگاهلرینه کوتوردیلر . بونلر جنکیز خانک حرکتندن
 خبردار اولور اولماز قاچشلردی . توقتا بکلک آرقه سندن
 یتیشیلدی و اسیر ایدیلدی . جنکیز خان اونى کندى آلیله
 اولدیردی . کشلوک ، قاره خطایده یعنی کاشغر الکاسنده

تاتارلرک تاریخ
 عمومیسى
 نيساوى

[۱] چینایلر بوتیللهیه آلالو دیورلر .

حکمران اولان کور خانك ۱۸۱۱ يانئە التجا ايتدى . قديم خيئان قومئە مئشوب اولان بو کور خان اونى تحت حمايە سئە آلدى ، كئديسئە قيزى وىردى . مؤخرآ بو كشلوك اونك اك بويوك دشمنى كسئىلدى وقارە خيئانلر [۲] ايمپراطورلغئاك يادى انقراضى اولدى .

تاتارلر ك تاريخ
عمومئسى
بو قدر قبئلەلر ك حا كى اولان جنكيز خان دىكرلرى دە تحت انقيادە المئى دوشوندى . آلتاي وتارامئش نامندە ابكى سفىرى قرجيسلرە كوندرەرك كئديسنى بويوك خان طائىمالرىنى طلب ايتدى . جنكيز خانە قارشى قويە جق درجە دە قوتلى اولمايان قرجيسلر رئىسى اوروس اينال Urussinal اطاعتە مجبور اولدى . قوماندانلرئندن برىنى عرض بيعت ائچون جنكيز خانە كوندردى . عىنى زماندە ھديەلر دە تقديم ايديوردى . بو ھديەلر آراسئندە شونقار Schonkar دىنلن بر قوش دە واردى . پك نادر اولان بوقوش ، آياقلىرى ، غاغاسى و غايت كوزل بر قيرمىزى رنك دە اولان كوزلىرى مستئنا اولمق اوزرە بم بياضدر . سويجراتلر دە قرجيسلرە امثال ايتدىلر . جوقا مغلوبئتدن صوكرە اونلر ك زدينە چكىلمش اولدىغى ائچون كئديسنى جنكيز خانە كوندردىلر . اودە اعضالرىنى برر برر

[۱] روبرو قويئسك قون خان ياخود قن خان ديدىكى اودر .
قارە خطايدە حكمران ايدى .

[۲] چينلىلر بولرە سىلە آئو ياخود غربلە آئوسى ديورلر .

قوپارته رق جوقايه مدهش اشكنجه ياپىردى . جنكىزخان مغلوب اولسه ايدى جوقا اوکا بويله معامله ايتمك ايسته يوردى . بوسورتله ، هنوز تحت اطاعته آلتاماش متعدد قبيله لر جنكىز خان طرفنى التزام ايتدىلر .

سنه

۱۲۰۹

ايغورلر [۱] اوزمان عددجه كشير برملت ايدىلر . خصوصى برخانلرى واردى . عنوانى ايدىقوت [۲] Idikout ، اسمى ده بانرجيك Banerzik ايدى . بو حكمدار وقتيله قاره خيتانلر ك ياخود غربى له آئولرك ايمپراطور اولان كورخانك تحت حمايه سنه كيرمشدى . كورخان ، شواقوم Schouakom نامنده بر قوماندانى ايغور مملكتنك حالى وقوتلرى حقنده استحصال معلومات ايتمك واوراده اجرأى تاثير ايله مك اچون كوندرمشدى . ايغورلر بو بدعته ممانعت ايدىرك اوزرلرنده كى بويوندوروقدن قورتولمق ايسته دىلر . حكمدارلرى ايدىقوت ، كورخانك قوماندانى اولدىرتدى . جنكىزخانك كنديسنه دخالت ايدىلرى خير خواهانه قبول ايتدىكنى خبر آلدىغندن تبعه سييله برلكده تحت تابعيته كيرمك تكليفنده بولونمق و كورخانك تشبثاتنه قارشى حمايه سنى رجا ايله مك اوزره اوکا سفيرلر كوندردى . جنكىزخان ايدىقوتك اميدى دائره سنده جواب

[۱] چينلىلر بونلره اوئىنى او اولح ouci-ou-ulh دىيورلر .

[۲] چينلىلر بوکا ايتوهو Itouhou دىرلر واسمىنك پارچوقورتى

تكين اولدىغنى سويلر . ايدىقوت روح طرفندن مرسل دىمكدىر .

ویردی . بونک اوزرینه ایدیقوت زنکین هدیه لرله بالذات .
موغول خاننک نزدینه کیتدی و اولادلری آراسنه قبولی
ایچون استرحاماتده بولوندی . جنکیزخان قیزلرندن برینی
کندینه ویردی . صوکره ایدیقوت اوکا دائما غایت صادق
قالمش والکای قوماندانلرندن بری اولمشدر .

روبروقوئیس

ایغورلر [۱] تاتارستانده من القدیم مشهور ایدیلر . علومه
وصنایعه اهمیت ویرمشلردر . سائر تاتارلر حرفلرینی والقبایلرینی
اونلردن اوکرنیدیلر . چینلیلر کبی یوقاریدن آشاغییه دوغرو
یازارلردی . سائر تاتارلرله عینی دیندن اولمقله برابر باشقه بر
مذهبه منسوبدرلر . راهبیلرینک یاخود لامالرینک باشلری
وصاقللری تراشلیدر . صاری اثواب کیرلر . عقیف قالمغه پیمان
ایدرلر . بر نوع مناسترلرده یاشارلر . عددلری یوزی کچر .
دعا ایتدکلری زمان اللرینی چیرپه رق شمال طرفنه دونرلر .
صوکره بر دیزلرینی یره واللرینی ده آلنلرینه قویارلر . معبدلری
شرقدن غربه دوغرو طولانیدر . شمال طرفنده بر کوچوک
اوطه بر آز دیشارییه دوغرو چیقار . معبد مربع اولورسه
بو قسمی اورتیه ، جنوبه دوغرو یاپارلر . بونک ایچنده محرابه
بکزر بریر واردر . آرقه سنده اک یاشلی صنملرینک دوردیغی
کورولور . اطرافنده مرسم ومذهب دها برچوق پتلموجوددر .
بومحراب اوزرینه موملر وتقدمه لر قویارلر . بو معبدلرک تکمیل

[۱] پلان قارپن بونلره اوئیس Huires دیور .

قایلری جنوبه ناظر در . لامالر بورایه کیتدکاری زمان هیئت
مغنیه نك قارشیسند بولونان صیرالرك اوزرند اوتورورلر .
الرنده بر کتاب وارد . معبدده بولوندقلری مدتجه باشلری
آچیق دورورلر . کتابی سسسز اوقورلر ، درین بر سکوت
محافظه ایدرلر . دائماً بر تسبیح طاشیرلر . هر تسبیح چکیشده
اومام هاقتاوی Ou-mam-hactavi یعنی « یاربی ، سن
بیلیرسك » کله لرینی سویلرلر . هپسنك باستنده مقوادن یاپیش
کلاهلر وارد . اولدجه دار صاری بر اثواب کییرلر . بللرندن
قوشاقله باغلارلر . دها اوستنده برده مانتولری وارد .
معبدلرینك اطرافنده دائماً بویوک وکنیش بر آولو بولونور .
بونك ده اطرافنه بویوک بر دیوار چکیلمشدر . اصل قاپی غایت
بویوکدر . بر لر یله قونوشمق ایچون اوراده طوپلانیرلر . بوقاپینك
اوستنه بویوک بر صیریق ربط ایدرلر . بوتون شهردن بوصیریق
کورونه بیلیر . بوده اوراده بر معبد بولوندیغنی آ کلاتمق ایچوندر .
بونلرك ده اولدجه بویوک چاکلری وارد .

مملکت دینك یعنی فو دینك راهبیری اولان بولامالردن روبروقوئیس
باشقه او تاریخده بر چوق محمدیلر ونسطوری خرسقیانلرده
واردی . فقط روبروقوئیسك روایتنه نظراً بونسطوریلر او
قدر جاهلیدیلر که کتابلرینك محرر اولدیغنی سریانی لسانی بیله
آ کلامازلردی . اخلاقلری ده پك بوزوقدی . مرابحه جی ،
سرخوش ایدیلر . حتی بعضیلری تاتارلر کبی بر قاچ

قادین ایله اولمشلردی . مسلمانلر کی آبدست آلیرلردی .
 مسلمانلر کی اولنلرده بازاریرینه جمعه کوننه حرمت ایدرلردی .
 یسقیوسلری آنجق الی سنده بر کره بورایه اوغراردی . کادیکی
 زمان بوتون ارکک چو جوقلری ، حتی بشیکده اولانلری بیله پاپاس
 یاپاردی . بو صورتله ارککلرک قسم اعظمی پاپاس اولمش
 بولونوردی . بوتون تاتارستانه یایلمش اولان نسطوریلرک
 بو حرکتی اوزمان خرسقیانلغه قارشى آنجق نفرت تلقین ایدردی .
 موغوللرک و لامالرک حیاتی دهها دوز کون ایدی .

غوبیل

جنکیزخان بو ملتك عرض اطاعت ایتمه سی نتیجه سنده
 تاتارستانك غایت بویوک بر قسمنه صاحب اولدی . آرتق
 غرب طرفنده تحت تابعیتیه آلنه جق یالکیز کاشغر مملکتینده
 مقیم قاره خیتانلر ایله جنوبده هییا یاخود تانغوت قرالغندن
 عبارت قالمشدی . بونك حکمدارلری چینك متعدد سنجاقلرینه
 صاحب دیلر . جنکیزخان ابتدا بو سنجاقلره توجیه خصومت
 ایتدی . ایلاک دفعه اوله رق چینه کیردی ، سد کیره یاقلاشدی .
 تیغ هییانك غربنده کائن اولان بعض مواقعی اله کچیردی ،
 لیغ چه ئو شهرینی آلدی ، تانغوت قرالنگ معتاد مقری اولان
 تیغ هییا شهرینی محاصره یه حاضر لاندی . فقط تانغوت حکمداری
 لیغان تسوئن Li - gan - tsuen موغوللاره خراج کذار اولمه یی
 قبول ایدرک و قیزلرندن برینی جنکیز خانه زوجه لکه ویره رک
 بو فلا کتیرک اوکنی آلدی .

جنكيز خان كندىسنى كوردىكمز بودرجه عظمت وسطوته
 يوكسلمه دن اول موغوللار نيوچه ياخود قين تاتارلرينك
 خراجكندارى ايدىلر. اونلر اوزمان شرقى تاتارستانك وچينك
 شمال ولايتلرينك حاكمى بولونيورلردى . وقتيله بونيوچه لرك
 ايمپراطورى چانغ تسونغ تاتارلرك سنه لك ويركوسنى آلمق اوزره
 تاتارستانده قويو هو تونه [۱] يون تسى عائله سندن بر حكمدار كوندردى.
 مشدى. يون تسى بوتون نفوذى جنكيز خانى اولديرتمكه حصر
 ايلمشده نيوچه لر ايمپراطورى هيچ بر زمان بوكا موافقت
 كوستر مه مشدى . يون تسى [۲] چانغ تسونغه خلف اولدى
 و موغوللردن ويركولرىنى ويرمه لرىنى ايستهدى . بويله بر تكليفه
 موافقتنى كوستر مه جك درجه ده كسب قدرت ايتمش اولان
 جنكيز خان كندى ممالكى داخلنده حكمدار مطلق اولديغنى،
 يون تسى يى هيچ بر زمان بر متبوع صفتيله طائىمايه جغنى بيان
 ايتد كدن باشقه دائما ايمپراطور اوله رق برابن سمايه مالك اولمالرى
 لازم كلن چينلىلرك كندىلرينه برابن آدم بيله بولامامش
 اولدقلىرىنى مقام استهزاده علاوه ايتدى . جنكيز خان
 يون تسى نك وقتيله كندىسنه قارشى بسله مش اولديغى فنا
 فكرلردن انتقام آلمق املنده اولديغى جهته نيوچه لرك تابعيتنى

[۱] چينجه ده تسينغ چوئو .

[۲] عربلر بوكا آلتون خان ديرلر . آلتون چينجه قين كله سنه

معادلدر . باء عليه آلتون خان نيك قينلرك خانى ديمكدر .

سیلکوب آتمغه پک خواهشکر ایدی . یون تسی جنکیز خانی
توقیف ایتدیرمک ایسته دی . برمدت اول نیوچه لر جنکیز خان
منسوبیتندن چینغ یوهای نامنده بر موغول رئیسینی اولدیرتمشلردی .
بو اسباب جنکیر خانی مدھش براردو طوپلامق اوزره کرلون
نهرینه دوغرو یورو مکه سوق ایتدی . بواردو عسکرو قوماندان
اوله رق اک جسور کیمسه لردن ترکب ایدیوردی . قوماندان
چپه نویان [۱] Tchepe . novian ایله ایملی قوهای
Illi . kohai استکشافانده بولونمق اوزره شانشی و په چه لی
حدودلرینه دوغرو یورو مہ لرینی امر ایتدی . بو آقینده یالکنز
بعض یغمالرله اکتفا ایتدیلر . صوکره بو قوماندانلر کلوب
اردونک قسم کلیسنه التحاق ایله دیلر .

سنه
۱۲۱۰

خیتانلر نیوچه لر طرفندن منقرض ایدیلد کدن صوکره
کاشغره دوغرو کیتمش اولمقله برابر شرق ولایتلرنده وبالخاصه
اوزمان نیوچه لر ایمپراطورلغنک مرکزی کبی اولان له آتوتونغده
بونلردن پک چوق قالمشدی . بو خیتانلرک موغوللره التحاق
ایتمه لرندن قورقولا بیلیردی . جنکیز خانه قارشى قویمق ایچون
هردرلو تدارکاتده بولونان یون تسی بونلرک حرکاتی بالخاصه
نظر دقتده بولوندیرمق لزومنی حس ایتدی . بومقصدله بعض
عائله لرک مقیم اولدیغی یرلره برچوق نیوچه عائله لری کوندردی .
بو اوامر خیتانلری برقات دها دارلتمغه سبب اولد . صوکره

[۱] عربلر بوکا جبه یاخود هبه نویان Hubbé دیورلر .

جنکيز خان بو حسياتدن استفاده يولنى بولمىدى . يون تسي قاراموران ياخود هواغ هودن له آتوتونغه وارنجيه قدر بوتون سدچين بويجه موجود واقعه قواي محافظه اقامه ايلدى .
 بو ائناده قارليقلرك آرسلان خانى عسكرلريله برلكده كلهرك جنكيزخانه عرض خدمت ايتدى . ايغورلرك ايديقوت خانى ده مملكتك محافظه سي اچون لازم كلن تدابيرى اتخاذا ايتمك اوزره جنكيزخان نزدينه كيتدى . صوكره جنكيزخان عسكرلرينك باشنه كچدى و يون تسينك تحقيراتندن انتقام آلق اوزره جنوبه حربه كیده جكنى علناً بيان ايتدكن صوكره كرلون جوارندن حركت ايله دى . يون تسي اونك يورومه سنى خبر آلتجه كندى قوتلرينه اعتماد ايدمه مكه باستلادى . بعض صلح تكلفياتنده بولونديسه ده بونلر قبول ايديلمه دى . چه په نوويان موغول عسكرلرينك كزیده قسميله سدچينك تاتونغ فونك شمال غربي سنده و شمال شرقي سنده كاڻ بعض موضعلرى زورلامىدى . باشقه مفرزه لرده سدچينك شمالنده كاڻ استحكاماتى ضبط ايتمىلردى . ياننده قوماندان موغلى Mogli بولونان جنكيز خان په چهلولى ولايتى داخلنده پائوغان و ين قينغ موقعلرينى على الغفله اله كچيردى . مجوسى ديتنده بولونان ديكر بر قوماندان ين قينغدن اوچ درت فرسخ مسافه ده كاڻ قويونغ قوآن قوه محافظه سنى اله كچيردى . نيوچه لر واليسى بو مهم موقعى ذره قدر اثر مقاومت كوسترمكسزىن

سنه

۱۲۱۱

کمال جېانتله ترك ايتمشدى . جنكيز خان سيوئەن هوا فوقربنده
نيوچه لرك بويوك بر قول اردوسنى دها بوزدى . قوماندان
چپه نوويان قويونغ قوآنده يرلشدكن صوكره نيوچه لرك
پاختنك قاپلرينه قدر آقنلر ياپدى . جنكيز خانك اوغللرى
توشى، چغتاي، اوقتاي معيتلرنده كى عسكر ايله شرق طرفلرىنى
تخرىبه كيتدىلر . بو ائىئاده جنكيز خان آرقەسەندە دردنجى
اوغلى تولى ايله موغلى اولديغى حالده يورويەرك سيوئەن هوا فويى
وتاتونغ فو ۱۱ جوارنده كى استحكاماتى ضبط ايتدى . جنكيز
خان بوتون بو محارباده برادرى جوجى قاسار [۲] ايله تانغوت
ملتدن ايشاھان Icha han و سوداي بهادر [۳] دن چوق
معاونت كوردى .

ايشته جنكيز خان اردوسەنك جينده كى ايلك موفقياتى
بونلردر . خيتانلرله اولان مذا كراتندن ده جنكيز خان دها
آز مستفيد اولمش دكلدر . كرلوندن حركت ايتدىكى زمان
قايىن برادرى قونقوراتلر قىيله سى رئيسى او آچينه خيتانلرى
نيوچه لره قارشى سالاخە صاريلمغه سوق ايچون له آئوتونغ
حدودلرينه كىتمك امرىنى وىرمشدى . او آچين اورايە حين
مواصلتە ايشلرك پك ايلر يله مش اولديغى كورمشدى . بو

[۱] بو شهر اوزمان سى قىنغ ياخود غرب سرايى ، پاختى اسمى
طاشيوردى .

[۲] چىنلبلر بوكا هاسار ديورلر .

[۳] چىنلبلر بوكا سوپوتاي ديورلر .

خیتانلرک رئیس اولان لیه ئوقو، نیوچه لره قارشى عصیان ایتک
و جنکیز خانہ عرض تابعیت ایلک مقصدیلہ یوز بیك کشیلاک
بر قوتک باشنه کچمشدی . حتی یدوب جنکیز خانى بولمق
ایستهمش ایدیسهدہ عسکرلری و بارکیرلری هنوز بو سیاحتہ
تحمیل ایدہ جک حالده دکلایلر . او آچینه سویله دیکی
سوزلری اثبات ایتک ایچون له آئوتونغ داخلندہ موغدهنک
شمالندہ کائن قین اسمندہ بر داغه کیتدی . اوراده بر
بیاض بارکیر ، بر سیاه صغیر قربان کسیدی ؛ بر اوق
قیردی . جنکیز خانہ صداقت یمینی ایتدی . نیوچه لرک خیتانلر
قارشى کوستردکلری فنا معامله لراونلری موغوللرک نیوچه لره قارشى
حربه حاضر لاندقلرینی خبر آلیر آماز سلاحه صارلمغه سوق
ایتمشدی . طرفیندن رهینه لر تعاطی ایدیلد کدن صوکره ،
نیوچه لرک بو خیتان عصیانى توقیف ایچون پک قوتلی مساعی
صرف ایدہ جکلرینی تخمین ایتمش اولان جنکیز خان خیتانلرک
رئیس اولوب له آئو حکمدار عائله سندن کان لیه ئوقویه قرال
عنوانى ویردی ، بو اقوامی اداره ایچون اونک مملکتنه بر
قوماندان کوندردی . او آجین ایله چه په نویانی عسکرلریله
برلکده لیه ئوقویه مظامرت ایتکه مأمور ایله دی . موغوللر
خیتانلره التحاق ایدر ایتمز لیه ئوقو عمومہ کندیسنی قرال دییه
طانتدی ، بر چوق واقعی ضبط ایتدی و نیوچه لر اوزرندہ
بویوک بر مظفریت احراز ایله دی . یو ایلک موفقیتلر بر چوق

شهر لرك تسليم اولماسنه ونيوچه لرله تابع قالمش خيتانلرك تماماً عصيان ايله لرينه سبييت و يردى . ليوئوقو بوتون قوتيله له آئو-تونلغك پايختى اولان واوزمان شرق سرايى ياخود پايختى عنوانى طاشيان له آئويانغى كيدوب ضبط ايتدى . نيوچه لر ولايتك قسم متباقيسنى محافظه ايجون بر چوق عسكر طويلامغه مجبور اولديلر .

جنكيز خان ده تاتارستانده ، پكينك شمال شرقيسند هوام چه ئونامنده بر شهرى ضبط ايتدى . قوماندانى موغلى سد كير قربنده كى استحكامات متباقيه يي اله كچيردى . آرتق چينه دها قولايقله نفوذ ايد بيله جكلرى جهتله كيدوب تاتونغ فوي محاصره ايتمه قرار و يرديلر . نيوچه لر ايمپراطورى موغوللره قارشى قويق اوزره درحال قوماندان هوشاهو [۱] Hou-cha-hou ايله وان يه نى Van-yen اوچ يوز بيك كشيلىك بر اردو ايله درحال اعزام ايتدى . فقط بوتون بو عظيم اردو فائقت عددیه سینه و ابراز ايتدىكى مقاومت شديدیه رغماً سيوئن هو آفو Siuen-hoa-fou قربنده پريشان اولدى . جنكيز بو مظفريتدن صوكره تاتونغ فوي محاصره يه آلدى . قوه محافظه بر خروج حركتى ياپدى . بونده موغوللار پك چوق ضايعات و يرديلر . بر اوق ضربه سيله تهلكه لى صورتده يارالانان جنكيز خان تاتارستانه عودت شقنى اختيار ايله دى . بو صورتله نيوچه لر

سنه

۱۲۱۲

[۱] كنديسنه قى شعليه ناني ده ويريرلر .

سیوئەن ھوآ فودا خلندە پاٹوغانە Pao-gan و قویونغ قوآنە تکرار
کیردیلر .

سنه
۱۲۱۳

بو موقعلر نیوچەلرک النده چوق زمان قالمادی . جنکیز
خان ، یاراسی اییشیر اییشمز ، تکرار چین یولنی طوتدی .
ضبط ایتیش اولدقلری شهرلردن چینلیلری قوغدی .
اردوئری قویونغ قوآن قریبندە بوزدی . قوماندانلردن بری
سد کیرده قوپهقهئو Kou pe-keou نی ضبط ایتدی . چپه
نوویان سد کیرک نان قهئو نامندە بر کچیدینه کیده رک اورادن
قویونغ قوآنە کیردی . بر مدت صوکره نیوچەلر
شانسی وپهچەلی حدودلری اوزرندە ئوھوئەنی داغندە
قیلیجدن کچیریلدیلر .

موغوللر موفقیتلرینی قسماً نیوچەلر سرائیندە کی نفاقه مدیون
ایدیلر . بر مدت اول قوماندان ھوشاھو عزل ایدیش ، صوکره
اردولر قوماندانلغی ینە کندیسەنە ویریلەرک پایتختک شمالندە
قرارگاه تأسیس ایتک اوزره کوندلش ایدی . آرتق انتقامدن
باشقە برشی دوشونمەین ھوشاھو ایمپراطور یون تسی یی محو
ایتمکە عزم ایلە یەرک ابتدا دشمنلرک ترقیاتی منع ایچون ہیچ
بر تدبیر اتخاذا ایتدی . ایمپراطورک اوامرینە رغماً اودن باشقە
بر شیئله مشغول اولمادی . صوکره ، کندی ادعاسەنە کورە ،
کشف ایتدیکی بر سؤقصدی بو غمق ایچون پایتختە یاقلاشدی .
سرای جوارندە ، موغوللرک شهرک قاپیسەنە قدر کلش اولدقلرینە

دائر برشایعه چیقارتدی . متعدد محله لری اله کچیردی . کندیسینه
شبهه لی اولانلری اولدیرتدی . نهایت ایمپراطوری خلع ایتدیردک
سرایه حبس و مؤخرأ اوراده قتل ایتدیردی . کندیسینی
ایمپراطور اعلان ایتدیرمک نیتنده ایدی . فقط بو تصورک
اجراسی پک چوق مشکلاته معروض قاله جغنی کوردک بو
عنوانی پرنس سیونه Siun ویردی .

جنکیزخان بوقاریشیققلاردن خبردار اولور اولماز نیوچه لرک
پایتختی محاصره ایتمکه عزم ایلهدی . چپه نویان بش بیك
سوارى ايله جنکیزخان اردوسینه التحاق ایتدی . تسائو
نامنده کی قاناله یاقلاشدیلر ، کوپرویی کچمکه تشبث ایلدیلر .
هوشاهو آياغنده کی بریاره دن دولایی آرابه ايله کیتمکه مجبور
اولمقله برابر موغوللارک پیشدار قطعه سنی تماماً بوزدی . فقط
یاره سی ایرته سی کونی دشمنه قارشى دورماسینه امکان بر اقمادیغی .
ایچون قاثوقی بی بوکا مأمور ایلهدی و کندیسینه بش بیك کزیده
عسکر ویردی . قاثوقی کافی درجه ده سرعت کوستره مه دی .
بوندن طولایی هوشاهونک کوزندن دوشدی . هوشاهو
کندیسینی اولدیرتمک ایسته یوردی . بوقوماندانک مزیاتی
خبر آلان ایمپراطور هوشاهونک مقصدینه ممانعت ایتدی .
قاثوقی عسکرلریله ایلری یورودی . موغوللاری مغلوب
ایتمزسه اعدام ایدیه جکنی هوشاهو مقام تهدیده
کندیسینه سویله مشدی . قاثوقی دشمن مواجهه سنده بولوندیغی

زمان شدتلی بر شمال روز کاری چیقدی . روز کار نیوچه
 عسا کرینک کوزلرینه توزوقوم دولدریوردی . قاتوق مغلوب
 اولدی ، پایتختنه کیرمکه مجبوریت حس ایتدی اعدام ایدیلکه
 منتظر اولدیغی جهتلہ عسکریلہ برلکده هوشاهونک سراینه
 قوشه رق اطرافنی قوشاتدی . هوشاهو باغچه سنک دیواری
 اوستندن قاقچق ایسته دیکی صیراده دوشدی ، بر باجانی قیریلدی ؛
 قاتوقینک عسکرلری طرفندن توقیف و قتل ایدیلدی . قاتوق
 کندیسنک باشنی کسهرک ایمپراطورک سراینک قاپیسنه تعلیق
 ایتدیردی و اعدام جزاسنه محکوم اولمق اوزره کیدوب تسلیم
 اولدی . فقط ایمپراطور بر فرمان مخصوص ایله کندیسنی عفو
 ایتدی واردولر باش قوماندانلغنه تعیین ایله دی .

جنکیز خان وضعیتی و نیوچه لرك قوتلرینی آکلادقن
 صوکره هر طرفدن کندیلرینه هجوم ایتمکه ، صوکره
 پایتختلری اولان ین قینغ اوزرینه یورومکه قرار ویردی .
 ین قینغ شهری بوکونک پکین شهری کی تلقی اولونابیلیر .
 اسیر الدیغی چین ضابطلرینه قارشى کوستردیکی حسن معامله
 اونلری کندى اردوسنده خدمت ایتمکه سوق ایله مشدی .
 جنکیز خان ، اردوسنده کی چین عسکرلرینک باشنه بوا-یر
 چین ضابطلرینی کچیردی و بوتون عسا کرینی درت قوله
 آیردی . برنجی قول باشنده بولونان قیه تاي ایله هاتای
 ین قینغک شمالنده قرارگاه تأسیس ایتک امرینی آدیله .

جنگیز خانك اوغللىرى توشى، چغتاي، اوقتاى . پكىنك
جنوبىندە و جنوب غربىسىندە اولان ممالكى قارامورانە قدر
تخریب ايندىلر . پوچا ايله جنگيز خانك قارداشى جوجى قاسار
شمالده له آتوتونغه دوغرو ده كيزه قدر عىنى شىي ياپدىلر .
جنگيز خان اوغلى تولى ايله پەچەلى داخلىدە ھوقىقەن فويە،
شانتونغ داخلىدە تىنان فويە و دھا سائر مواقعە دوغرو
يورودى . نيوچەلر ھر طرفە برچوق قواى محافظە كوندىلردى؛
نەرلر كچىدلر نى ، داغلر ك بوغازلر نى مدافعە اچچون دە
عسكەرلر اقامە ايتىلردى . جنگيز خان مدافعە سىز بولونان
كوى وقىصبەلردە كى اختىيارلر ، قاديىلر و چوجوقلر
طوپلاتەرق اردولرىنك باشنە كچىردى . بوسورتلە برشەر
مواجهە سەنە كلدىلر زمان چىنلىلر بابالرىنى، والدەلرىنى،
زوجه و چوجوقلرىنى كورنچە اونلر قانى دوكمك قورقوسىلە
محاربەدن امتناع ايتدىلر . پەچەلىدە ، شانتونغدە ، شانسىدە،
قارامورانك شەمالىدە كى ھونان قىسمىندە فلاكت پك عظيم اولدى
دوقسىماندن زيادە شەر يىغما و ياتخرىب اولوندى . كويلر
و كوچوك قىصبەلر كول حالە كىتىرىلدى . وياشلىرى و معلولىلر
دولايىسىلە كىندىلرندن استفادە قابل اولمايانلردن بىكلر جەكشى
قتل اولوندى . پك عظيم مقدار دە قىز واركل چوجوقلر اسىر
آلدى . آتون ، كوموش ، اىپكلى قماش ، مواشى نامنە

نه وارسه هپسی ضبط ایدیلدی . موغوللره آنجق اون شهر
مقاومت کوستره بيلمشدر .

سنه

۱۲۱۴

جنکيز خان شانتونغدن عودتنده بوتون قوتلريني براردو
حالنده جمع ایدهرك ين قينغي محاصره يه كيتدی [۱] وشهرک
شمال طرفنده قرارگاه قوردی . بوتون قوماندانلر درحال
هجوم مساعده سنی رجا ایتدیلر . فقط تاتارستانه چکيلمك
نیتند بولونان جنکيز خان اذن ویرمدی . قوماندانلرنندن برینی
نیوچه لر ایمپراطورینه کوندرهرك عظیم هدایا ایله موغوللرک
حدتی تسکین ایتمه سی ، النده آرتق پایتختی ين قينغدن باشقه
برشی قالمادیغنی دوشونمه سی لازم کله جکنی آکلاتدی .
جنکيز خان برحاک صفتيله سوزسویله یور و آرزوسی جبراً
قبول ایتدیریوردی . نیوچه لر ایمپراطورینک ضابطلرنندن بری
عقد ایدیلن مجلسده ، دشمنه قارشى یورونمه سی فکرند
بولوندی . چونکه موغول اردوسی خسته لرله دولو ایدی .
بناءً علیه اوزون مدت سفره تحمل ایده جک حالده دکلدی .
دیگر بر قوماندان بالاکس غائب ایديله جک بر حربک پک بویوک
قناغی کوروله جکنی ، حالبوکه احراز ایديله جک بر موفقیتدن
پک آز بر منفعت استصحال ایديله جکنی سویله دی . عائله لری
باشقه یرلرده بولونان عسکرلرک شهردن چیقماقدن باشقه
برشی دوشونمه دکارینیده علاوه ایتدی . ایمپراطور بوفکری

[۱] دردنجی چین آینده .

تصویب ایله موغوللره صلح تکیلفنده بولوندى . جنکیز خان
بوکا موافقت کوسترەرك ایمپراطورك کندیسنه زوجه اولق
اوزره متوفا ایمپراطور یون تسینک قیزلرندن برینی بش یوز
دلیقانلی وبش یوز کنج قیز ایله برلکده ویرمه سنی طلب
ابتد کدن باشقه اوچ بیٹ بار کیر، ایپکلی قاشلار وبرچوقده
پاره ایسته دی . بوتون بونلری آلدقن صوکره محاصره نی
رفع ایله دی، قویونغ قوان طریقله چکیلدی . چین ولایتلرنده
اسیر آلمش اولدیغی قادین ارکک بوتون کنجلیری ازلدیرتدی .
عددلری پک چوق ایدی .

نیوچه لر ایمپراطوری موغوللارک ورودندن اوقدر
قورقمشدی که پایتختی پیهن له آنغه [۱] یاخود هونان داخلنده
قای فونغ فویه نقل ایتکه قرار ویردی . ناظرلری بوفکرک
علیهنده ایدیلر . شمال ولایتلری بویه ترک ایدیله جک اولورلرسه
الدن حیقاجقلرینی سویله یورلردی . فقط قرارینی ویرمش
اولان ایمپراطور خزینهلری توکنمش ، قوتی ضعیفله مش ،
جوارلر شهرلر تخریب ایدیلش اولدیغی جهتله ین قینغده تحت
امنیتده بولونمادیغی بیان ایتدی . عائله سیله وبرمفرزه عسکرله
یوله چیقدی . اوغلی ولی عهد ایله بعض ق ماندانلری اسکی
پایتختک آسایشنه باقمق اوزره اوراده ترک ایله دی . ایمپراطورك
بوحرکتی وصوکره تعقیب ایتدیکی مسلك کندیسنی بوتون

[۱] پیهن له آنغ عمان هان بوکونکی قای فونغ فو شهرینک یرنده ایدی .

توتون مھوايلەدى . يولەدە عسكەرلەرنىڭ بار كىرلىرىنى وزرھەلەرنى
 ايستەدى . قىسم اعظمى عصيان ايدەرك قوماندانلىرىنى اولدىردىلەر .
 باشقە اوچ قوماندان انتخاب وتەين ايلەدىلەر . بونلار ك آراسىندە
 قانتانامىندە بىرىدە باردى . صوكرە بوعسكەرلەر كرىيە دونەرك
 پكىندىن ايكي فرسخ مسافەدە بركچىدى طوتدىلەر . بوايمپراطورە
 مطيع قالمش اولان خىتانلردە عىنى زماندە عصيان ايتدىلەر .
 چونەكە ايمپراطور اونلار ك ايلرى كلنلرندىن بعضىلەرنىڭ باشلىرىنى
 كسىدىر مشدى . بو معاملەدن دل كىر اولان ب چوق خىتانلر
 كوتورە بىلدەكلەرنىڭ كافەسىنى الەرق جنكيز خانك اراضىسىنە
 چكىلدەلەر . بونلار ك عدم مەنۇنىتلىرى جنكيز خان اوردوسىنە
 التحاق ايتەبى وعد ايلەين قانتانك تشويقاتنە انضمام ايدىنچە
 جنكيز خان بونى وسىلە عد ايدەرك چىنە كىردى . نيوچەلر
 ايمپراطورنىڭ قاى فونىغ فويە چكىلدەكلەرنى دويدىغى زمان تاتارستاندە
 ھوآم چەئودە بولونىوردى . حرمى جاھنە تابىع اولەرق ، قوماندان
 ماسغان بەھادىرى [۱] masgan قانتايە التحاق و بەدە ين قىنغى
 محاصرە ايلەمك اوزرە سوق ايتدى .

تاتارلار ك تاريخ
 عمومىسى

غوبىل

نيوچەلر ايمپراطورى موغوللار ك يورويشندىن خبر آلر آماز
 اوغلنە ين قىنغى ترك ايلە قاى فونىغ فويە كلەسى ايچون امرويردى .
 بعض قوماندانلر ايمپراطورك بونىتنە ممانعت ايتدىلەر . بالعكس
 حدودلرى تقويە ايتمك وولى عھدى او شەردە براقق فەكرندە

[۱] چىنلىلر بوكا مىنغان دىيورلر .

ایدیله. فقط اوللرک رأینه اهمیت ویریلهدی. کنج شهزاده نك
عزیمتی ین قینغ و جوار شهرلر قوای محافظه لرینک جسارتلرینی
قیردی. نیوچه لر آرتق ضعفلرینی صاقلایه مایورلردی. جنوبده
حکمران اولان سونغ Song لرسالاهسی ایمپراطورلری بوندن
استفاده ایدهرک مجبور اولدقلری ویرکولرینی ویرمکدن امتناع
ایلدیلر. فقط عینی زمانده موغوللرک نیوچه لری تمامیه محو
ایتمه لرندن و صوکره جنوبه کیرمه لرندن قورقدقلری جهته
نیوچه لره قارشى حرب ایتک اوزره تانقوت قرالیله برلشمه دیله.
نیوچه لر هنوز موغوللره اوزون مدت مقاومت ایده بیله جک
برحاله ایدیلر. له آئو تونغده ایکی یوز بیک کشیک بروردولری
واردی که بو اوردو اولکی سنه لرده بعض شهرلری و بالخاصه
ولایتک مقری اولان له آئو بانغ شهرینی استرداد ایتمشدی.
جنکیزخان کرک خیتانلر رئیس لیه ئوقویه مظاهرت اینک کرک
په چهلای ولایتی ایله له آئو تونغک مواصله سنی کسمک اوزره
اورایه قوماندانلری موغلی ایله اوئیر Oüir ی کوندردی. [۱]
نیوچه لرک بویوک اوردوسی چوق کچمه دن داغیلدی. بوموغوللرک
قوتندن زیاده باشلیجه رؤسانک اهاتی یوزندن وقوعه کلشدی.
لیه ئوقوله آئو بانغی و موغده نی [۲] تکرار ضبط ایتدی و موغلی په

[۱] ۱۲۱۴ سنه سنک دوقوزنجی شهر قریسنده.

[۲] بو شهره اوزمان په کین یاخود شمال سرایی ویا پایتختی دیرلردی.

تسلیم اولدی . بو قوماندان سائر مواقع قوای محافظه سنی
 قورقوتمق ایچون بر چوق عسکرلری عرض انقیادده پک چوق
 کجیکدکلری بهانه سیله قتل ایتدیرمکه باشلادی . بو حرکتک
 سائر قوای محافظه بی صوک درجه ده مقاومته سوق ایده جکی
 یولنده اعتراضات وقوع بولونجه یه قدر بونده دوام ایتدی .
 موغلی متعدد مفرزه لر آیرارق مختلف طرفلره سوق ایتدی .
 بونلر له آئو تونغدن چینه کیتمک ایچون کچمه سی مجبوری اولان
 بوتون نقطه لری اله کچیردی لر . سنه نک نهایتنه دوغرو موغلی
 ین قینگک شرقنده کائن مهم بر قطعه اولان تونغ چه ئوی ضبط
 ایله دی .

سنه

۱۲۱۵

نیوچه لر ایمپراطوری پک آز بر منفعت مأمول اولان بو قدر
 ضررلی بر حربه دوام ایچون اها لیدن پک یوکسک ویر کولر
 ایسته مکه مجبور ایدی . دلکیر اولان بعض رؤسا ویر کولرک
 چوقلغنی بهانه طوته رق کیمییسی موغوللره تابع اولدیلر ،
 کیمییسی اعلان استقلال ایتدیلر . دیگر طرفدن ، له آئو تونغده
 مقاومت کوستره بیله جک درجه ده قوتلی اولان خیتانلر ،
 رئیس لری لیه ئوقویه ایمپراطورلغنی اعلان ایتسنی وموغوللرک
 بویوندوروغندن قورتولماسنی تکلیف ایلدیلر . فقط جنکیزخانه
 صادق فله جغه عهد وميثاق ایتش اولان لیه ئوقو بوکا راضی
 اولمادی . بو عنوانی آلیرسه جناب حقک اراده سنه قارشى کلمش
 اوله جغنی ظن ایدیوردی . بو نقطه ده پک تضییق ایدیلمه سی

ایچون اوغلی سیه تویی جنکیز خان ایچون زنکین هدایا دولو
دوقسان آرابه ایله کوندردی . موغول خانی بونلری آلمادن
اول ، لیه ئوقونک ابراز ایتدیکی صداقتی الهی شاهد ایتک
ایستر کبی کچهلر اوزرنده تشهر ایتدی . سیه تویی غایت ای
بر صورتده قبول ایتدی . کندیسنه صادق اولان عائله لرك
احوالی مبین بر وثیقه ویردی . بونلرك مقداری آلتی یوز
بیکه چیقیوردی . سنه نهایتنه دوغرو لیه ئوقو کلوب بالذات
جنکیزخانه عرض تعظیبات ایتدی .

خیتانلر طرفنده بو احوال جریان ایتکده ایکن موغوللر
شرقلیلرك خان بالیغ تسمیه ایتدکلری ین قینغ محاصره سی ایله
مشغولدیلر . بو شهر قیطلقدن مضطرب اولغه باشلامشدی .
نیوچه لر ایمپراطوری تامین فوده پک چوق ارزاق حاضر لاتدی .
قوماندانلرندن بعضیلرینه محصورینک امدادینه کیتمک وبالخاصه
بوارزاقی شهره صومق امرینی ویردی . فقط ایلك یوله چیقان [۱]
لی اینغ Li-ing تجربه سز ، عباس بر آدم اولدیغی ایچون پاچه ئونک
شمالنده باصغینه اوغرادی . بوتون قافله یی موغوللر ضبط ایتدیلر .
دیگر قوماندانلر بو خبری آنجه قاچدیلر . ین قینغ هیچ
بر معاونت کوره مدی . بونک اوزرینه ، قلعه یه قوماندانلر
وان یهن ایله مونیه ن شهر ی دها اوزون مدت مدافعه ایده بیلیمک
امیدینی غائب ایتدیلر . وان یهن عسکره دوغرودن دوغرویه

غوبیل

تاتارلرك تاريخ
عمومیسی

قوماندا ایدن دیگر قوماندانی بولدی ، اسارته دوشمه مک
ایچون اتخاردن باشقه برچاره قالماش اولدیغنی سویله دی .
مونیهن بونصیحته توفیق حرکت ایتمکدن استنکاف ایتدیکی
جهتله وانیهن حدتله چکیلدی ، کیدوب اجدادینه مراسم
احترامیه یادی ، ضابطلرندن برینی چاغیردی و اوکا اولمکه
قرار ویرمش اولدیغنی بیان ایتدی . دها اول ، ایمپراطوره
ویریلک اوزره برمخطره قلمه آلدی . بونده ای برحکومت
اساساتی رضع ایدیور ، ایمپراطورک استخدام ایتدیکی ناظر قاتوقنک
قباحتلرینی صایور ، نهایت پایتختنی محافظه ایدمه دیکی ایچون
اولومه مستحق اولدیغنی اعتراف ایلوردی . صوکره بوتون
اموالنی اطرافنده کیلره توزیع ایتدی . اونلر گوز یاشلری
ایچنده ایدیلر . برفیلجانه زهر دولدورته رق یاننده بولونان
برضابطی دیشاری چیتارتدقن صوکره بونی ایچدی . ایشته
بوجسور قوماندان بوصورتله ترک حیات ایتدی . شهرده یالکیز
قالان مونیهن اوکون اک قیمتدار اشیا سیله برلکده شهردن
چیقمغه حاضر لاندیغنی صیراده سرای قادینلرندن بعضیلری
کلوب کندیسنی کوردیلر و برلکده کیتمک ایسته دیلر .
کندیلرینه یول کوسترمک اوزره ایلریدن یورومه سی لازم
کلدیکنی سویله دی . قادینلر بوسوزلره ایناندیلر و سراهه دوندیلر .
مونیهن در حال مقریننی و دوستلرینی طوپلادی . ایمپراطورک
قادینلرینی غالبک ألنه و کیفنه براقه رق شهردن چیقدی .

موغوللار يىن قىنغە كىرەرك شەرى ضبط ايتدىلار . قارغشەلق
 ايچىندە اھالىدن وضابطاندىن پىك چوق كىشى تلف اولدى .
 موغوللار سىرايە آتش وىردىلار . يانغىن برآى سوردى .
 اوزمان تاتارستاندە ھوآم چەئودە بولونان جنكىزخان بوبويوك
 مظفريتدن دولايى قوماندان ماسقانى تبرىك ايتدى وخزىنەدە
 بولونان اىپكىلى منسوجات ايله آلتون وكوموشى تاتارستانە
 نقل ايتدىرمەسى ايچون امرووردى . جنكىزخان طرفندن
 كوندىرلىش اولان قوتوقتو نوپان Koutouktou ايله سائر
 ايكى قوماندان بو وظيفە ايله مكلف اولدىلار . مونىەن پائوتىنغ
 فويە چكىلمىشدى . اورادن قاي فونىع فويە كىتدى . اىمپراطور
 پاتختك ضبطندن دولايى كىندىسنە برشى سويلەمدى . حتى
 مھم برمأمورىت وىردى . فقط برآز صوكرە اونى اولدىرتدى .
 بوقوماندان فنا املار بىسلەمكلە متھم ايدى . مخطرەسى
 اىمپراطورە تقدىم ايدىلن وانىەن ، ترك حيات ايتىش اولمقلە
 برابر ، وانغ ياخود قرال عنوانىلە تىجىل ايدىلدى .

يىن قىنغك ضبطندن صوكرە جنكىزخان قوماندان ماسقانە
 خىتانلار حكمدار عائلەسندن ايلي چوتساي [۱] Jli-tchou-tsai
 نامندە برضابطى كمال دقتلە تحرى ايتىك ايچون امرووردى .
 بونى بولدىلرى زمان جنكىزخانك حضورىنە كوتوردىلار .
 جنكىزخان او كاقارشى او قدر بويوك برحس تقدىر بىسلەدى كە

[۱] كىندىسنە اختصاراً چوتساي دىيورلار .

کندیسی وزیر اعظم یاپدی. صو کره قوماندان سانکه پا Sankepa یه
 شنسی وهونان حدودلری اوزرنده کی داغلرده کائن مشهور
 تونغ قوآن کچیدینی زورلاماسنی امرایتدی. سانقا پا اون بیک
 سواری ایله وتانغوت قرالی الکاسی طریقله سیغان فویه
 کیتدی وتونغ قوآن دن کچمکه بهوده یره تشبث ایله دی. سونغ
 داغی واسطه سیله باشقه بریول تعقیب ایتمکه مجبور اولدی.
 اورادن یوچه ئویه کیتدی. درین سیل یاتاقلری اوزرندن
 کچمک لازم کلیوردی. بونلرک اوزرنده عسکرلرینک ضرراقلریله
 کوچوک کوپرولر یاتاق مجبوری تی واردی. بویوزدن اوغرا دیغی
 برچوق یورغونلقلردن صو کره نهایت قای فونغ فو پیشگاهنه
 واردی. فقط ایمپراطورک عسا کری برخروج حرکتی یاپه رق
 کندیسی قونغ قوآن دن اون بش فرسخ مسافه ده شن چه ئویه
 چکیلیمکه مجبور ایتدی. قاراموران نه ریخی بوزطوتمش بولمق
 بختیارلغنه نائل اولدی. بوزلر اوزرندن کچهرک قاچدی.
 نیوچه لر ایمپراطوری اوزمان جنکیز خانه بعض صلح تکلیفاتنده
 بولوندی. فقط جنکیز خان پک آغیر شرائط درمیان ایتدیکی
 جهتله تکرار سلاحه صار یلمق اوزره ایکی طرف آریلدی.

سنه
 ۱۲۱۶

بواشاده قوماندان اویرایله موغلی له آئوقونغ ده موغول
 بویوندوروغندن قورتولمغه تشبث ایتمش اولان بعض قوتلری
 داغیمق ایله مشغول ایدیلر. اوراده برخیلی ضابط براقدی لر.
 بونلردن بری اولان چانغ پینگه چینده بولونان عسا کره التحاق

ایتمک ایچون موغلی طرفندن امر ویریلدی . موغلینک فکری
 مهم بعض مواعی اله کچیرمکدی . فقط چانغ پینگ موغوللره
 خیانت ایتمکده اولدیغنی خبر آنجه اونی قتل ایتدیردی .
 بوخائنک قاردشی چانغ چی اونک انتقامنی آلمغه عزم ایدرک
 همان قین چه ئوی وسیراموران [۱] نه ری ایله شرقی ده کیز
 آراسنده کائن اولان سائر بعض مواعی ضبط ایلدی ؛ قرال
 عنوانی آلدی ، نیوچه لک طرفنه کچدی . نیوچه لر کنديسنى
 له آتوقونغه کی اردولرینک باشنه کچیردیله . موغلی مستحکم
 بر موقع اولان قین چه ئوی کلوب محاصره ایتمک مجبور اولدی .
 بوراده اولدجه مهم بر قوه محافظه واردی . عینی زمانده
 قوماندان اویره جوار برداغ اوزرنده کی بر موقعی ضبط ایچون
 امر ویردی . دیگر بر قوتی ده بوموقع ایله شهر آراسنه هردورلو
 مناسبت ومواصله یی کسمک ایچون برلشدیردی . چانغ چی
 امداده کیتمک ایسته دی . شهر دن چیقدی . موغلی کونش
 دوغار کن کنديسنى بردن بره باصدی . عسکرلری قیلیجدن
 کچیردی وقین چه ئویه چکیلمک مجبور ایتدی . اوراده ده
 بر آیدن زیاده مقاومت کوستردی . قوای محافظه ضابطلرندن بری
 کنديسنى موغوللره تسلیم ایلهدی . موغلی ده باشنی کسیرتدی ،
 شهری ضبط ایتدی .

نیوچه لر چینده ده دهایی بر مقامت کوستره میورلردی . نهایت

[۱] چینگه ده له آتو دیورلر .

توئىغ قوآنى زورلامغە موفىق اولان [۱] موغوللار يۈچەئو
شەرىايىلە سۈئىغ داغى آراسىندە قارارگاھ توردىلار. ايمپراطورلارنىڭ
پايتختى اونلرى اوقدر يقىندە كورمىكەن تلاشە دوشىدى .
ايمپراطورلارنىڭ مجلسىندە برچوق مذاكرات جريان ايتىدى .
موغوللارنىڭ كلوب قاي فونىغ فويى محاصرە ايتەلرەن قورقورلردى .
اونلرى دوردىرمق ايجون براردو چىقارمق ، كىدوب
قونىغ قوآنى استرداد ايله مك ، شىنى حدودلرىنى وقاراموران
كچىدلرىنى تەككىم ايدوب موغوللارنىڭ ھونانە آقېن ياپە بىلمەلرېنە
مانع اولمق تەكلىف ايدىلدى . فقط ناظر قاغموقى بوفىكرلەر
ھېچ اھمىت وىرمىدى ؛ ايمپراطورە يالەكز پايتختى مدافىعەدن
باشقە برشى دوش-شۈنمە مەيى توصىيە ايتىك صورتىلە چىندەكى
نيۈچەلر ايمپراطورلارنىڭ انقراضى سەبب اولدى . جىسارنى
حسبىلە بەادر [۲] لىقىلە ياد ايدىلەن قوماندان ساموقا Samouka
اوزمان موغول اردوسىنە قوماندان ايدىيوردى . ھونان داخلىنە
آقېنلر ياپىقدىن سوكرە قاراموران نەرىنى تەكرار كچمىش ايدى .
شانسى داخلىندە پىك مەھم برشەر اولان پىم يام فو اوزرىنە
يورويوردى . درحال بوشەرك والىسى سۈتېنىغ جواردە
كەندى اسرى آلتەندە بولونان مواقع ضابطانە عسكەرلرېلە

[۱] اونجى شەر قىردە

[۲] بەادر جىسور دىمىكەر . چىنلار بونى پاتورو دىيە تەلفىز

ايدولر ، اسمى كچن قوماندانە ساموھو دىرلر .

برابر التحاق ایتمه‌لری امرینی ویردی. بونلردن براردو تشکیل ایله موغوللره هجوم واونلری پریشان ایتدی.

جنکیز خانك قوماندانلری اردولرك باشنده چینده بولونقلری صیراده جنکیز خان حرب یورغونلقلرندن تاتارستانده لوقو Lou-ku شهری قربنده انشا ایتدیردیکی برسر ایده دیکله نیوردی. بونهرک کرلون نه‌ری ایله عینی شی اولدیغی ظن ایدیلیور. جنکیز خان اورادن تولا نه‌ری قربنه کیده‌رك سراینك بوتون اکابرینی طوپلادی؛ غرب جهتنده یکی بر حرب تهدیدینه معروض قالان ایمپراطورلغنك اموری حقنده مذکراتده بولوندی. تاتارستانده متعدد قبیله‌لر سلاحه صاریم‌لشلردی. خوارزم سلطانی جنکیز خانك ایکی مملکت آراسنده مناسبات تجاریه تأسیسی مقصدیله کوندرمش اولدیغی سفیرلری قتل ایتدیرمشدی. ابتدا عاصی قبیله‌لری تنکیل ایتیه‌یی مناسب کوردیلر. چینده یاپیلان فتوحاتی محافظه ایچون لازم کان تدابیر اتخاذا بولوندی. سودای بهادر Sudai مرکیتلرله حرب ایتمه‌که مأمور ایدیلدی. چپه‌نویان یرتیش نه‌ری جوارنددکی ممالکده نایمانلر خانی کشلوکه قارشى حرب ایده‌جکدی. کشلوک متعدد قبیله‌لری آياقلانديرمش، کندیس‌نك خاناغنی اعلان ایتیش، قاره خطای ایمپراطوری کورخانك قیزیله اولنمشدی. صوکره، خوارزم سلطانی محمد ایله متفقاً کورخانی خلع ایله‌مشدی. توشی چینك شمال غریب‌س‌نده کائن اولان

سنه
۱۲۱۷

شمال الكالرينه كيتمك امريني آلدی . جنكيز خان طرفندن
 علناً مدح و تقدير ايديلن موغلى باش قوماندان اعلان ايدىلدی،
 چينده جنكيز خانك و كيلي نصب اولوندى . جنكيز خان بوكا
 قرال عوانى و یردى و عائله سنده ارثى اولماسنى ایستهدی .
 بوتون چين و تاتار اردوسی بايراقلىرى آچهرق طوپلانمش
 اولدقلى حالده اونلرك او كنده موغلى يه اوامرىنى مهرله مك
 اوزره برمهر و یردى . موغلى معیتنده كى عساكر ابله چينه
 كیتدی . آز وقت ایچنده شانسى، په چهل و شانتونىغ داخلنده
 برچوق شهرلى ضبط ایتدی . په چهل و لايتى داخلنده اولوب
 مقاومت كوسترمك جرئتكارلغنده بولونان لی چه ئو شهرى
 نهایت عرض تسلیميته مجبور قالنجه موغنى بوتون اهالىنك
 قیلیجدن كچیریله سنى امرایتدی . فقط چاؤتسین نامنده
 برضا بطى آياقلىرىنه قاپانه رق شهرده بولونان والده سنك
 وقار دشلرينك و سائر هم شهريلرينك یرینه كندیسنك اولدیرلمه سنى
 استرحام ایدنجه موغلى بونك علوجنابندن متأثر اولدی ،
 اهالىنك حياتى باغشلا دی . غرب اوزرىنه بالذات يورومكه
 حاضر لانان جنكيز خان تاتارستانك اداره سنى برادری تاموقا [۱]
 Tamouka يه توديع ایتدی . سفردده كندیسنه رفاقت
 ایتك اوزره بعض چين ضابطلىرى آیردی . متعدد مفرزه لر
 تشكيل ایتدی . بونلر بويوك مانجینیقلرله قوجه مان طاشلر

[۱] چينلیر بوكا تیه موقو دیرلر .

آتمقده ماھر ایدیلر . صوگره بوتون بوقومانلر اردولریله
برلکده حرکت ایتدیلر .

مر کیتلر خانی توقتا بکک قاردهشی قوداث [۱]
Kudath ایکی یکنیله برلکده نایمانلر نزدینه کچمشدی .
اوراده خلقی عصیانه تشویق ایدیوردی . سودای بهادر ایله
قاموتوشاچار Camu-tuchazar بویوک برقوت ایله اوکقارشی
یورودیلر . دسام موران نهری ساحلنده کندیسنه راست
کلدیلر ، پریشان ایتدیلر و مرکیتلری دائره اطاعته صوقدیلر .
بورغو نویان [۲] Bourgou توماتلره قارشی یورودی .
بونلرده حرکات خصمانه ده بولونمشلردی . توماتلری تحت اطاعته
آلمغه موفق اولدی . برچوغنی قتل ایتدیردی . قالانلره قارشی
او قدر شدتلی داوراندی که جنکیز خان متأثر اوله رق اونلری
عفو ایتدی . چپه نویان [۳] بوتون بودشمنلرک اک قوتلیسی
واک مدهشی اولان کشلوکه هجوم ایله دی . ونغلی لر ،
قاپچاقلر ، خیتانلر و دها سائر بعض قوملر اونک طرفنی
التزام ایتشلردی ، اوچ یوز بیک خیتان کشلوک لهنده سلاحه
صاریلشدی . موغوللرک اردوسنه بودرجه ده فائق بر اردو
ایله اونلرک قارشیسنه چیقدی . عسکرلرینک باشنده بالذات

صنہ

۱۲۱۸

[۱] پی بوکا قودوخان Coudou دیور .

[۲] پی بوکا بابا نویان دیور .

[۳] کندیسنه زه نا نویان ده دیرلر .

بولونان جنكيزخان كشلوك اوزرندە بويوك بر مظفریت احراز
ایلدی . بو محاربهده قوبا [۱] Couba تهلکلی صورتده
یارالاندیغی جهتله جنكيزخان کندیسنی زیارت ایتدی و کوزی
اوکنده یاره لرینی صار دیردی . چپه نویان كشلوكی تعقیب
ایدەرك عسکرندن بر چوغنی دها اولدیردی . كشلوك دوت
کشی ایله بدخشان جوارنده صاره کوله Sarekoll قاچدی .
فقط کندیسنی تعقیبدن خالی قالمايان موغول قوماندانی بعض
کویلیردن اونك بو طریق طوتدیغنی خبر آلتجه صاره کول
قربنده کندیسنه یتیشدی ، باشنی کس دیردی ، صو کره جنكيز
خانك یانه کیتدی . جنكيز خان یارەمی التیام بولان قوبایی
بیش بالیغه دوغرو کوندرمشدی . آمالیغ ، بدخشان و جوار
الکالر جنكيزخانه تابع اولدقلری کبی کاشغر شەری ده عرض
تسلیمیت ایتدی . قاره خطایلر ، نایمانلر ، قانغلی لر جنكيز
خانی حکمدار طانیدیلر .

موغوللر بوصورتله بوتون تاتارستانی تحت اطاعتە آلدقدن
صو کره خوارزم سلطانه عائد بولونان اوتراده [۲] یورودیلر .
جنكيز خانی خوارزم [۳] الکاسنده حربه سوق ایدن
اسبابك نەلردن عبارت اولدیغنی یوقاریکی کتابده کورمشدک .

[۱] جینلیلر کندیسنه قوپایو دیرلر .

[۲] جینلیلر بورایه اوئوتالا دیورلر .

[۳] جینلیلر بو اقوامه سی یو Si-yu دیورلر .

اوترار [۱] والیسی غایرخان طرفدن جنکیزك سفیرلرینك قتل
ایتدیرلمسی جنکیزی محمد کبی ذی قدرت بر حکمداره قارشی
حربه کیریشمکه سوق ایچون مشروع وپك کافی بر سبب ایدی.
هرایکی حکمداركدده عظیم اردولری واردی. محمد موغوللره
مقاومت ایده بیله جك حالدده ایدی. اونك ایچون جنکیز خان
بو قدر نازك بر تشبثده مغلوب اولماق اوزره لازم کلن تدابیری
اتخاذ ایلهدی. بو اسبابدن باشقه خوارزم سلطانك دشمن بی
امانی اولان خلیفه ناصرده کندیسنی تشویق ایدیوردی. محمد
کندی ممالککنده باشقه بر خلیفه اعلان ایتشدی. بو خلیفه بی
بغدادده کوتورمك فکرنده ایدی. بو حربی حاضر لاق ايله
مشغول اولان جنکیز خان اللهك کندیسنه توفیقات صمدانیه.
سنی بخش ایلدیکنی اعلان ایلدی. رؤیاسنده برپسقیوسی کوردیکی
واونك بو عنایت الهیه بی کندیسنه من طرف الله تبشیره کلدیکنی
سویلهدی. اویاندقن صوکره بوپسقیوس حقنده ویردیکی
تفصیلاتدن کندیسنك ایغورلر الکاسنده کی پسقیوس ماردنھا
Mar-denha اولدیغی آکلاشیلیوردی. جنکیز خان بو پسقیوسی
کورمك ایستهدی. بوندن صوکره آرتق دئما خرسیانلری
حمایه ایتدیکی سویله نیور. هر حالده، جنکیز خان قارلیقلر خانی
آرسلان، ایغور خانی ایدیقوت، آمالیغ خانی سفتاق Saphtacده

[۱] چینلیلر بوکا آچیل دیورلر.

التحاق ايتد كدن صوكره خوارزم سلطانك ممالكنه دوغرى
يوله چيقدى .

بو صيراده ، سيحون نهريـنـك شمالنه ياپديغى بر سفردين
عودت ايدن وپدرى جنكيز خانك اردوسنه التحاق ايتـمـك اوزره
يولده بولـنـان توشى قابلى وقامجى [۱] نهـرـلـرى قـرـبـنـده بر خوارزم
مفرزه سـنـه تصادف ايدـهـرك تماماً قيلنجـدن كچـردى . ايرته سى كـونى
بو موغول قولنى باصمق اميدنده بولونان خوارزم سـلـطـانى
بوتون اردوسيله يتيشدى . بعض يارهلى عسكرلردن توشينـك
هانكى يولى تعقيب ايتديكنى خبر آلنجه سرعتله يورودى وچوق
كچمه دن موغوللارله قارشى قارشى يه كلدى . محمد ايله حرب ايتـمـك
امرينى آلامش اولان ، اردوسى ده عددجه آز بولنان توشى
اتخاذ ايديله جك كتى قرارلاشدير مق اوزره ضابطلرينى طوپلادى .
هپسى بر حرب تهلكه سـنـه آتـلـامـق فـكـر نـده ايدـيـلـر . فقط قاچه رق
پدرينك قارشيسنه چيقمانك عيب اوله جغنى دوشـوـنـن توشى
قاچار كن اولمكدن ايسه حرب ايتـمـك دهـا مناسب اوله جغنى
فكرنده بولوندى . در حال عسكرلرينه صف حرب ترتيب
ايتـدـيردى و دشمن اوزرينه يورودى . مصادمه اثناسسـنـده
خوارزميلرك صفلرينى دفعات ايله پارچه لادى ، خوارزم
سلطاننه قدر صوقوله رق كنديسنه بر قاچ قيليج ضربه سى
اينديرديسه ده سلطان تحفظه مقتدر اولايلىدى . خوارزميلر
فائقت عددیه لرینه رغماً فرار ايتـمـك اوزره ايديلر . محمد
[۲] ايکيسى ده سیرت نهـرـينه منصب اولورلر .

جسارتيله عسکرلرينه نمونه تشکيل ايدەرك اونلری تشجیع ایتدی و کیجه وقتنه قدر متانت کوسترمه تشویق ایلهدی . بو صورتله فرار عیبندن قورتولدی . کیجه حلول ایدوبده محاربیلر بربرلرندن ایرادقلری زمان هر ایکی طرفده قرار . گاهلرینه چکیلدیلر . خوارزمیلر ایرته سی صباح محاربهیه تکرار باشلامغه عزم ایتیشلردی . فقط دشمنلرینی قورقوتمغه یتیشه چک درجه ده حرکت ایتیش اولدیغنی تقدیر ایدن توشی مختلف محلله آتشلر یاقدیددی . کیجه لین چکیلەرك جنکیز خانه التحاق ایتمه کیتدی [۱] .

تاتارلرک تاریخ
عمومی

خوارزم سلطاننک ، عسکرلرینی بعض مواقع تقسیم ایتیش و صوکره ممالیکنک ایچ طرفلرینه چکیلمش اولدیغنی خبر آلان جنکیز خان ایکی اوغلی اوقتای ایله چغتای بویوک بر قوتله اوترار شهرینک محاصره سنه کوندردی . دیگر اوغلی توشینی ناجاند nadgiand یا خود جند Jonde شهرینه قارشى سوق ایتدیکی کبی قوماندانلری آلان نویان [۲] ایله سوقتو بوغا Suktubouga به الله بیک عسکرله خجند Khojend و فارناقاند Pharnacande یا خود فناکت Phenaket تعمیر دیگرله تونقات Toncat طرفلرینه کیتمک امرینی ویردی . کندیسى ده اردوسنک

[۱] جنکیز خان ، موسیو پتی نک ظن ایتدیکی وجهله توشینک محاربه سنده حاضر دکلدی .

[۲] موسیو پتی بوکا الاق نویان دیور .

قسم متباقيسيله و آرقه سنده تولى اولديغى حالده ، بخارا اوزرينه
 يورودى . ابتدازرنوق Sarnouc شهرينه كلدى . عسكرلىرى
 بو موقعه ياقلاشيركن او قدر يوكسك آواز ايله هايقيرديلر كه
 اهالى قورقه رق شهر ك قاپلرينى قاپاديلر و مدافعه يه قرار و يرديلر .
 فقط جنكيز خان كنديلرينى عرض تسليمته دعوت ايچون
 دانشمند حاجب نامنده برينى كوندردى و او قدر عظيم بر
 اردويه اوزون مدت مقاومت ايده ميه جكلرينى آكلاتدى .
 بونك اوزرينه هديه لرله جنكيز خانى استقباله كىتمكه قرار
 و يرديلر . جنكيز خان كلنلىرى ملايمتله قبول ايتدى و مملكتلرينك
 بعدما قوتلوق باليغ Koutlouk-baligh نامنى طاشياسنى امر
 ايله دى . صوكره بوتون كنجلرى آيپارق اردوسنه آلدى .
 ديكر لرينه شهرده او تور مق مساعد سنى و يردى . اورادن ، بخارا
 ايله سمرقند آراسنده نور شهرى اوزرينه كىتدى . خوارزم سلطانك
 قوه امداديه كوندره جكنى اميد ايدن شهر خلقى جنكيز خان
 طرفندن برقاچ دفعه تكرر ايدن تسليم تكييفنه اهميت و يرمديلر .
 جنكيز خانى بو ممانعتلريله قيزد يردقن صوكره تسليم اولديلر .
 اوده شهر خلقنى تأديب ايچون او صيراده محتاج اولدقلىرى
 مواشى ، حبوبات و سبزه يى بر طرفه آيپرتدقن صوكره
 كرى قالان شيلرك كاملاً ياغما ايديله سنه مساعد ايله دى .
 جنكيز خان نهايت [۱] كرك بويوكلكى ، كرك اهاليسنك

[۱] ۶۱۶ سنه سى ربيع الآخرينك برنجى كوني . ابوالفرج

۶۱۷ سنه سى ديور .

سنه

۱۲۱۹

ابوالفرج

تاتارلرك تاريخ

عمومي

پى

ابوالفرج
ابوالفدا
پی

چوقلغی کرک هر طرفدن کان مسلمانلره تدریس علوم
ایدن دارالفنون حسیله او الکانک اک مشهور بر مملکتی
اولان بخارایه [۱] واصل اولدی . سلطان محمد بوراده کون
خان ، Kouk سونج خان Siundge و کشلی خان قومانداسنده
یکرمی بیک کشیلک بر قوه محافظه براقشدی . مملکتک بر
چوق اشرافی بوقدر کثیر بر قوه محافظه موجود اولونجه
موغوللرک محاصر دی رفعه مجبور اوله جقلرینی امیدایدیورلردی .
بر چوغی شدتلی بر مدافعهیه حاضر لائمشلردی . موغوللره
عرض انقیاد ایدیله سی تکلیف ایدنلرده واردی . او چ قوماندان
کیجه نک قارا کلغندن استفاده ایدهرک بوتون قوتلریله بر خروج
حرکتی یاپدیله . فقط پوسکور تولدیله . بو موفقیتسزک اوزرینه
جسارتلرینی غائب ایتدکلری ایچون شهره کیره رک ، خوارزم
قطعه سنه چکیلمک فکریله ، مقابل طرفده کی بر قاپیدن بوتون
معیتریه چکیلدیلر . جنکیز خان بر سواری مفرزه سیله بونلری
تعقیب ایتدیردی . آمو ، یاخود اوقسوس نهری قیسنده
فراریلرک هپسی قیلیجدن کچیریلدی . عسکر طرفندن بوصورته
ترک ایدیلن اهالی عرض تسلیمیتدن باشقه برشی دوشونمیدیلر .
شهرده بویوک بر قارغشه لق واردی . موغوللرک مغلوبلره قارش
کوستردکلری ظالمانه حرکتلر بخارا اهابسنده کندیله رینک
عینی معامله لره دوچار اولاجقلری قورقوسنی ویریوردی .

[۱] چینلیلر بورایه پوهوآ یاخود پوهراآ اولخ دیورلر .

بوندن دولايي پك زياده يأسه دوشورلر و صوك نقطه يه قدر
 مقاومت ايجون سلاحه صاريلغى ، حياتلرينى بهالى صاتمغى
 دوشونيورلردى . نهايت اورتهلق سكونت بولدى . مملكتك
 ايلرى كلنلرى اوكلرنده علما اولديغى حالده قاپيلرى آچديلر
 و جنكيزخانه شهرك آناختارلرينى تقديم ايتديلر .
 جنكيز خان بخارايه كيرر كن كچديكى بر سوقاقدە بويوك
 بر بنا كوردى . بونك بر جامع اولديغى كنديسنه سويله ديلىر .
 جنكيز خان درحال باركردن ايندى ، منبره چيقدى .
 اورادن قرآنى آلەرق باركيرلر آياقلىر آلتە آتدى .
 بو حركت بعض مسلمانلرى مرلدامغه سوق ايتدى . فقط
 قورقو تاثيريله سكوت ايتديلر . جامعە قارشى هيچ براثر حرمت
 بسله مەين موغول عسكرلرى برچوق تجاوزات ارتكاب ايتديلر .
 صوكره جنكيزخان ، مسلمانلر ك بايراملرده طوپلاندقلىرى
 بريره كيتدى . اهالى مواجھه سنده ينه كرسي يه چيقدى . برنطق
 ايراد ايدەرك سلطان محمدك افعال سيئەسى وبالخاصه اوتارده
 موغول سفيرلرينك قتلنى آكلاتدى وافنديلرينك جنايتلرندن
 انتقام آلمق اوزره اللەك كنديسنى اونلر ك اوزرينه يوللاديغى
 علاوه ايله دى . صاقلادقلىرى بوتون ثروتلر ك تسليمى ايسئەدى .
 اطاعت ايتمزلسە اشكەنجە ايله بوكا اجبار ايديله جكلرينى دە
 خبرويردى . بومقصده شهرك بوتون محله لرنده دائرەلر
 آچدى وعسكرلرينى اهالى يه سوء معاملە ايتمكدن منع ايله دى .

زوواللی اهالی بواوامری اجرایه مسارعت کوستردکاری صیراده جنکیز خان بعض خوارزمی عسکرلرینک شهرک برطرفنده مختفی بولونداقلرینی خبر آلدی . الکایی آتسه ویردی . بخارانک تکمیل اولری اخشاب اولدیغی جهتلہ بوتون شهر کول حاله کادی . اهالی خوراسانه داغیلماغه مجبور اولدیلر .

جنکیز خان بخارا محاصره سیله مشغول اولدیغی صیراده ایکی اوغلی اوقتای ایله چغتای اوترار شهری پیشگاهنده بولونیورلردی . سفیرلری قتل ایتدیرمش اولان غایرخان بورانک والیسی ایدی . خوارزم سلطانی بورایه اون بش بیگ کیشی کوندرمک احتیاط کالغنده بولونمشدی . بونلرک اون بیکی قاره جه حاجب [۱] قومانداسنده ایدی . متباقیسنه ده غایرخان قوماندا ایدیوردی . قرارگاهی شهر خارجنده بولونان غایرخان موغوللارک حرکتندن خبردار اولور اولماز شهره کیرمش وشدتلی بر مقامت ابرازینه حاضر لانمشدی . محاصره عملیه سیله اشتغال آیدن موغول عمله فرقه لری اوزرینه متعدد خروج حرکتلری یاپدی واونلری پک ازعاج ایتدی . بش آیدن بری بوشهر قارشیدسندہ دوران موغوللار اوصانمغه باشلامشلردی . حتی محاصره یی آبلوقه حاله قلب ایتکه حاضر لانیورلردی . فقط شهرک بهمہ حال ضبط ایدیلہ سنی ایستہ یں جنکیز خانک اوامری اونلری یکی غیرت صرفنه مجبور ایتدی . بونک اوزرینه

[۱] بعضیلری بوکا قاره یا قاس Carajacas دیورلر .

تی
ابوالفرج
تاتارلرک تاریخ
عمومیسی

قاره‌جه حاجب دهاز یاده مقاومت کو سترمکدن امیدنی کسه رک
وتسلیم اولمقده دها زیاده تأخر کو ستره جک اولورسه موغوللرک
هیچ برتکلیفه قولاق ویرمه یه جکلرندن قورقه رق غایر خانه
عرض تسلیمیت توصیه سنده بولوندی. موغوللرک الله دوشرسه
شخصی ایچون بویوک برتهلکه اولدیغنی بیلن غایر خان بوتکلیفی
ردایتدی و صوک درجه یه قدر مقاومت کو سترمه یه قرار ویردی
غایر خان نظرنده شبهه لی برحاله کلدیکنی کورن قاره‌جه حاجب
کیجه لین معیتنده کی کیمسه لرله و دوستلریله برلکده
محافظه سینه مأمور اولدیغنی دروازه صوفی Dorvaseisosi
نامنده کی قاپیدن چیقدی. موغول اردوسنه کیتدی. اجتناب
ایتمک ایسته دیکی فلا کته اوراده اوغراددی. یاپدیغنی حرکت
اوقتای ایله چغتای نظرنده پک فنا کوروندی. اوندن شهر
حقنده معلومات آلدقن صو کره معیتنده کیلرله برلکده برخائن
دییه کندیسنی قتل ایتدیردیله. غایر خان جسارتی غائب
ایتمدی و موغوللره قارشى دها فعالیتله حرکت باشلادی. فقط
موغوللر قلعه نك الكضعیف طرفلرندن خبردار اولدقلری جهته
اورالردن قیلج الله شهره کیردیله. بوايلاک هجومده بر چوق
کشی تلف اولدی. غایر خان شهرک ضبط ایدیلدیکی کورنجه
یکرمی بیک کشی ایله ایچ قلعه یه چکیلدی. فقط بوراده
پک ازدحام ایچنده قالمشلردی. بوندن دولای متعدد خروج
حرکتلری یاپدیردی و چوق ضایعات ویردی. بو کندیسنی

ایچون بر فائده ایدی . چونکه ایچ قلعه داخلنده دهها راحت
 برحاله کلمکله برابر موغوللری ده لاینقطع یورمش اولیوردی .
 موغوللر اوزون مدت حصاره صاحب اولامادیلر . ایچ قلعه یی
 ضبط ایچون نه قدر تزید غیرت ایدر لر سه محصورین ده او قدر
 شدتله مقاومت کوستریورلردی . غایرخانی جانلی اوله رق اله
 کچیرمک ایسته یورلردی . ضربه لرینی بوکا کوره اداره ایتمه
 مجبور اولان موغوللر بر چوق عسکر غائب ایدیورلری .
 نهایت حصار هجوم ایله ضبط اولوندی ، قوه محافظه قیلجدن
 کچیریلدی . غایرخان ایکی کیشی ایله کندی دائره سنده تحصن
 ایتشدی . رفیق لری یانی باشنده ترك حیات ایدنجه یه قدر اوراده
 مقاومت کوستردی . یاقلاشانلرک اوزرینه آتدیغی طاشلری آرتق
 زوجه سی طاشیمغه باشلادی . نهایت کثرته قارشى مقاومت
 ایدهمیه رك اسیر دوشدی . موغوللرک حضورینه کوتورلدی .
 غایرخانی زنجیره اوردیردی لر . جنکیز خانک امرینه انتظاراً
 داراجق بر محبسه صوقدیلر . جنکیز خانه التحاق ایتمک ایچون
 بخارایه دوغرو کیتدکلری صیراده کوک سرایده جنکیز خانک
 امرینی آلدیلر و غایرخانی اولدیرتدیلر . اوترارک ضبطندن
 صوکره شهرک سورلری تعمیر ایتدیرلدی . فقط ایچ قلعه
 تماماً هدم اولوندی . شهرده بر قوه محافظه براقلدی . اولجه
 طرد ایدیلش اولان اهالی یه تکرار شهرلرینه عودت
 مساعدده سی ویریلدی .

پدری بخارایه کیتدیکی صیراده مأمور ایدیلدیکی سه-فرده
 توشی ده برادرلرندن دهآ از موقتیه نائل اولمادی. ابتدا سقناق
 قلعه سنی محاصره ایتدی. شدت استعمال ایتمه سی ایچون امر
 آلمش اولدیغی جهته، شهره یاقلا شیر یاقلا شهاز عسکرلرک معاملات
 شدیدله لرینه اوغرامق ایسته مزلر سه تسلیم اولمالری لازم کلدیکی
 تبلیغ ایچون حسن حاجی نامنده بر مسلمانانی کندیلرینه یوللادی.
 شهر خلقی بو نصیحتلری دیکله مک شویله دروسون موغوللرک
 یوللادقلری بر آدمی اولدیردیله. بونک اوزرینه بحق حدته
 کلن توشی شهره هجوم ایتدی و جبراً ایچری کیردی. بوقتالده
 اون بیکدن زیاده آدم تلف اولدی. سقناق یغما ایدیلدی. کیمسه یه
 بر مرحت کوسترلمدی. توشی حسن حاجینک اوغلانی اوراده براقه رق
 اوز کندیاخود فرغانه اوزرینه یورودی. بو شهر اهاالیسی سقناق
 شهرینک باشنه کلن فلاکتدن دهشته دوشدکلری جهته توشی یه
 بر طاقم هدایا ایله برلکده مرخصلر کوندردیلر و عرض
 تسلیمیت ایتدیلر. توشی اونلرک مالنه و حریتنه دوقونمادی.
 صوکره، ژاقسارتهس یاخود سییحون نهری قربنده کائن
 شاش اوزرینه یورودی. بر آز مقاومت کوسترمکه جرأت
 ایدن بو شهر ضبط ایدلدی. موغوللر اهاالیدن قسم اعطانی
 اسیر آلدیلر. ناجاند یاخود چند شهری دشمنی کورنجه جسا-
 رتنی غائب ایتمه دی. اهالی، قوه محافظه ایله برلکده مدافعه یه
 قرار ویردی. توشی جیتمور Gitmour نامنده بر ضابطی کند-

یلرینه یوللادی. بو آزالدی حسن حاجینک سقناقدە اوغرا دیغی عاقبتە دوچار اوله جقدی. فقط قاچدی. تسایم اولمق فکرنده بولنان بعض کیمسه لر کندیسنه یاردم ایتشلردی. بونک اوزرینه استعمال شده مجبور قالان توشی هجوملره باشلادی. بر چوق مانجینیقلر وسائر هجوم وسائطی حاضر لاتدی. قوه محافظه بر طرفده بو هجوملره اشغال ایدلیدی صراده جیتمور کزیده بر مقدار عسکر ایله باشقه نقطه ده هندکلر اوزرینه کوپری قوردیردی، سورک دینه قدر صوقولدی و بورالری آشهرق شهره کیردی، قایلردن برینی اله کچیردی. موغول عساکری بو قاپیدن شهره داخل اولدیلر. ابتدا جیتموره قارشى کوستریلن تجاوزده مدخلدار اولانلر تجزیه ایدیلدی. صوکره بوتون شهر خلقی دیشاریه چیقاریله رق مملکت یغما یه براقیلدی. یغما بیتدکن صوکره توشی خلقک ایچری یه عودتنه مساعده کوستردی. بوراده علی خواجه غجدوانی Gesdivoni قومانداسنده بویوک بر قوه محافظه براقدی. بوندن باشقه یکنی کند [۱] Yegnikond ایله ده سائر مواقعی ده ضبط ایتدی.

جنکیز خانک سائر قوماندانلری ده آدلقلری اوامری عین موفقیتله اجرا ایتشلردی. آلان نویان ایله سوقتوبوغا، جنکیز خانک ویرمش اولدیغی اللی بیك عسکرله ماوراءالنهرک

[۱] چینلیلر بوکایانغ قان دیورلر. پااولخ چینغ شهرندن بحث ایدیورلر سه ده بن بویله بر شهر طانیایورم.

مهم بر قلعه سی اولان خجند اوزرینه یورودیلر. فقط اوزون
سوره جک بو محاصره یه باشلامه دن اول، صحرا یه حاکم اولمق
ایچون جوارده کی بعض مواقعی ضبط ایتکی مناسب کوردیلر.
یناء علییه، فنقات یاخود فزنا قاند (فنا کت) نامیله یاد ایدیلن
توانقات پیشگاهنده قرارگاه قوردیلر. بوموقع برتنزه واکنجه
محلی اولدیغی ایچون مدافعه یه الویریشلی اولما مقله برابر اهالیسی
ایلینکو ملک Ilenko-melik نامنده کی والی ایله متفقاً موغوللرک
طلبنه مماشات ایله قایلری آچادیلر. بعض هجوملره شدتلی
مقاومت کوستردیلر. فقط اوچنجی کونی شهر ضبط ایدیلدی.
قوه محافظه قیلیجدن کچیرلدی، اهالی اسیر ایدیلدی. صوکره
موغوللر خجند قارشیسنده قرارگاه تأسیس ایتدیلر. بوشهر
قوتلی بر مقامت کوستره بیله جک بر حالد ایدی. زمانک
اک جسور آدمی دییه معروف اولان والی تیمور ملک امثالسر
بر شجاعتیه مالیکدی. بوتون ماکنه لرینی سورلرک اوزرینه
دیزدیردی. ضابطه لرینه معین موقعلر تخصیص ایله دی.
شهرده بولونانلرک کافه سنک وظیفه لرینی کوستردی. صوکره
کزیده بیک عسکر ایله، جوار بر آطه ده کائن اولان ایچ
قلعه ده اخذ موقع ایتدی. اوستی اورتولی درت سفینه
انشا ایتدیرمشدی. بورادن موغوللرک اوزرینه انداخت
یاپیوردی. جنکیز خانک قوماندانلری بوقدر حاضرلغی کورنجه
وبرقاج هجوم یاپوب بر نتیجه استیصال ایدمه ینجه مشکلاته

دوشدیلر . محاصره دینی رفعه مجبور قاله جقلرندن قورقمغه باشلامشلردی . مافیه ، ایشك مشکلاتنه رغماً نهره برکوپرو تشکیل ایده جك صورتده بویوك بویوك طاشلار آتمغه قرار ویردیلر . تونقاتده آلمش اولدقلری اسیرلری بوايشده قوللاندىلر . تیمور ملك بوتون بوقوتيله بوكا مانع اولدی . فقط انسان ضایعاتنه هیچ اهمیت ویرمه ين موغوللار باشلادقلری انشاآتى ایلری کوتورمكدن خالی قالمادیلر . بونك اوزرينه والى ، کوپرونك اكال ایديله جكنى آكلایه رق وشهرى دها اوزون مدت محافظه ایده بيلمكدن امیدینی كسهرك بوتون معیتيله برقاق سفینه یه بىندی و آقینتی آشاغی کیتمكه باشلادی . موغوللار برمفرزه ايله گندیسنی تعقیب ایتدیردیلر . تونقات قربنده یتشدیلر . بو شهر اوکنده بر ساحلدن دیگر ساحله کریش اولان زنجیر دها آشاغی اینمه لرینه مانع اولمشدی . زنجیری علی العجله کسديرمك صورتيله تیمور ملك بوتهاكهدن قورتولدی . فقط نهرك غایت دار و آزدرين بر نقطه سنده ایکنجی دفعه موغوللار یتشدکلری ایچون کیلری ترك ايله قاره دن فرار ایتمكه مجبور اولدی . موغوللار معیتنده کیلرك كافه سنی قیلیجدن کچیردیلر . گندیسی یالکیز باشنه قاچدی . آرقه سندن ده اوچ موغول تعقیب ایدیوردی . یاننده آنجق اوچ اوق قالمشدی . بونلركده برينك دمیری قیریق ایدی . پک یقیندن تعقیب ایدن موغولی بواوق ايله کوزندن اوردی .

اورته کیلر قورقه رق کری دوندیلر . تیمور ملک کند Kend
شهرینه واصل اولدی . اوراده برخوارزمی قوه محافظه سی
واردی . علی العجله بر مقدار عسکر طویلادی ، کلوب
بردن بره تونقاتی باصدی . اونک فرارندن صوکره
خجند موغوللرک الهه دوشمشدی .

خوارزم سلطاننک ممالکنه بویله داغیلیمش اولان بوتون
بو مختلف قول اوردولر نهایت جنکیز خانه التحاق ایتدیلر .
جنکیز خان بخارانک ضبطندن صوکره سمرقندی [۱] محاصره یه

ابوالفرج
پی
قاتارلرک تاریخ
عمومیسی

[۱] چینیلر صیق صیق بر ماوراءالنهر شهرندن بحث ایدرلر و بوکا
سون سهقان نامنی ویریرلر . بونک هانکی شهر اولابیله جکنی اوزون
مدت تعیین ایده مدم . جدوللرده ، غرب له آتولری فصلنده بونک صرو
جوارنده بر شهر اولدیغنی سویله دم . فقط جنکیز خانک سافرلرینک
تفصیلاتی بکا سون سهقانک سمرقنددن باشته بر شهر اولامابه جغنی
اوکره تیور . چینیلر بو حکمدارک بخارای و صوکره سون سهقانی آلدیغنی
سویلیورلر . فی الحقیقه جنکیز خانک بر برینی متعاقب بخارا و سمرقندی
ضبط ایتدیکنی کوریورز . هلاکونک بر یولی ده بزی ماوراءالنهرده
قاراقورومدن سمرقنده کوتورور . بو مملکتک جغرافیاسی ایچون
بو نقطه بی اشارت ایتک لازمدی . راهب غوبیل سون سهقانک
خجند شهری اولابیله جکنی ظن ایدیوردی . چینیلر اکثریا شهرلره
وولایتلره یکی ناملر ویریرلر . سون سهقان اسمی اسکیدر . بونک
یرینه صوکره ساما اولخ هان قائم اولمشدر . بونلرک ایکیسی ده عینی
مقامده قولانلشدر . برنجی اسم یالکیز نک بر شهرک اسمی قالدیغنی
حاله ایکنجیسی بوتون ولایته شامل اولمشدر . بو سفرلری ۱۲۲۰
و ۱۲۲۱ تاریخلرنده ده تکرار ایتشلر کبی کورونیور . سیه می سهقان
ده نه دیکر بر نام آلتنده سمرقند شهرندن عبارت کیدر .

کیتمک اوزره يوله چيقيوردی. جنکیزخانک نیتندن خبر آلمش.
اولان سلطان محمد سمرقند، یوز اون بیک شیدن مرکب
بر اورد و ایله متعدد فیلار کوندرمک احتیاطکارلغنده بولونمشدی.
بوتون بو عسکر اوتوز قوماندانک معیتندە ایدیلر. جنکیزخان
بو تدارکاتدن خبر آلدی ایسەدە هیچ قورقمادی. سمرقندە
دوغرو ایلریلەدی. شهرک سورلرینک اتکندە قرارگاهنی
تأسیس ایتدی. دها اولجە، بر خروج حرکتی اجرا ایتش
اولان قوۋە محافظەیی موفقیتلە پوسکورتمشدی. بو قدر ایی تحکیم
ایدیلش، قوۋە محافظەسی بو قدر یولندە، مهماتی مبذول بر شهرک
اوزون و شدید بر مقاومت ابراز ایدە جکی تخمین اولونا بیلیردی.
فقط رؤسانک چوقلغنی و بونلرلە علما آراسندە چیقان اختلافات
مدافعەیی اوغورندە سلطان محمدک اتخاذا ایتش اولدیغنی تدابیری
عقیم براقدی. جنکیزخان وضعیتی واستحکاماتی بالذات تدقیق
ایتدکن صوکرە محاصره ترتیباتی تماماً یاپدی و عسکرلرینی
وظیفەلرینی اجرا یە تشویق ایلەدی. دها او کون پک شدتلی
بر مصادمە وقوعە کلدی، صباحدن آقشامە قدر دوام ایتدی.
حربک نتیجەسی محصورینک علیهنە دوندی. بوباشلانغیج
اونلرک جسارتلرینی آزالتدی. باشلرندە علما بولونان شهر
خلقی تسلیم اولمق فیکرندە ایدیلر. قوماندانلر بوکا ممانعت
ایدیورلردی. والی ایچ قلعه دە و شهرک ساثر بعض مواقعندە
تحصن ایتدی. تسلیم اولمق ایستەین خلقە کندیلرینی مدافعە

ایتمک یاخود دشمنله مذا کراته کیریشمک خصوصنده سربستی
ویردی. سور قاپیلرندن برینک آناختارینی اله کچیره رک قاپییه
صاحب اولمش اولان قاضی ایله شیخ الاسلام یاخود مفتی
کیدوب جنکیزخان بولدیله. شهری تسلیم تکلیفی درمیان
ایتدیله، کرک اهالی ایچون کرک عمومیتله عسا کر ایچون
استرحاماتده بولوندیله. فقط جنکیزخان یالکیز اونلرک
طرفدارلری ایچون رحیمانه داورانه جغنی وعد ایله دی. موغوللره
برقاپی آیدیلر. موغوللر شهره کیرنجه کیمسه یه بر قنالق
اتمکسزین سورلری و برجلی ییقمغه باشلادیله. فقط کیجه
حلول ایدنجه دها ایلریله کیردیله، بوتون اهالی بی حیقارارق
یوزر یوزر آیدیلر. یالکیز قاضی ایله مفتینک شفاعت ایتدکلری
آدملره دوقونمادیله. بونلرک مقداری الی بیکدن زیاده یه بالغ
اولیوردی. طلوع شمس ایله برابر شهری یغما یه ترک ایتدیله.
برر طرفه صاقلانمش اولانلرک کافه سنی اولدیردیلر. بونلر
تقریباً اوتوز بیک کشی قدرایدی. موغوللرک ایلری کلنلری
اهالیدن بر چوقلرینی آله رق کندیلرینه اسیر یاپدیله. صاغ
قالانلرک متباقیسی فدیة نجات اوله رق ایکی یوز بیک آلتون
سکه تأدییه ایتدکدن صوکره شهرده اوتورمق مساعدده سنه
نائل اولدیله.

جنکیز خان سمر قندی محاصره ایتمک اوزره یوله چیقدیغی
زمان سلطان محمدک بو شهری ترک ایله دها اوزاقلره چکیلمش

اولدیغنی خبر آلمشیدی . در حال قوماندانلرنندن زهنا = چیه نویانی [۱] ، سودای بهادری ، توقجار قانغارتی Togzar kankaret سلطان محمدی تعقیب ایچون اوتوز بیك کشی ایله سوق ایتدی؛ قاپیلرینی آچه جق شهرلره ملایمه معامله ایتملری، بر آز مقاومت ایده جکلری تخریب ایله لری و بوتون سکنه لرینی اسیر آملاری ایچون امر ویردی . بو موغوللر اوقسوس نهرینی کچدیلر و متعدد ایلر یله مه و چکیلمه حرکتلرنندن صوکره هرات پیشگاهنه واردیلر . بوراده سلطان خان ملک [۲] قومانداییدیوردی . سلطان خان ملک ، جنکیز خانه عرض انقیاد ایده جکنی بیلدیردی . بونک اوزرینه زهنا نویان ایله سودای بهادر یورویوب کچدیلر . فقط بو قوماندانلرک آرقه سندن کلن توقجار قانتاردت بر دشمنک سوزینه اعتماد خصوصنده بو قدر مسارعت کوسترلمه سنه عقل ایردیرمیه رک شهره هجوم ایتمک ایسته دی . پوسکور تولدی و براوق ضربه سیله باشندن بارالاندی . بر آز صوکره ترک حیات ایتدی .

زهنا نویان ایله سودای بهادر در حال هراته دوغرو عودت ایتدیلر . اهالی علی العجله کندیلرینه هدیه لر کوندردیلر . توقجار قانتارده ایله سلطان خان ملکک عساکری آراسنده کچن وقعده هیچ مدخللری اولمادیغنی اثبات ایتدکلری جهتله

[۱] پیونلره هوبه نویان، سویدابهادر، امیر توقر Touquer دیور .

[۲] پیونکا امین ملک نامنی ویریور .

موغوللار بر آ ز معاونت نقدیه ده بولونمق صورتیه ایشک ایچندن قورتولدیلر. موغوللر نیشابور یولنی طوتدیلر. عراق عجمه التجا ایتک و عائله سنی قارن دز Carendar کوندرمک تصویرنده بولونان سلطان محمد نیشابوردن چیقدی. موغوللرک نیشابوره تقریبندن اول قزوینه واصل اولدی. موغوللر نیشابوره کلنجه اهاالی پی تسلیم اولمغه دعوت ایتدیلر. خلق کندیلرینه هدیه کونده ره رک فرار ایدن سلطان محمدی تعقیب ایتهلری دهامناسب اولاجغنی، سلطان محمد طوتولدقن صوکره قاپیلری آچه جقلرینی موغوللره بیلدیردیلر. موغوللر بوشقی ترجیح ایتدیلر. یانلرنده بعض رهبرلر اولدیغی حالدده مازندران شهری اوزرینه یورویه رک جبراً ضبط ایتدیلر و بوتون سکنه سنی قیلیجدن کچیردیلر. اوراده سلطان محمدک قزوینده اولدیغنی خبر آلنججه عراق یولنی طوتدیلر. متعدد شهرلری یغما ایتدیلر. بعض شهرلر کندیلکلرندن عرض انقیاد ایدهرک قورتولدیلر. موغوللر غایت مستحکم بر موقع اولان ایلان Ylan پیشکاهندن کچدیلر. سالدانک والده سی بورایه قاپانمشدی. فقط موغوللر بوراده توقف ایتیهی مناسب کورمه یه رک کیدوب رودن Roudin شهرینی تخریب ایلدیلر.

سلطان محمد موغوللرک مواصلتنی خبر آلنججه قارندزه چکیلیمک ایسته دی. فقط یولده بعض موغول مفرزه لرینک قارشیسنده فالدی و یک چوق مشکلات ایله قاجه بیلدی.

بوتون معیتنی غائب ایتدی . حتی کنديسك آلتنده بر بار کیر
تلف بيله اولمشدی . قارندزه سالماً مواصلت ایتدیسده کنديسنى
تعقيبدن خالى قالمایان موغوللره اوراده انتظار ایتكى موافق
کورمدی . کیلانه کیردی ، استر آباددن کچدی . آبسکون
Abescoun آطه سنه التجا ایتك اوزره بحر حزرده برسفینه یه
راکب اولدی . سلطان محمد اوراده ، هر کس طرفندن
ترك ایدیلش بر حالده سفیلانه ترك حیات ایتدی .

سنه
۱۲۲۰

موغوللر سلطان محمدی اله کچیره مه نیجه کیدوب قارندز [۱]
شهرینی محاصره ایلدیلر شهر هجوم ايله ضبط اولوندی .
سلطان محمدك زوجه سنى اوغلى غیاث الدینی اوراده بولدیلر .
صوکره ایلال پیشکاهنده اردولرینی قوردیلر . بوشهرده
غایت صیق یاغمور یاغاردی . شهر خلقی محتاج اولدقلری
صوی بوسورتله تدارك ایدرلردی . فقط بوسیراده یاغمور
یاغمادی . قرق کون برقطره بيله دوشمه دی . بوندن دولایی
اهالی صوك درجه اضطرابه دوشدیلر ، تسلیم اولغی دوشونمك
مجبورتنده قالدیلر . نصیرالدین نامنده کی والی تسلیم اولدی ،
شهری موغوللره تسلیم ایتدی . محمدك والده سی ترکان خاتون
بورایه چکیلمشدی . بوتون خزینه لرینی بورایه کتیرمشدی .
هپسی موغوللرک انه دوشدی . والده سلطانك کنديسی ده
بوتون چوجوقلریله برلکده اسیر ایدیلدی . کنديلرینی

[۱] چینلیر بوکا قانتولوئو دیورلر .

جنكيز خانك حضـورينه كوتورديلر . جنكيز خان اركل
چوجوقلرى اولديرتدى . قيزلرى موغول اكابرينه ويردى .
والده سلطاني آراده صيراده حضـورينه جلب ايدىيور واوكا
برقاچ لقمه ييهـجك آتيوردى . وقيله او قدر مغرور
وعظمتلى اولان والده سلطانيك عاقبتى ايشته بويله اولمشدى .
محمد بوفلاكتلرى خبر آلنجه يأس و كدرندن وفات ايتدى [۱] .
پى
موغوللر صوكره عراق عجمده رى شهرى اوزرينه يورويه رك
تحت اطاعته آلديلر . همدان ، قزوین ، مراغه [۱۲] ، قم ،
دينور ، قرمىسين ، سودان ، حلوان ، نهاوند ودها سائر
برخيلي قلعه لر ياتسليم اولديلر يا جبراً ضبط ايديلديلر .
ایران جهته بواحوال جريان ايتمكده ايكن سمرقندك
ضبطندن صوكره ، جنكيز خان اوچ اوغلى توشى ، اوقتاى
چغتاي بويوك براردونك باشنده خوارزمه دوغرو سوق
ايتمشدى . مقصد اوقطعه يي تحت اقياده آلق وپايتختنى
محاصره ايتمكدى . مليكه ترخان خاتون موغوللرك مواصلتنى
خبر آلنجه ايلاله چكيلمشدى . اونك بو عزيمتى خوارزم
شهرنده بويوك قاريشيق قلعه سبيت ويرمشدى . شهر مدافعه يه

[۱] ۶۱۷ تاريخ هجرى سنده . ياخود تاتارلرك تقريرنه كوره

ميلان سنده سنده

[۲] ۶۱۸ بوشهر ۱۲۲۱ هجرى و ۱۲۲۱ ميلادى تاريخنده صفر

آينده ضبط ايديلشدر .

عزم ایلمش ایدیسده ملیکه‌نک عزیمتی جسامرتی قیریوردی .
 عوام خلق طبقه‌سندن [*] قورد روغان Rougan نامنده
 بری حکومتی اله کچیردی . سلطان محمدک وفاته قدر احوال
 بویله قاریشقلق ایچنده قالدی . اونک یرینه کچن جلال‌الدین
 خوارزمه کیردی . فقط ظهور ایدن بعض اغتشاشات
 کندیسنی همان خوارزمدهن چیقمغه مجبورایتدی . خمار [۱]
 Kehamar ، موغول حاجب Mogul و فریدون غوری
 نامنده کی باشلیجه قوماندانلر عسکرک قومانداسی ایله مکلف
 اولدیلر . فقط خمار سلطانک یقین اقرباسی اولق حسیله
 هپسینک رئیس اعلان ایدیلدی . موغوللرک شهرک یقینه
 مواصلتلرندن خبردار اولمادیغی جهتله اهلیدن بعضیلرینه
 سورولرینی جوارلرده اوتلاتمق ایچون مساعده ویردی .
 موغوللرک پیشدارلری بونلرک برقسمنی ضبط ایتدکارندن
 پیاده وسواریدن مرکب اون بیک کشیلاک برقوت شهردن
 چیقدی ، یاواشیجه چکیلن موغوللره هجوم ایتک عزمیله برباغچه‌نک
 کنارنده توقف ایتدی . موغوللر باغچه‌ده بر مقدار عسکری
 پوصویه یاتیرمق کی بر تدبیر احتیاطی اتخاذا ایتیشلردی .
 خوارزمیلر کوروندکلری زمان بوتون بو عسکرلر اوزرلرینه

[۱] پی بوکا خمار تکین دیور .

[*] نسوی‌ده بواسم (علی‌کوه دروغان) شکانده یازیلدر

ودوغریسی بودر - مکرمین

هجوم ايتديلر . اچلرندن آنجق يوز كشي قورتيلابيلدى .
 موغوللر قاچانلرى تعقيب ايدەرك شەرك طيش محلە لرینە كيرديلر ،
 اورالرى يغما ايتديلر ، آتش ويرزديلر . ايرتەسى كونی شهر
 محاصره آلتە آندی . سور قاپلرندن برینی بش بيك كشي
 ايله مدافعه يه مأمور اولان فریدون غوری gheri يه ، قوۋ
 محافظه تسلیم اولمق ایستە یورسە اسلحه و اشیا سیلە برلکده
 ایستە دیکی یرە چکیلمکده حر اولدیغنی تبلیغ ایتدیلر . فریدون
 غوری بو تکیلفی دیگر قوماندانلره بیلدیردی . هپسی بردن
 رد ایلە دیلر . موغوللر یدی آی محاصره دن صوکره خوارزم
 اوگندن کچن جیحونک مجراسنی دکیشدیرمکه قالدیلر . فقط
 بوایش ایلە مشغول اولان اوچ بيك كشي محصورین طرفندن
 پوسکور تولدی .

اوزمان موغوللر آراسنده حکم سورن نفاق محاصردنک
 موفقیتله اجراسنه مانع اولیوردی . بوتون تفوق خوارزمیلر
 طرفنده ایدی . جنکیز خانک اوچ اوغلی کندیلرینی برر آمر
 مطلق عد ایدیورلردی . برینک یاپدیغنی دیکری بوزیوردی .
 بوندن خبردار اولان جنکیز خان قوماندایی یالکیز اوقتایه
 ویردی . توشی بوندن اوقدر غیر ممنون اولدی که قاپچاق قطعە سنه
 چکیلدی . اوراده اهالینک قسم اعظمی کندیسنه عرض تابعیت
 ایتدیلر . اوقتای هجوملره تکرار باشلادی و عمومی بر هجوم
 اجراسی ایچون تدارکات کوردی . موغوللر اینانمایه جق بر غیرتله

هجوم ياپدىلار ، شهر ضبط ايدىلدى . قىلچىدىن كچىرىلنلار كىمقدارى
 بوز بىكەن فۇلە ايدى . موغوللار ھەر طرفە آتاش وىردىلار .
 بوتون خلقى اسىر ايتدىلار . اسرانك عددى او قدر چوقدى كە
 بر موغول عسكەرىنك حصە سەنى يكرمى دوت اسىردن فۇلە
 دوشمەشدى . بو شەردە نجم الدىن كبرى Coubrou نامندە
 بر شىخ واردى . بونى قورتارمق ايسەتمەش اولان موغوللار
 شەردن چىقمق مساعىدە سنى دفعات ايله كەندىسەنى تەكلىف
 ايتدىردىلار . فقط شىخ ىتمەش سەنى خوارزمىلارە برابر ياشامەش
 واولارە روابطە دىنە ايله مەربوط بولۇنمەش اولدىغى اىچون اولارە
 بىلگەدە اولمەكە عزم ايله مەش اولدىغى جواباً بىلدىردى .
 فى الحقيقه هجوملارە بويوك بر جىسارەتە مدافىعەتە بولۇندى و سلاحي
 اندە ترك حىيات ايتدى .

خەنكەزخان سمرقەند جوارندە بىرمدت او توردقەن سوكرە ،
 اوغللارى خوارزم محاصەرىلە مشغول اولدقلىرى صىرادە ،
 بالذات كىدوب نەشب و ترمە [۱] شەرلەرنى ضبط ايتدى .
 بر آز مقاومەت كوستەرمەك ايسەتمەش اولان ترمە سەكنەسى قەتل
 ايدىلدى . شەردە ياپە بالەكەز قالمەش اولان اختیار بر قادىن
 حىياتى قورتارمق اىچون غايت بويوك براىجى تەقدىم ايتدى .
 فقط اىنجىنك نەدە اولدىغى صورەتلىرى زمان بونى يوتدىغى
 سويلەنجە موغوللار قادىنك قارتى يارەرق اورادە اىنجى بولدىلار .

[۱] چىنلىلار بوكا تەلىمى دىيورلار .

صو کره باغیر صاقلرده اینجی آرامق ایچون عینی معاملہ یی تکمیل
 اولولره تطبیق ایدہ جک درجہ دہ وحشتی ایلری کوتوردیلر .
 جنکیز خان اورادن اردوسنی بلخ شهری پیشکاهنه سوق
 ایله دی [۱] . بوشهرک استحکاماتی یوقدی . فقط غایت بویوک
 و غلبه لق ایدی . ایچنده کوچوک مسجدلردن باشقه بیک ایکی
 یوز بویوک جامع ، یک کثرتله کلن تجارلر و یابانچیلر ایچون ایکی
 یوز عمومی حمام واردی . اهالی تسلیم اولمغی دوشوندیلر . فقط
 ظالم موغول شهری هجوم ایله ضبط ایتدی ترجیح ایله یوردی .
 بوتون سکنه یی اسیر ایتدی و بویوکوزل شهری کوکندن ییقدیردی .
 اوغلی تولی یی اورادن بویوک برقوہ عسکریه ایله خوراسان
 فتحنه کوندردی . بوولایتک عینی نامی طاشیان مقر اداره سی
 اوزمان غایت بویوک و اودرجه زنکین ایدی که سکنه سی عادتاً
 استقلال ایچنده یاشایورلردی . بونک یقینده مرو اسمنده دیگر
 بر شهر واردی که اوده قوتجه اوندن آشغی قالمازدی . وقتیلہ
 سلطان محمد بونک اداره سنی مجیرالملک Medgiroulmoulk .
 ویرمشدی . صو کره بونی عزل ایددرک یرینه بهاءالملک کی تعیین
 ایله مشدی . موغوللر کلیرسه شهری بر محاصره یه معروض بر اقامق
 و تسلیم ایتک امرینی آلمش اولان بهاءالملک و اسیر Vasir .
 چکیلمشدی . قوای محافظه نک بر قسمی ده جوار شهرلره

[۱] ۶۱۸ سنه سی باشلانغچنده . چینلیلر بو شهره پازله قی نامی

ویریرلر .

سنه

۱۲۲۱

داغيلمشلردى . بوشهرك بويله ترك ايديلمش اولديغنى خبر آلان
تولى شهرى تسلّم ايتمك اوزره ايلرى كلن ضابطلردن ايکيسنى
كوندردى . بهاءالملک پدرى شيخ الاسلام ياخود مفتى
هديه لرله بونلرى استقباله چيقدى وشهرك آناختارلرني كنديسنه
تقديم ايتدى . بونك اوزرينه موغوللر باشقه طرفلره آقین يامغه
کيتديلر . اونلرک عزيمتدن صوکره بوقا تورکمن Bouka-
Turkman ، تاجيکلر Tadskes ، تورکمنلر و خوارزم
سلطاننك متباقى طرفدارلرى ايله برليکده مروه کيردى ،
بوتون حکم و نفوذى الّه کچيردى . عینی زمانده ، اولجه
واليلکدن عزل ايديلمش اولان مجيرالملک ده اورايه کيتدى .
تورکمن قومانداني كنديسنه ترك ايله دى .

جنکيز خانك خوارزمه اقامه ايتديكى قوماندان اوزمان
مروده ماليه اموريني اداره ايدن ذات ايله کيزلى محارباتده
بولونويوردى . مجيرالملک بونى خبر آلنجه ماليه مأموريني
قتل ايتديردى . بهاءالملک مازندران ولايتنده کى شهرلرى
ضبط ايله مشغول اولان موغوللرک نردينه گيدهرک مرو شهرينك
عصيان ايتديکنى اونلره خبر و يردى . کنديسنه بر مقدار
عسکر ويره جك اولورلرسه کيدوب مروى تحت اطاعتلرينه
ادخال ايده جکنى سويله دى . مقاومت کوسترمز لرسه اهالى يه
دوقونمايه جغنى وعدايتمش ، عرض تسليم تدن امتناع ايتدکلرى
تقديرده شديد داورانه جغنى بيان ايله مش ايدى . موغوللر يدى

بيك عسكر ویردیله. بونلرله مرویوانی طوتدی. فقط مجیرالملکک
 شهرده سکسان بيك عسكر طوپلامش اولدیغنی خبر آلنجه
 ده ایلری یه کیتمه جسارت ایده مدی و مجیرالملکی تسلیم اولمغه
 دعوت ایلدی. مجیرالملک یوللادیغنی آدمیری قتل ایتدیره رک
 مدافعه یه حاضرلاندیغنی ایچون بهاءالملک چکیلمک شقنی مناسب
 کوردی و موغوللار طرفندن اتلاف اولوندی. بوتون تولى
 اردوسی، خوراسانی ضبط ایتدکدن صوکره، و اوزرینه
 یوریوردی. شهر اهالیسی ایسه بهاءالملکک مغلوبیتندن دولایی
 اظهار شادمانی ایدیورلردی. والی، آمویه Amouia ده کی
 تورکمنلر رئیسندن موغوللرک کلکده اولدقلرینی خبر آلنجه
 یالکز مدافعه یی دوشونمکه باشلادی. تورکمنلر رئیس
 موغوللرک مرورینه مانع اولمق ایچون برنهر کچیدینک قارشیدنده
 اخذ موقع ایتدی. فتمط قیلیجدن کچیرلدی. تولى مروه
 یاقلا شەرق [۱] محاصره یه آلدی. اهالی ابتدا بر خروج
 حرکتی یاپدیله. بونده بیکدن زیاده ضایعات ویردیله.
 بو ایلك موافقیتسزلك اونلری شهرلرینه کیرمه مجبور ایلدی.
 شهر داخلندن تولینک هجوملرینه او چ هفته مقاومت گوستردیلر.
 بو قلعه اوکنده بو قدر اوزون مدت قالمقدن جانی صیقیلان
 تولى صوک بر هجوم اجرا ایتمه قرار ویردی. بوتون اردوسنی
 ایکی یوز قسمة آیردی. قالقانلیرلی اوکه کچیردی و بالذات

[۱] ۶۱۸ سنه سی محرمک برنجی کونی.

هجوم حرکته باشلادی . مجير الملك در حال تسليميت تکليفنده بولوندى . تولى ابتدا خزينه ي و شهرده بولونان بوتون تروتلى ضبط ايتدى . صو کره بوتون شهر خلقنه ديشارى چيقمالرى ايچون امر وىردى . اهالينك مقدارى او قدر چوقدى که تخليه ايچون اك آشاغى درت کون لازم کلدی . تولى ارباب حرف و صنعتى آيرته ق بونلره برشى ياپمادی . متباقيسى عسكرلرک ظلم و وحشته ترك ايدلدى . بو وقعهده يوز بيکدن زياده آدم تلف اولديغى حساب ايديليور . تولى صو کره مرو واليلکنى امير ضياءالدينه و ماليه امورنى يارميشته [۱] Yarmiste وىردى . مرو شهرينك [۲] بويله برمعامله يه اوغراماسى او چنچى دفعه اوله رق وقوعه کليوردى . هر دفعه سنده اللى آلتش بيکدن زياده آدم تلف اولمشدى .

مروك تنكيلندن صو کره تولى نيشابور و طوس اوزرينه يورويهرك بوتون سکنه لرى قتل ايتديردى . صو کرا هراته [۳] کيتدى . بوراده شمس الدين محمد قوماندان ايدى . معيتنده يوز بيکه ياقين محارب واردى . شمس الدين محمد تسليم

[۱] پى بوکا بارماز دييور .

[۲] چينليلر بو شهره مالو ديرلر . تولينك چاقى قويده آلدیغى سوييورلرکه بو چارقس Tcharkes شهريدر . چينليلرک افاده سنجه موغوللار مالوسيلاس يا خود مرو والروض Meraulrroudh شهرينده آلمشردى .

[۳] چيناييلر بوکا هالاهاه ديرلر .

اولمادی . تولى شهرى محاصره ايتدى . قوهٔ محافظه
 یدی کون متصل خروج حرکتی یاپدیردی . طفیندن صوك
 درجه ده شدله حرب ایدیلدی . هر طرفدن قان آقیوردی .
 تولى بو محاربه لرده بیک یدی یوزدن زیاده ضابط غائب ایتدی .
 سکنزنجی کونی محاربه ینه عینی شدت معندانه ايله تکرار
 باشلادی . شمس الدین محمد تهلهکلی صورتده یارالاندیغی جهتله
 عسکرلری شهره قارمه قاریشیق برحاله چکیلدیله . موغوللارده
 اولرله برابر ایچری یه کیردیله . عسکرلرینک باشنده بولونان
 تولى منادیله خلقه تسلیم اولمالری لزومنی اعلان ایتدیردی .
 کندیلرینه ملایمتله معامله ایده جکنی ، جلال الدینه ویردکلی
 ویرکونک نصفندن فضله سنی ایسته مه یه جکنی وعد ايله یوردی .
 شهر سکنه سی بو تکلیفاتی قبول ایتدی . فقط قوهٔ محافظه
 راضی اولمادی . هر کس ایسته دیکی طرفی التزام ایتدی و او
 طرفه کچدی . تولى قوهٔ محافظه نك سلاحلرینی آله رق کندیلرینی
 قلیجدن کچیرتدی . هرات والیلکنی ملک ابوبکره Malek
 Aboubekr ، امور مالیه نك اداره سنی منکته ی Menghetei
 ویردی . صوکره ملاحدہ [۱] Melahedite تعبیر دیکرله
 صباحیلر Assassins الکاسنی تخریبه کیتدی . نهایت ، طالقان
 Talkhan پیشکاهنده بولونان پدرینه التحاق ایلدی .
 جنکیزخان بلخک ضبطندن صوکره طالقانه هجوم ایتشدی .

[۱] چینلیلر بولرله مولای دیورلر .

یدی آیدن بری بوقلمه نك محاصره سیله اوغراشیوردی. تولینك عودتی قوتارینی مهم درجه ده تزیید ایتدیکی ایچون عمومی بر هجوم اجرا ایدد بیله جك حاله کلدی. بو هجومده شهر ضبط و بوتون قوهٔ محافظه قتل اولوندی. بر آاز صو کره عینی معامله پی آندراب Anderab محافظلرینه قارشى تطبیق ایتدی. صو کرا بامیان Bamian اوزرینه یورودی. بو شهر بویوک بر مقاومت اثری کوستردی. جنکیزخان بوراده، چغتایك پك سودیکی بر اوغلانی غائب ایتدی. بو کنج شهزاده نك وفاتی بوتون موغوللاری پك قیزدیردی. هجوملری تشدید ایتدیله، نهایت شهرى اله کچیردیله. نه کبه قادینلره نه حیوانلره مرحمت ایتدیله. هپسی قتل اولندی. بامیان بر چولدن عبارت قالدی؛ موبالیغ Moubalig یعنی حزن و کدر شهرى نامی ویریلدی.

جنکیز خان بو طرفلر ده فتوحاتی دهاایلریاره کوتوره جکدی. فقط سلطان جلال الدینك [۱]، موغول قوماندانلری اوزرینه احراز ایتدیکی بویوک بر مظفریت کندیسنى علی العجله اوکا قارشى یورو مکه مجبور ایتدی. جنکیز خان سمرقنده صاحب اولدقن صو کره قالشان [۲] Kalschan لقبیله یادایدیلن اوغار Ugar ى شانجی

[۱] چینلیلر کندیسنه چالاتینغ دیرلر. عنواننك ده سوتان یاخود سوتونان اوله یغنی سویلرلر.

[۲] موغول لساننده خوش، تحف بر آدم معناسنه در.

Schangī ، قوتوقتو نویان ، تابازیق و مالقاو Malkav ایله
برلکده اوتوز بیک عسکر قومانداسنده کوندرمش ، خوارزم
سلطاننک ممالکی ایله غزنه، قندهار و کابل الکالری آراسنده
هر دورلو مواصله یی کسمک ایسته مشدی. بوقوماندانلر دشمنک
حرکاتی دهایی ترصد ایده بیلمک ایچون مختلف قوللره آیریلشله
دی. قوتوقتو نویان عسکرلریله هراته یاقلاشدی . اوراده
والی سلطان خان ملکک جلال الدینه التحاق ایتک اوزره برآز
اول شهر دن چیقمش اولدیغنی خبر آلمشدی . بو شهر اوزمان
موغوللره هنوز تابع دکلدی. خوارزمیلر قوماندانی تعقیب ایتک
ایسته دیسه ده بیهوده اولدی . چونکی خوارزمی قوماندانی
عسکرلریله سلطان جلال الدینه التحاق ایده بیلدی. دیگر طرف دن،
تابازیق ایله مالقاو سکنه سنک اهلکارلغی یوزندن علی الغفله
ضبط ایده بیله جکلرینی امیدایتدکلری قندهاره کیتدیله. بونلر
محاصره ایله مشغول اولدقلری صیراده جلال الدین کله رک کندیلرینه
هجوم ایتدی ؛ فراره مجبور ایله دی. اوردوسنک صول جناحنه
سلطان خان ملک ، صاغ جناحنه سیف الدین ملک قوماندا
ایدیوردی . کندیسى مرکزده قالدی. شدتله موغوللر اوزرینه
صالیدی . قوتوقتو نویان محاربه اثناسنده ضابطلرندن برینه
نه قدر قالپاق ومانتو بولونا بیلیرسه هپسنک ایچنه صمان دولدیرلمه سنی
امر ایتمشدی . بونلردن بر صف یاپیله رق بار کیرلر اوزرینه
ترتیب اولونمشدی . خوارزمیلر بونلری یکی بر قوه امدادیه

ظن ايتديلر . فراره باشلايورلردى . فقط حيله نك فرقنه
 واران جلال الدين كنديلرني تكرر محاربه يه سوق ايتدى .
 مصادمه صباحدن آتنامه قدر سوردى . قاچغه مجبور اولان
 موغوللار بوتون اولولرني وياراليلرني ميدان حربده ترك ايتديلر .
 عسكرلرينك مغلوبيتندن خبردار اولان جنكيز خان درحال
 احوالى يه كيتدى . جلال الدين ايندوس طرفلرينه چكىلدى
 واوراده مغلوب اولدى . بو بويوك نهري يوزه رك كچدى .
 دوباي نويانك Dubai ، بالانويانك تعقياتندن قورتولدى
 و هندستانه قاچدى .

جلال الدينك موغوللار اوزرنده احراز ايتديكي موفقيت
 شايعه لري اوزرينه شهرلر موغول بويوندوروغنى سيلكمكه
 باشلامشلردى . هرات شهرى تولينك اوراده براقدينى ضابطانى
 تپه له مش ، مبارزالدين نامنده يكي بر والى تعيين ايتمشدى .
 جنكيزخان بو بويوك شهرك اهاليسنى قتل ايتديرمدى كندن
 دولاي اوغلنى مؤاخذه ايتد كدن صو كراهيلچيك تاي نويانى
 Jtchiktai سـكسان بيك كشى ايله اورايه كوندردى .
 شهر درحال درت مختلف طرفدن محاصره و اون . كون
 محاصره دن صو كره ضبط ايدىلدى . تماماً تخریب اولوندى .
 آنجق اون بش كشى قورتولدى . موغوللار اورادن خوراسانه
 كله رك جنكيزخانه التحاق ايتديلر [۱]

سنه
 ۱۲۲۲

سنه ۱

۱۲۲۳

غوبیل
تاتارلرک تاریخ
عمومیسی

جنکیز خان چوقدن بری قاپچاق اقوامندن دلکیرایدی .
 قراللری کندیسینک علیهنده سوز سویلهمش وچوق کره
 دشمنلرینی نزدینه قبول ایتشدی . آذربایجانی و آراران الکاسنی
 تحت انقیاده آلمش اولان سودای بهادر ایله چبه نویان
 آرقه لرندن قوسملی Cosmeli کلدیکی حالدده اردو لرله
 برلکده اوسنه قاپچاقه دوغرو یورومک امرینی آلدیلر .
 ابتدا شماخی Schamakie یه کیده رک تسلیم اولمغه مجبور
 ایتدیلر . اوراده کندیلرینی دربند شهرینه قدر اک قیصه
 یولدن کوتورمک اوزره اون قلاغوز آلدیلر . بوقلاغوزلری
 قورقوتماق ایچون بردانه سنی دیکرلرینک کوزی اوکنده
 اولدیره رک مجهول یولاره سوق ایله کندیلرینه یولی شاشیرته جق
 اولورلر سه بو عاقبتده اوغرایه جقلرینی آ کلاتدیلر . بومثاله رغماً
 قلاغوزلر موغوللری آلنر ایله قاپچاقلرک پوص و قورمش
 اولدقلری بریره سوق ایتدیلر . آرتق کری چکیلمک امکانی
 قالمادیغی زمان بونک فرقه واران موغوللر بوا یکی دشمن
 قوم آراسنه نفاق صالمق چاره سنی دوشوندیلر . قاپچاقلره
 هدیه لر کوندردیلر ، کندیلرینی موغول قانندن اولان قاپچاقلردن
 تمامیه آیری بر قوم ایله برلشمش کورمکدن حیرتله دوشدکلرینی
 سویله دیلر . بونک اوزرینه قاپچاقلر آلنلردن ایرلیدیلر .
 فقط موغوللرله برلشمکدن ده امتناع ایتدیلر . موغوللر
 بونفاقدن استفاده ایدیه رک آلنره علی الغفله هجوم ایله پک چوغنی

اولدیردیلر ومتباقیسنی اسیر آلدیلر . قاپچاقلر اونلری بویله
ترك ایتیش اولدقلرینه پشیمان اولمغه باشلادیلر . موغوللردن
احتراز ایدهرک روسلرک [۱] حدودلرینه چکیلدیلر . روسلرله
براتفاق عقد ایتدیلر . روس تاریخلری بوقاپچاقلره پولوتسی
Poloutci یعنی آوجی یاخود خیرسز تعبیر ایدیورلر . چونکه،
بوقوملر شقاوت ایله یاشازلردی [۲] . پولوتسیلر یاخود
قاپچاقلر قیووی Kiovie [کیهف] ده حکمران اولان
مستیلاس رومانوویچدن استمداد ایتدیلر . اونک اعتمادی
جلب ایجون قاپچاق رئیس خرسیانلغی قبول ایتدی . بونک
اوزرینه روسلر عسکرلرینی طوپلادیلر، بوریسته نه Borysthenes
دوغرو یورودیلر . بواتفاقدن خبردار اولان موغوللر
روسلره کندیلرینه هجوم نیتنده اولمادقلرینی، یالکز قاپچاقلره
قارشى حرکت ایتدکلرینی بیلدیردیلر . روسلر ، موغوللرک
کوندرمش اولدیغی آدملری قتل ایتدیلر . موغوللریکی
مرخصلر کوندردیلر . بونلرکده سوزلرینه قولاق آصمادی .
غالیج مستیلاسی بوریسته نی کچدی ، موغوللرک پشدارلرینی

قروم
میشو
آنال روسیه ن

[۱] چینلیر روسلره اوته لوس دبرلر .

[۲] میشو بوسفرك ۱۲۱۲ تاریخنده قروم رایسه ۱۲۱۱ تاریخنده

وقوعه کادیکنی سویلیور . روس تاریخلرینه نظراً ۱۲۲۳ ده وقوعه
کلمشدر . بوروایت چین تاریخله توافقی ایتدیکی کبی وقایعه ده
اویمقده در . حتی روس تاریخلری بوتاریخدن اول تانارلردن هیچ
بحث ایدیه مکده اولدیغنی ده بیلدیرمکده درلر .

قوغدى . سیه میابك Syemia قومانداسنده پیشدارلر اورایه
 کلشلردی . صوکره ، غالیچدن کلش اولان بوتون روس
 اردوسی بیک سفینه اوزرینه بورستن نه رینی کچدی ، برموغول
 مفرزه سنی پریشان ایدهرک قالقاس شهرینه قدر تعقیب ایله دی .
 اردونک قسم متباقیسی اوراده ایدی . غالیچ مستیلاسی بونهری
 کچدکن صوکره عسکرینی صف حرب اوزره دیزدی .
 قاپچاقلری باشه کچیردی . قاپچاقلر مغلوب اولدیلر ، احراز
 مظفریت ایتک اوزره بولونان روسلرک اوزرینه دوشدیلر .
 کیهف مستیلاسی ایله سیوبوتوسلاسک اوغلی دیگر
 برمستیلاس بومغلوبیتدن خبردار اولماقلری جهته اردو کاهلرنده
 باصقینه اوغرادیلر . اردو کاهلرندن چیقمامشلردی . اوچ
 کوز، مدافعه ده بولوندیلر ، فقط صوکره قرارکاهلرینی ترک
 ایتک مجبوریتنه قالدیلر . موغوللر اونلری بوریسقنه قدر
 تعقیب ایتدیلر . مستیلاس، کیهف غران دوقه سی وچرنیقوف
 دوقه سی اسیر دوشدیلر [۱] .

غوبیل

اوزمان روسیه ده دها ایلر یلره نفوذ ایتمین موغوللار قاپچاق
 الکاسنه دوندیلر ، وولغایی [۲] کچدیلر ، بوتون اوصحرالری
 تخریب ایتدیلر ، قام لیلرک هوتوس Hotose نامنده کی خانلرینی

[۱] بومحاربه خلقت عالمی مبدأ انخاذا دن روس تقویمنه کوره
 ۶۷۳۱ سنه سی حزیرانک ۱۶ سنده وقوعه کلسدر .

[۲] چینلیلر اولی قی دیرلر .

اولدیردیلر ، بویوک بخارستانده کلوب جنکیزخانہ التحاق ایلدیلر . چپه نویان ایشته بو بویوک سفردن عودتده زمانیک اک بویوک بر قوماندانی شهرتی ایله محاط اولدیغی حالده وفات ایتدی . جنکیزخان بو الکانک شهرلرندن برنده یازک شدتلی صیجاقلرینک کچمه سنی بیکله یوردی . عائله سنه منسوب ذوات ایله قوماندانلری اوراده برلشدیلر . بر مجلس عمومی عقد ایدیلدی وبونده فتح ایدیلن بوتون مملکتلر حقنده بر شکل حکومت قرارلاشدیرلدی . عسکر قوماندانلرندن باشقه تارغوجی Targoudgi [۱] نامنده ضابطلر تعیین اولوندی که بونلر توزیع عدالته مأمور ایدیلر . موغول حکمدارینک مهرینی ده حامل بولونیورلردی .

جنکیزخانده اوزمان لوازم وارزاق ، بالخاصه پرنج ایله ایپک یوقدی . بو مجلسده ایلری کلن بعض ذوات بر تکلیفده بولوندیلر . چینده ضبط ایدیلن ولایاتده کی اهالینک کافه سنی هیچ برایشه یارامادقلرندن دولایی اولدیره رک اراضیلرینی مرعاحالنه قلب ایتک بویوک برفانده تأمین ایده جکی مطالعه سنده ایدیلر . بوفاتحلرک وحشتی بودرجه یه قدر وارییوردی . ایلچوتسای Ilitchoutsai بوتکلیفه شدتله مخالفت ایتدی . چین فتحندن استفاده ایتک ایچون نه یایمق لازم کلدیکنی جنکیزخانہ ایضاح ایلدی . مزروع اراضی ایله طوز ، دمر ،

[۱] چینلیر تالو هوآ دیورلر .

نهرلرک محصلاتی، پرنج، ایپک خزینہ یہ مهم واردات
تأمین ایدہ بیلیدی. بر حکمدارک شان و شرفی، قوت و سطوتی
مغلوب اقوامی قتل ایتکده اولمادیغنی آ کلاتدی. اردولرہ
قوماندا ایچون بویوک قوماندانلرہ لزوم وارسه اداره امور
ایچون عاقل حاکم لره و طوپراغی زرع ایچون چالیشقان
چیف تبحیرده احتیاج بولوندیغنی ایضاح ایلدهدی.

سنه

۱۲۲۴

غوبیل

جنکیزخان هندستانده حرب ایچون حرب مملکتلرنده
اقامتنی تمید ایتک ایسته یوردی. اردولری دمیر قاپی دنیلن
بر نقطه یه قدر ایلرله مشلردی. بوراسی هم طبیعت هم فن
حرب طرفندن غایت تحکیم ایدیلش برکچید ایدی. فقط
موغوللار کییکه مشابه برجنوار کوردکلرینه، بونک قویروغی
یارکیرہ بکزه دیکنه، باشنده بر بونوزی بولوندیغنه،
تویلری یشیل اولدیغنه، بو حیوانک جنکیزخانک عودت
ایتمه سی ایجاب ایتدیکنی سویله دیکنه دائر برشایعه چیقارمالری
اوزرینه ایلچوتسای بوفرصتدن استفاده ایلہ جنکیزخانه
اللہک بوجنوار واسطه سیله اوکا قاندن خوشالنامادیغنی،
مغلوبلرک حیاتی باغیشلامق اقتضا ایتدیکنی آ کلاتدیغنی
سویله دی. جنکیزخان بو قدر اوزاق مملکتلرده حرب ایتکدن
موغوللرک صیقلدقلرینی آ کلادی وفاراقوروم [۱] ه دونمکه
قرار ویردی. بر مدت اول بوراسنی کندیسنه پایتخت اعلان

[۱] چینلیلر بوکا هولین دیرلر.

ایتمشیدی [۱] . فقط یوله چیقمازدن اول اوغلی چغتایه .
سلطان جلال‌الدینی آرامق اوزره کیلانه کیتمه‌سی ایچون .
امرویردی . اوزمان ، جلال‌الدینک هندستاندن عودت
ایتدیکنه دائر برشایعه انتشار ایتمشیدی . اوقتای سبکتکین
نامنده برخوارزمی قوماندانک تشبثاته مانع اولمق اوزره
غزنه [۲] جهتلرینه کوندرلدی . اوقتای ، سبکتکینی حمایه
ایدن غزنه شهرینه کیتدی . بوتون سکنه‌یی قیلیجدن کچیردی .
چغتای بوتون کیلان قطعه‌سینی تحت اطاعت آلدی . بوسفردن
صوکره ایکی شهزاده بویوک بخارستانده پدرلرینه التحاق ایتدیلر .
جنکیزخان تاتارستانه عودت فکریله سمرقنده کیتمشیدی .
فقط بوشهری ترک ایتهدن اول قاپچاقده اقامت ایدن توشی‌یه
برضابط کوندره‌رک بویوک برآوه حاضرلانماسی ایچون
امرویردی . اوزمان قاپچاق حدودی ایله تورگستان حدودی
اوزرنده پک‌چوق وحشی حیوانات واردی . بو آلره پک‌چوق
کشی اشتراک ایدردی . وبونلر براکلنجه‌دن زیاده عادتاً
بر اردو حرکتیه بکزریدی . بوتون عسکر غایت واسع
بردائره تشکیل ایدرلردی . چوق کره قوجه برالکا بودائره
ایچنده قالیردی . خلقه کیتدکجه دارلاشه‌جق صورتده عسکرلر
ایلرلردی . اورمانلرده وداغلرده بولونان حیوانلر بو دائرنک

تاتارلرک تاریخ
عمومی

[۱] ۱۲۲۱ تاریخنده

[۲] چینیلر بوکا هانین دیرلر .

ایچنده محبوس قالدقلرندن هپ مرکزه دوغرو قاچارلر
 واوراده برلشیرلردی . اوزمان حکمدارلر ایستدکلرینی
 اولدیریرلر ومتباقیسنی عسکرلره براقیرلردی . آیلرجه دوام
 ایدن بو اولر اردویی بسله مکده خدمت ایدرلردی . توشی
 پدرینک امری اوزرینه عسکرلرینی وتبعه سنی طوپلادی .
 وحشی حیواناتی جنکیزخان طرفنه دوغرو سورمکه باشلادی .
 جنکیزخان ده عینی حرکتی عکسی جهته اجرا ایدیوردی .
 بو آوده غایت عظیم مقدارده حیوان اتلاف ایدیلدی . توشی
 پدریله ملاقاته کلدیکی زمان فنا حالدده بولونان سواریسینی
 تنظیم ایچون یوز بیک بارکیر کتیرمشدی . یکریمی بیکی
 بیاض ، یکریمی بیکی سیاه ، یکریمی بیکی طوری ، یکریمی بیکی
 دمیر قیری و براوقدری ده قاپلان رنکنده ایدی . عینی زمانده
 پدرینه آزچوق هدایاده کتیره رک قاردشلرینه تقسیم ایتدی .
 جنکیزخان توشینی قاپچاقه اعاده ایلهدی . غریبده فتح اولونان
 مملکتلرک اداره سنی چغتایه ویردی . قوماندانلرندن پورچو
 Portchou چغتایه ایجابنده نصیحت ویرمک اوزره مشاور
 تعین اولوندی . صوکره جنکیزخان قاراقورم یولنی طوتدی .
 یاننده اوقتای ، سودای بهادر ، چاهان Tchahan ، قوسملی
 Cosmeli ، قوبا Couba ایله پیتو Pitou ، اوآچن Ouatchen ،
 آلاقوسک اوغلی پویا ئو هو Poyaoho ، ایغورلر قرالی ایدیقوت

واردی. یدی سنه غیبوتدن صوکره تولا شهری جوارلرینه
واصل اولدی [۱].

سنه

۱۲۵۲

غوبیل

جنکیز خانك بوتون عائله سی کندیسنی استقباله چیقدی
وپك بویوك آثار مسرت ایچنده قبول ایتدی . له آئوتونغ
قرالیچه سی تیائولی جنکیز خانك آياقلىرىنه قاپانه رق فتوحاتندن
دولايى تبریکاتده بولوندى . جنکیز خانده زوجى لیه ئوقونك
وفاتى مناسبتيله کنديسنی تعزيت ایدەرك له آئوتونغی صورت
اداره سندن دولايى علناً تقدیراتده بولوندى وبوتون عائله سی
حقنده حمایه سنی وعد ایتدی . قرالیچه ، غرب طرفلرنده
جنکیز خانە رفاقت ایدن لیه ئوقونك اوغلى یتویه له آئوتونغ
قرالى عنوانى ویرمه سنی رجا ایلهدی . یتو باشقه بر قادینك
اوغلى ایدی . قرالیچه نك کندی اوغللری ، از جمله شن قو
واردی که امور اداره ایچون ایجاب ایدن تکمیل مزیا ته مالکدی .
فقط آندی اوغللرینه یتوی ترجیح ایدەرك درجه ده یوکسك
داوراندی وبونی جنکیز خاندن مصرانه ایستهدی . جنکیز
خان ایسه هیچ اولمازسه ایکی پرنسك برلکده حکومت ایتهلری
فکرنده ایدی . جنکیز خان تیائولینك اوزون اصرارلری
اوزرینه نهایت موافقت کوستردی . یتونك غریبه کوسترمش
اولدیغی آثار شجاعتی قرالیچه یه آکلاتدی . نهایت اونى

له آئوتونغ قرالى اعلان ايتدى . شن قويى نردندە آليقويه رىق
پيتوي تيائولى ايله برلكده له آئوتونغه كوندردى .

غنوبيل جنكيز خانك غيبوتى ائناسنده چينده كى قوماندانى موغلى
كرك بالذات كرك امرى آلتنده كى قوماندانلر واسطه ساييله
نيوچه لره قارشى حرب ايتمكدن خالى قالمامشدى . ماسغانى
براردو ايله ، نيوچه لرك قوماندانى چانغ يائويه هجومه كوندرمشدى .
چانغ يائو په چەلى داغلر نده كاڻ مشهور بر قلعه اولان تسه قين-
قوانه كيتمشدى [۱] . نيوچه لر قوماندانى كمال جيسار تله
مدافعاتده بولون دقن صوكره بار كيردن دوشدى . كنديسنى
در حال طوتديلر ، ماسغانه كوتورديلر [۲] و حضور نده ديز
چوكمكه اجبار ايتك ايسته ديلر . چانغ يائو : بنده ماسغان كى
براردو قوماندانى يم . بويله بر آچاقلىق ارتىكاب ايدەرك هيچ
بر زمان ناموسمى كيرلتم ، ديدى . ماسغان بو قوماندانده
كوردىكى علويت روحدن حيرت ايدەرك باغلر نى چوز ديردى .
كنديسنه حلم و ملايمت ايله معامله ايتدى . سائر اسرايه ده
بوصورتله معامله كوسترمشدر . فقط عيني زمانده چانغ يائونك
پدر نى و والده سنى ده توقيف ايتملرى ايچون امر ويرمش
اولديغندن چانغ يائو اونلرك حياتى قورتارمق ايچون موغوللر

[۱] ۱۲۱۸ سنه سنده

[۲] ۱۲۱۸ سنه سنك بشنجى شهر قريسنده .

طرفه كچدى و مؤخرأ موغوللارك اك اى قوماندانلرندن
برى اولدى .

موغلى ، رفاقتنده اوغلى پولو Polou اولدىغى حالده ،
صوكره شانسى داخلنده نيوجهلارك استرداد و تحكيم ايتىش
اولدقلىرى بىض موقعلىرى ضبط ايتدى [۱] . بوولايىك پايىختى
اولان تايوئن فو اوچ هجومه مقاومت كوستردى . ايجندهكى
ضابطلر تسليم اولمقدن ايسه اتتار ايتكى ترجيح ايلدىلر .
سائر مواقع ضابطانى ده بومثاله اقتفا ايلدىلر . موغلى ، چانغ-
ياثويه بر مفرزه عسكر وىردى [۲] . چانغ ياثو قياو طرفندن
قتل ايدىلن بر دوستىك انتقامنى آلق حرصيله نيوجهلارك
بو قومانداننىك بولوندىغى پاثوتىنغ فو اراضيسنه كىردى . قياو
قوانغ تاي داغنده تحصن ايتىشدى . بوراده صو يوقدى . چانغ ياثو ،
قياونىك عسكرلرىنىك جوارلردن صوتدارك ايتمه لرینه مانع اولمقله
اكتفا ايتدى . و بوسايه ده اونی تسليم اولمغه مجبور ايله دى .
قياونىك قلبنى چيقاردى ، دوستىك ارواح اجدادى ايجون
قربان ايتدى . صوكره ، پاثوتىنغ فونىك برقاق فرسخ شمال
غربىسنده كوچوك بر شهر اولان مان چىنغه چكىلدى . نيوجه
قوماندانلرندن اوسيه ن بوراده كندىسنى محاصره يه آلدى .
بو شهر اوزون بر محاصره يه تحمل ايدى بيله جك بر حالده اولمادىغندن

[۱] سكزنجى شهر قىرىده

[۲] ۱۲۱۹ سنه سنك برنجى شهر قىرىسنده

چانغ يائو ايشه يارامايان آدملىك كافه سنى سورلىك اوزرىنه
 دىزدى . جسور عسكرلردن مركب بر مفرزه ايله برخروج
 حركتى ياپه رق دشمن صفلى آراسندن كنديسنه بر يول
 آچدى . فقط بوتهلكه دن قورتولور قورتولماز ديكر بر نيوچه
 قولى طرفندن اطرافى صاريلدى . ايكي ديشنى قيرمش اولان
 براوق ضربه سيله مجروح بولونمقله برابر ، ياننده كيلرك همان
 كافه سنى غائب ايتد كدن صوكرده او قدر شجاعته قىلنج النده
 مدافعه ده دوام ايتدى كه دشمنلرندن قورتولدى وقالان پك آز
 عسكرى ايله برلكده چكىلدى . يولده راست كلدكلرى درت
 شهرى يغما ايتدى . صوكره ، موغليدن آلدغى قوه امداديه
 ايله چينغ تينغ فو و پائوتيم فو ولايتلر نده بعض فتوحاتده بولوندى .
 موغوللر قورده عىنى صورتله موفق اولديلر . اوسنه
 موغوللر قورده فراللغى كنديلرينه خراجكذار يامغه موفق اولديلر .
 موغلى ، نيوچه لرك مملكته چوق كچمه دن تكرار
 كىردى [۱۱] . پائوتينغ فو قربنده مان چينغده قرارگاه تأسيس
 ايتدى . اورادن په چهل قطعه سنده داغلر ايچنده برقلعه
 اولان تائوما قوآنه مهم بر قوت كوندردى . بوقوت بر نيوچه
 قولنى بوزدى . چنغ نينغ قو واليسى موغوللره تسليم اولدى
 وبوموقى اولره ويردى . موغلى ، آلنان اسيرلىك كافه سنى
 سربست براقدى ، ياغمايه مانع اولدى وشانتونىك پاتختى
 اولان تسى نان فو شهرىنى ضبط ايله دى .

غوبيل

برسنه اول ، ايمپراطورلغك سبب فلاكتى ديه اتهام
ايدىلن ناظرى قانۇقىي قتل ايتدىرمش اولان نيوچەلر
ايمپراطورى اوزماندن برى موغوللرى مملكتىدن طرد اچون
ايجاب ايدن تدابيرى اتخاذايله مشدى . قانۇقىيە خلف اولان
سوتىنغ حرب ايشلارندە تجربە ديدە ايدى . شانتونىغ ولايتندە
ايكى يوز بيك كشيلىك براردو طوپلامغە موفق اولمشدى .
كنديسى هواڭغ لينغ قانغ دە اردوگاه تأسيس ايتمشدى .
اورادن موغلىيى باصمق اوزرە يكرمى بيك پيادە سوقايله دى .
موغلى درحال تسي نان فودن حر كتله نيوچەلرە قارشى يورودى
واونلرى بوزدى . صوكرە نهر كنارندە قرارگاه قورمش
وصف حرب تنظيم ايتمش اولان نيوچە اردوسنە هجوم
ايله دى . سواريسنە پيادە كى حرب ايتدىردى ، دشمنى
چكىلمكە مجبور ايتدى . دشمن عساكرينك برچوغى نهرده
بوغولدى . موغلى صوكرە تونىغ چانغ قويى محاصره يە كيتدى .
فقط بو محاصره نك پك اوزون سورە جكنى تخمين ايتدىكندن
قلعه يى آبلوقه آلتندە طوتمق اوزرە برمقدار عسكر براققله
اكتفا ايتدى . اوزمان بوشهرده ارزاق يوقدى . قوۋە محافظه
خروج حر كتى يامغە تشبث ايله دى [۲] . موغلىنك اوراده براقمش

[۱] ۱۲۲۰ سنه سنك سكرزنجى شهر قريسنده

[۲] ۱۲۲۱ سنه سنك بشنجى شهر قريسنده .

اولدینگی قوماندان موغول بوقرۋ محافظہ یی بوزدی . یدی
 بیک کشی اولدیردی ، صوکره شهره کیردی .
 بوصیراده موغلی قارامورانی کچمش وتانغوت قرالنک
 حوزۋ ممالکینه داخل بولونان اورتوس الکاسنه کیرمشدی .
 تانغوت قرالی موغلینک بوتون ایسته دکلرینی قبوله مجبور اولدی .
 صوکره ، موغوللر شنسی قطعہ سنه کیده رک ین غانی محاصره
 ایتدیلر . بوراسی نیوچه لره عائد ایدی . اوراده یدی بیکدن
 زیاده آدم اولدیردیلر . فقط بوموفقیتہ رغماً شهره صاحب
 اولامادقلری جهتله کیدوب قیاچه ئوی ودها سائر بعض
 شهرلری ضبط ایله دیلر . بورالرده بر مقدار عسکر
 براقیدیلر . موغول بوصورتله مشهور تونغ قوان کچیدینی
 ضبط ایدہ رک صوکره قای فونغ فو شهرینی محاصره یه کیده بیلیمک
 امیدنده ایدی . پینگ یام فو جوارنده متعدد مواقعی ضبط ایله دی [۱] .
 فقط شنسی داخلنده فونغ تسیانغ فو شهرینه هجومندن [۲] بر
 فائده حیقما دی . نیوچه لره شنسی ولایتی داخلنده پوچه ئوی
 استرداد ایله موغول والیسنی اولدیردکلرینی خبر آلنجه درحال
 قاراموران نهرینی کچدی ، اوقطمه یه کیردی ، پوچه ئوی تکرار
 ضبط ایتدی ودها بر چوق مواقعی اله کچیردی . فقط یکی بر
 سفر حاضرلغی کوردیکی صیراده ون هی هیه نده خسته لاندی .

[۱] ۱۲۲۲ سنه سنده .

[۲] ۱۲۲۳ سنه سنده .

اوراده وفات ايتدی . وفاتندن اول قاردشى تايسونه شو
سوزلری سويله دی : « بو ولايتده موغول حکم ونفوذینی
تأسيس ايچون قرق سنده در کمال موفقیتله حرب ایدیورم .
پیهن قینفی ضبطه موفق اولامادیغمه تأسفلر ایدهرک اولیورم .
بو وظیفه یی سزه براقیورم . بو شهرک ض بطنی غایت مهم بر
مظفریت کبی تلقی ایتلیسکیز . »

موغلی اللی درت یاشنده ایدی . جنکیز خانک اوندن ده
صادق و مربوط ، اونندن ده چوق خدمتی کورلمش بر تبعه سی
یوقدی . الکعادی برنفر کبی بوتون مزاحم حربیه یه قاتلانیردی .
روایت اولندیغنه کوره ، جنکیز خان بر قبیله رئیس اولدیغی
زمانلرده ، دوچار اولدیغی بر موفقیتسزلکدن صوکره غایت
یورغون دوششمش اولان جنکیز خان کثرتلی یاغان قارلردن
دولایی قرارگاهه دونه میهرک بر آز اویومق اوزره بر طرفه
صمانلرک اوزرینه یاتمشدی . موغلی ایله پورچو براورتو آلهرق
یوتون کیجه هواده طوتدیله . آیقلرینی هیچ برندن قلمدا تملدیله .
بو حرکت ایکی ضابط ایچون مدارافتخار اولدی . او تاریخن
صوکره موغول حکمدارلری اونلرک عائله لرینه غایت حرمت
کوستردیلر .

جنکیز خان بو بویوک قوماندانک وفاتندن دولایی بحق
پک متأثر اولدی . موغلی نک اوغلی پولوی پدرینک یرینه نصب
ایتمش اولمقله برابر تاتارستانده کی ممالکنه عودت ایتمه سنه احتمالکه

بو وقعه سبب اولمشدر . جنكيز خانك چينده وجودينه احتياج
واردى . يوقاریده کوردیکمز وجهله ، نیوچه لر چیندن
موغوللری طرد ایتمک ایچون پک چوق غیرت ایدیورلردی .
او قدر زحمتک ثمراتی بر آن ایچنده محو اولاییلردی .
دیگر طرفدن ، تانغوت قرالی ، موغوللرک ایکی بویوک
دشمنی اولان سون قوئەن قی ایله چه لا هو یی نزدینه
قبول ایتمشدی . جنکیز خان بوندن دولایی تانغوت
قرالنه بوش یرە شکایت ایتدی . تانغوت حکمداری جنکیز
خانی ممنون ایتمک شویله دورسون ، بالعکس او قوماندانلری
استخدام ایله دی . بو حرکتدن حدته کلن جنکیز خان بوتون
اردوسنک باشنه کچهرک تانغوت اوزرینه یورودی . عسکرلرینی
اون قوله آیردی . ایلك ایکی قوله چغتای ایله اوقتای قوماندا
ایتدیله . دیگرلری قاراشار ، ایلنقو ، بلا ، سودای بهادر
و دها سائر رؤسا قومانداسنه ویریلدی که بونلرک هپسی ده
تولینک امری آلتنده ایدیله . موغوللر بویوک چولی کچدیله ،
تانغوت الکاسنه کیردیله [۱] ، ابتدا اليوم اتسینا Etsina نامیله
یاد ایدیلهن آقاشین شهرینی ضبط ایتدیله . دها برچوق مستحکم
مواقعی اله کچیردیله که سوچه ئو ، سیله آنغفو بو میانده در .
صوکره موغوللر لینغ چه ئوی ده تحت اطاعتلرینه آلدیله [۲] .

۱۲۲۶

[۱] ایکنجی شهر قریده .

[۲] اون برنجی شهر قریده .

عرب و عجم مورخلى ، و اونلر تېغاً موسىۋى پى تانغوت قىرالى شىداسقونىك جنكىز خانە قارشى بش يوز بيك كشيلىك بر اردو كوندردىكىنى ، بو عسا كرك كافەسىنىك غايت كوزل ملبس اولدقلىرىنى ، موغول اردوسىندە ايلنقونىك قومانداسى آلتىندە يكرمى بيك خوارزمى بولوندىغىنى ، بلانىك يىنە بومقدارده هندلى عسكەرە قوماندا ايتدىكىنى سويليورلر . يىنە بو مورخلىك ازوايتنە نظراً بدرالدينىك قومانداسى آلتىندە اوتوز بيك جت ، دانشمند خان قومانداسى آلتىندە اوتوز بيك خوارزمى واردى . تانغوت قىرالى طرفندىن سوقايدىلن يوز بيك كشيلىك برسوارى قوتى ابتدا كرى پوسكورتولدى . صوكرە جنكىز خان دها ايلرى يە نفوز ايتىمكە موفق اوله رق عسكەرلىرىنى قاراموران نهرينىك تشكىل ايتدىكى بر كوك بوزطوشمىش سطحى اوزرنده صف حرب نظامنده ترتيب ايتدى و تانغوتلرە قارشى بويوك بر مظفرىت قازاندى . بو محاربەده اوچ يوز بيكدن زياده انسان تلف اولمشدر .

غوبىل

بو تفصيلات هر نه اولورسه اولسون ، جنكىز خان برچوق فتوحاتدن صوكرە شماله دوغرو اوتوز قىر قىر فرسخ مسافەهە چكىلدى . اوغلى اوقتاي ، آرقەسىندە چاهان اولدىغى حالده ، هونان قطعەسىنە كىردى . او زمان نيوچه لرك چيندهكى ايمپراطورلقلرىنىك پايتختى اولان قاي فونغفو شىرىنى محاصره يە كىتدى . فقط محاصره يى قالدیرمغه مجبور اولدى . تانغوت

قرالی هیه ن تسونغ ته اوزمان موغولر طرفندن ممالکنک تخریب
ایدیلدیکنی کورمکدن متولد بر یأس نتیجه سنده وفات
ایتمشدی [۱]. اوقتای نیوچه لره قارشى حربده دوام ایتدی .
شنسی داخلنده سیانغ فو اراضی سنده بولونان مواعك قسم
اعظمی اله کچردی وهونانه کیرمکه حاضرلاندی . نیوچه لره
بعض تکلیفات صالحیه ده بولوندیله سده جنکیزخان قبول
ایتمه دیکندن آرتق مدافعه دن باشقه برشی دوشونمه دیلر .
قاراموران نهرینک بوتون کچیدلرینی وبالخاصه تونغقوآن کچیدینی
تحکیم ایله دیلر . بورایه مهم برقوه محافظه قویدیلر . اوزمان
نیوچه لره کزیده عسا کردن مرکب ایکی یوز بیک کشیلک
بر اردولری واردی . غایت ماهر قوماندانلرک اداره سنده
ایدیلر . جنکیزخان ایلك بهارده بر اردو کوندردی بو اردو
تاغوتک پایتختی اولان نینگهیا شهرینی محاصره ایتدی . اوراده
دیگر بر موغول فرقه سی قوقونور Kokonor ، قوآچه ئو،
چول داخلنده شاچه ئو الکالرینی ضبط ایلدی . جنکیزخانک
کندیسی ایسه شنسی داخلنده هوچه قویه وسی نینگهیه اردو
ایله هجوم ایتدی . اوراده اوتوز بیک کشیدن مرکب بر
دشمن اردوسنی قیلیجدن کچردی ونیوچه لره عائد بولونان
لین تائوفوی ضبط ایتدکن صوکره یاز موسمنک شدتلی
صیجاقلرندن تحفظ ایچون لهئی ئوپان داغنه چکیلدی .

تانهوت قرالی هیه ن پایتختی اولان نینگهیا شهرنده صوك
درجه اضطرابه دوشونجه نهایت بلا قید و شرط تسلیم اولوب
له ئوپان داخلنده جنکیزخان نزدینه کیتمهقرار ویردی [۱].
فقط نینگهیا دن چیقار کن قتل ایدیلدی . صو کره موغوللر
شهره کیره دك سرای دخی داخل بولوندیغی حالده هر طرفی
یغما ایتدیلر . تانهوت قرالی اتخاذا ایتدیکی خط حرکت ایله
بوفلا کتلی اوزرینه دعوت ایتش اولمقله برابر سینه لردن
بری مغلوب اقوامه قارشى هیچ ایشیدیلهدك مظالم ارتکاب
ایدن موغوللرک کوستردکلی اثر وحشتینه تعیب ایدیلیور .
یوز کشیدن آنجق ایکسی قورتولمشدی . تانهوت قبرلری
نعلرله اورتولمشدی . اورمانلر ، داغلر ، مغاره لر بوباربارلردن
قاچان بیچاره لرله دولو ایدی .

جنکیزخات ، تانهوت حکمدارلرینی تماماً احما ایتدکن
صو کره نیوچه لرك ایمپراطورلغنی تماماً تسخیر ایتدیکی دوشوندیکی
صیراده له ئوپان داغنده خسته لاندی [۲] . خسته لغنك وخامت
کسب ایتدیکنی کورونجه دردنجی اوغلی تولی بی ، ایمپراطور-
لغنك پرنسلیرینی واکابرینی نزدینه چاغیردی [۳] . کندیسنه
خلف اولق اوزره اوقتایی تعیین ایتدی . اونك ورودینه

غوبیل
ابوالمحسن

-
- [۱] آلتنجی شهر قریده .
[۲] یدنجی شهر قریده .
[۳] آغستوسك ۱۸ نده .

قدر نیابت حکومتی تولى به ویردی . چو جوقلرینه بربرلریله
 غایت متحد برحاله یاشامه یی نصیحت ایتدکن صوکره
 نیوچهلری تمامیه تحت انقیاده آلق ایچون نه یولده حرکت
 ایده جکلرینه دائر نصیحتلر ویردی . نیوچهلر شمال طرفنده
 بولونان کچیدلره حاکم اولدقلری جهته جنکیزخان موغوللارک
 جنوبده حکمران اولان و نیوچهلرک یکدشمنی بولونان
 سونغلرله اتفاق ایدهرک شنسی وهوقوانغ طریقله نیوچهلر
 الکاسنه کیرمه لرینی وصوکره کیدوب قای فونغ فوی محاصره
 ایتلرینی مناسب کوریوردی . جنکیزخان چین قادینلرندن
 تولدایتمش شهزاده لری حق سلطنتدن اسقاط ایتدکن صوکره
 یکرمی ایکنجی سنه سلطنتنده آلتش آلتی یاشنده اولدیغی
 حاله وفات ایتدی [۱] .

جنکیزخانک بش یوزدن زیاده قاریسی و یامستفرشه سی
 واردی . بونلرک ایچنده بر جوغی ایمپراطوریچه عنوانی حائر
 ایدیلر . بونلر خان و حکمدار قیزلری ایدی . باشلیجه درت
 زوجه سی واردی که هپسنه برر سرای تخصیص اولونمشدی .
 بوسرایلره « اردو » نامی ویریلیدی . برنجی ایمپراطوریچه
 بورتا قوچین [۲] Borta-kutchin ایدی . قونقوراتلرک

[۱] قدیم مورخلرمن کندیسنه Cingis یاخود Cinchit

یاخود Canguista نامی ویریلر .

[۲] چینلیار بوکا هیوچهن دیورلر .

تاتارلرک تاریخ
 عمومیه سی

خانی ته ئېنك قىزى ايدى . ايكنجىسى نيوچه لر ايمپراطورينك
 كريمه سى قىجو Kidgiou ايدى . قارىجو Caridgiou نامى
 طاشيان اوچنچى ايمپراطوريچه تاينك خانك طول زوجەسى
 ايدى . ميلو Milou نامندەكى دردنجى ايمپراطوريچه تاتار عىرقە
 منسوبدى . بر همشيرەسى واردى كە كنديسنك وفاتىدن
 صوكرە جنكيز خان اونىكە تزوج ايتمشدى . جنكيز خان
 اوتوز چوجوق براقدى . توشى ، چغتاي ، اوقتاي وتولى
 بورتاقوچىندىن تولد ايتمشلردى . دىكر چوجوقلرى اولوغ
 نويان ، قاتقان [۱] ، چورغاتاي ، اورچار [۲] در . صوك
 ايكى چوجوغلار اسمندى بحت ايدىلە يور . ايجورخانى ايدىغوت
 اونغوتلار خانى پويانئوھو ، قاتلانلار خانى پوتو جنكيز خانك
 اوچ كريمه سىلە اولمشلردى . اوزماندىن بىرى بوخانلارك اولاد
 واحفادى دائىم موغول ايمپراطورلرىنك كريمەلرلە تزوج ايتمشلردى .
 جنكيز خانك صاغلغندە ايلك دىرت اولادى ايمپراطورلار
 تكمىل اداره سىلە مكلفدىلر . توشى سرايە و آو ايشلرىنە
 نظارت ايدردى . چغتاي عدلىە ، اوقتاي مالىە ، تولىدە
 حرب امورىنى اداره ايدرلردى . جنكيز خان اسكى توركستان
 خانلرىنك كندىسندىن اول تطبيق ايتمش اولدقلىرى انضباط
 قواعدىنى اردوسنە عىنا ادخال ايتمشدى . اردو اونر بىك

ابوالفرج
 غوبىل

[۱] چىنلىلر بوكا قوللە قىيەن دىيورلر .

[۲] چىنلىلر بوكا اولوچە دىيورلر .

كشيلك قسملره تفريق ايديلهرك بونلره تومان نامنى ويريلشدى .
رئيسلرى تومان آغاسى نامنى طاشيردى . بورئيسلرك قوماندالرى
آلتندە ميني آغاسى ياد ايديلن رۇسا بولونوردى كه بىكر
كشى يە قوماندا ايدرلردى . بونلردن صوكره كوز Guz
آغاسى ياخود يوز كشى قوماندانلرى ، صوكره اون آغاسى
ياخود اون كشى قوماندانلرى كليردى . جنكيزخان حربە
چيقيله جغى زمان تبعه سندن هر برينك نه ويره جكنى تعيين
ايتمشدى . جنكيزخان اى برحر كتى هيچ بر زمان مكافاتسىز
براقمادى . كوردىكمز وجهله ، غايت بار بار اولمقله برابر
فضيلتى مدح ايدر ، جرمى غايت شدتله جزالانديرردى .
انسانلرى مختلف قابليت واستعدادلرينه كوره قوللانمەنى
بيليردى . جسور كيمسەلردن ضابط ياپاردى . آلدىغى
اسيرلرك ايجندن اك اىي پيادهلرى انتخاب ايدەرك بار كيرلرك
محافظه سەنه تعيين ايلردى . دىكرلرى قويونلرى محافظه
ايدرلردى . هر كسك چوباتلق ايتدىكى بر مملكتدە بو خصوصاته
دقت ايتمك لازم ايدى . جنكيزخان سەندە بر كره بوتون
ضابطاتنى طويلار ، بونلرى بالذات تدقيق ايدرردى . بووسيله
ايله علوجناب وسخاوتنى كوستير ياخود شدت ابراز ايدرردى .
عرب وعجم مورخلىرى جنكيزخانى بزه بر واضع قانون
اولمق اوزره ارائه ايدرلر . ياسا نامنى ويردكلرى بر طاقم
قانونلردن بحت ايله بونلرك جنكيزخان طرفندن تنظيم ايدىلدىكنى

سویلیورلر . چینلیلر ایسه بالعکس اوقتای تخته چیقدیغی زمانه
موغوللرک نه قانونلری نه اداره امور ایچون عرف وعادتلری
اولمادیغنی ، اکابرک ، ایسته دکلری کبی ، افرادک حیاته حکم
ایده بیلدکلرینی خبر ویریورلر . مع مافیه بزم فکر مزجه غایت
مدنی اولان چینلیلره نسبتله جنکیزخانک وضع ایتیش اوله جغی
بر قاق قانونه رغماً موغوللرک حکومتی باربار و مذبذب
بر حکومت تلقی ایدیه بیلیر . هر حالده ، جنکیزخانه عطف
ایدیلن وموسیو پتی طرفندن جمع و خلاصه اولونان
قانونلر شونلردر :

۱ — سمایی ، ارضی خلق ایدن و بوتون موجوداتک
ربی اولان الله اعتقادی تأسیس ایتمشدر .

۲ — مذاهب رؤساسنی ، رهبانی ، طبایي تکالیفدن
عفو ایتلشددر .

۳ — بر مجلس عمومیده اکابر ملت طرفندن انتخاب
ایدیلمه دجه خانقلرینی اعلان ایتهدن شهزاده لری منع ایلش
و خلافتده حرکت ایدنلره قارشى اعدام جزاسنی وضع ایتمشدر .

۴ — قبیله رؤساسنک و اکابر ملتک محمدیلر کبی عنوانلر
طاشیماسنی منع ایتمشدر .

۵ — هیچ بر حکمدار ایله ، عرض تابعیت ایتهدجه ،
صلح عقد ایدیلمه مسی اصولنی وضع ایتمشدر .

۶ — عسا كرك اون بېكر، بېكر، يوزر واونر اوله رق

تقسیمی اصولی وضع ایتمیشدر [۱] .

۷ — حربه چیقیله جنی زمان هر عسکرک کله رک ضابطی

یدندن سلاخلرینی آلماسنی وبونلری تمیز طوتماسنی امر ایله دی .

۸ — قوماندان طرفندن مساعده ایدیله دجه دشمنلرک

یغما ایدیله سنی منع ایله خلافتده حرکت ایدنلره قارشى اعدام

جزاسنی وضع ایتدی . هر نفر یغمادن حصه سنه اصابت ایدنی

خانلره ویریله جک رسوم چیققدن صو کره نفسی ایچون حفظ

ایده یله جکدی .

۹ — اردوسنی معلم برحاله محافظه ایچون هر قیش بویوک

آولر ترتیب ایتمه لرینی امر ایله دی . بونک ایچون مارت آیندن

تشرین اول آینه قدر کییک ، جیلان ، قاره جه ، طاوشان ،

یابان استکی کبی حیوانات ایله بعض قوشلرک اتلافنی تبعه سنه

منع ایتدی .

۱۰ — حیوانلرک بوغازلانماسنی منع ایتدی . حیواناتی

اولدیرمک ایچون باجاقلرینی باغلایمق ، قارنلرینی یارمق ،

بوبرکلرینی ال ایله قوپارمق لازم ایدی .

۱۱ — حیواناتک قانلرینک و اخشاسنک ینمه سنه اذن

ویردی . اولجه بوممنوع ایدی .

[۱] بواصول تانارستانده جنکیزخاندن اول موجود ایدی .

۱۲ — ترخانلار ك ياخود اكابر ملتك امتيازلىرىنى ومصو-
نىتلىرىنى تحت نظامه آلىدى .

۱۳ — بوتون تبعه سنك حربى كىتمەلىرىنى ياخود تشبثات
عمومىيەدە مجاناً چالیشمالىرىنى امر ايتدى .

۱۴ — مجرملىرى قارشى تطبيق ايدىلەجك اشكنجهلىرى
تحت قراره آلىدى . بربار كىر ياخود برصيغىر چالان آدام اعدام
ايدىلەجك ، نەشى قارنىدىن يارىلاچق ايدى . دها آرز حائز
اهميت سرقىلار ك جزاسى صوپا ايدى ياخود چالنان شىئك قيمىتىك
دوقوز مىلنى اعاده ايتىمكىدى .

۱۵ — برموغولك خدمتچىلىكه آلماسى ؛ اسرانك دخالتى
قبول ايدىلك ويا كندىلىرىنە يىەجك ويرىلك صورتىلە ، فرارىنە
ياخود تىبلىككە مساعده ايدىلمەسى منع اولوندى .

۱۶ — ازدواج بىخىندە ، ار كىلار ك قارىلىرىنى صاتون
آلمالىرى ، برنجى ياخود ايكىنجى درجەدە اقربالىرى ايلە اولمەملىرى
امر ايدىلدى . فقط جنكيز خان ايكى همشيرەنى بردن آلمغە ،
برقاچ قادين ايلە اولمىكە ، مستفرشە بولوندىرمغە مساعده ايتىمكىدى .

۱۷ — زنا جرمىك جزاسى اولوم ايدى . بو حالدە
ياقەلانا نازار ك اولدىرىلمىسە مساغ ويرلمىشىدى .

۱۸ — صهرىتلىرى آرتدىرمىق اچون عائلەلرە اولمش ايكى
چوجوغك اولدىرىلمسى اچون مساعده ويردى . بونك اچون
برمقاوله ياپىلىر ومعتاد مراسم اجرا اولنوردى .

۱۹ — موغوللار كوك كورولتوسنى ايشيدىنچە قورقۇلۇر ئىدىن
كوللارە و ھەرلەرە دوغرو قوشىدۇلار ئىدىن جارى سۇلار داخلىدە
استحمام ايتىلەرنى، يىقامەلەرنى، چاشىرلەرنى يىقامەلەرنى فىرطىنە
باعث اولان تصاعداتە سببىت وىردىكلىرى بەھانەسىلە منع ايتىدى.
۲۰ — جاسوسلار، يالانچى شەھەرلەر، سىحرى بازىلار و خلاف
طبیعت جرائى ارتىكاب ایدىلەر اعدامە محكوم ایدىلشلىرىدۇر.
۲۱ — وظیفەلەرنە قىسور ایدىن ضابطانە قارشى جزا
تعیین ایتىشلىرىدۇر.

ایشته جنکیز خانە عطف اولان قوانین بولمىدۇر. جنکیز
خانك ھانكى دینە منسوب اولدىغى معلوم دىكىلەر. ھر حالە
بویوك براعتقادى اولمادىغى ظن ایدىلىور. اولدىن دولايى جنکیز
خان قوانىندە دین بحثى پك اھمال ایدىلشلىرىدۇر. عمومیتلە بر اللہ
عبادتى امر ایتىشلىرىدۇر. سائر قوانین و نظاماتى حکمدار كنفردىن
دەا زیادە مطلق بر حالە كىتىرمەكە ساعىدۇر. بویوك خانك بر مجلس
عمومى طرفدىن انتخاب ایدىلمەسنى، بوتون تبعەنك اولنك اوامرى
آلتىدە يورومكە مھيا برر اسیر اولمالرىنى، ھىچ براعتقاد باطلە
قائىمالرىنى، حرب مزاحمە غایت جسورانە تحمل ایدە بىلمەلرى
ايچون غایت الیم ایشلىرىدە غیرت صاحى بولمالرىنى، ظلم و شدة
آلشمالرىنى، رؤىسلرىنە اطاعت كوستىرمەلرىنى، بولنك دە
بویوك خانە مطیع داورانمالرىنى وھپسنىك سائر اقوامى تحت
انقيادە آلق اوزرە متفقاً حرکت ایتىلەرنى اىستىور. جنکیز

خان ، انتخاب ايتديكى يره دفن اولوندى . موغوللار بورايه
بورقان قالدين Burkhan-caldin ديرلر . عائله سنه منسوب
حكمدارلر ك كافه سى مؤخرأ بورايه دفن ايدىلشدر ۱۸۱ .

غوبيل جنكيز خانك وفاتندن صوكره اوغلى تولى عائله سنه منسوب
شهنزاده لره و اردو قوماندانلرينه وقعه يي خبر ويرمك اوزره
ضابطلر كوندردى و اونلرى يكي بويوك خان انتخاب ايچون
تاتارستانه دعوت ايتدى . فقط نيوچه لره قارشى حربدن فارغ
اولماديلر . موغوللار اوزمان شنسى داخلىنده هوچه تو نامنده
برشهرك محاصره سيلاه مشغول ايديلر . شهرك واليسى چين اين
يك جسورانه مدافعه ده بولوندى قىن صوكره هر دورلو اميد سلامتى
غائب ايدىرك قارىسناه باستنك چاره سناه باقاسنى نصيحت ايتدى .
قادىن بوتون شان و شرفى وسعادتى كندىسيلاه برلكده پايلاشمش
اولديغى ايچون اولومه ده اشتراك ايتك ايسته ديكنى سويله دى
و درحال كندى كندىسنى زهرله دى . ايكي اوغلى زوجه لريلاه
برلكده بو مثالى تعقيب ايله ديلر . چين اين بونلرى دفن
ايتدككن صوكره اتخار ايتدى . بونك اوزرينه موغوللار
شهره كيرديلر . فقط برآز صوكر نيوچه لره وقوعه كلن
برمحاربه ده مغلوب اوله رق ۱۲۱ سكيز بيك ضايعات ويرديلر .

سنه
۱۲۲۸

-
- [۱] چينلر بورايه هان داغى ديرلر . ۵۲ و ۴۷ عرض و ۹۰ و ۹۰
طول درجه سنده ، پكينك غربنده ، قين نيهن دىلن برمغاره ده .
[۲] اوچنجى قريده

بواناده تولى اكابر ملتى طوپلاتيوردى . جنكيزخان
طرفندن بويوك خان تعيين اولونان برادرى اوقتايى استقباله
چيقدى . فقط اوقتايك تصوراتى بيلنمهديكى حتى بعضيلرى
كندى كنديسى بويوك خان اعلان ايتك ايستهديكى ظننده
بولونديغى ايچون هنوز كيمسه بوعنوانى اوقتايه ويرمكه جسات
ايدميوردى . مجلس عمومى يى آچق ايچون چغتايك ورودى
بىكله نيوردى . بوشهزاده لر تاتارستانده كرلون نهرينك
ساحلارنده طوپلانديلر . بلقاتاي Belkatai نويان ايله
ايلچيكتاي [۱] نويان جنكيز خانك وصيتنامه سنى علنا قرائت
ايتديلر . بونلرك اجراسنه اتفاق آرا ايله قرار ويريلدى . بناء عليه
ايمپراطورلغك پايتختى اولان قازاقورومده سكزننجى شهر قمرينك
۲۲ نجى كونى بر مجلس عمومى اجتماعه دعوت ايديلدى .
تولى ايله ايلچيچوتساي اوقتايك تختة جلوس مراسمى نه صورتله
جريان ايدى جكنه دائر مذاكراتده بولونقدن صوكره
يانلرند بوتون شهزاده لر واكابر ملت اولديغى حالده اوقتايك
چاديرى او كنده يره يوز سورهر ك دور سلطنتك متيمن ومديد
اولماسنى تمنى ايله ديلر . بعض مورخلر اوقتايك ابتدا ايمپراطورلغى
قبول ايتمه يه رك عمومى جه سنه يا خودقار دشلرندن برينه براقق ايسته ديكنى ،
كنديسى اقناع ايچون قرق كون اوغراشمق لازم كلديكنى

[۱] احتمالكه ايلي چوتساي ايله عيني زاندر .

سویلیورلر. مراسمك صوکنده اوقتای بوتون مجلسه بویوک
برضیافت چکدی ، اکابر ملتہ محترم ہدیہلر ویردی .

بوجلوس مراسمندن صوکرہ اوقتای خان [۱] ، فاصلہ
حکومت اثناسندہ تحدث ایتش اولان تشوشاتی ازالہ یه چالیشدی .
ایلی چوتسای کنڈیسنه وزیراعظم یابدی . ایلی چوتسای
بر طاقم قانونلر وجوده کتیردی . موغول خانی بونی کمال
قطعیته موقع تطبیقه قویدیردی . اوقتای ، پدرینک تحت
تسخیره آلدیغی بالجلمله ممالک حقنده استحصاال معلومات
ایتدکن صوکرہ چین عائله لرینک تدارک ایدہ جکلری ایپکک ،
حبوباتک وپارہنک مقدارینی ، تاتارلرک کتیره جکلری بار کیرلرک ،
اوکوزلرک ، قویونلرک ودریلرک عددینی تعیین ایله دی . غرب
مملکتلرنده اون بش یاشندن یوقاری ارکک نفوس
تحریر ایدیلدی . بوندن ده مقصد نه قدر عسکر آلنه
بیله جکنی بیلیمکدی .

مغلوبیتنی متعاقب هندستانه فرار ایتش اولان خوارزم
سلطانی جلال الدین ، جنیکیز خانک وفاتندن صوکرہ
هندستانی ترک ایله کندی ممالکنه عودت ایتش [۲] ،
موغوللرک ضبط ایتدکلری بوتون یرلری آز وقت ایچنده

ابوالفرج
ابوالفدا

[۱] بزم مورخلر من بوکا Etheracan, Hocotha, Occoday ,

Occoday, Ocuai , Ectais دیورلر .

[۲] ۶۲۸ تاریخ هجر بسنده .

استرداد ایله مش ایدی . بوصورتله کرمان ، شیراز ، و تبریز
 ودها بر چوق شهر و ولایات تکرار خوارزم سلطانك
 تحت تابعته کیرمشدی . اوقتای تخته چیقنجه قوماندانلرندن
 جرماغون Djourmagoun نویانی بر اردو ایله سلطانه
 قارشی کوندردی . جرماغون بویوک اوقسوس یاخود
 آمو نه رینی کچدی ، جلال الدینك ممالکنه کیردی . جلال الدین
 درحال بوتون سوریه و ایران حکمدارلرندن امداد ایسته دی .
 فقط خوارزم سلطانه قارشی بسله دکلیری کین وعداوت ،
 مسلمانلرک سلامت مشترکسی ایچون معاونت لازم اولماسنه
 رغماً اونك امدادینه قوشمقدن کندیلرینی منع ایتدی .
 جلال الدین دیاربکره چکیلدی . اوراده ممالکینک مدافعه سنی
 تمامیه اهل ایدرک ذوق و صفایه قویولدی . یایماس Baimas
 نویانك قوماندا ایتدیکی بر موغول فرقه سی دیاربکرده
 جلال الدینی باصدیردی . امیر اورخان علی العجله طوپلادیغی
 بر مقدار عسکرله موغوللره قارشی مقاومتده بولوندی .
 بوده جلال الدینك داغلره قاچماسنه وقت قازاندرمق ایچوندی .
 جلال الدینی داغلرده کوردلر اولدیردیلر .

قوماندانلری ایران ایله جوار ممالکی تخریب ایتدکلی
 صیراده اوقتای چین محاربه سی ایچون حاضرق کوریوردی .
 نیوچه لر ایمپراطورینك پدرینك وفاتی مناسبتله یوللادیغی
 سفیرلر واسطه سیله یاپدیغی تکلیفاتی قبول ایتمک ایسته مه مشدی .

غوبیل

حربه دوام ایتکه قرار ویرمیش اولدیغی ایچون عسکرلرینه
 جلا یرقیله سندن چه لا ئو هوئن Tche-lao-hoeu ی قوماندان
 یاپدی و اوکا شنسی داخلنده قینغ یانغی محاصره یه کیتمه سنی
 امر ایله دی. بو قلعه او قدر کوزل مدافعه ایدیلش کورونیور-
 دی که موغول قوماندانی عسکرلرینی بهوده یره یورمغی مناسب
 بولمادی. شته یه ن چه Che-tien-tché په چهلی ، هونان و جوار
 ولایتلره؛ لیه ئوه ما Lieou-he-ma پینغ یانغ فو، سیوئنه هوا فو
 حوالیسنه کوندرلدی. کرایتلقیله سندن چین های Tchín-hai ده
 قوماندان نصب اولونه رق ایلی چوتسای ایله برلکده
 ایمپراطورلغی اداره ایچون ناظرلر آراسنه قبول ایدیلدی .
 ایلی چوتسای په چهلی ، شانتونغ ، شانسی ، له آئوتونغ
 ولایتلرینی اون سنجاغه آیردی . هر بریسی ایچون توزیع
 عدالت ایتک ، ویرکو تحصیل ایله مک اوزره مأمورلر نصب
 ایتدی . اوقتایه چینک قانونلری وقیم تاریخی حقنده
 وبالخاصه چه ئوقونغه وقونفوجیوسه دائر معلومات ویردی .
 ارزاق و ذخائر فیئاتلرینه نرخ قویدیردی . بونلردن بویوک
 خانک حصه سنی تعیین ایتدی . ایشته اوقتای بونلرله مشغول
 اولدیغی صیراده قاراقورومه کلن اسماعیلیه لر Assassins حکمدا .
 رینک ودها سائرهند اکابرینک تعظیلاتی قبول ایتدی. صوکره
 برادری تولی ایله برلکده تاتارستانده اورخون نهری جوارنده
 ترتیب ایتدیردیکی بویوک بر آوه کیتدی . یاز موسمنک شدتلی

سنه
۱۲۳۰

حرارت زمانلرینی تامیر نهری قربنده کچیردی . بو اثناده
عسکرلری شنسینک پایتختی اولان سیغان فونی ضبط ایتشلردی .
صوکره بورایه اردولرینک باشنده بالذات کیتدی [۱] .
نیوچهلری تماماً محو ایتمه عزم ایلشدی . بو ولایتده آلتشدن
زیاده مواقع مهمه ضبط ایتدیسده یونغ قوان پیشکاهنده
بر موفقیت احراز ایدهمدی . اورادن ، اردوسنک بر قسمله
شانسیه کچدی . آرقه سندن برادری تولى ، اوغلى منکو
Mangus ، جنکیزخانک برادری بلكاتابك ، اوچنجى اوغلى
قه هوئن پوهوآ Keouhoen-pou ho کلیورلردی . قونغ
تسیانغ فونی محاصره ايله ، امداده قوشان تونغ قوان عسا کرینه
رغمأ ضبط ایلهدی [۲] . بو قوه امدادیه ايله بوتون بر کون
مصادمه وقوعه کلاشدی . موغولار نیوچه لرك ولایتلرینه
تونغ قوان طریقله کیرمک خصوصنده عناد ایدیولردی . فقط
کندیلرینه تسلیم اولمش اولان بر نیوچه ضابطی بو اوغورده
صرف ایده جکلری تکمیل مساعینک عقیم قاله جغنی آ کلاته رق
شنسی داخلنده هانغ چونغ فو طریقنى اختیار ایتهلرینی توصیه
ایلدی . تولى ايله بویوک خان ، جنکیزخان طرفندن ده حین
وفاتنده توصیه ایدیش اولان بو طریقى مع الممنونیه ترجیح
ایتدیلر . بناءً علیه ، ایرته سنی سنه نك ایلک شهر قریسندده

۱۲۳۱

[۱] یدنجی شهر قریده .

[۲] دردنجی شهر قریده .

بوتون قوماندانلارک حاضر اولمالری حقنده امر ویردیلر . تولى
سونغلرک ایمپراطورندن مرور مساعدهسنى ایستهدکن
صوکره کیدوب پاتوقی ضبط ایتدی . مقصدی اورادن
هان چونغفو اوزرینه یورومکدی .

ایشته اوقتای ، نیوچهلر ایمپراطورلغنک ضبطی ایچون
بو ترتیباتی اتخاذا ایتمش بولوندیغی صیراده ایلی چوتسایک اقتدار
ومزیتنک تحریک ایتدیکی حسد حسندن متولد قاریشقلقلر
کندیسنی پایتختده قالمغه مجبور ایتدی . ایلی چوتسای ضابطه
ایشلری ایچون ، واردات تحصیلی ایچون ، حتی سلاخلر ایچون
بویوک خانه قوماندانلر تعیین ایتدیرمک ایستهموردی . بونلر
بربرلرندن مستقل اولاجقلر ، وظیفه لرینک صورت اجرایی
حقنده اوفتایه معروضاتده بولونه جقلردی . اکابر حکومت
وقتیله اولدیغی کبی ، خدمت لرینه مکافاة شهرلره و ولایتلره
نائل اولاجقلری یرده شیمدی یالکیزپاره وایپک آلا جقلردی .
ایلی چوتسایک یاپدیغی بونظامات اونلری کندی علیه
تحریک ایدیوردی . قنقراتلر قبیله سنک رئیس و بویوک خانک
داییدی ایله شه موین Che-mo-yen نامنده دیگر بر رئیس
اک ابتدا کورولتویه قالدیلر . ایلی چوتسایه بر چوق قباحت
اسنادایله ایمپراطورلغک بوتون اداره سنى بویله یابانجی بر وزیر
براقه نك تهلكه سنى ایلریه سوردیلر . ایلی چوتسایک عفته
و عقل و درایتنه امین اولان ، اکابرک اونک حقنده کی

بغض و عداوتی بیلن اوقتای بواتهاماته قولاق ویرمدی .
ایلی چوقسایک دشمنلری مایوس اولدیلر . بو فیرطنه دن هیچ
صارصیلماش اولان وزیر ایسه مالیه و اداره اموریله مکلف
قوماندانلر تعیین ائتمه سنی اوقتایدن شدتله رجا ایتدی .
چین های ایله Tchih-hai ایله نیهن هو Nien-ho یی ایلری
سوردی و بونلری پک مدح ایله دی . پک چوق دشمن
قازانمق قورقوسی ایله بونلر ایلی چوتسایه بوتون اکابرک
علناً شکایت ائتمکده اولدقلری تعدیلات و تحولاتدن واز
کچمه سی توصیه سنده بولوندیله . ایلی چوتسای فکرند
اصرار ایتدیکنی ، اسناد اولونان بوتون قباحترلی یالکیز
باشنه اوستنه آلمق ایسته دیکنی سویله دی . بر آرزو کره
شهموین بعض حرکاتندن دولایی بر مجرم صفتیله بویوک خانک
حضورینه سوق ایدیلمکده مستحق اولدی . اوقتای وزیر اعظمی
اعطای حکمه مأمور ایتدی . ایلی چوتسایک کندیسنی محو
ایتمک ایسته یین بر آدمدن قورتولمق ایچون بو فرصتدن
استفاده یه قالقه جغی ظن ایدیله دی . فقط جواباً شهمویه نک
غایت مغرور اولمقدن باشقه بر قباحتی اولمادیغنی ، اساساً
کندیسنک حرکاتی حقنده قطعی برشی سویله یه بیلمک ایچون
حزبک نتیجه سنی بیکله مک لازم کله جکینی بیان ایتدی .
بویوک خان بو علوجنابدن حیرته قالدی . ایلی چوتسایک
بوتون مزایاسنی مقربینه بیلدیرمک ایچون ایمپراطورلغک

واردات دفترلرىنى اونلر ك يانئزە جالب ايتىردى . واردات بو وزير ك برسەنە اول تعيين ايتىش اولدىغى مقدارە موافق ظهور ايتىش اولدىغى كورونجە موغوللار حيران اولدىلار . ايلي چوتسايك دشمنلرى كنديسىنى تقديرده مضطر قالدیلار . بو وزير ك اعتبارى آرتدى . اوقتاى اوکا بويوك مهرى توديع ايتدى و بوتون ايشلرى حوالە ايلهدى .

بوانئادە تولى عسكرلرىنى فونغ تسيانغ فو داخلىندە پائوقى دە طوپلامش ، كچيد مساعدهسى ايسستەمك ايجون سونغلارە عائد اولان يوقاچەئو واليسنە برضايط كوندرمىشى ۱۱۱ . بووالى كلن ضابطى اولدىرتمك صورتيە تولىنك تكليفنە جواب وىردى . موغوللار چين داخلىندە بوقدر ايلريلارە نفوذ ونيوچەلرى تماماً محوايتەلرى سونغلر ك منافعنە موافق دكلدى . تولى بوقتلدن حدتە كلدى . كچيدلرى سرعتلە زورلادى ۱۲۱ هو آيانغ و فونغ چەئو اهاليسنى قيليچدن كچيرتدى . مدەش اوچوروملرى دولدورمق ايجون يالچين قايلارى يونتديرەرق ، كچيلمز يرلردن كنديسنە بر يول آچدقدن صوكرە شانسى داخلىندە هان جونغ فوي محاصرە ايتدى . تقربى اوزرينە يوزبيك كشى داغلارە چكىلدیلار . اورادە ھېسى تلف اولدى . تولى صوكرە عسكرلرىنى تقسيم ايتدى . ايلك مفرزە قيانغ

[۱] اسمى سوبوھان در .

[۲] سىكزنجى شھر قىرىدە .

نهرينه منصب اولان قیالینگ شهرینه کیتدی . تخریب ایدلمش
 أولرك کر استه سندن یاپلمش صالدر اوزرنده بونی کچدی . شهر
 قییسنده کائن اولان بعض مواقعی ضبط ایتدی . سی شوپی به قدر
 کلدی . یوز قرقدن زیاده شهر ، قصبه ، یاخود استحكام
 تخریب ایلهدی . دیگر طرفه هان چونغ فو ایله پانغ چه ئوفو
 آراسنده قرارگاه قوردی . اوراده هان چونغ فونك شمال
 شرقیسنده داغلر ایچنده کائن مهم بر موقعی اله کچردی .
 عینی زمانده اوقتای [۱] شانی داخنده پوچه ئویی محاصره یه
 کلدی ، قوه محافظه نك شدتلی مقاومتنه رغماً ضبط ایتدی .
 قاراموران نهرینی کچمك ایچون حاضرلاندی .

اینانیلمایه جق درجه ده عظیم مشکلاتی اقتحام ایتمش اولان
 تولى نهایت هونان حدودلرینه کلدی [۲] . ایمپراطورلغك
 پایتختی اولان قای فونغ فویی محاصره یه کیتمکه حاضرلاندی .
 جوارده کی اهالی بویوك بر دهشت و نومیدی ایچنده ایدیلر .
 هر کس بونك قارشیسنده ا کیلیوردی . نیوچه لر ایمپراطوری
 بویوك بر مجلس عقد ایتدکن صوکره ، بر محاصره یه مقاومت
 ایچون الزم اولان تدابیر احتیاطیه یی اتخاذا ایلهدی . شهره چوق
 مقدارده حبوبات واوت کتیردیلر . کویلردن بوتون کویلیرلی
 جلب ایلدیلر . تولى نك خارق العاده صورتده ایلریله ییشی

[۱] اونجی شهر قریده .

[۲] اون ایکنجی شهر قریده .

نيوچه اردوسنى محو ايتمىدى. تولىنىڭ قارشىسىندە نيوچه اردوسنىڭ
اوزون مدت مقاومت ايدە بىلمەسى احتمالى كورونمە يوردى .
نيوچەلر ايمپراطورى تېجەسىنىڭ معروض قالدغى مەسئۇل جەدا
مەئەسۇلەلغى اچقون، اونلرى ترك ايتمىكەن ايسە اولومى ترجىح
ايتدىكىنى بيان ايله قوماندانلرى هوتايە وای لاپوھو آيە عسكرك
باشنە كچەرك موغوللرى مغلوب ايتمەلرى اچقون امر ويردى .
بو قوماندانلر درحال نان يامفو الكاسى داخلىدە تىغچە ئويە
كىتدىلر [۱] و تولىيە هجومە حاضرلاندىلر . اوده
نيوچەلرى غافل باصمق فەكرىلە ھان نەرىنى كچمىدى [۲] .
نيوچە قوماندانلرى تىغچە ئو قىرىندە يو Yu داغنىڭ
جوارىندە كى اراضىنى تەدقيق ايلەدىلر . سوارىلرىنى بو داغنىڭ
شەلە، پىادەلرىنى دە جەنۇبىنە يىرلىشىدىلر . موغوللر درحال
صف حرب نظامى اوزىرە ايلرىلەدىلر . نيوچەلر ك قارشىسىندە
برآز دوردىلر . هوتا بونلرە هجوم ايتمەك پك مشكل اولدىغە
حەكم ايتدىكىندە مەسادمەنى تاخىر ايتمەك ايسە يوردى . فقط
موغوللر قەلئەلەدىلر . سوارى قوللرىندە نيوچەلر ك اوزىرە
شەتەلە صولت كوستردى . نيوچەلر مەتەن داوراندىلر . اوچ
دفعە هجوم ايتدىلر . حتى موغوللر برآز آچىلر كى اولمالرىندە
استفادە ايدەرك اوردولرىنىڭ ايكى جەنەھە هجوم ايتمەك ايسەدىلر .

سەنە

۱۲۳۲

[۱] اون ايكىنجى شەھەر قىرىدە .

[۲] كانون ئاينىڭ ۳۱ نەھ .

موغوللار منتظاً چكىله رك یر غائب ايتديلر . هوتا ، تولينك
 معيئندە اوتوز بيكدن زياده عسكر بولونمايغنى ، تكميل
 اردوسنك يورغون اولديغنى كوره رك تعقيب آرزوسنى اظهار
 ايدىوردى . اىلاپوهوآ قاراموران نهرينك بوز طوتمامش
 اولديغى و نهرى على العجله كچمك مشكل بولونديغى بهانه سيله
 تعقيبك تأخير ايديله بيله چكى فكرندە بولوندى . بو قوماندانر
 تنغچه ئويه دوغرو حركت ايتمش اولدقلىرى صيراده ينه اورمانك
 آرقه سنه چكىله رك اوراده صاقلانمش اولان موغوللرك اورماندن
 چيقدقلىرىنى و كندىلرينه هجو ايتمك اوزره ترتيبات كوردكلىرىنى
 خبر آلدىلر . تولى بر جىلى حركت ياپمىشدى . نيوچه لر
 تولينك هجومه مقابله يه حاضر لاندقلىرى ائنادە تولى بر سوارى
 قولى آيىردى . بو قوت اردونك بوتون آغىرلقلرىنى ضبط
 ايتدى . بو ضياعدن صوكر ا نيوچه لر تنغچه ئويه چكىلدىلر .
 اورادن ايمپراطوره محاربه يى قازاندقلىرىنى بىلدىردىلر . بو خبر
 قاي فونغ فوده بويوك بر مسرت توليد ايتدى . شنلكلر ياپدىلر .
 اهالى كويلره چيقدى . فقط برقاج كون صوكره اوقتاى
 اردوسنك بر قولى كوروندى و برچوق اسير آلدى .
 موغوللار مختلف طرفلردن كلوب قاي فونغ فوي محاصره
 ايتمك اوزره ايشته بو صورتله برله شيورلردى . شانسى داخلىندە
 په پو موقعندە قارامورانى كچمش اولان [۱] اوقتاى بو پايتخته

عائد اراضی اوزرندە کائن اولان چينغ چه ئوده قرار کاد قورمش،
 اورادن سودای بهادری شهری قوشاتمغه کوندرمشدی. غایت
 واسع اولان بو شهرده آنجق قرق بيك کشيلک بر قوه مدافعه
 واردی. ايمپراطور در حال يکرمی بيك کویلی، يوز اسکی
 ضابط، قرق بيك اسکی عسکر جلب، ایتدی. بونلری جوار
 شهرلرده بولمشلردی. عینی زمانده عمومه اعلان ایدیلن بر نطق
 ايله بوتون اهالی بی سلاحه صارلمغه تشویق ایلهدی. تولینک
 هونان قطعه سینه دخولندن خبردار اولان اوقتای سودای
 بهادره امداد کوندرمه سی ایچون کندیسینه امر یوللادی.
 تولى نیوچه لرك قوماندانلری هوتا ايله ای لاپوهو آیی از عاج
 ایچون اوچ بيك سواری افراز ایتدی.

بو قوماندانلر قای فونغ فویه امداده کیتمک ایچون يوز اللى
 بيك کشيلک براردونک باشنه کچمشلردی. هوتا موغوللره
 هجوم ایتدیردی. موغول سواریلری چکیلدیله. فقط اقشامه
 دوغرو تکرار کوروندیله. يوللره بويوک آغاچلر آتدیردق
 مرور و عبوری کسمک احتیاطنی کوسترمش اولان تولى چوق
 مقدارده یاغان قارلردن دولای نیوچه لرك یوچه ئویه کیرمه لرینه
 مانع اولدی. بونلر، اوچ کوندن بری چکدکاری یورغونلقدن
 دیکلنمک ایچون بو شهردن ایکی بوچوق فرسخ بر مسافه ده
 توقفه مجبوریت حس ایتدیله. اوراده هوتا پاتختک امدادینه
 قوشمق ایچون امر آلدی. اردوسنک بر قسمی آغاچلر

آراسندن كنديسنه يول آچدى . اك مهم اولان قسمى ايسه
 سان فونغ داغنه كيتدى . تولى بوتون عسكرلرني طويلادقدن
 صوكره بونلره هجوم ايتيردى . آچلقدن ضعيفلامش اولمقله
 برابر نيوجهلر ابتدا كمال شجاعتله مقاومت ومدافعهده بولونديلر .
 فقط موغوللار كى هجوملرينه مقاومت ايددمدكلرى اچون
 پريشان اولديلر . ضابطانك قسم اعظمى حتى هوتا بيله آتلىرىدن
 اينديلر ، اللرنده قيليج اولديغى حالده موغوللارده هجوم ايلهديلر .
 موغوللار بوسدمهيه مقاومت كوسترديلر . نيوجه ضابطلرينك
 رچوغى تلف اولدى . هوتا يوز سوارى ايله يوجه ئويه دوغرو
 قاچدى . يكي برقوه امداديه آلان تولى اوراده كنديسنى محاصره
 ايتدى . هوتا ايلك تلف اولانلر آراسنده بولوندى . شهر ضبط
 ايدىلدى . ايمپراطور عائله سندن برى سانغ فونغ هزيمتندن برى
 كيزلى ياشامقده ايكن ميدانه چيقدى ، تولينك نردينه كيتمك
 طلبنده بولوندى . تولينك حضورينه چيقدىغى زمان شوسوزلرى
 سويلدى : « بن نيوجهلر ايمپراطورى هوشانغم . صادقلر
 تسميه ايدىلن قول اردويه قوماندا ايدهرم . اردولر كيزى
 اوچ كره مغلوب ايتدم . بوكون ناملرى مجهول عسكرلردن
 مركب برقوت باشنده اولمك ايستهمم . صداقتى بوتون دنياك
 بيلمهسى و اخلافك حقمده اى برفكر بسلامهسى اچون بنى
 اولديرمه كيزى آرزو ايدهرم . » تولى حسن معامله ايله بوجسور
 عسكرى جلبه موفق اولاماديغندن عسكرلرينه تسليم ايتدى .

اونارده تولينك حضورنده ديز چوكمك ايسته مديكي ايجون
 باجاقلريني قيلجمله كسديلر . صوكره سوز سويله مه سنه مانع اولمق
 ايجون آغزيني قولاقلرينه قدر يارديلر . هوشانغ حكمدارينه
 صادق اوله رق اولمكدن ممنون ایدی . موغوللار غایت باربار
 اولمقله برابر فضیلتی تقدیره قابیلیتی اولدقلريني ينه كوستردیلر .
 بوقدر ظالمانه اولدیردكلری برپرنس شرفنه یره قيصراق سوتی
 دوكدیلر . تکرار جانلانیرسه موغول اوله رق دنیایه کله سی
 ايجون دعا ایتدیلر . اسیر دوشن ای لاپوهاده تولينك حضورینه
 کوتورلدی . تولى اونی موغوللارك خدمته آلمغ، چالیشدی .
 ای لاپوها غالب قوماندانی تحقیر ایتدی . يالکیز ، برنیوچه
 قوماندانی اولمق اعتباريله نیوچه لر اراضیسی اوزرنده اولمك
 ایسته دیکنی بیان ایله اکتفا ایله دی . موغوللار اوکا بولاطفی
 بخش ایده جك قدر ظالم داورانديلر . ايشته چينلیر بوقدر
 جسوردرلر . چونکه بونیوچه ضابطلری چينك ياخود چين
 اخلاق و عاداتی قبول ایتمش وچينده يرلشدكلری زماندن
 بری اوزون بر اقامت نتیجه سنده چينلیرك سجیه سنی آلمش
 قاتارلر ایدیلر .

بومظفریت اوزرینه پایتخت ، بیکله دیکی امداددن محروم
 قالدی . تونغ قواندن وسائر مواقعدن بوتون عسکرلر جلب
 ایدیلدی . اوزمانه قدر ضبط ایديله مه مش اولان موقعلر
 موغوللارك کیفه معروض براقلدی . قاراموران اوزرینه

تحمیل ایدیلش اولان برچوق ارزاق موغوللرک انهدوشدیکی
جهتله نیوچه لر بونلردن ده محروم قالدیلر . علی العجله ایکی
یوز بیک اوق، بیک پیاددن و اون بش بیک سواریدن
مرکب یکی بر اردو طوپلاندی . حیاتلرینی قورتارمق ایچون
موغوللردن قاچان غایت عظیم مقدارده اهالی بو اردویی
تعقیب ایدیوردی . فقط نیوچه لرک بوغیرتی هیچ بر موفقیت
تأمین ایتدی . آشاغی رتبه ده بر چوق ضابطلر موغوللره
تسلیم اولدیلر . قوماندانلر [۱] داغلره چکیلمک مجبوریتنی
حسن ایتدیلر . اوراده یکی تهلهکه لره معروض قالدیلر .
قیشک شدتی وقیطلق ایله مجادله ایتک اضطرارنده ایدیلر .
کوندوزین کونش قارلری اریتیور ، یوللری کچیلمز بر حاله
کتیریوردی . کیجه لین صوغوق هر شیئی ینه اسکی حاله
کتیریوردی . یورومک غیر قابلدی . اک قوتیلر بو یورغونلقلره
تحمیل ایتدیلر . فقط یوللره داغلمش اولان قادینلر ،
قیزلر ، اختیارلر ، چوجوقلر سفالتدن تلف اولدیلر . صوکره
موغوللر باصدیردی . اردونک قسم کلیسی تعقیب ایده مه ینلرک
هپسینی اسیر آلدیلر . عسکرلر تیه لینغ داغنه واصل اولدقلری
زمان بر آز مقامت کوسترمک ایسته دیلر . فقط صوغورقک
شدتی اونلری سلاح قوللانمقدن منع ایتدیکی ایچون هپسی
یردن ضابطلریله قاچدیلر . موغوللر بونلرک بر چوغنی قتل

[۱] توشام ایله ناهو ژون .

ایتد کدن صو کره کیدوب تونغ قوآنی ودها سائر مواقعی
 ضد ایتدیلر . یالکیز قوئی تهفو مستثنا ایدی . بونک
 محاصره سنی رفعه مجبور اولدیلر . صو کره [۱] ، لویانغه
 یاقلاشدیلر . بوراده سان قونغ هزیمتدن قورتولمش اوچ دوت
 بیک عسکر واردی . قوماندانلری مصاب اولدیغی بر خسته -
 لقدن دولای موغوللارله محاربه یه کیده مدیکی ایچون پک مایوس
 اولدیغندن سورلرک اوزرندن هندکلره کندیسنی آتدی .
 قلعه محافظنک لویانغه بر اقمش اولدیغی قیانغشین مدافعه یی
 درعهده ایلدی . بر چوق بایراقلر یایدیراق سورلرک اوزرینه
 اک فنا عسکرلریله برانکده دیزدی . صو کره هپسی چرچبلاق
 کزیده دوت یوز عسکرک باشنه کچدی و بونلرله هجوملر
 یاپدی . حرب ایدرکن آلچاقلر! چکیلکیز! دییه هایقیریورلردی .
 طاش آتمق ایچون یکی مانجینقلر ایجاد ایتدی . بونلر دها آز
 آدم طرفندن قوللانیلر بیلردی . یوز آدیمه قدر طاش آتیورلردی .
 اوقی قالمادیغی زمان دشمنلرک آتدقلرینی آلدی ، درده یاردیردی .
 باقیرپارالرله تجهیز ایتد کدن صو کره آغاج بر بورویه قویدیردی .
 بورادن بویوک بر سرعتله چیقیورلردی . ایشته بو صورته
 قیانغشین جسارتی سایه سنده موغوللری محاصره یی رفعه مجبور
 ایتدی . موغوللرک مقداری اوتوز بیکه بالغ اولیوردی .

فقط صوکره موغوللر تکرار کلدکلری زمان [۱] قیانغشین
دشمن صفلرینی یاروب کچمک ایسترکن یاقه لاندی . موغول
قوماندانی تاجار Tatchar ایمپراطور اوقتایی سلاملامق
اوزره شمال استقامتنده کندیسنه بردورلو دیزچو کدیره مدی؛
اولدیرتدی .

غوبیل

اوصیراده تاتارستانه عودت ایتیهی دوشونن بویوک خان
نیوچه لر ایمپراطورینه کندیسنه خراکدارلغی قبول ایتیهی
ومتوفی قوماندان ای لاپوهانک زوجیهی، چوجوقلری و کوله-
لریله برلکده اسامیسی معین یکر مییدی عائله یی تسلیم ایله مه سی
ایچون خبر کوندردی. نیوچه لر ایمپراطوری سرای ارکانک
ایلری کلنلرندن برینه پرنس عنوانی ویره رک موغوللر نزدینه
رهینه اولمق اوزره کوندردی . عینی زمانده صلح مذاکراتنه
کیریشمک اوزره مرخصلرده اعزام ایله دی. فقط قاندن،
قتالدن باشقه برشی دوشونمه یین سودای بهادر بوتون بوتداییری
بوزدی . صلح یاپیله جق قورقورسیله اردوسنده عظیم مقدارده
موجود چین اسراسنه قای فونغ فونک هندکلرندن قسم
اعظمی دولدیرتدی . بو شهرده هرشی تذبذب ایچنده ایدی.
صلح قونفرانسی اوزرنده سوءتأثیر حاصل ایتمک قورقورسیله
والی ، حتی بالذات ایمپراطوریه موغوللر اوزرینه سلاح
آقلانسی امره جسارت ایده میوردی. ایمپراطور خلقه کورونمک

ایچون بش سوارى ايله سرايندن چىقدى . چامورلر ايچىندە
 نمايان اولدى . ياغمقده بولونان ياغموردن كىندىنى قورومق
 ايچون مسارعت كوسترنلره اك عادى برنفر كى هر دورلو
 شىدائده عرض نفس ايتىك ايسىتهدىكى سويلهدى . خلق
 ايمپراطورى كورنجه آغلايور ، آياقلىرىنه قاپانيوردى . كلوب
 هندكلرك يارىسى دولمش اولدىغنى ايمپراطوره خبر وىردىلر .
 قواى محافظه نك مدافعه ده بولونمالىرىنه مساعده ايدىلمه مشدى .
 ايمپراطور ، آنجق تبعه سى ايچون ياشامقده اولدىغى جهتله
 موغوللارك تابىيتنى وخراجكذارلغنى قبول ايدى جىكى ، موغوللار
 رهينه لر كوندره جىكى ، صوكره ده دشمنلر تعطيل مخاصمات
 ايتىمزلرسه كىندىلىرىنه قارشى قويىمغه مساعده ايدىله جىكى بيان
 ايتدى . اوكون رهينه يوله چىقدى .

عقد ايدىله جىك صلحك آچىقدن آچىغه دشمنى اولان
 سوداى بهادر هجوملىرىنى تشديد ايتدى . بونك اوزرىنه نيوچه لر
 مدافعه ده بولونه رق طاش كله لر آتدىلر . موغوللر دكرمن طاشلىرىنى
 برقاچ پارچه يه بولدىرەرك كىيجه كوندوزمانجىقلرله آتيورلردى .
 متعدد برجلرى يىقىدىلر ، جوار اولرك قالين دىركلر تى
 قىردىلر . نيوچه لر تحفظ ايچون اولرك اوزرىنه كوبره ،
 صامان ، كچه اورتىورلردى . بونك اوزرىنه موغوللر آتش
 آتان ماكنه لر قوللاندىلر . بو آتش او قدر سرعتله سرايت
 ايدىيوردى كه سوندىر مكدە بويوك مشكلات چكىليوردى .

۱۵۹
بوکا بز « غره ژوا » آتشی دیپورز . موغوللر ، ایران و سوریه
محاربانه بو آتشی او کرشمه لردی . شهرک سورلری مرور
زمان ایله دمیر قدر سرتلشمش بر طوپراق ایله صیوالی
اولدیغی ایچون بوتون بو ما کنه لره مقاومت ایدیورلردی .
موغوللر شهرک سورلرینی احاطه ایده جک صورتده بویوک
برسور انشا ایتدیله . بونک درین هندکلری ، برجلری ،
بارولری و فاصله لرایله محافظه بولوکلری واردی . دیگر طرفدن
محصورین شهرک قاپیلری او کنده زیقزاق شکننده باشقه قاپینر
انشا ایتمه لردی . بو قاپیلردن آنجق اوچ کشی یان یانه
کجه بیلیردی . فقط چوق کچمه دن بو انشا آتک خروج حرکتلری
اجرا سینه ضرر ویردیکنی کوزدیله . هندکلرک آلتدن بر مجرا
آچدیله . مقصدلری موغوللرک بطاریه لرینی برهوا ایتک
اولدیغی ادعا ایدیور . فقط موفق اولامادیله . اوزمان کندیله .
ینک او یله بر ما کنه لری واردی که خجامت بوینوزلری
شکلنده دمیر پارچه لری آتیوردی . بونلر باروتله دولدیورلردی .
باروته آتش ویریلدیکی زمان مدهش بر کورولتوایله پاتلایورلردی .
بو کورولتو بک اوزاقلردن ایشیدیلیردی . بومر میلرک
دوشدکلری یرلر تماماً محو اولیور ، آتش ایکی بیک قدمدن
فضله بر دائره یه قدر انتشار ایدیوردی . بو آتش دمیر
زره لری دلیوردی . بو مرمیلری دمیر زنجیرله باغلایورلر ،
هندکلره یا خود تحت الارض چوقورلره ایندیریورلر و برقتیل ایله

آتشله یورلردی . انفلاق وقوعه کلنجه هرشی تخریب ایدیلش
 اولیوردی ، باروت دولو بومبارلریده واردی . بونلریده
 آتیورلردی . موغوللر پک قورقدقلری بوما کنه لردن تحفظ
 ایچون سو لره آنجق تحت الارض آچدقلری یوللاردن
 یاقلاشیورلردی . اوزمان چینده باروت معلوم ایدی [۱] .
 فقط آوروپاده بزم یاپدیغمز کبی عمومیتله استعمال ایدیلردی .
 اون آلتی کونده طرفیندن بر میلیون کشی تلف اولدی .
 سودای بهادر محاصره یی رفعه مجبور اولمق خجالتندن قورتولمق
 ایچون صالح عقد ایتک اوزره قونفرانس انعقاد ایتکده
 اولدیغندن دهها زیاده محاربه ایتک فائده سز اولدیغنی والیه
 سویلتدی . محصورین کندیسنه مفرح مشروبات کوندردیلر .
 پک چوق هدایا ویردیلر . سودای بهادرده کیدوب قاراموران
 ایله مونهری آراسنده قرارگاه تأسیس ایتدی .

غوبیل محاصره نك رفعندن صو کره قای فونغ فوده بروباچیه رق
 پک چوق کشینک تلف اولماسنه سببیت ویردی . صو کره ،
 دولتک احتیاجی یکی ویرکولر طرحنه لزوم حس ایتدیردی .
 ایمپراطور بیله مصارفاتی تنظیم ایله دی . برچوق مستفرشه یی
 سراینندن چیقارتدی ؛ کندیسنه ویریلن طمطراقلی عنوانلری
 قالدیردی ، محاصره ده تمیز ایتش اولان ضابطانه پک چوق

[۱] راهب غوبیلک ادعاسنه نظراً چینلیلر ۱۶۰۰ س-نه یی

متجاوز برزماندن بری باروتی بیلورلردی .

احسان ویردی. خست طبیعی حسبیلہ خلقک نفرتی قازانمش
اولان وزیر اعظمی عزل ایتدی. فقط ایکی وقعه بو حکمدارک
صاحدن اوزون مدت استفاده ایتمه سینه مانع اولدی. ایکی
موغول قوماندانی [۱] اوزمان قیانغان داخلنده سوچه ئو
والیلکی ایچون غوغا ایدیورلردی. بو قوماندانلردن بری
نیوچه لره دخالت ایتدی. ایمپراطور کندیسنی خدمتنه
آلق و اوکا پرنس عنوانی ویرمک کبی بر احتیاط سنزلقده
بولوندی. دیگر طرفدن، ضابطلری، اوقتایک صلاح
مذاکره ایتمک اوزره کوندردیکی ضابطلری اولدیردی.
ایمپراطور بو مسئله ده موغوللره هیچ ترضیه ویرمدی.
سودای بهادر درحال بویوک خانی وقعه دن خبردار ایتدی.
حربه تکرار باشلانم جغنی تخمین ایدهرک سفره چیمق
وقای فونخ فو پیشگاهنه تکرار کلمک ایچون الزم تدارکاتک
کافه سنی کوردی. اوقتای درحال سودای بهادره هونان
اوزرینه یورومک امرینی ویردی. باشقه قوماندانلرده دیگر
برجهته سوق ایدیلدی. بعض قوماندانلر قوره یه کیتمک
امرینی آملشلردی. اوراده اهالی عصیان ایدهرک موغول
ضابطلرینی اولدیرمشلردی.

نیوچه لر ایمپراطوری بوتون بو داغینیق عساکرک بر
اردو حالنده طوبلانمه لرینی امر ایتدی. فقط موغوللر بونلری

[۱] غان یونغ ایله آچولو.

هپ بر نقطه ده تمشد ایتهدن اول مغلوب ایتدکلی ایچون
ایمپراطور کویلیلردن ، ایپسز صاپسز کیمسه لردن مرکب
بر اردو ترتیب ایتکه مجبور اولدی . بر محاصره احتماله قارشی
اهالیدن مالک اولدقلری پرنجک اونده اوچنی ایستهدی .
بو امر او قدر قطعیتله اجرا ایدیلدی که بر طول قادین پرنجک
ایچنه باشقه شی قاریشدیردیغندن دولایی ضرب جزاسنه
محکوم اولدی . بوشدت سببیه بر چوق کیمسه لر صاقلادقلری
عظیم مقدارده پرنجلی لغملره یاخود باتاقلقلره آندیلر .
سفالت آرتدی . ایمپراطور فقرايه چوربا داغیتمه مجبور
اولدی . کیمسه او امرک شدتندن علناً شکایته جسارت
ایتموردی .

ایشته بوتاریخده [۱] اوقتایک برادری تولى تاتارستانده
اونون نهري قربنده وفات ایتدی . تولى جنکیزخانک اوغلی
ایدی . بوتون سفرلرنده اوکا رفاقت ایتمش ، هپسنده پک چوق
دگر کوسترمشدی . پدرینک وفاتندن صوکره ایکی سنه
ایمپراطورلغی اداره ایتمشدی . عمومیتله چینلیلر و موغوللر
طرفندن کنديسنه حرمت کوستریلیردی . پک بویوک بر قوماندان
اولق اوزره تلقی ایدیلیوردی . بویوک بر تواضعی واردی .
پدرینه ، والده سنه قارشی دائماً حرمت ابراز ایتمشدی .
اوقتایک منافعه و شان و شرفنی تزئیده صوک درجه ده غیرت

ایدردی . حتی بونی اودرجهیه واردیرمشدی که اوقتای
خسته لاندیغی زمان دیزچوکمش ، بر کاغده کندی اسمنی
یازهرق برظرفك ایچنه قویمش و برادرینك حیاتی قورتارمق
ایچون اونك یرینه کندی حیاتی تقدیم ایتمشدی [۱] .
بونلردن دولای مزایاسی بوتون بوتون کوزه چارپیوردی .
منحصراً چینده کی حرب ایله مشغول اولان اوقتای
اوزمان، جنوبده حکمران اولان سونغ سلاله سی ایمپراطورلریله
بر معاهده نامه یادی [۲] . بونلر نیوچه لرك دشمن بیامانی
ایدیلر . چونکه نیوچه لر بوتون شمال ولایتلرینی اللرندن
آلمشلردی . انتقام آلمق و بوتاتارلری تماماً محو ایتك ایچون
نیوچه لرك انقراضندن صوکره کندیلرینه هونان ولایتی
وعد ایدن موغوللرله برلشدیلر . منفعت دکل انتقام حسی ایله

[۱] تولى، چینلیلرك سولو هوتیه نی نامنی ویردکلری سرقوتی
بك جهان Sarkoutna beghgehan ایله اولنمشدی . بونك
باباسی کراپتلقیله سندن آق باپو ایدی . اونك خانك برادری حاکمو
Hakembou بودر . بوقادیندن اون بر ارکك چوجوغی اولمشدی .
برنجیسی منغ قو یاخود منکو خاندرا . ایکنجیسی چورقو ؛ اوچنجیسی
هوتوتو ؛ دردنجیسی هوپی لای یاخود قیلای در ؛ بشنجیسنك اسمی
مسکوت کچیلیور . آلتنجیسی هیولیه هو یاخود هلاکو ؛ یدنجیسی
آلی پوقو یاخود آریغ بوکا ، سکزننجیسی پوچو ؛ دوقوزنجیسی
موقو یاخود موقا اوغل ؛ اوننجیسی سوپی توقو ؛ ارن برنجیسی
سوئیه تایی .

[۲] اون ایکنجی شهر قمریده .

ياپىلىش اولان بو معاھدە ايکى ايمپراطورلق ايچىندە
مۇسۇلف نتيجه لر وىردى . نيوچه لر چىندىن طرد ايدىلدى كىن
صوكره موغوللار سونلار ك رقىي اولدىلار . اوللاردە هجوم
ايتدىلار . نيوچه لر ك ضبط ايتمه مش اولدقلىرى ولايتلىرى
للرندىن آلدىلار . چىنلىلار نه وقت اجنيدىلار امدادلىرىنه چاغىر .
مشىسه بو عاقىبه اوغرا مشلردىر .

سنة

۱۲۳۳

نيوچه لر در حال هر طرفدىن عسكەر جلب ايتدىلار .
فقط موغوللار مغلوب اولدىلار . موغوللار طويلادقلىرى
ارزاقى ده اللرىنه كچىردىلار . عقد ايدىلدىن مجلسده ، قاي فونىغ فو
محاصره سىنه حاضر لانان سوداى بهادر اوزرىنه يورونمەسى
تكليف ايدىلدى . شرائط حاضرە دائره سىنده ايمپراطورلغى
عاقىبتى بر مصادمه نك نتيجه سىنه باغلامق ايجاب ايدە جكى
فكرنده بولونىلماوردى . بعضىلار ايسە دها قوتلى باشقه
شهرلرە چكىلمەسى راينى اظهار ايتدىلار ايمپراطور عسكرىنك
باشنه كچمك ايسته دىكى سويلەدى . اعضادن بر چوغى ايچىندە
عائللەرى بولونان مدافعه سىز بر شهرى براقوب چىقمىغە بردورلو
قائل اولامادقلىرى ايچون ايمپراطور ك بو راينه مخالف ايدىلار .
ايمپراطور شهرى مدافعه ايچون قوماندانلار تعيين ايتدى .
كنديسى در حال قاراموران نهرىنى كچدى . بورادە مدەش
بر قاصيرغە يە طوتولدى . قاصيرغە اردوسىندىن بر قسىمك
كنديسى تعقيب ايتمه سىنه مانع اولدى . ايمپراطور ، موغوللارە

تابع بولونان اوئەي چەئويە هجوم ايتدى . بوللايتدە اوقتاي
طرفندن قوماندان بولونان شەئەن پەپەچەلى و شانتونغدەكى
بوتون عساكرى طوپلادى . نيوچەلر قوماندانى پسا اوزرىنە
يورودى ، قانلى بر محاربەدن صوكرەدارنى فرارە مجبور ايدەرك
اردوسنى قىلىجىدن كچىردى . ايمپراطور هم بوخبرى هم سوداى
بهادرك قاى فونغ فو اوزرىنە حر كىتى او كەندىجە على العجلە
قاراموران نهرىنى تكرر كچدى . قوئەي تەفويە كىتدى . ايمپرا -
طوريچەلرك اورايە كەلەلرى ايچون امرويردى . فى الحقيقە بونلر
قاى فونغ فودن چىقىدىلر . فقط جوارلرە واصل اولمش اولان
موغوللردن قورقدقلىرى ايچون شەرە دوندىلر . شەرە
هر كس بويوك برخشيت ايچىندە ايدى .

قاى فونغ فانگ غرب جەتتى مدافعەيە مأمور اولان
نيوچەلر قوماندانى تسولى ، اتخاذا ايدىلەجك قرار حقندە
مذاكراتدە بولونمق اوزرە درحال ناظرلرك ياننە كىتدى .
كەندىسەنە محاربە ايتىك و حكمدارك اوغورندە ترك حيات
ايلەمك لازم كەلەجكى يولندە جواب ويرىلدى . تسولى ، بوتوصيە
دردە چارە ساز اولاجقسە ابي اولاجغنى سويلەيەرك چكىلدى .
بىراز صوكرە ناظرلرى و اكابردن ون كشىي توقيف
ايتدیرەرك مملكتك سلامت عمومىەسى نامنە هپسەنك باشلرىنى
كسىردى . صوكرە سرايە كىتدى . ايمپراطورك والدەسەنە
ارائە ايتدىكى بر پرنسى نائب حكومت نصب ايتمەسنى سويلەدى .

کندیسنی وزیر اعظم وباش قوماندان اعلان ایتدی . آنجق
کندی طرفدارلرینه بر مأموریت ویردی . شهرده هر شیئی
بوصورتله انه کچیرد کدن صوکره شهرى موغوللره تسلیم
ایتمکه قرار ویردی . هپسی غایت کوزل کینمیش برچوق
ضابطانك باشنده اولدیغی حالده شهردن چیقه رقسو ای بهادره
کیتدی . بوکا عرض تعظیبات ایله برابر صداقت یمینی ایتدی .
شهره عودت ایدنجه بوتون استحکاماتی ییقدیردی . ایمپراطور
خاندانی افرادینی تحت محافظه آلدی . بوتون خزائی طویلاتدی .
ایمپراطورله برلکده کیتمش اولان اکابرک زوجه لرندن
و کریمه لرندن بر حرم یاپدی . غرور ونخوتی بر آبدہ رکزینہ
قیام ایدہ جک درجہ ده ایلری یه واردیردی . بو آبدہ یه
مزیاقتی وبالخاصه عقلنجه شهرى صورت تخلصنی حکایتدیرمک
فکرندہ ایدی . فقط تصادف ایتدیکی مشکلات بوتصورینی
دها ایلری یه واردیرمق خصوصندہ مساعد بولونما دی .

باشقه قوماندانلرده ایمپراطورک قوماندایکی اردوده
قاریشقلق چیقارمقدن کری قالمایورلردی . ایمپراطور ، پەفای
اولومنی ایستہ یں عسکرلره تسلیمه مجبور اولدی . قوماندانلق
موقعنه چیقمغه موفق اولمش بر سرسری عسکر اولان و
ایمپراطورک یاننده یکانہ قوماندان اوله رق قالان پوچاقوئەن
ایمپراطورک مایونغ نامندەکی برضابطک سوزلری دیکله مسنه
مغیر اولدی . بوضابط کندیسنک دشمنی ایدی ایمپراطور

بیهوده یرہ اونلری باریشیدیرمغه اوغراشدی . پوچاقوئەن
دشمننه قارشى اولان عداوتى قلمبندە دائماً محافظه ایتدی .
ایمپراطور پوچاقوئەندن شېه ایتدیکی جهتله کندیسنى ترصد آلتندە
بولوندیریوردی . فقط ترصدە مأمور اولان آدم ایمپراطوره
خیانت ایدەرك پوچاقوئەنى کیفیتدن خبردار ایلدی . اوده
درحال مایونگی اوچ یوز ضابط و اوچ بیک نفرله برالکده
قتل ایتدیردی . حتی بونلری ایمپراطورك نزدندە توییف
ایتدیرمک جرأتی بیلە کوستردی . قیلیچی بلندە ایمپراطورك
حضورینه چیقەرق قتل ایتدیردیکی کیمسەلرک برر عاصی
اولدقلرینی سویلەدی . پوچاقوئەنە مقاومت ایدەجک درجەده
ممانت کوسترمەین ایمپراطور اونلری مجرم اعلان ایتمکە
مجبور اولدی .

بو ائنادە تسولی موغوللری قای فونغ فویە صوقیوردی .
ایمپراطورك والدەسنی وسائر بوتون قادینلرینی اوتوزیدی
آرابەیه بیدیرمشدی . صوکرە ، خاندان ایمپراطوری یەمنسوب
اولوب توقیف ایتدیردیکی پرنس و پرنسسار ، بر چوق ضابطلر ،
دوقتورلر ، ایپک عملەلری وسائرلر ، بوتون حکمدارلق
مزیناتی ، الماسلر ، ذی قیمت طاشلر ایله برالکده سودای
بهادرە کیتدی . موغول قوماندانی ابتدا بوتون ایمپراطور
عائلهسی افرادینی اولدیرتدی . ایمپراطور یچەلر ایله معیتلرندەکی
قادینلری قارامورانە کوندردی . سودای بهادر بوتون قای فونغ

فو سکنه سنک قتلی ایچون اوقتایدن استیذاندە بولوندى .
فقط ایلی چوتسای بو قدر اوزون محاربه دن مقصداله خالی بر
چول کچیرمکدن عبارت اولمادیغنی اوقتایه سویله یه رک بوکاممانعت
کوستردی . اوقتای یالکز خاندان ایمپراطوری یه منسوب
برنس لرک اعدامنی امر ایتدی . بو صورتله کرک شهر اهالیسندن
کرک شهره کیرمش ملتجیلردن بر میلیون درت یوز بیک عائله
اولومدن قورتولدی . سودای بهادر قای فونغ فویه کیردی .
تسولی طرفندن سیرایه کوتورلدى . موغولار بو خائىك اونی
مصون بر اقمادیلر . یاغمالادیلر . سودای بهادر هیچ مدافعه ایدوب
مانع اولمادی .

او زمان نیوچه لر عسا کرینه قوماندا ایدن وعینی زمانده
ایمپراطورلغه حاکم بولونان پوجاقوئن ، ایمپراطورک والده سینی
اسیر اوله رق طوتان موغوللرله مذا کراته کیریشمه سی ایچون
ایمپراطوردن امر آلدی . ایمپراطورک بو امری ویرمکدن
مقصدی موغوللرک ته موتای Temoutai قومانداسنده بولونان
قرارگاهلرینه باصقین یایمق ایدی . مهارتسز ود کرسز بر آدم
اولمایان پوجاقوئن ، موغوللر کندیلرینه تکلیف ایدیلن معاهده
ایله مشغول اولدقلری صیراده او قدر کوزل تدبیرلر اتخاذا
ایتدی که کزیده درت یوز عسکر ایله پیشدار قره غوللری
اولدیردی ، موغوللرک قرارگاهلرینه کیردی ، او چ بیک بش
یوز کشی اتلاف ایتدی یاخود نهرده بوغدی . قرارگاهه

آتش ویردی و منتظماً چکیدی. بوموفقیت کندیسنی جرأتلندی و
 و سرایده دها متشبت اولماسنه سببیت ویردی. عودتده
 ایمپراطوری بر قاچ خدمتچی ایله بر صالونه حبس ایتدی.
 بو ایمپراطور حکمدارلرک عاقبتنه دائر اوزون اوزون تفکراته
 دالیدی. حکمدارلرده سائر انسانلرکی اولومدن و فلاکتدن آزاده
 دکلدیله. ایمپراطور ضابطلرینی دهاایی انتخاب ایتمه مش اولدیغته
 اسفلر ایتدی. صادق تبعه سندن اوچ کشی بو عاصیدن قورتولماسی
 ایچون ایمپراطوره تلقیناتده بولوندیله. بر معتاد ایمپراطورک
 حضورینه کلدیکی صیراده قتلی قرارلاشدیرلدی و بوتصور موقع
 تطبیقه قونولدی. پوچاقوئن صالونه کیررکن یان طرفندن
 بر قیلیچ ضربه سنه معروض قالدی. بالذات ایمپراطورده بر ضربه
 ایندی ویردی. قاحق ایسته دی. فقط ایلك قیلیچی اوران
 کندیسنی تعقیب ایله اتلاف ایتدی. در حال بوتون عسکرلر
 سلاحه صاریلدیله رسده ایمپراطور اونلری تسکین ایله دی.
 ایمپراطور صوکره قوئهی ته فوی ترک ایله یه رک درت یوز
 کشی ایله ژوئینگ فو [۱] یه کیتدی. یولده بوتون خالق کوز
 یاشلری دوکهرک استقباله چیقورلردی. اسکی و متروک بر معبد
 چکیلش اولان بو طالعسر حکمدارک ایچنی چکهرک :
 « بوتون قوم محو اولدی » دیدیکی ایشیدیلدی. هوسیه
 هوئی باش قوماندان و وزیر اعظم نصب ایتدی. غایت
 [۱] ار وقت بو شهره تسای چه ئو دیرلردی.

مقتدر بر ذات اولان هوسیه هو ایشلری تنظیمه چالیشدی .
 کیجه کوندوز بار کیردن اینمهدی . سلاح ، ییه جک
 و بار کیر صاتون آلق ایچون بوتون املاکنی صاتیوردی .
 کزیده اون بیک عسکردن مرکب بر اردو تشکیل ایدهرک
 بونلری دائمی صورتده تعلیم ایتمهک باشلادی . هرکس طاقم
 طاقم ژوینغ فویه کیدیورلردی . اوراسنک موغوللره قارشى
 بر التجاگاه تشکیل ایده جکی ظن اولونیوردی . بویوک برامنیت
 داخلنده یاشامغه باشلامش اولان ایمپراطور بیله اوراده بر سرای
 بتا ایتدیرمک و اولنمک ایسته یوردی . هوسیه هو شهرده بولونان
 ییه جک ، جیخانه و اسلحه نك نه قدر آز اولدیغنی کوستره رک
 ایمپراطورک فکرینی تصحیح ایتدی . صوک درجه یه قدر
 مدافعه ده بولونمق ایچون تحکیماتی تقویه ایتمهک ایمپراطوری
 تشویق ایله دی . قوماندان تاجاره التحاق ایدن بر سونغ
 اردوسی هونانه مالحق بعض شهرلری ضبط ایتمش اولدیغنی
 ایچون بوتحکیماتی اجرا لزومی پک مبرم ایدی . بحث
 ایتدی کمز بو اردولر بر آز صوکره [۱] ژوینغ فوشهرینی
 قوشاتدی لر . ایلک هجوملرده موغوللار بو محاصره نك اوزون
 سوره جکنی تخمین و تقدیر ایتدکارى ایچون سپرلر قازهرق ،
 سورلر یاپهرق مقابل تحکیماتده بولوندی لر . هوسیه هو ، عسکرلرینه
 جسارت تلقین ایتمک ایچون چوقاوغراشدی . چونکه عسکرلر

[۱] دوقوزنجی شهر قمریده .

دشمنك بوتون تحکیماتی کورمکدن قورقویه دوشمشلردی .
 شهرى مدافعه ایچون عسکرک مقداری کافی درجه ده
 دکلدی . هوسیه هو بو نقصانی تلافی ایچون قوتلی قادینلری
 سچه رک کندیلرینه ارکک اثوابی کییدیردی . سورلرک
 اوزرینه ایجاب ایدن کراسته ایله طاشلری طاشیتدی .
 صوکره بر خروج حرکتی یاپدی . فقط بو کندیسنه بر فائده
 تأمین ایتهدی . موغوللار آلدقنری اسیرلردن شهرده ییه جک
 آز اولدیغنی او کرندیلر . بونک اوزرینه ، سونغلرک قوماندانی
 من قونغ ، محصورینک قاقچق ایچون عمومی بر خروج حرکتی
 یایمق یولنده بر اثر نومیدانه کوسه ترمه لرینه قارشى احتیاطلی
 بولونمهی توصیه ایتدی . ناچار بش بیک کشیلک بر قوت ایله
 چانغ پائویه بر هجوم حرکتی یایماسی ایچون امر ویردی . فقط
 بو هجوم محصورین طرفندن پوسکور تولدی . صوکره موغوللار
 بر طابیه یی ضبط ایتدیلر . صویک اورتە سنده بولونان چای تان
 نامنده بر قلعه یه هجومه حاضر لاندیلر . بویوک یوللار آچدیلر .
 صولر نهره آقدقن صوکره بوتون عسکر یورویه رک کچدیلر ،
 جنوب جهتنده کی سورلره هجوم ایتدیلر . قرارگاهلرینی یایمق
 ایسته یین بش یوز عسکری کری آتدیلر . هر طرفدن سورلر
 زور لاندی . فقط ایکینجی بر سوره تصادف ایدنجه حیرتله
 دوشدیلر . بوسورلرک ده اسباب مدافعه سی واردی و اطرافنده
 هندک قازیلشدی . هوسیه هو بوراده اوچ کون اوچ کیجه

عسکرلرینک اک کزیده قسیمیله مدافعهده بولوندی .
 آرتق اوزون مدت مقاومت ایدیلهمیه جکینه امنیت ایدن
 ایمپراطور معیتندہ کی اکبرہ شوسوزلری سویلهدی : « تختہ
 بولوندیغم اون سنہدن بری هیچ بریویوک قباحث ارتکاب ایتدم .
 اولومدن ذرہ قدر قورقمايورم . سلاله لری کنديلرنده ختام
 بولان بوتون حکمدارلر سرت یاخود عیاش ، خسیس یاخود
 سفیه ایدیلر . بنده بونقایصک هیچ بری موجود دکدر .
 حالبوکه نیوچه لر سلاله سی بنمله ختام بوليور . او حکمدارلر
 کی بنمده دشمنک تجاوزلرینه وحقارتلرینه معروض قاله جغمدن
 قورقمايکیز . سزه شیمیدین خبر ویریيورم که بویله محقرانه
 برمعامله یه تحمل اتمه یه جکم » . بوتون قیمتدار اشیاسنی داغیتدی .
 علی العاده بر اثواب کیددی . اک کزیده عسکرلرینه آرقه سندن
 کله لرینی امر ایتدی . شرق قاپیسندن دیشاری چیقدی .
 النده سلاح اولدیغی حالدہ اولمک یاخود دشمن صفاری آراسندن
 بر یول آچق ایچون صوک درجهده مساعی صرف ایتدی .
 فقط تکرار شهره کیرمکه مجبور اولونجه عسکری بسله مک
 ایچون ، قالان بار کیرلرک قسم اعظمینی تلف ایتدی . قطلمدن
 دولایی عسکرلر چوق کره اسیرلری ، یارالی عسکرلری ،
 اختیارلری ، ضعیف ودرمانسزلری یه مک مجبوریتندہ قالمشلردی .
 بوکا مجبور اولمادن اول اکیرلرک مشینلرینی ، چیزمه لرینی ،
 ترامپتلری یمشلردی . اولمش انسانلرک و حیوانلرک کمیکلری

توز حاله قلب ايدىلوب قورو اوتلره قارىشىد يريلىور وبوندن
برچوربا ياپىلىوردى .

سنه
۱۲۲۴

موغوللار چين سنه سنك ايلك كوني تسعيد اچون بويوك
شناكلار حاضرلغنده بولونقلرى صيراده محصورينك بو حالندن
خبردار اولدىلار . نيوچه لر عسا كرندن قسم اعظمك تسليم
اولق ايسته دكلرينى دويدىلار . مع مافيه قوماندان من قونغ
شهرى جبراً ضبط اچون بهوده غيرتلرده بولوندى . يارى
اولو بر حالده بولونان بعض عسكرلر و قوماندانلار الان
مقاومت كوستريورلردى . بو هجومى تعقيب ايدن كيجه ده ايمپراطور
سلطنتدن فراغت ايتدى و ايمپراطورلغى كندى عائله سندن چينغ لينه
ويره رك نيه چهل ساله سنى ادامه ايتديرمه سنى توصيه ايله دى .
ايرته سى كوني شهرده يكي ايمپراطورك جلوسى ايله مشغول اولدقلرى
صيراده ، سونغلرك و موغوللرك عسكرلرى هجومه باشلا دىلار
و ايكي يوز كشى يى پریشان ايله دىلار . امداده كىتمك ايسته ين
خابطلر دشمن بايراكلرينى سورلرك اوزرينه ديكيلمش كوردىلار .
جنوب قايسى ترك ايدىلدى . موغوللار اورادن شهره كىردىلار .
هوسيه هو معيتنده بيك كشى اولديغى حالده كندىلرينه قارشى
مدافعا نده بولونديغى صيراده ، اسكى ايمپراطور ارتق هيچ
براميد قالماديغى كورونجه ايمپراطورلق مهريله برابر بر اوه
چكىلدى . اوك اطرافنه سامان دمتلرى قويدىردى . كنديسى
انتحار ايتدكن صوكره بونلرك طوتوشد يرماسنى امر ايتدى .

امرلری اجرا ایدیلدی . هوسیه هو ایمپراطورک وفاتنی خبر
آلنجه کیدوب ژو نههرینه کندیسنی آتدی . ضابطلری وبش
یوز عسکرده قوماندانلری کبی اولمک یولنی بیلدکلرینی سویله دیلر
واوکا امثال ایلدیلر . چینغ لین متوفا ایمپراطورک بقایای
نعشنی دفن ایتدیردی . بوصیراده موغوللر سرانی ضبط
ایتدیلر . چینغ لین قارغشهلوق ایچنده اتلاف اولوندی .

بوشهرک ضابطی چینده نیوچه لرایمپراطورلغنک اضمه حلالی
تاریخیدر . اونلرک بوتون ولایتلرینه صاحب اولان موغوللر
سونغلره آرالرندده حدود تعیین ایتدیلر . ربک ختامنده
هونانی سونغلره ویرمکی معاهدات ایله تعهد ایلشوردی . فقط
سونغلر مدتک مرورینی بکله مکسزین و ایمپراطور اوقتیایه
خبر ویرمکسزین قای فونغ فویه وسائر مهم شهرلره عسکرلرینی
صوقدیلر . موغوللر بو حرکتی تصویب ایتدیلر . سودای
بهادرک قومانداسی آلتنده ، سونغلردن انتقام آلمق فکریله
درحال قارادوران نههرینی کچدیلر . بعض مفرزلری قیلیجدن
کچیردیلر و لویام شهرینی ضبط ایتدیلر . سونغلر ایمپراطوری
قوماندانلرینک یامش اولدیغی حرکتی تقبیح ایتمکه و اونلره
جزا ویرمکه مجبور اولدی . بونک اوزرینه ، طرفین راحت
دوردی . مع مافیله موغوللر سونغلردن غیر ممنون ایدیلر .
اوقتیای، تصور ایتدیکی بعض بویوک سفرلر حقنده مذاکرانده

بولونمق اوزره قوماندان سودای بهادری تاتارستانه چاغیردی [۱].
 اوقتای برمدت قاراقوروم شهرینک اطرافنه سوریا پدیرمق
 و بویوک بر سرای انشا ایتدیرمک [۲] ایله مشغول اولدقدن
 صوکره دنیانک ایکی اوجنه یعنی قورهیه و آوروپایه عسکرلر
 کوندرمکی دوشوندی . بر بوجوق میلیوندن فضله بر اردو
 حاضر لامشدی . ایشته بوصورتله ، نیوچه لرك انقراضندن
 صوکره اعماق شرقده ظاهراً حکمران اولان صلح و سکون
 آروپا ایچون پک مشئوم تأثیرات حصوله کتیردی . آرتق غوبیل
 موغوللر اک بویوک قوتلرینی بو طرفه توجیه ایتدیلر . اوقتای ،
 توشینک بویوک اوغلی باتویه ، تولینک اوغلی منکویه ، چغتایک
 اوغلی بیدار Baïdor ، کندی ارغلی کیوک Goïouie ایله
 سودای بهادره بحر حزرک شمال و شمال غربیسنده کائن اولان
 ممالکی استیلا و تخریب ایتهلری ایچون امر ویردی . بونلرک
 معیتنه اوچ یوز بیک کشیلک بر اردو تخصیص ایتدی .
 بو موغوللر بو دفعه تا روسیه یه قدر نفوذ ایدلرک تخریباتده
 بولوندیلر . ابتدا چرکسلری ، آزلری یاخود آبخاز Abcas
 لری تحت انقیاده آلدیلر . آبخازلر چرکسستانه جوار اولان
 داغلرده ، قاره دکنز ساحللارنده یاشارلر چرکسلرله همان همان

[۱] اون ایکنجی شهر قریده .

[۲] اسمی وان غان در ابوا فرج بوکا اوردو بالیغ دیور .

شمال، سیاحتلری عینی، عادات و اخلاقه مالکدرلر. موغوللار اورادن باشقیرلرک [۱] الکاسنه، صوکره قازان قرالغنه و بولغارستانه کچدیلر. مجموعہ سی ہر بایشتاین آنال روسیہ ن موسقوودیه قدر ایلریلہ دیلر. موسقوودہ شہری عرض تسلیمیت ایتدی. فقط معاهدہ یہ رغماً شہر خلقنک قسم اعظمی قیایجدن کچیرمکدن کری دورمادیلر. اورادن ولادیمیر، پرہسلاو، روستوف، سوسدال ولایتلرینہ کیتدیلر، برہوق شہرلری و حصارلری الہ کچیردیلر. غراندوق ژورژی پریشان و اتلاف ایدہرک بازینی اسیر آلدیلر. اوتارنخدن اعتباراً [۲] روسیہ غراندوقہ لری موغوللرک خراجکداری اولمشاردر. برمدت صوکرہ [۳] موغوللار روسیہ یہ ایکنجی برآقین یابدیلر. بو معظم اردونک قوماندانی اولان باتو [۴] قوماندانلرندن برینی [۵]، حیلہ ایلہ ضبط ایتک نیتندہ بولوندیغی قیووی kiovie [کیہف] نک حال و وضعیتی آکلامغہ کوندردی. قناز میشل وسه وولوویچ اونک جاسوسلرینی اولدیردی و مجارستانہ قاچدی. باتوده روس رؤسای آراسنه کیرن

[۱] زوبرو قوئیس بوملکته Pascatir دیور.

[۲] روس تاریخلری بو وقعہ یی ۷۶۴۴ سنہ سندہ و ۱۲۳۶

تاریخ میلادی سندہ وقوعہ کلش دیہ، کوستر مکده درلر.

[۳] ۱۲۳۹ تاریخندہ.

[۴] ۱۲۴۰ تاریخندہ.

[۵] روس تاریخلری بوکا، مغوقوم دیورلر. اغلب احتمالہ کورہ

هنکوخان اولہ جقدر.

تفاقدن استفاده ایدەرك قیووی شهرینی ضبط ایتدی [۱].
 اورادن کیدوب قولاتیازی محاصره ایتدیسەده جبراً ضبطه
 موفق اولامادی. فقط شهر خلقنی عرض تسلیمیتە سوق
 ایدە بیلدی. سوکرە ھپسینی قیلیجدن کچیردی. قامەنەتی
 ضبط ایتدی، ولادیمری وغالیچایی یغمالایەرق مجارستانە
 کیرمکە حاضرلاندی. بو ائنادە قوماندانی بلا Bela یی
 بویوک بر اردو ایله پولونیایی، سیلزیایی، موراویایی
 تخریبە کوندردی. بو موغولار لوبان قلعه سینی یاقدیلم،
 بوتون اوقطعه یی ویستول نهرینه قدر تخریب ایله دیلم.
 ویستول اوزرنده زاویشوست Zavichoste قلعه سینی ییقدیلم.
 بویوک غنائم آلەرق روسیەیه کوتوردیلم. قیشین ایکنجی
 دفعه اولەرق ینە ادرالره کلدیلم. بوزلرك اوستندن ویستول
 نهرینی کچەرك سەندومیر Sendoumir قلعه سینی ضبط ایله
 بورایە التجا ایتش اولانلرك کافه سینی اولدیردیلم. اورادن،
 قراقووی یە یدی میل مسافەده کائن اولان سەقاربیمیره
 کیتدیلم. سنە ابتداسنده [۲] برچوق غنائمی حاملاً روسیەیه
 دوندیلم. برچوق قادین و ارکک اسرای اوکلرینه قاتەرق
 کوتوریورلردی. قراقووی حکمداری بولسلاس بونلری
 ازعاجە جسارت ایدەمەمشدی. قراقووی پالاتینی اولان

[۱] کانون اولک آلتیسنده.

[۲] ۱۲۴۱ تاریخنده.

ولادیمیر بولسلاسدن دها جسور اولدیغی ایچون پک آزعسکرله
موغوللارک تعقیبنه چیقدی . تورسکو [۱] Tursko نامنده ،
پولانهسی Polanec دن آزاواقدو زارنا شهرى قربندم
برکویه دوغرو اولره یتشدی . بردن بره هجوم ایدرک
ابتدا بر چوغنی اتلاف ایتدی . فقط موغوللار دشمنک
ضعفی کورونجه مختلف هجوملرله کندیلرینی ازعاج ایله
فراره مجبور ایتدیلر . مصادمه اثناسنده بر چوق اسرا فرار
چارهسنى بوله رق اورمانلره قاچدیلر . لهیلرک ایکنجی دفعه
هجومه کملرندن قورقان موغوللار سه سه قووی Secechowie
قربنده ستره مک Stremech اورمانلرینه چکیلدیلر . اورادم
برقاچ کون صاقلی قالدیلر . صو کره روسیه یه کیتدیلر . یکی
عسکر طوپلادقن صو کره سندومیر الکاسنه کیردیلر و اورادم
ایکی قسسه ایرلدیلر . قادان adan قومانداسی آلتندم
بالنسبه ضعیف برقوت لئسیسی Lencicie یی ، سیرادی یی ،
قویاوی Kujavie یی تخریب ایتدی . پتا Peta نک قومانداسی
آلتنده کی دیگر قول قراقووی اوزرینه یورودی و بوتون
مملکتی چیکنه دی .

لهیلر تورسکو کوی قربنده احراز ایتدکلری اهمیتسز
موفقتدن جسارت آله رق موغوللره قارشى یورومک اوزرم
بوتون قوتلرینی طوپلادیلر . پالاتن ولادیمیر ایله یاقوسلاس ،

[۱] چینلیلر بوکا تولیس سه قو دیورلر .

قراقووی قوماندانی قله مان دها سائر رؤسا عسکرلریله برابر
 سیدلووی Sidlovi قریب کیده رک اوراده ابتدا بر موغول
 قولنه هجوم ایتدیله. موغول قوتی اردونک قسم کلیدی اوزرینه
 چکیلمکه مجبور اولدی فقط لهیلر بو ایلاک محاربهدن یورغون
 دوشدکاری ایچون بر لشمش اولان بوتون موغوللارک صدمه سنه
 مقاومت ایدم دیلر. بر چوق ضایعات ویردکن صوکره
 قاچدیله. بو محاربهنک غائب ایدلمه سی هر طرفی دهشت ایچنده براقدی.
 اهالی شهرلری و کویلهری براقه رق باشقه یرلره قاچدیله.
 عفیف لقبیله یادایدیلن بولسلاس والده سی وزوجه سیله برلکده
 مجارستانه کچدی. بوتون سکنه سی طرفندن ترک ایدیلش
 اولان قراقووی شهری ضبط اولوندی [۱]. موغوللار اولره
 وکلیسالر آتش ویردیله. فقط شهرک خارجنده بولونان
 و ایچنه بر چوق لهلی صیغینمش اولان سنت آندره کلیسای
 او قدر جسارته مدافعه ده بولوندی که بونی ضبط ایچون وقت
 غائب ایتک ایستهمه ین موغوللار نهایته قدر اوغراشمایه رق
 اوراتیسلاویا Uratislavie یه دوغرو یوردیلر و شهری برکول
 ییغینی حالنده بولدیله. سکنه سی بوتون تروتلریله چکیلمش لردی.
 قوه محافظه، قالان ییه جکی و سائر دی آلدقن صوکره شهره
 آتش ویرمشلر و ایچ قلعه یه قاپانمش لردی. یغمادن باشقه
 برشی دوشونمه ین موغوللار بونک محاصره سنه قالمغنی مناسب کورم دیلر.

[۱] ۱۲۴۱ تاریخنده Cendres یورطیسنده.

قوياويەنى تخریب ایتىش اولان موغول فولی اوزمان بیداره التحاق ایتىدی [۱]. ھېسى بردن لىنىچ [۲] Lignitz اوزرىنە يورودیلر. سنت ھدویش Heavige ك اوغلى اون ايكنجى ھازى [۳] بوتون لەستان و سیلزا عسکرلرى بورايە طويلامشدى. توتونيك طریقت روحانیە-نك غران متری كندیسنە التحاق ایتىشدى. ايكنجى ھازى شەردن چىقاركن آز قالدى سنت ماری کلیسا-سك اوستندن دوشن بر طاش اصابتیلە اولەجكدی. باطل اعتقادات سوقيلە بو حادئەدن تشأم ایدیلدی. ايكنجى ھازى لىنىچ خارجنە چیقديغى زمان اردوسنى درت قوله آیردی. موراویا مارکی-نك اوغلى بولسلاس سیه پیولقانك قومانداسى آلتندە بولونان برنجى قول كوكلی شووالیەلرلە غولت برك آلتون معدنلرنە چالیشانلردن و دها سائر اجنبى عسکرلردن مرکبدى. قراقووی و یوقاری لەستان عساكرىنى احتوا ایدن ايكنجى قولك باشندە قراقووی پالاتى ولادیميرك قاردشى سولیسلاس واردی. اوچنجى قول اوپول دوقەسى میه چلاس Mietezlas ك قومانداسى آلتندە ایدی. اوپول عسکرلریلە توتونيك شووالیەلری غران مترلری پومپودو ھوسترنو ایلە بو قولدە

[۱] پاسقالیە نورطیسندە .

[۲] چینلیلر بوكا پەلى تسەان دبیورلر . بحث ایتدکاری یەلى پان الکاسى لەستاندر .

[۳] چینلیلر بوكا قیولایەن نامنى ویررلر .

ایدیلر . لهستانك وسیلزيانك الكاي عسكرلرندن تركب ایدن
 دردنجی قوله بالذات ایکنجی هانری قوماندایا ایدیوردی .
 موغوللارده اردولرینی دوت قوله آیردیلر . بونلرك هر بری
 آری آری بوتون خرسهتیان اردوسندن فضله ایدیلر .
 محاربهیه باشلاندى [۱] . لهیلرک برنجی قولی ابتدا موغوللارک
 آتقلری اوقلر آلتنه بوكالدى . دیگر ایکی قول بویوک
 بر شجاعته حرب ایتدیلر . موغوللاری گریلتمکە باشلامشلردی .
 کندیلرینه بویوک ضایعات ویردیریوردی . بوصیراده
 میه چالاس : قاچکیز ! قاچکیز ! دییه هایقیریلدیغنی ایشیتدی .
 درحال لهیلرک آراسنه بویوک بر قورقو دوشدی ، دارمه
 داغینیق اولدیلر . هانری موغوللارک احراز مظفریت
 ایده جکلرینی کورنجه دردنجی قول ایله اونلرك ایلاک اوچ
 قولی اوزرینه هجوم و فراره مجبور ایتدی . فقط بیدارک
 قومانداسی آلتنه بولونان دردنجی قول امداده کلدیکی جهته
 مصادمه پک مدهش اولدی . لهیلر ای ثبات ایتدیلر .
 دشمنلرینه بویوک ضایعات ویردیرمشلردی . بوصیراده
 برموغول ، اوزرنده قورقونج بر رسم بولونان بر بایراغی شدتله
 دالغهلاندیردی . بو ، آکلاشلدیغنه نظراً ، موغوللارک دومان
 چیقارمق اوزره مواد مشتعلیه آتش ویرلمسی ایچون اشارت
 ایدی . درحال قالین بر دومان یوکسلدی ، لهیلرک اوزرینی

[۱] پاستالیه نك سگیزندن صوکره ایکنجی فهری ده ، ۱۵ نیسانده .

قاپادی و اونلرک حرب ایتمه لرینه مانع اولدی . موغوللر آواز
 آواز هایقیردیلر ، لهیلرک اوزرینه صالدیردیلر ، صفلرینی
 بوزدیلر و پک چوغنی اولدیردیلر . بولسلاس ایله غران متر
 میدان محاربه ده مقتول دوشدیلر . هانرینک هر طرفی احاطه
 ایدیلدی . هانری بوتون معیتنده کیلرک اطرافنده اولدکلرینی
 کوردی . آرتق درت مدافعی قالمشدی . قراقووی پالاتی
 ولادیمیرک قاردهشی سوایسلاس ، غلוגو Glogou پالاتی قله مان ،
 قونراد قونراتوبیچ ، ایوان ایوانوویچ هانری بی بوتهلکه دن
 قورتارمق ایچون بهوده یره صرف مساعی ایدیورلردی .
 هانرینک بارکیری یارالانه رق یره یووارلاندى . درحال ایوان
 موغوللرک آراسندن کچه رک باشقه برآت کتیردی . فقط
 ایکنجی دفعه اوله رق تکرار موغوللرک آراسندن کچک
 ایسته دیکی جهتله ، آرقه سندن یوروین هانری اونى کوزدن
 غائب ایتدی و موغوللرله چه وریلدی . صول الندن یارالاندى .
 باشقه بر موغول مزرراغیله هانری بی ده ویردی . طوتوله رق
 میدان محاربه دن خارجه چیقاریلدى وباشی کسیلدى . موغوللر
 هانرینک باشنی بر مزرراغک تپه سنه قویه رق لیندیچ قلعه سنه
 دوغرو یورودیلر . شهر اهالی طرفندن احراق ایدیلشدی .
 قوه محافظه تسلیم اولمالرینی تکلیف ایتدیلر . فقط بر دوق
 غائب اولدیسه ده ابر چوق دوق بولوندیغی یولنده جواب
 ویریلدی . موغوللر مقتوللرک مقدارینی بیلمک ایچون

بررقولاقلرینی کسهرك دوقوز چوواله دولدیردیلر . لینیچك
تکمیل جوارلرینی یغمالیدهرك صو کره اوتموش Othmouchouیه
اورادن ده راتیبور Ratibor دوغرو کیتدیلر . بوله سیسقوده
سکز کون قالدقن صو کره مور او یا یولنی طوتدیلر . بوراسنی
بوهمایا قرالی و انس سلا سك کوزی او کنده برآی تخریب ایتدیلر .
بوهمایا قرالی قرارگاهندن چیقمغه جسارت ایدهمدی . موغوللر
اولومونق دن حرکته یدی قوناقدن صو کره مجارستانه
واردیلر و اوراده باتو اردوسنه التحاق ایتدیلر .

باتو روسیه یی تخریب ایتدکن صو کره بش یوز بیک
کشی یه بالغ اولدیغی روایت ایدیلن بر اردو ایله مجارستانه
کیرمشدی . مجارستان قرالی دردنجی بلانك حدودلری مدافعه
ایچون [۱] کوندردیکی قونت پالاتی مغلوب ایتمشدی [۲] .
بو ایلك مظفریتدن صو کره روسیه قاپیسی دنیلن بر موقعی
ضبط ایتدی . بیدار لهستان طریقله کلهرك کندیسنه التحاق
ایله دی . قادان ، روسیه ایله قومانی Comanie آراسنده
بولونان اورمانلرده اوچ کون یورودکن صو کره رودانا

[۱] مجار مورخلری مختلف موغول رؤساسنی بروجه آتی تعداد
ایدیورلر: باتوس یاخود باتوکه هپسنگ باشی ایدی . بوختور Bochter
دیدکلری بهادر یاخود سودای بهادر در . قاون ؛ فوختون ؛ فیهقان ؛
پتا بیدارق . هر منس ، چغتایك اوغلی سارمان Sarmans در .
کپ Cheb کیوک اولابیلیر ؛ اوتادار .

[۲] ۱۲۴۲ سنه سی مارتنك اون ایکسده .

میشو

Rudana يەكلىدى. اوراده كوموش معدنلىرى واردى. بوشهر غايت غلبه لىقدى. مدافعه يە عزيم ايتىش آدمىلار دولو ايدى. موغوللار قارشى يورويەرك اونلىرى قاچىرتدىلار. فقط احراز ايتىدكلىرى مظفرىت ايله پىك مغرور اولدقلىرى جەمئە شەكلىر يانمىغە قويولدىلار. بوصىراده موغوللار تىكرار كلەرك شەهرە كىردىلار. برچوق تلفاتدن صوكرە اھالى عرض تسليمىت ايتدى. قادان بوشهرى تحت حمايە سنە آلدى. بونك قوتى اولان آريستالدى غايت اىي مسلح آتى يوز توتون ايله كندىسنە تىرىك ايلدى. سوداى نھادر سائر رؤسا ايله زرك Zerech نھرىنى كچمىش، قوماندانلار Comans پىسقىوسنىك مملەكتىنى ضبط ايله مشدى.

باتو مجارستانك بر قسمنە صاحب اولدقن صوكرە [۱] ھەر شىئى آتش وقان ايچىندە براقەرق دوغروجه پايتختك اوزرىنە يورودى. اختيار، كنج، قادىن، ارکك ھىچ كىمسە يە مرحمت ايتدى. پىشتە پىشكاهنە واصل اولدى [۲]. قولو Colo باش پىسقىوسى قلعه يى مدافعه ايچون دشمنە قارشى يورودىكى صىراده قرال بلا كمال جىانتلە پىشتە يە قاپانمشدى. باتو باش پىسقىوسى فرارە مجبور ايتدى. اردوسندن بر مفرزە

[۱] « پاسيون » بازارندن ايكى كون اول .

[۲] چىنلىلار بومملىكتە ماچار دىيورلر كە ھونغر والرك (مجارلرك) .

کوندرك پشته دن ياريم کون مسافه ده و طونه اوزرنده .
 واسيا Wacia يي اله کچيردى . بوشهرک بوتون سکنه سی
 قیلیجدن کچیرلدیکی حالدہ بوتون بو پریشانی یه سیرجی اولان
 بلا بر حربہ کیریشمکه جسارت ایدہ میوردی . نہایت تبعہ سی
 قورقاقلغندن پک شکایت ایتمکه باشلادیلر و باغیروب چاغردرق
 اونى پشته دن چیقمنه مجبور ایتدیلر . موغوللر مجار قرالنک
 کندیلرینه قارشى یورودیکنى خبر آلیر آماز طویلاندیلر و
 آغریا Agria قریندہ تہیسه [۱] Teysse اوزرینہ چکیلدیلر .
 بلا ، کوپرونی مدافعه ایچون بیک کشتی کوندردی . بو ،
 بیہودہ بر احتیاط اولدی . چونکہ موغوللر بر کچیدبولہ رق نہری
 کیجہ لین یوزہ یوزہ کچدیلر [۲] . طلوع شمسده مجارستان
 اردوسنی علی الغفلہ باصہ رق آتدقلى اوقلرک آلتندہ ازدیلر .
 مجار اردوسی صف حرب ترتیب ایتمکه وقت بولامادیغی ایچون
 انتظامسز حرب ایتدی . قرالک برادری قولومان موغوللرک
 هجومنه یاریم کون مقاومت ایتدی . فقط امداد آلامادیغی
 ایچون قاجدی . قرالده کندیسنى تعقیب ایلہدی . بوہزیمتدہ .

پلان قارپند

[۱] ۶۳۳ ہجری و ۱۲۳۵ میلادی تاریخندہ .

[۲] بو قوملرک بویوک نہرلری خفیف و یوواریلاق مشینلر اوزرندہ .
 کچمکه آلیشغیندرلر . اشیالرنی بونلرہ صارارلر . برنوع بالون وجودہ .
 کتیریرلر اوزرینہ اوتورورلر . بونلری بر بارکیرک قویروغنه .
 باغلارلر . یوزن پر آدم بارکیری چکر .

اینانمایه جق درجه ده چوق مجار تلف اولدی . موغولار غنائم
 آراسنده قرالک مهرینی بوله رق اسرایه یازدیردقلری مکتوبلری
 بونیکله مهرله دیلر . مختلف شهرلر سکنه سینه بومکتوبلرده
 فرار ایتمه ملرینی قرالک آغزندن امر ایدیورلردی . لهستانه
 دوغرو قاچان قرال آوستریا دوقه سی طرفندن توقیف
 ایدیلدی و برفدیة نجات ویرمه مجبور اولدی . آوستریا
 دوقه سی مجارلره دها ای برمعامله کوسترمدی ، حتی
 موغوللرک الندن کمال زحمتله قورتارمغه موفق اولدقلری
 شیلری بيله آله جق درجه ده انصافسزلغی ایلری یه واردیردی .
 دیگر طرفدن سودای بهادر آریستالد و غایت ای مسلح
 آلتی یوز توتون ایله برالکده غایت مهم بر شهر اولان
 وارانین Varadin اوزرینه یورودی . امین بریر کی بورایه
 غایت عظیم مقدارده خلق التجا ایتمشدی . شهر ضبط
 و احراق ، بوتون اهالی قتل ایدیلدی . ایچ قلعه یه چکیلمش
 اولاتلر ، کندیلرینی التجا کاهلرندن چیقارتمق ایچون اوچ
 درت کون اورته دن غائب اولمش اولان موغوللرک کیتمش
 اولدیغنی ظن ایدهرک اولرینه دوندیلر . اوراده موغولار
 طرفندن قتل ایدیلدیلر . بو باربارلر صوکره ایچ قلعه یی
 محاصره ایله بالهجوم ضبط ایتدیلر . نه عسکره نه اهالی یه
 نه پاپاسلره امان ویرمدیلر . بویوک کلیسایه التجا ایتمش اولان
 بر چوق قادین اوراده احراق ایدیلدی . باشقه کلیسالرده کی

قادینلر هر دورلو تجاوزهاته معروض براقلدقندن صوکره
محرابلر اوکنده قتل اولوندی . قاچه بیلر کیمسه لر اورمانلرده
سفیلانه ترك حیات ایتدیلر . بر مدت صوکره موغوللار
هیچ قورقولاچق برشی قالمادیغنی ، اهالینک سربستهجه
عودت ایدهجکنی اعلان ایدنجه آچلقدن اولمکده اولان
بیچاره لر شهره کلدیلر ، حاصلاقی تارلالردن قالدیردیلر ،
حبوباتی آیدارلره طاشیدیلر . بو ائاده حیاتلرینی محافظه
وسفاتلری تخفیف ایتک ایچون بابالرك قیزلرینی ، قوجه لرك
قاریلرینی ، قاردشلك همشیره لرینی فحشه سوق ایتدکلری
کورولیوردی . بو معیوب واسطه ایله موغوللاردن برقاق
صیغیر و قویون آلابیلیورلردی . صوکره موغوللار هپسینی
بر اووايه طویلادیلر ؛ صویدیلر و اولدیردیلر .

موغوللار صوکره اورودین و شانادین اوزرینه یورویهک
بوتون بوقطعه یی خراب ایتدیلر ، پرغ شهرینی محاصره آلتیه
آلدیلر . ابتدا ، عادتلری وجهله ، یالکز اسرای تهلهکيه
آتدیلر . صوکره هندکلر دولونجه شهره کیردیلر ، کویلیلری
برطرفه آیدیلر ، قالانلرك هپسینی اولدیردیلر یالکز سفیهانه
هوسلرینی تطمین ایچون بر مقدار قیز آیدیلر . آنجق نعللر
آلتیه صاقلانه بیلنلر قورتولدیلر . اغره س Egres شهری ده
عبنی عاقبه اوغرادی . موغوللار ، مجارستانک اک کوزل
شهرلردن بری اولان ستریغونی Strigonie شهرینی ده ضبطه

کیتمک تصویرده ایدیلر . فقط طونه نی [۱] کچمک لازم کلیوردی .
مجارلر طونه نك بوزلرینی قیرمق احتیاطنده بولونمشلردی .
مع مافیہ موغوللر صبرلرینی غائب ایتدیلر . نہر تماماً دونہ جق
صورته چوق بوزکلمہ سنی بیکلہ دیلر . فقط ینہ کچمکہ جسارت
ایدہ مہیہ رک نہردن اوزاقللاستدیلر ، ساحلده بر مقدار بار کیر
ایله سائر حیوانات براقیدیلر . مجارلر بونلری ضبط ایچون
نہری کچمک احتیاط سزلغنده بولوندیلر . موغوللر در حال
عودت ایله ، بوزلرک کافی درجہده قوتلی اولدیغنه امنیت
کتیردکن صوکرہ ، نہری کچدیلر . بواشنادہ قانون ،
مجارستان قرالی اسقلاوونیا قطعہ سندہ تعقیب ایله مشغولدی .
قرالی آدریاتیک دکنزی اطہلرینہ التجا ایتمکہ مجبور براقشدی [۲] .
عودتندہ بوسنہ یی ، صربستانی ، بولغارستانی تخریب ایتدی .
طونه قییسندہ دورہ رق باتوی بیکلہ دی . ستریغونی یه یاقلا شمش
اولان موغوللر ، هندکلری دولدیردقن صوکرہ مانجنیقلرینی
قوردیلر . بونلرله قوجہ مان طاشلر آتدیلر . مدافعہ دن امیدلرینی
کسن اہالی واروشلری وشہردہ بولونان بوتون ثروتلری
یاقدیلر . موغوللر بوقدر عظیم برغنیمتدن محروم اولدقلرینی کورہ رک
صوک درجہده قیزدیلر . هیچ کیمسہ یی چیقارماق ایچون
شہرک اطرافنی صاردیلر ، بوتون اہالی یی قتل عام ایتدیلر .

[۱] ظان ایدہ رم کہ بونہر چینلیلرک قونینغ دیکلری نہر اولاجقدر .

[۲] چینلیلر بووقہ ۲۵ دن بحث ایدرلر وقرالہ پاچہ مان اسمنی ویریرلر .

یالکیز اون بش کشی قور تولدی. ایچ قلعه مقاومت کوستردیکی کبی
آلب روایال و سمن مارتن قلعه سی ده مقاومت ایتدی. بونک
اوزرینه بوباربارلر مجارستاننی ترک ایتدیلر ، پالوس مه توتید
Palus méotides باتاقلقلرندن کچهرک تاتارستانه دوندیلر .
بحر حزرردن بحر منجمده قدر اولان بوتون الکالری تحت
انقبادلرینه آلمشردی .

بوتون آوروپا بوقوملرک لهستانده و مجارستانده یاپدقلری
تخریباتدن دهشته دوشمشدی . بوتون حکمدارلر بوقبیل
فلاکتلرک تکررینی منع ایچون اتخاذا تدابیره مسارعت
کوستردیلر . بعضیلری عسکر طویلادی . کیمیسی بوباربارلره
سفیرلر یوللادی . هر طرفده دعالر ایدیله سی ، اوروج طوتولماسی
امر اولوندی . پاپا دردنجی اینوسان آقینلردن
و تخریباتدن واز کچمه لرینی و خرسستیان دیننی قبول
ایتمه لرینی رجا ایچون کندیلرینه ایکی نوع راهبیلر اعزام ایتمکه
قرار ویردی . فرره ژان دوپلانقارپن ایله دومینیکن طریقت
روحانیه سنه منسوب لهلی فرره به نوا روسیه یولنی طوتدیلر [۱] .
آسلن ، سیمون دوسمن قانتن ، آلكساندر و فراسیسکن
طریقت روحانیه سنه منسوب آلبه ریق [۲] ایران طریقیله
کیتدیلر . ایمپراطور فرره دریق بوتون آوروپا حکمدارلرینه

[۱] ۱۲۴۶ سنه سنده

[۲] یاخود آابر

يازديغى بىر مەكتۇبىدە موغوللار كىيىملىرى تەخىرىباتى تەسۋىر ايلە
 امداد ايلەيدى. آلمانىيا استىلايە مەروۇس ايدى. باربارلر بىر كىرە
 بورايە كىرە جىك اولورلر سە آوروپا نىك تىكەيىل اقسام مەتباقىيە سىنك دە
 اولر كىك الە دوشمە سىندىن قورقور دى . سىن بويىنك والەسى
 لارنى بلانىش بوندىن پىك قورقور دى وسىن لويىنك قراللىك و
 خرىستىيانلىك برانقراس تامىدىن قورقوله بىلە جىكى سويلەيدى .
 سىن لويى كىك جىسارت وتوكل دىندارانه ايلە جناب حىقە وقىلىجنە
 اعتماد تامى بولوندىغى يولندە جواب ويرەرك بو باربارلر
 قارشى يورومك واولر قوغمق قرارىنى اتخاذا ايتدى .
 بو بويوك فرطنە كىندىلىكىدىن صاۋوشدى . بو ، چىن
 جوارلردىن كىش اقوامك آوروپادە باعت اولدقلىرى فىرطنەك
 اوچىنچىسى ايدى . ابتدا هونلر كى و آتيلانك آقنى ؛ صوكرە
 آوارلر كى ونهايت موغوللار كى آقنى . دىها باشقەلرى دە وارايسە دە
 بو قدر مەم دىكلدىلر .

ابوالفدا

آوروپا موغوللر طرفىدىن بوسورتلە تەخىرىبايدىلىدىكى ائنادە
 سوريە ايلە جوار الكالر عىنى مەصائبە مەروۇس ايدىلر . آسيانك
 بوقسىمى دە عىنى و جەملە ، بوتون دىنيانى فلاكتە غرق اچون
 دوغمىش اولان باربارلر كى فىضانى آلتىدە قالمىشدى . اوقتاي ،
 چىن محاربە سىنك صوكلرىنە دوغرو [۱] قونىيە سلطانى كىقبادە
 كىندىسىنە عرض تەعطىيات اچون قاراقورومە كىلەسى حىقندە

ابوالفرج
ابوالحسن

امر کوندرمش ، بو حکمدارده اطاعتدن استتکاف ایتشدی .
اوقتای بوقطعه به جرماغون Djourmagoun قومانداسنده
بویوک براردو کوندردی . جرماغون ابتدا چرکسلری
مغلوب ایتدی . موغوللار صوکره ارمنستانه کچردیلر ، اربل
جوارینه آقینلر یاپدیلر [۱] ، نینه ویادن کچدیلر وترجلی ایله
کرملیس کویلری قربنده جریان ایدن بر ایرماق کنارنده
قرارگاه قوردیلر . اهاالینک قسم اعظمی بر کلیسایه قاجش
اولدقلری جهته موغوللار کلیسانک ایکی قاپیسنی اله کچردیلر .
ایچریده کیلرک دیشاری به چیقمالرینه مساعده ایتدیلر .
برطرفدن چیقانلره هیچ برشی یامادقلری حالدیه دیکرلرینی
بوغازلادیلر . بو غریب معاملهنک سببی مجهولدر . قاپیلردن
برینی بیکلینلرک قلیبلرنده کی ایله که حمل ایتمکدن باشقه برطرز
تفسیر بولنه مامشدر . صوکره [۲] ، ایکنجی دفعه اوله رق
اریل جوارلرینه یایلدیلر [۳] وبوشهری قرق کون محاصره
آلتنده طوتدیلر . فقط اهالی کندیلرینه بر مقدار پاره ویر-
دیکی جهته چکیلدیلر . اورادن کیدوب عراقی تخریب ایلدیلر
وبغداده یاقلاشدیلر [۴] . مجاهدالدین ایله شرفالدین اقبال
برراردو باشنده شهردن چیقیدیلر وموغوللاری هزیمته اوغراتدیلر .
فقط تکرار کله لرندن قورقولدیغی ایچون خلیفه بوتون حرب

[۱] ۶۳۳ هجری و ۱۲۳۵ میلادی تاریخنده .

[۲] ۶۳۴ سنه سی شوالنده . ۱۲۳۶ تاریخ میلادی سنده .

[۳] ۶۳۵ هجری و ۱۲۳۷ میلادی تاریخنده .

[۴] قلعه نك قوماندانی خلیفه نك مملوکلرندن ایدکین Idkin ایدی .

ما كنهلرني سورلر ك اوزرينه يرلشدير تدي وبر محاصره
حاضر لاندی . بواحتياط بيهوده اولدی . چونكه سنه نهايته
دوغرو موغوللر بغداد جوارنده تكرار كورونديلر ، خليفه
نك قوماندانلرينه قارشى بويوك برظفر قازاندیلر . فقط
آلقلرى غنائمدن ممنون اولدقلى ايچون چكىلمك شقنى
ترجیح ايله ديلىر .

بوباربارلر اورالرينى ضبط ايتمك وبالحاصله قونيه سلطانلرينى
محو ايله مك نيتنى دائما بسله مكله برابر بر مدت بوملكتله ده هيچ
برشى يامادن دور ديلىر . نهايت ارضرومه ياقلاشدیلر [۱] . بو
شهرى هجوم ايله ضبط ايتمش اولان جرماغون نوپان ۱۲۱
ارضروم سكه سكه قسم اعظمى اولديردى ، چوجوقلى
اسير آلدی وبوتون الكاينى تخریب ايله دی . خليفه مستعصم
بوتون بوفناقلرى كوردىكى حالد ازاله سى چاره سنى دوشونمه
يوردی . صرف كندى ذوق و صفاسيله مشغولدى . سراينه
قاينمىدى . مسلمان مملكتلرينى تخریب ايدن بوباربارلرى
طرد ايتمك لزومنى عرض ايدنلره بغدادك كنديسنه كفایت
ايتدىكى يولنده جواب ويريوردی . جرماغون كيدوب قونيه
سلطاني كيخسروى مغلوب ايتدی [۲] ، سيواس ، قيصريه ،

[۱] ۶۳۹ هجرى و ۱۲۴۱ ميلادى تاريخنده .

[۲] پلان قارپن بوكا Cyropodan نامنى ورييور .

[۳] ۶۴۰ هجرى و ۱۲۴۲ ميلادى تاريخنده .

ارزنجان و ساثره کبی برچوق شهرلرینی ضبط ایله یهرك كندیسنی
صاحی اشترايه مجبور براقدی . یساور نوین Ysour
سورییه آقینر یایدی [۱] و حلبه یاقلاشدی . فقط بو شهری
محاصره ایتمکه جسارت ایدمه یهرك بوتون اراضیسنی تخریب
ایله اکتفا ایله دی . ملاطیه دن کچرکن موغوللار بوراسنی
یغمالادیلر و بوتون کلیسا مزیناتی آلدیلر . بو قدر مصائیه
برده وبا انضمام ایتدی . برچوق کشی تلف اولدی . صوکره
مدهش برقیطلق حیقدی . بابالرا كمك بولمق اچون چو جوقلرینی
صاتمق مجبوریتنه دوشدیلر . موغوللار اورادن بغداد جوارلرینه
کیتدیلر [۲] . اوراده چوق قالمادیلر . اوقتایک وفاتی اونلری
بوتون بوتخریباتی براقغه مجبور ایتدی . نوینلرك قسم اعظمی
یکی خانك اتخانی اجرا ایتك اوزره قاراقورومه دوندیلر .

اوقتایک تسلیح و آروپا ایله آسیایی ضبط اچون سوق
ایتمش اولدیغی اردولرك چوقلغی انسانه دهشت ویریر . غایت
اوزاق مملکتلرده کی بو بویوک سفرلر ائناسنده احتمالکه
کندیسنك پایتختنده راحت راحت یاشادیغی و نیوچه لرك
ایمپراطورلغك انقراضندن صوکره چینك درین برصلح و سکونه
نائل اولدیغی ظن ایدیلر . حالبوکه اوقطعه ده جنوبه دوغرو
هنوز مهم و غایت زنکین بر ایمپراطورلق موجود ایدی .

غوبیل

[۱] ۶۴۱ هجری و ۱۲۴۳ میلادی تاریخته .

[۲] ۶۴۲ هجری و ۱۲۴۴ میلادی تاریخته .

بوتون دنيایي تحت انقياده آلمق ایسته ين موغوللار بوايمپراطورلغی
 محو ایتمکه عزم ایلمشلردی. اوتتایك ایکنجی اوغلی قوتان [۱]
 Koutan ایله قوماندان چاهای Tcha-hai آلتی یوز بیک
 کشیلک بر اردو ایله سه چوان ولایتنه یورو مک امرینی آلدیلر.
 کوجو [۲] Koudgiou ، ته موتای Te-Moutai ، چانغ یا ئو
 چاهان و خیتانلر پرئسی پیتوایله قیانغ نان ولایتنه یورو یه جکلردی.
 بو موغول اردولری اک ای چین و تاتار عسکرلرندن مرکب
 ایدیلر. اک جسور قوماندانلر طرفندن اداره ایدیلیورلردی.
 سونغلر ایمپراطورینک کندیلرینه قارشى قویه جق بویوک
 اردولری وارسه ده ممالکنک عاقبتی حقنده اندیشه یه دوشمکدن
 خالی قالمادی ، حدودلره اک ماهر قوماندانلرینی کوندردی.
 موغوللار شنسیدن کچرکن وقتيله نیوچه لره تابع بولونان
 قولغ چانغ فو شهرینک والیسی شی هیه ن کندیلرینه عرض
 تابعیت ایتدی. بوقوماندان قوتانک استقباله چیقهرق بوتون
 عسکرلریله برلکده اونک خدمته کیردی و والیلکده ابقا
 اولوندی. قوتان اورادن میه ن شهرینک [۳] محاصره سینه
 حاضرلاندی. بوقلعه نک قوماندانی بولونان یه ئووه ن برکچید
 اولان سیه ن ژین قلعه سنی ضبط ایتمک کبی برتدیر احتیاطیده.

سنه

۱۲۳۶

[۱] جینلیلر بوکا قوتوان ، یلان قارین Cuchtan دیور.

[۲] جینلیلر بوکا قوجو دیورلر.

[۳] شنسی داخلنده هان چونغ فو سنجاغنده.

بولوندى. صوكره موغوللار هان چونغ فوي ضبط ايله بعض
چين مفرزه لرني مغلوب ايدنجه كيجه لين اون بيك كشي ايله
نهرى كچدى، له ثوقى دنيان بر موقعده پوصو ترتيب ايتدى. اوراده
طاول چالديردي، قرارگاهنده آتش ياقديردي وخارجده
اولدير! اولدير! ديه هايقيرتدى. عسكر لرني اوچ قوله
تفريق ايدرك، اوچ بيك كشي ايله قيتوان دينان برطاغ
كچيدني طوتدى. اك صارپ يرلره، چكيلمكدن ايسه اولمكه
عزم ايله مش سكر يوز سوارى يرلشديردي. كوچوك اردو
هر طرفدن دشمنله احاطه ايديلشدى. يورومكه مانع اولان
ياغمور وروزكاره قارشى ده اوغراشمق لازم كليوردى.
بويله اولمقله برابر ثبات كوستردى، مقاومت ايتدى. بوتون
موانعه رغماً لونغ اوته يي ته ئويه كيتدى. اوراده موغوللار
اوزرنده بر موفقيت احراز اينمش اولان برادري وان، يه ئووه نه
التحاق ايتدى. چينلي لرله موغوللار آراسنده بوراده بويوك
بر محاربه وقوعه كلدى. پك چوق كشي تلف اولدى. شفق
سوكر كن موغوللار قوماندانلري چاهايه التحاق ايتدكلرى
ايچون محاربه تكرار باشلادى. بويوك بر قتال دن صوكره
يه ئووه ن، اردوسنك هر طرفدن احاطه ايديلديكنى، بوتهاككدن
قورتولمق ممكن اولما ديغنى كورنجه حياتى قابل اولديغى قدر
بهالى صاتمغه قرار ويدردي، «اللهك امرى بودر، اولمك لازمدر!»
ديه هايقيردى. صوكره بار كي رني اولديردي، موغوللارى

تخقیر ایدەرك يالین قیلیج اوزرلرینه آتدی . برادری وهان
بوتون عسکرلریله برلکده ترك حیات ایتدی . بومظفریت
موغوللره بهالی یه اوتوردی [۱] . قوتان صوکره سه چوئنه
کیدى . بونك پایتختی اولان چنغ تو قربنده قرارگاه قوردی .
و بوولایتك شهرلرندن قسم اعظمی تحت اطاعته آلدی . [۲]
برادری کوجو عینی زمانده هوقو آنغ ولایتنه کیرمتس ، بویوك
تخریبات یاپدقن صوکره قینغ چه ئوایله سیانغ پانغی ضبط ایدەرك
بورالرده برچوق ارزاق بولمشدی . چین قوماندانلری آراسنده
حکم سورن نفاق بو شهرك ضیاعنه سبب اولمشدی . موغوللر
طیش محله لرك دپولرینه آتش ویرن برضا بطك خیاتی یوزندن
ایچری یه کیره بیلمشلردی . صوکره ، کیتدیله تەغان شهرینك
هان تکمیل سکنه سنی قیلیجدن کچیردیله . ایشته اولوم بو قدر
موفقیات آراسنده کوجونك اجرا آتی دوردیدى [۳] .
قه ئوهوئ بوغا Keou-hoenbohga نامنده دیگر بر موغول
قوماندانی قیانغ نان ، قو آنغ ، هونان حدودلرینی تخریب ایتدکن
صوکره هو آنغ چه ئو اوزرینه یورودی [۴] . فقط چینلیرك

[۱] بومحاربه هان چونغ فودن ایکی اوچ فرسخ اوزاقده کائن
پاؤچینغ شهرینك غربنده پانغ پینغ قلعه سی قربنده وقوعه کلدی .
[۲] هوچ ، ئو ، قوئیی چه ئو ، لوچه ئو ، شون قینغ فو شهرلرینی ضبط
ایدەمدیلر .

[۳] اوننجی شهر قمریده .

[۴] هوقو آنغ داخلنده .

قوماندانى منىغ قونىغ موغوللارى يكرمىدن زياده موقعدن طرد
ايتدى . موغول قوماندانلارندن چاھان ئى شىنغ ھىيەن [۱]
محاصرە سنى رفعە مجبور اولدى . بوقلعه نك واليسى اولان قىيە ئويو
پوصويە ياتىردىغى عسكەرلەر ، طاش آتان مانجىقلىرىلە وقرارارگا .
ھەرىنە قويدىغى آتشلەرلە موغول قومانداننك اردوسىنى پك
ازعاج ايتدى .

سەنە

۱۲۳۷

منىغ قونىغ صوكرە ، موغوللار ك محصور طوتقۇدە اولدقلىرى
ھو آنىغ چە ئويە ياقلاشدى و اورادن اونلرى قرغدى .
موغوللار ، قىيانىغ نان داخلىندە شە ئوچە ئو [۲] پىشكاهىندەدە
موفقىتسىزلىككە اوغرا دىلر . اورادە قوماندانلار تۇقە ئو موغول
سەرلەردىن يىكرىمى يىدىنى ياقدى ، بر چوق دشمن عسكەرىنى
اولد يردى ، اونلار غەرە ژوا آتشلىرىنى فائىدە سىز بر حالە صوقدى .
صوكرە ، لووھن تە برقاق جسور و كزىدە عسكەرلە موغول
صفلىرىنى ياردەرق شەرە كىردى و غىرت و فعالىتى سايە سىندە
موغوللارى اورادن چكىلمەكە مجبور ايتدى . چاھان بو محاصرەدە
استعمال ايدىلن بوتون ما كىنەلەرلە ، قىيانىغ نان داخلىندە لوچە ئو
اوزرىنە يورودى . اورادە ، سىكز يوز بىك كشىلك براردويه
مالك اولدىغى ، لوچە ئونك ضبطىدن صوكرە قىيانىغ نەرى
طولنىجە امتداد ايدن بوتون الكاى تخرىبە كىتمك ايجون

۱۲۳۸

[۱] اوزمانىكى اسمى چىنغ چە ئو ايدى .

[۲] اوزمانىكى اسمى غان فونىغ ايدى .

تسائو کولی اوزرندە قايىقلار ياپدىرمق فېكرندە بولوندىغى حقندە
 بر شايعة چيقاردى . فقط نه ياپه جغنى دها اول تخمين ايتمش
 اولان توقەئو اونك ورودندن مقدم لوجه ئوشهرينه كيرمشدى .
 غايت چوق مقدارده اوت دمتلرني ياغه باتيرارق موغوللارك
 شھراطرافندە ياپمش اولدقلرى سېرلرہ آتدیردی و ھېسنى
 كوله قلب ايتدى . موغوللار آتشی سوندىرمكه چالیشدقلرى
 صيراده مانجنيقلریله بويوك طاشلر آتيور و اونلری ازييوردي .
 صوكره عمومي بر خروج حرکتي ياپدی ، موغوللاری فراره
 مجبور ايتدی و کنديلرني برفرسخدن اوتەيه قدر قووالادی .
 موغول اردوسـنـك قسم اعظمی محو اولدی . اوآنه قدر
 اوغرادقلری موفقیتسزلکلرک اک بويوکی بو ایدی . توقەئو
 ايله لووهنته بوتون کچيدلری طوتديلر وموغوللار شماله دوغرو
 چکيلمکه مجبور اولديلر .

سنة

۱۲۳۹

هو قوآنغده ، منغ قونىغك قومانداسى آلتندە بولونان
 چينليلر موغوللاری هر طرفدن مغلوب ايتديلر وسيانغ يانغدن
 قوغديلر . كرك بوراسنى كرك قان چينغى تحکيم ايتشلردى .
 ديكر طرفدن چينليلر سه چوئنك پايختى اولان چينغ نويه
 كيرديلر وبوراده پك چوق عسکر تحشيد ايتديلر . فقط بو
 ولايتى ترك ايتمش اولان موغوللار درحال عودتله بو شھرى
 تکرار آلدیلر وهوقوآنغ داخانده قوئەني چەئو طريقيله
 يورودیلر . منغ قونىغ بوتون کچيدلره عسکر اقامه ايتدکن

صوکره کیدوب موغوللرک الندن قوئنی چه ئوی ضبط ایله دی
وبوصورتله قیانغ نانی تحت امنیته آلدی . ژوینغ فوده کی
موغول ده پورینی ، قاییق یایمق ایچون تنغ چه ئوده طوبلامش
اولدقلری کراسته لری یاقدی . آلمش اولدقلری بوتون غنائم
ایله اسرایی استرداد ایتدی . صوکره بالذات حدودلری
کزدی . بوتون کویلیلری طوپلایه رق عسکرلک او کرتدی ،
کندیله رینه ضابط و سلاح ویردی . بوتداییر سایه سنده
سه چوئن ایله قیانغ و هان شهرلری آراسنده کائن الکالر
اراضیلرینی مدافعه یه قابیلیتی چفتجیار و دیپولرله دولدی .

لهستانده و مجارستانده مشغول اولان اوغلی کیوکی
برسنه اول نزدینه چاغیرمش اولان اوقتای ، تاتارستانده [۱]
یایدیغی بویوک برآودن عودتده آغیر صورتده خسته لاندی .
ایمپراطور یچه تورا کینا خاتون Tourakina اوقتایک وفات
ایده جکنه حکم ایدهرک در حال امور دولت حقنده مذا کراتده
بولونمق اوزره ناظر ایلی چوتسای چاغیرتدی . ایلی چوتسای
ایمپراطوره فنا نصیحتلر ویریلدیکندن و بوتون مناصبک دکر سر
کیسه لره ، ارتکاب جرم ایتمش آدملره صاتلدیغندن ، ده
ناموسلی کیسه لره حبس خانه لرک دولدیغندن شکایت ایدیوردی .
تورا کینا بوتون بو محبوسینی تخلیه ایچون تدبیر اتخاذا ایتمکده
اولدیغی صیراده اوقتای اکتساب عافیت ایتدی . بونک اوزرینه

[۱] قیه قیه چای ها دنیلن برکول قربنده .

بر عفو عمومی اعلان اولوندى . چينليلىرك محكمه لرده بعض
 كوچوك مأموريتلره كچه بيلمه لرینه مساعده ايدىلدى . مع مافيه ،
 مقرطانه شراب ايچمكده دوام ايدن وبوبابده ايلي چوتسايك
 عاقلانه نصيحتلريني ديكلمه مين اوقتاى بوتون بركيجه اوقدر
 چوق شراب ايچدى كه ايرته سي صباح ، اون اوچ سنه لك
 سلطنتدن صوكره اللى آلتى ياشنده اولديغى حالده وفات ايتدى .
 پلان قارپن بعضيلرى زهرلنديكنى ادعا ايدىيورلر ۱۱۱ . مستفرشه لرندن
 بريله شريك جرم اولمقله مظنون دها برقاق كشي اعدام
 ايدىلدى . اوقتاى ، طورونى شيرامون ۱۲ Schiramon ك
 كنديسنه خلف اولماسنى امر ايلمىدى .

اوقتايك شجاعتي ، احتياطي ، علو قلبى پك چوق مدح
 ايديلمكده در . اوزرند بويوك برتاثيرى اولان ايلي چوتساى كنديسنه
 علوم و فنونه وبالاخصه ابي برحكومت ادارده سنه قارشى محبت تلقين
 ايتمىدى . اوقتاى انتظامى سوردى . پك دوغرو ايدى .
 فقط كنديسنندن اوزاق بولونان قوماندانلرى ملتك باربار

-
- [۱] اوقتايك زوجه لرى شونلردر : ۱ - بوراجين . چينليلىر بوكا
 پولاها ديرلر . كنگراتلر قبيله سندنر . ۲ - غانغ هوئىي ؛ ۳ -
 زازين ؛ ۴ - توراكيينا خاتون . چينليلىر بوكا توليه قونا ديرلر .
 ديكرلرندن بحث ايدىليور . يالكز بوسوك زوجه سندن چوجوغى
 اولمىدر . اولرده : كيوك ، قوتان ، كوجو ، فاراجاق ، قاشى در .
 [۲] شيرامون اوقتايك اوغلى كوجونك چوجوغيدر . چينليلىر
 بوكا شهليه مهن ديرلر .

ویرتیجی طبیعتنه تبعیت ایدیورلردی . اوقتای عالیجناب
وجومرد ایدی . بنم معاونتمی رجا ایدن برآدمی الی بوش
دوندیرمک حقسنز اولور، دیردی . تبعه لرندن بعضیلری علوجنابنه
مراجعت و دخالت ایتدیلر . اوقتای ایستهنیلنلری اکثریا
مزعج شیلر اولمقله برابر هیچ ردایتمه دی . اونلرده اوقتایک
علوجنابنی سوء استعمال ایتدیلر .

بو حکمدارک وفاتندن صوکره برچوق مزیات جسمانیه سنه
نادر بولونور بر مهارت و ذکاده علاوه ایدن زوجهمسی
تورا کینا خاتون ایمپراطورلغک بوتون ولایتلرینه ساعیلر کوندردی؛
کندیسنی نائب حکومت اعلان ایتدی . ایلی چوتسای ایسه
اوقتایک صوک اوامرینه توفیقاً شیرامونک تاتارستانه بویوک
خان اعلان ایدیله سنی ایسته یوردی . تورا کینا کیمیس چینه
کیمسی مجارستانده بولونان قوماندانلرک و شهزاده لرک غیبوبتندن
بالاستفاده ، اوغلی کیوککده مظاهرتیه بوتون حکم و نفوذی
النه کچیردی . اکبری وبالخاصه مالیه امورینی اداره یه مأمور
غائوتولامانی Gaotoulaaman کندی طرفنه جلب ایتک
یولنی بولدی . عسکره و یریه جک و تاجی اوغلی کیوکک قازاندرمق
ایچون طرفدار جلبنده صرف اولونه جق پاره یی بواوکا
تدارک ایدیوردی .

چینه محاربه دوام ایتکدن خالی قالمایوردی . چینلیر
سه چوئنک پایتختی اولان چینگ فویی استرداد ایتشلردی .

فقط برضا بطلک اخاتی یوزندن چوق کچمه دن تکرار غائب
ایتدیله . صوکره ، موغوللر هانچه ئو طرفلرندە اوچ بیک
کشیلک برچین مفرزه سنی بوزدقدن صوکره اجنبی
رؤسادن برینی [۱] یتیش کشی ایله برلکده تکلیفات صالحیه ده
بولونمق اوزره چین سراینه کوندردیلر . فقط هو قوآنغ
ولایتی داخلندە چانغشا والیسی بوذاتی توقیف ایتدیره رک
بر قلعه یه قاپادی . اوراده وفات ایتدی . آرتق تکرار حربه
باستلامقدن باشقه برشی دوشونولمادی . موغوللر سه چوئنه
کیردیلر ، لوچه ئوی محاصره ایتدیلر . منع قونغده بوتون
حدودلری زیارت ایله قباحتملی بولدیغی ضابطلری شدته
جزا دیده ایتدی .

سنه
۱۲۴۲

بواننده قاراقورومده شیرامونک تخمه چیقارماسنی
تورا کینادن رجایتمکده اولان ایلی چوتسای سوزلرینی دیکله ته مدیکی
ایچون امور مالیه نک یولنده کیتمدیکتی وهر شیئک پاره ایله
یاپلادیغنی ایمپراطور یچه یه سویله یه رک غاؤ تولامانی مالیه ایشلرندن
چکمک ایسته دی . فقط مطالعاتنه هیچ اهمیت ویرلمه دی .
ایلی چوتسای توجهدن سقوطنه او قدر کدر ایتدی که الی بش
یاشنده اولدیغی حالده قاراقورومده وفات ایتدی [۲] .
ایلی چوتسای له آئولر یعنی خیتانلر ایمپراطورلری عائله سندن بر

۱۲۴۳

[۱] اسمی بوئله لیماس در .

[۲] اوچنجی شهر قمریده .

پرنس ایدی . مزیت و قابلیت سایه سنده جنکیز خانك و اوققای
 خانك اعتمادینی قازانمش و اونلرك زمان حكومتنده ایمپراطور -
 لغك وزیر اعظم لغنی ایفا ایتشدی . بو قدر بویوك بر آدمك
 زمان نظارتنده دها مدنی بر حاله كلكدكاری ایچون موغوللرك
 نه قدر باربار اولدقلری تقدیر ایدیله بیلیر . ایلی چوتسای
 موغوللرك خدمته کیردیکی دقیقه دن اعتباراً اونلره کندی
 مثالیه حسیات انسانیتکارانه ، حلم و ملایمت و علو جناب
 تلقین ایدرک هر کسه قارشى یاپدقلری مظلومدن کندیلرینی
 واز کچیرمکه چالیشدی . نیوچه لر ، ایلی چوتسایك منسوب
 اولدیغی خیتان ایمپراطورلری عائله سینی محو ایتمشلردی . بو
 نیوچه لرله حرب ایدن جنکیزخان حضورینه ایلك دفعه اوله رق
 کتیریلدیکی زمان جنکیز خان عائله سنك انتقامنی آلمش
 کورمکدن ممنون اولوب اولمادیغنی صورمشدی . ایلی چوتسای
 بر چوق اییلکینی کوردیکی ، سایه لرندە موقع و شرف قازاندیغی
 حکمدارلرك فلا کتیرینه قارشى متحسس اولق مجبوریتنده
 بولوندیغنی جواباً سویله دی . ایلی چوتسای نیوچه لرک خدمتنده
 ایدی . جنکیز خانك ناظرى اولونجه اونك دور حكومتی شان
 و شرفله مالی بر حاله کتیرمکده و بوتون موغوللره قتاله قارشى
 نفرت ، انسانلره ، انتظام اداره یه قارشى محبت حسنی تلقین
 ایتمکدن باشقه بر شی دوشونمادی . عادتاً بر درجه یه قدر
 موغوللرك واضع قانونی اولدی . موغوللر ایچون بر تقویم

یابدی . غربده عجم و عرب ریاضیونیه برلکده بو تقویمی
 اصلاح ایتدی و هر ملته منسوب ایشجیلری وضابطلری جلب
 ایچون بویوک مصرفلر یابدی . عمومی مکتبلر بنا ایتدیردی .
 موغوللرد تاریخ ، جغرافیا ، ریاضیه ، هیئت تحصیل ایتدیرمه
 موفق اولدی . ایغور قطعہ سندن ، ایراندن ، عربستاندن
 علما جلب ایتدی . بونلر کتابلرندن بعضیلرینی موغولجه یه
 ترجمه ایتدیلر . کندیسنگده بوبابده بویوک بر اقتداری واردی .
 ارباب علمه و ترقی علومه قارشى کوستردیکی بو اعتنا ، ویردیکی
 اهمیت بیکلرجه چین متفکرینک حیاتی قورتاردی . ننگهیا
 شهرینک یغماسنده موغوللار یغمالیله مشغول اولدقلری صیراده
 ایلی چوتسای کندی حصه سنه جغرافیا خریطه لرینی ، کتابلری ،
 رسملری ، قدیم مسکوکاتی و بر خیلی راوند چواللرینی آلدی .
 مؤخرأ عسکرک اوغرا دیخی بر حمای خبیثه یی تداوی ایچون بو
 راوندلردن چوق استفاده ایتدی . بویوک بر ناظر ایچون ایجاب
 ایدن بالعموم ارساف و مزایایه مالکدی . صارصلماز بر متاتی ،
 شایان حیرت برانتقال و فراستی ، افندیسنک تحت حاکمیتده کی
 ممالک حقنده واسع بر وقوفی واردی . اتخابلرنده بویوک بر
 اصابت کورولوردی . ایجابنده عظیم مقدارده پاره و ارزاق
 تدارک ایده بیله جک صورتده امین منابعه مالکدی . حکمدارینه
 و سعادت خلقه خدمت خصوصنده صوک درجه ده فداکارانه
 داورانیردی . کمرکلره ، تجارتیه ، ضابطانک مراتبنه دائر عاقلانه

نظامات ياپدى . بوقدر بويوك بر آدمك دائمى صورتده موغوللارك
وحشت جبليله لرى ايله اوغراشمق مجبوريتنده قالمش اولماسى
شايان اسفدر . موغوللارك كرك بو وحشتلى كرك جهالتلى
ايلي چوتسا يك تصوراتى موقع فعله وضع خصوصنده بويوك
مشكلات وموانع احداث ايديورلردى . مع مافيه ايلي چوتساى
بعض زمانلرده اك كوزل قيزلرك ايمپراطور سرائى ايجون تفريق
ايديله سنه مانع اولدى . تربيه لرينه غايت اعتنا ايتدىكى اوغللارينه
و حفيدلرينه فضيلته و علوم و فنونه قارشى عىنى محبتى تلقين
ايله دى .

اك متمدن ملت ترك بيله باشنده بولونمغه غايت لايق اولان
بو بويوك آدمك وفاتندن سو كره دشمنلىرى تورا كينا يه اموالنى
تديق ايتدير مهي تكليف ايله ديلر . يك آ ز پاره ، كندى ايله
تاريخه ، هيئته ، زراعت ، حكومته ، تجارت دائر يازيلمش برچوق
كتاب ، مداليونلر ، موسيقى آلاتى ، اسكى كتابلار ، طاش
و مرمر اوزرينه قازيلمش اسكى محكوكات بولوندى . بوتون
دشمنلىرى محجوب اولديلر . تاريخده ايلي چوتساى
كى آدملره نادر تصادف اولونور . بوقدر بويوك بر ضياعدن
يك آ ز متأثر اولان باربارلرله ياشامش اولماسى شايان اسفدر .
فقط بويله نادر آدملرك فضائلنى ارانه ايجون ياپلمش اولان تاريخ
كنديسى حقنده غايت ستايشكارانه داورانمشر . تاريخ ايلي
چوتساى تعقيب ايديله سى الزم بر مثال اوله رق ميدانه قويار ؛

سلسلە وقایعی تعقیب ایله یاپیلان باربارلقلری ومظالمی حکایهیه
مجبور اولدیغندن دولایی بر حس اسف دویار .

سنه
۱۲۴۴

تورا کینانک نیابت حکومتی اثناسنده مهم برشی یاپلادی .
موغول قوماندانلری قیانغنان ولایتک مختلف قطعهلرینی تخریب
ایتدیلر . تورا کینا اوزمان اوغلی کیوکی ایمپراطور اعلان
ایتدیرمک ایچون دورلو دورلو انتریقه لریا پیوردی . نهایت بوکا
موفق اولدی [۱] . بو مناسبتله بر قورولتای یعنی عمومی برملت

۱۲۴۵

مجلسی طویلاندی . مجلسده موغوللاردن باشقه ماوراءالنهر
وتورکستان امیری مسعود بک ؛ خوراسان امیری ارغون آغا

۱۲۴۶

وعراق ، لور ، آذربایجان وشیروان کبراسی ؛ قونییه سلطاننک
برادری رکن الدین ؛ ارمنستان امیر آخوری [۲] ؛ کورجستان
قراللری ایکی داوید ؛ حلب حکمداری ناصر ؛ بغداد

ابوالفرج

قاضی القضاتی و خلیفه نک سفیری فخرالدین ؛ سولدا
دوقه سی یاروسلاس ، پاپانک سفیری ژاق دو پلان قارینده
واردی . بو بویوک مجلسک ایلاک انعقادی کونی بوتون موغول
رؤسası بیاض اثوابلر ، ایرته سی کونی قیرمزی اثوابلر
کییدیلر . اطرافی قاپالی بر یره طوپلانیورلردی . بوراده غایت
قیمتدار قماشلردن یاپلمش برچادیر قورولمشدی . بو قاپالی بر اوقدر
کنیش ایدی که ایکی بیک کشی آلابیلردی . ایکی بویوک

پلان قارین

[۱] یدنجی شهر قریده .

[۲] ارمنستان قرالی هایتونک برادری .

قایسی واردی . قاپینک برندن یکی خان یالکیزباشنه کیره جکدی .
 بو قاپیده محافظ یوقدی . چونکه کیمسه اثر حرمت اولمق
 اوزره ، اورادن کچمکه جسارت ایده میوردی . دیگر قاپی
 کبرایه مخصوصدی . موغول بویوکلری قیلیج ، اوق و یای
 طاشیورلر و حق دخولی اولمایانلری اوزاقلاشدیریورلردی .
 موغول رؤسای او قدر زنکین بر صورتده مابس ایدیلرکه
 بارکیر قوشوملرینک مزیقاتی تقریباً یکرمی کوموش مارقه
 marcs بالغ اولیوردی . ایکنجی کونی کیوک مجلسه کیتدی .
 خلق دیشاریده رؤسانک قرارینی بکله یوردی . بر آز مذاکره
 ایتدکن صو کرا هپسی آقشامه قادارقوزموس Cosmos یعنی
 قیصر اق سوتی ایچمکه باشلادیلر . صو کره سفیرلردن بعضیلری
 از جمله پلان قارپن ایچری یه ادخال ایدلدی . اونلره بوسوتدن
 ایچه مدکلری ایچون آره صوینی ویردیلر . بر آی بویله کچدی .
 کیوک تقرر ایتشدی . فقط انتخابی باشقه یردداعلان ایدیله جکدی .
 بو اثناده کیوک چادیرندن چیقدیغی زمان اوکنده شرقیلر
 سویله نیور ، تپه سنده قیرمزی یوگدن طویلر بولنان دکنکلرله
 سلاملانیوردی . بو ، گندیسنک بویوک خان اولاجغنک بر
 دلیلی ایدی . چونکه بو مراسم باشقه هیچ بر شهزاده یه
 یالمازدی . صو کره ، صیرا اردو نامی ویریلن بو سرای ترک
 ایدیلهرک اوچ درت فرسخ اوزاقده کوزل بر اووایه ، داغلر
 آراسندن جریان ایدن بر نهرک کنارینه کیدیلدی . بورادم

باشقه بر چادر واردی . بوکایالیزلی اردو Horde دنیلیوردی .
 غایت قیمتدار ایدی . آلتون صفیحه لرله قاپلی ستونلر اوزرینه
 استناد ایدیوردی . ایچریسی لعل رنگی قاشلرله قاپلی ایدی .
 طیش طرفنده باشقه قاشلر واردی . کیوک بوراده تخته
 چیتا جقدی . تقرر ایدن کونده [۱] یاغان قار و دولوحسیله
 مراسمی باشقه بر کونه تعلیقه مجبور اولدیلر . اغستوس اینک
 ۲۴ نجی کونی طوپلانان بوتون اکابر جنوب طرفنه دونه رک سجده یه
 قاپاندیلر، دعا ایتدیلر . صو کره چادیره دوغرو کیتدیلر . کیوکی
 یالیزلی تخته اوتورته رق اوکا شو سوزلری سویله دیلر: «اوزر مزده
 بر اقتدار مطلقه مالک اولما کزی رجا و امر ایدیورز .»
 کیوک کندیلرینه شو جوابی ویردی : «خانکیز اولمامی
 ایسته یورسکیز . هر خصوصده بکا اطاعت ایتمهک ، چاغیردیغم
 زمان کلکه ، کوندره جکم یره کیتمهک ، اولدیرمه کزی امر
 ایتدکلرمی اولدیرمهک عزم ایلدیکزمی ؟ » . هپسی اوت
 جوابی ویردکن صو کره شو سوزلری علاوه ایتدی: «آرتق
 ساده جه سوزلرم بکا قیاییح خدمتی کوره جکدر .» بو مراسمدن
 صو کره یره بر کچه یایدیلر . اوزرینه کیوکی اوتورتدیلر و اوکا
 شو سوزلری سویله دیلر : « یوقاری یه باقکیز و جناب حق
 طانیکیز . صو کره ، اوزرنده اوتوردیغکیز شو کچه یی کورکیز .
 ایمپراطورلغکیزی عاقلانه اداره ایدرسه کیز ، عالیجناب ، خیرکار ،

عادل اولورسه کیز ؛ ملتک بویوکلرینه و رئیسلرینه هر کسک
موقعنه و حیثیتنه کوره رعایت ایدرسه کیز عظمت و احتشام
ایچنده حکمران اولورسکیز. بوتون دنیا سزه اطاعت ایده جک،
بوتون ایسته دکلر کیزه جناب حقدن نائل اولاجقسکیز. بونک
ضدی بر خط حرکت تعقیب ایدرسه کیز سفیل و تبعه کیز
طرفدن محقر و اودرجه فقیر اولاجقسکیز که اوزرنده اوتوردیغکیز
شو کچه بیه حکم ایدهمیه جکسکیز. « صو کره، عینی کچه نک
اوزرینه قاریسنی اوتورتدیلر. کندیلرینی یوکسک سسله تاتارلرک
ایمپراطور و ایمپراطور یچه سی اعلان ایدرک هوایه قالدیردیلر.
کیوکه غایت چوق مقدارده آلتون، کوموش، ذی قیمت
طاشلر و سائر قیمتدار اشیا تقدیم ایدیلدی. بونلرک بر قسمنی
در حال اکبره تقسیم ایتدی. صو کره، بر چوق قوسموس
یعنی قيصراق سوتی ایچمکه باشلادیلر. طوزسنز پیشمش اتلر
یدیلر. طوز آیریجه کتیریلیوردی. هپسی بویوک خانک چادیرینک
آلتنده ایدیلر. همان همان بوتون آسیانک حاکمی اولان بو
حکمدارلری تخته اجلاس طرزی ایشته بویله ایدی. ثروتلر
هیچ بر احوالام و دبده اولمقسزین صرف ایدیلردی. میدانده
قابالقدن و باربارلقدن باشقه برشی کورولمزدی. نوع بنی بشرک
سائر قسملرینه قارشى غایت مدهش اولان بو آدملر بر چوباندن
باشقه برشی دکلدیلر. بونلر اطرافلرنده سورولریله کندیلرینه
بر حکمدار انتخاب ایدرلردی. شقاوتله الده ایتدکلری آلتون

گوموشلرله بو مراسمه سوسله نيرلردى . اطرافلرندە
آسيانك اك قدرتلى حكمدارلرينك سفيرلى تيتردى .

كيوك او تاربخده تقريباً ۴۰ ، ۴۵ ياشنده ايدى . اورته
بويلى ، حلیم بر آدمى . باتونك ياپديغى سفردە شجاعتنى
اثبات ايتمشدى . جدى ، آغيرايدى . كولديكى نادراً كورولوردى .

غوبيل

پلان قارپن

خدمته داخل اولان خرستيانلردن بر چوغى خرستيانلغى قبول
ايتمك ايسته ديكى سويليورلردى . چونكه ياشنده دائماً خرستيان

پاپاسلرى بولونوردى . بونلره آيلق ويريردى . چاديرينك او كنده
بر كوچوك كليسا كورلور ، بو خرستيانلر اوراده منتظماً

آينلرغى ياپارلردى . وزيرى قداق Cadac ايله كاتبلردن
برى اولان شينغاي Chingai خرستيان ايدىلر . نسطورى

پسقيوس و راهبلى سراينده حائز نفوذ و اعتبار بولونيورلردى .
موغوللر بر برلرينه شوسريانى كملريله سلام ويريرلر ، بارك مور

ابوالفرج

Barekmor يعنى السلام عليكم ديرلردى . خرستيانلرى
دائماً بونزلرله قاريشديران چينليلر غرب بونزلرينه بك جوق
مساعدا كوسترديكندن دولاي كنديسى مؤاخذه ايدرلر [۱] .

[۱] راهب غوبيلك ظانجه لامالردن بحث ايديلمكده در . فقط
چينليلر خرستيانلرده بونز ديدكلرى ثابت اولدغى اچون بوراده
خرستيانلر موضوع بحث اولدغى آشكاردر . مومى اليك افاده سنه
نظراً يوكك سراينده جوقيه نالكاسنده دوغمش ايكي برادر واردى .
بويوكى او آنوچى ، كوچوكى نامو اسمنده ايدى . بونلر فومسلكندە
صاحب وقوف ايدىلر . ايمپراطور كنديلرغى سويليوردي . بويوكنه
بر مهر ويريلدى و بوتون ايمپراطورلده سفاقي تدقيقه مامور اولدى .
بوايكي بونزك خرستيان اولمالرى ايجاب ايدىيور .

فقط خرسـتـيـانـلـرـه بخش ايتديكى بوحايه اونلرى تحت انقياده
آلمق تصورلرينه مانع اولمايوردى . پاپانك وسائر خرسـتـيـان
آوروپا حڪمدارلرينك كنديسنه بيعت ايتمه لرني طلب ايدىوردى .
حتى خرسـتـيـانـلـرـه قارشى يكي برسفره حاضر لانيوردى . پلان
قارپنك موغول سراينه كلمهسى اونلرى صلحه تشويق ايتك ،
آوروپايه كلمكدن وازچيرمك و خرسـتـيـانـلـرى قبوله سوق
ايله مك اچوندى .

كيوك ، تاج كييمه مراسمي ايفا ايدىلدىكدن صوكره ، پلان قارپن
بوتون سفيرلرى حضورينه قبول ايتدى . ابتدا ، شينغاي
نامنده بر كاتب هپسـنـك و كنديلرني كوندرن حڪمدارلرك
اسمـلـرـنـى آلدى ، بويوك خانك حضورنده بونلرى اوقووى .
صوكره سفيرلردن هر برى صول ديزني بوكدى ، اوزرلرنده
چچاق اولوب اولمادىغى تحرى اولوندى . قاپينك اشيكـنـه
باشـمـاـمـلـرى اخطار ايدىلدى . غرب قايسى يالكـز بويوك
خانه مخصوص اولدىغى اچون سفيرلر شرق قايسندن اچرى يه
كىرديلر . سفيرلردن هر برى كيوكه هديهلر تقديم ايتدى .
ملتـك اكابرى ده هديهلر كـتـيرـدـيلـر . صوكره كيوك ، بش
يوزدن زياده آرابه دولوسى آلتون ، كوموش ، ايكلى اثواب
داغيتدى ، ولايت واليلرني تعيين ايتدى . ايلچيكـتـايـه آناطولى ،
سوريه و كورجستان واليلكلرى ويرىلدى . امير مسعود
ابوالفرج ماوراءالنهر و توركستان واليسى اولدى . آرغون آغا خوراسان ،

عراق ، آذربایجان ، شیروان ، لورستان ، کرمان ، فارس
وهندستان والایکینه تعیین اولوندی . کیوک ، عزالدیندن
قونییه سلطانی عنوانی الهرق رکن الدینه ، کورجستان قرالی
عنوانی ده داویده ویردی . مع مافییه داوید ، تفلیس والیسی
ارلان وعینی اسمی طاشیدیان بویوک برادرینه تابع اولاجقدی .
باتو وواغا ساحلارینده قوماندا ایدیوردی ومعیتمده کی قوماندانلر
نیه پر ، دون و یاییق نهرلری قییلرنده قرارگاه قورمشلردی .
کیوک خلیفه نك سفیرلرینی پک چوق تهید ایتدی . اسماعیلیه
تبعه لرینی دیکله مک بیله ایسته مه یه رک کری کوندردی .

پلان قارپن

کیوک ، بویوک خان اعلان ایدیلد کدن صو کره باشقه بر محله
کیتدی . آلتون و ذی قیمت طاشلرله ، مختلف رسملرله
مزین تختی [۱] اوراده ایدی . تخته بر قاچ باصه ماق ایله
چیقیلیوردی . بوراسی مدور ایدی . اوزرنده چینلیلرک هدیه
ایتمش اولدیغی قیمتدار بر چادیر واردی . تختک آلتنده
صیرالر دوریردی . صول طرفده کیلرک اوستنه قادینلر
اوتوروردی . صاغ طرفده کیمسه یوقدی . اکابر ملت
سالونک اورتیه سنده اسکملرلر اوزرنده ایدیلر . غرب طرفنه
یکیدن حربه کیتمک فیکرنده اولان وبونی پاپانک سفیرلرندن
کیزلی طوتمق ایسته ین کیوک کیندی لرینی والده سی تورا گینایه

[۱] بوتخت قوم Come اسمنده برروس قویومجیسی طرفندن

یاپلشدی .

کوندردی . پلان قارپن برآی بو حکمدارک سراینده قالدیغی
 حالدہ بر دفعہ حضورہ حیقامادی . حیات ایچون الزم اولان
 شیلردن بیلہ محروم ایدی . صوکرہ ، پاپانک گندیسی-نی
 نہ مقصدلہ کوندردیکنی تحریر آ بیلدیرمه سنی تبلیغ ایله دیلر .
 جوانی موغول و عرب لسانلریله یازلمش مکتوبلرله ویردیلر .
 نہایت مفارقت مساعده سنی استحصال ایتدی [۱] . کیوک
 گندیسیله برلکده پایہ سفیرلر کوندرمک ایسته یوردی .
 فقط پلان قارپن اوزمان کیوک بوندن واز کچیرمک کبی
 برتدیر قوللاندی . چونکہ بونوع سفیرلر کیتدکلری مملکتلرک
 حالی ، قوتلری ، وضعیتی حقندہ معلومات آلان برر جاسوس
 ایدیلر . صوکرہ آقینلر یایمق اوزره اردولرله کلیورلردی .
 پلان قارپن تورا کینایہ عرض تعظیبات ایتدی . تورا کینا
 اوکا تیلکی پوستندن بعض اثوابلر ہدیہ ویردی . پلان قارپن
 آوروپا یولنی طوتہ رق تاتارستان و روسیہ طریقہ آوروپایہ
 عودت ایتدی [۲] .

[۱] کانون اولک ۱۳ ندہ .

[۲] پلان قارپن تاتارستانہ کیتمک ایچون کیدفہ ، اورادن
 باتونک ترارکاه قورمش اولدیغی وولغا نہری قریبہ کیتمشدی بوتون
 قومان یاخود فہچاق الکاسنی ، قانربتلر نامنی ویردیکی قانغیلر دیارینی
 کچدی . اورادن یسرمینلر isermis ، یاخود مسلمانلر یاخود
 خوارزمیلر الکاسنہ کیردی . صوکرہ نیغراقاتا یاخود قرہ خطای
 یعنی کاشغر ، بعدہ نامانلر دیارینہ کیتدی . مقصدی باتویی کورمکدی .
 فقط او ، پلان قارپنک بویوک خان نزدینہ کیتمه سنی آرزو ایتمشدی .

پاپانك يوللامش اولديغى سائر سفيرلر يعنى راهب اسلن،
سيمون دوسن قانتن ، آلكساندر و آلبه ريق قاراقورومە قدر
كیده مدیلر . سوریه طریقنى اختیار ایتمشلر ، ایرانه
موغوللار اردوسنه قوماندا ایدن بايجونویان [۱] Baijou
نزدینه کیتمشلردی . بو قوماندان ، اونلره مقصد سفارتلرینی
آ کلامق ایچون بر ضابط کوندردی . خرسستیانلرک رئیس
واک بویوک مقامی اولان پاپا طرفندن کلدکلرینی جواباً
سویله دیلر [۲] . بو جوابدن قیزان موغوللار بویوک خانک
ابن الله اولدیغی و باتو ایله بايجو نویان نامنک بوتون دنیاده
مشهور بولوندیغی بیلوب بيلمە دکلرینی کندیلرندن صور دیلر .
آسلن ، افندیسی پاپانك بویوک خانی ، بايجو نویانی ، باتویی
طانیادیغی ، یالکیز اقصابی شرقدن کلش تانار اسمنده یابانجی
و باربار بر قومک برچوق ممالکی تسخیر ایله هر طرفده عظیم
تخریبات یاپدیغی ایشیتدیکنی و بحث ایتدکلری ذوات عالیهنک
موجودیتنی بیلسه ایدی مکتوبلرندە بحث ایدەجکینی جواباً
سویله دی . پاپا ، بو تاتارلرک خرسستیانلره یاپدقلى فناقلردن
منأثراوله رق برادرلری قاردیناللرک توصیه سی اوزرینه کندیسینی
ایلك تصادف ایدەجکی تاتار اردوسنه اونلری اللهک قومی
احما ایتهمکە دعوت ایچون کوندرمشدی . موغول ضابطلری
بو جوابی بايجو نویانه کوتوردیلر . صوکره کلوب پاپا طرفندن

[۱] آسلن Aselin بوکا Bajothnoy دیور .

[۲] ۱۲۴۷ سنه سی آغستوسنده یوله چیقمشلردی .

ته هديه لر كيتردىكى صورديلر . چونكه حكمدارلرينك
 حضورينه اللرى بوش چىقمق جائز دكلدى . هيچ برهديه ي
 حامل اولمايان اسلن هديه كوتورمهك خرىستيانلرك عادى
 اولديغنى ، كنديسنده يالكز پاپانك مكتوبى بولونديغنى ،
 بايجونويانك حضورينه چىقماسى جائزدكلسه مكتوبى بالواسطه
 كوندره بيله جكنى بيلديردى . صوكره موغوللر فرانسزلرك
 سوريه كىروب كىرمدكلرىنى صورديلر . مقصدلرى ، خرىستيان
 اولمق و فرانسزلرله دوست كچىنمك ايسته دكلرىنى سويله يهرك
 اونلرك كندى تحت حا كىتنده كى يرلره يعنى توركيه يه ياخود
 آناطولى يه و حلب حكومتى اراضيسنه كىرمه لرينه مانع اولمقدى .
 چونكه فرانسزلردن هر قومدن زياده قورقيورلردى . صوكره
 اسلنه بايجونويانك حضورينه چىقمق ايسته يورسه كنديسنه
 روى ارضده حاكم ابن الله كى پرستش ايمه سى و يره دىز
 چوكهرك اوچ كره سلام و يرمه سى لازم كله جكنى تبليغ
 ايتديلر . اسلن ايله رفيقلرى طلب ايدىلن شىئك دىنا
 جائز اولوب اولماديغنى كسىدىرمك ايچون آرالرنده بر مجلس
 عقد ايلديلر . يدى سنه موغوللر نزدنده قالمش و اونلرك
 تكميل اصول وعادتلرينه وقوف پيدا ايتمش كىشاردو فرهمون
 نامنده بر راهب بو پرستشك برپت پرستلك كى تالق ايديله مسى
 لازم كلدىكى ، پاپانك و بوتون كليسانك خانه قارشى برنشانه
 انقياد و حرمتدن عبارت اولاجغنى سويله دى . راهبلر كليسانك

حيثيت و شرفى نامنه و بو حرڪتڪ كورجيلر ، ارمنييلر ،
 روملر ، عجملر ، توركلر نڙدنده توليد ايدى جكي نا مساعد
 تاثيرات ملاحظه سيلاه بويله بر شيئه موافقت كوسترمديلر .
 بو قوملر اونلرك بو حرڪتنى پاپانك خانه تابعيته بر علامت
 كى تلقى ايدى جكلردى . آوروپاده جارى اولان اصول دائرہ سنده
 بايجو نويانك سلامائماسنى قرارلاشديرديلر . فقط بو فكري
 قبول ايمهين موغوللر پاپايه و خرسيتيانلره قارشى سويلنمكه
 باشلاديلر . حتى بايجو نويان سفيرلرك اولديرلمه سنى بيله سويله دى .
 ضابطلرنندن بر خيلىسى سفرانك يالكلز ايكي سنى اولديروب
 ديكرلرني پاپايه كرى كوندركمك توصيه سنده بولونديلر . ديكر
 ضابطان ايسه باشقه جزالر تكليف ايدىورلردى . بايجونك
 زوجدلرندن بريلاه سفرا قبولنه مأمور اولانلر بو فكره شدتله
 مخالفت ايتديلر . بويله حرڪت ايتمكله پك چوق هديه غائب
 ايدى جكنى آكلاتديلر . چونكه اجنبى حكمدارلر آرتق كنديسنه
 سفير كوندرمىزلردى . موغوللرك كوندره جكلرى سفيرلرى ده
 اونلر اولديره جكلردى . نهايت ، بو امرى ايفادن امتناع
 كوسترديلر . چونكه خانك بو حرڪتى تصويب ايمهيه جكنى
 بيلورلردى . اولجه ده بويله بر مسئله تحدث ايتمش ايدى .
 بو مسئله خيلى مناقشاتى موجب اولدى . راهيلر متين داورانديلر .
 كنديلرني بويوك خانه اعزام ايدى رزدييه بيهوده يره تهديد
 ايتديلر . اسلن دائما غايت جسورانه مقابله لرده بولوندى .

بایجو نویانی کورەمدی . مکتوبلرینی اونک ضابطلرندن برینه
 ویردی . بایجونویان بونلری اوقودقدن صوکرە راهبلك بو
 مکتوبلری بالذات بویوک خانە کوتورملرینی سویلهدی . آسلان
 وظیفه سی مکتوبلری ایلك تصادف ایدەجکی موغول قوماندانە
 تسلیمە انحصارایتدیکنی وتاتارستانە کیتمه مکە عزم ایله مش اولدیغنی
 بیلدیردی . کندیسە کوستریلن معاملەدن وموغوللارک یاپدقلری
 حقارتلردن شدتلە شکایت ایتدی . همان صباحدن آقشامە قدر
 بایجو نویانک قاپسندە ، کونشک حرارتی آلتندە برشی ییوب
 ایچمە دن خلقلک حقارتلرینە معروض بر حالە قالیوردی .
 بونلرک هیچ بری کندیسە فتور ویرمدی . بایجونویان ،
 کورجستان قومانداناغنه کیتمک اوزره قاراقورومدن عودت
 اتمکده اولان ایماچیک تاي [۱] اسمندە بر قوماندانی بکلیوردی .
 بو مناسبتلە بویوک ضیافتلر ویریلدی . ضیافتە راهبلك دەوت
 ایدیلدی . صوکرە کندیلرینە پایا یازدقلری شو مکتوبی
 ویره رک کری چویردیلر :

« بویوک خانک تصویب عالیسیلە ایشته بایجونویانک امرلری : آسلان
 پایا ، معلومکنز اولسون کە مأمورلر کز بزه کلدیلر ومکتوبلر کزی
 ویردیلر . بزه غریب غریب شیلر سویله دیلر . بونی سزک امر کز
 ایله یاپوب یامادقلرینی بیلمه یورز . مع مافیە مکتوبلر کزده
 کوردیکمز : اولدیریورسکنز ، بر چوق کشی بی خاک هلا کە

[۱] آسلان بوکا اوغوتا Auguta دیوز .

سریورسکیز ، کبی تعبیرلر کزده بزم عینی صورتده جانمزی
صیقمشدر . معلومکیز اولسون که بوتون روی ارضه
حاکم اولان الله دائمک امری اقتضاسیدر . بونی ایشیدنلر
کندی اراضیسنده و مال موروثی داخلنده قالمغه و بوتون قوتلری
بوتون روی ارضه حاکم اولانک انه تودیع ایتکه مجوردر .
بوکا اطاعت ایتمینلر هلاک ایدیله جکلردر . اراضیکیز و مال
موروثکیز داخلنده قالمق ایسترسه کیز بالذات یانمزه کله کیز
ایجاب ایتدیکنی بیلمه کیز ایچون بونی سزه یازیورز . بو
اوامره اطاعت ایتدیکن کیز تقدیرده باشکزه نه کله جکی بیلیورز .
فقط هر شیدن اول کلوب کله یه جککیزی ، بزه اعلان
خصومت ایدوب ایتهدیککیزی بزه یکیدن سفیرلر واسطه سیله
بیلدیرملیسکیز .

پلان قارین
ماتیو

بومککتوب بویوک خانک موقع اجرایه قویمق ایسته دیکی
تصوراته موافق ایدی . راهب آندره دولوسیومل نامنده یکی
برسفر مواصلت ایتدی [۱] . بویوک خان قاتولیک کلیسای
رئیسنه بر ضابط کوندردی [۲] . بو قوماندان روماده پک
کوزل قبول ایدیلدی . مع مافیله خرسیتیانلر بر آزمرلدان دیلر .
چونکه اوزمان پاپانک ایمپراطور ایکنجی فردریقدن انتقام
آلمق ایسته دیکی ادعا اولونیوردی . بوتون بومذا کراته رغماً

۱۲۴۸

[۱] ۱۲۴۷ یا خود ۱۲۴۸ تاریخنده .

[۲] رومایه ۱۲۴۸ تاریخنده واصل اولدی .

بویوک خان خرسیتیانلره قارشى یكى بر هیئت سفریه حاضر لامقدن
فارغ ولمادی . تحت حاکمیتندەكى دولتلك هر برندن اوندە
اوج کشی یی آلیوردی . بو عظیم مقدارده کی انسانلر اون
سکزر سنه مجارستانده، پولونیاده، لیوونیاده و پروسیاده حرب
ایله مشغول اولاجقلردی . فقط بو تصورات موقع فعله
قونولمادی . کیوک یالکزر قوریه بر اردو کوندردی . قوره
اهالیسی ویرکو ویرمکدن و کیوکک ضابطلرینی قبول ایتمکدن
امتناع ایلشلردی . قارقوزومدن خوشلانمایان بویوک خان
غرب طرفنه ده از یاده چکیلدی و بش بالیغ قربنده قستکی [۱]
Camsatki ده قرق اوچ یاشنده اولدیغی حالدە وفات ایتدی [۲] .
صداقت یمینی ایتمه سی ایچون باتونک کندی نزدینه کله سنی امر
ایله مش اولدیغی ادعا ایدیلیور . بویوک خانه اینانمایان باتو بالذات
یوله چیققدن سو کره [۳] قاردشنى [۴] کوند رمشدی . بو، کیوک
ایله ایچکی ایچدیکی صیراده آرالرنده بر نزاع ظهور ایتش ،
بر برلرینی اولدیرمشلر . ایمپراطور یچه اوغولغانمیش [۵] Ogoulga

[۱] چینلیلر بو موقعه هوئی یی سیه یانغقی اولخ یاخود هو آنغ
سیانغئی اولخ دیورلر . اوچنجی شهر قریده وفات ایتدی . ابولفرج
۶۴۷ سنه سی ربیع الآخرینک ۹ نده وفات ایتدیکنی سویلیور .

[۲] اوغللری خوجه اوغل و باغودر . بونک اوغو نامنده

بر اوغلی و اونکده اون چوجوغی اولمشدر .

[۳] ۱۲۴۷ یاخود ۱۲۴۸ تاریخنده .

[۴] روبرو قوئیس بوکا Stichen دیور .

[۵] چینلیلر بوکا اوآ اولی های می شه دیرلر .

ابوالغرج
روبرو قوئیس

nmisch بوخبری هنوز واصل اولماش اولان باتویه درحال بیلدیردی . باتویکی بر بویوک خان نصب اولونجهیه قدر اداره دولتی انه آلماسنی بو ایمپراطوریچهیه بیلدیردی وعینی زمانده بویوک مجلسی طویلامق اوزره ملتک بالجمله اکابرینه ساعیلر کوندردی .

غوبیل اوغولغانمیشک [۱] نیابت حکومتی اثناسنده اهالی مسلمان تاجرلردن مجوهرات و ذی قیمت طاشلر اشتراسی ایچون سرایده پک چوق مصرف یاپلایغندن دولای شکایت ایتدی . کیجه کوندوز سیاحت ایدن بر چوق اکبره بار کیر تدارکنه مجبور طوتولدقلرندن دولای ده شکایت ایدیورلردی . بویوک بر قوراقلق ، آرقه سندن حیواناتده تلفات وقوعه کلدی و هر کسی دها چوق بدبخت یاپدی . خلق بویوک برسفالته گرفتار اولدی . سرای ، تحت سلاحه آلمش متعدد اردولر ایچون پاره بولمقدن عاجز ایدی .

۱۲۵۱

ملت مجلس عمومیهی ۱۲۵۱ سنه سی بدایتنده اجتماعه دعوت ایدیلدی . هر کس ، تولینک طول زوجه سی اولوب علوجنابی ایله عمومک محبتنی جلب ایتش اولان سارقوتنی بک جهان sarkoutna-beghgehan ک اولادلرندن برینک انتخاب ایدیله سنی تمنی ایدیوردی . قادینک خرسیتیان اولدیغی ادعا ایدیوردی . بر عرب شاعری کندیسندن بحث ایدرکن بوتون

ابوالفرج
تاتارلرک تاریخ
عمومیسی
غوبیل

[۱] ابوالغازی بوکا شامیش Chamisch دیور .

قاديىنلار اوکا بکزه سە ایدی ارککلاری کچرلردی دیمشیدی .
باتوپک زیاده راحتسز اولدیغی و بوتون موغول پرنسلیرىنىڭ
اک صاحب نفوذى بولوندىغى جەھتله اجتماعه ریاست ایتەسى
ایچون اونک نەزەینە کیدیادی . موغول پرنسلىرىندىن برى [۱]
نائب حکومت نامنه وقوعه کلن بیاناتندە اوقتایک او امرینه
نظراً شیرامون schiramon ى انتخاب ایتک لازم کلدیکنی
سویلهدی . موقا اوغل [۲] moka-ogul بوامره کیمسەنىڭ
ممانعت ایتەمەسى لازم کلەجکەنى بیان ایتدی . دها سائر پرنسلىردە
بوفکرده بولوندىلار . مجارستانده قوماندانلق ایتش اولان
منکسار Mangousar ایله اولە آنغ هوتای Ouleang-houtai
منکوی پک چوق مدح ایدەرك اونک ایمپراطورلغى تکلیف
ایتدیلار . باتوده بوفکرى تصویب ایتدیکی جەھتله اکثریت
آرا ایله منکو بویوک خان اعلان اولوندى . فقط اکابر ملتدن
بر قسمى بو مجلسده حاضر بولونماش اولدقلىرى جەھتله
اونون نهرینک منبعلىرىندە ایکینجى بر مجلس طویلاندى [۳] .
بوندە ، شیرامونک و طرفدارلرىنىڭ انتریقەلرینه رغماً ینە منکو
بویوک خان اعلان ایدیلدی . بو حکمدارک حضورندە دوقوز
دفعە یرلره قاپاندىلار . یدی کون ملتک رۇساسنە و پرنسلىرىنە

[۱] اسمى پالادر .

[۲] تولىنىڭ اوغلى .

[۳] آلتىنجى شهر قىرىدە .

ضیافتلر ویردی . اوغولغانمیش ، شیرامون و طرفدارلری
بوضیافتلرده کورونمیدیلر . چوق کچمه دن ، یکی بویوک خانه
قارشى فنا فکرلری اولدیغی آکلاشدی . منکونی حقیسزاقله
حکمدارلغی اله کچیرمش بری کبی تلقی ایدن شیرامون بوتون
طرفدارلریله برلکده منکونک وجودینی اورتهدن قالدیرمغه
عزم ایتدی . بش یوز کشی و سلاح دولو متعدد آرابه لرله
یوله چیقدی . فقط منکسار بونلری یاقه لادی . تقریباً سکسان
کشی قدر اولدیردی ، سائرلرینی مأموریتلرندن عزل ایتدی .
شیرامون ایله کیوک خانک اوغلارینی ده عفو ایله دی .

صوکره ، ولایتلره والیلر تعیین ایتدی . برادری قبلاى
Kublai چولک جنوبنده کائن اولان بوتون الکالرك یعنی
سدکبیره جوار تاتارستان ایله له آئوتونگک و تسخیر ایتمش
اولدیغی چین ولایتلرینک والی عمومیسى ویا خدیوی اولدی .
جیحون نهرندن چینه قدر اولان یرلرک کافه سی یالواجه [۱]
Calaoudge و اوغلی مسعود بکه ویریلدی . آرغون آغا
خوراسان ، مازندران ، هندوستان ، عراق ، فارس ، کرمان ،
لور ، اران ، آذربایجان ، کورجستان ، موصل و سوریه
والیلرکینی آلدی . بوتون بواقوامک ویره جکلری ویرکونک
مقداری تعیین ایدیلدی . چینده زنکینلر اون بش آلتون
سکه ویرمکه مکلف طوتولیدیلر . سائرلری برسکه ویره جکلردی .

[۱] صاحب المعظم لقبیله یاد ایدیلیر .

خوراسانده زنکینلردن آنجق اون آلتون طلب اولوندى .
 مواشیدن یوزده برینی آلدیلر . هانکی دینه منسوب اولورلرسه
 اولسونلر رهبان ویرکودن معاف طوتولدی و ایچلرندن
 کندیلرینی اداره ایچون رئیسلر تعیین قلندی . منکو خان
 پدری وفات ایتمش اولمقله برابر اوکا و والدہسنه ایمپراطور
 و ایمپراطوریچه عنوانی ویردی . پدرینک خاطرہسنی تحیل
 ایچون برصالون بنا ایتدیردی [۱] . جنرال هولیتای Holitai
 تیت قطعہسنی ضبطہ مأمور ایلهدی . بوتون تیت الکاسی
 تخریب اولوندى . شهرلر وقلعهلر ییقلدی .

چین خدیوی اولان قبلاى بو ایمپراطورلخی حسن ادارهیه
 اعتنا کوستردی . کندیسنى موغول محکمہلرنده مستخدم
 پائوشو نامنده بر چین ضابطی تربیه ایتشدی . بوذات غیر
 مشروع صورتده زنکین اولمق ایستہمدیکی ایچون خدمتی
 براقشدی . حقسز اولهرق قازانیلان برثروته فقرالغی ترجیح
 ایدن پائوشوہونان قطعہسنه چکیلمشدی . بوراده تدقیق و تتبع
 ایله مشغولدی . زمانک ائک بویوک علماسندن اولمقله معروفدی .
 عفت و استقامتی ده هر دورلو شہہدن آزاده ایدی . قبلایه
 چین علوم و ادبیاتی اوکرتمشدی . قبلای مقامنه اوتورنجه
 پائوشوی نزدیکه کتیرتدی . پائوشو اوکا بردفتر تقدیم ایتدی .
 بوبویوک آدم ای بر حکومت اساساتی ، چینلیلرہ ، تاتارلرہ ،
 [۱] پدری تولىہ ژوئی تسونخ هوآم تی عنوانی ویردی .

عسکرلره ، اکابر ملتہ قارشى تعقيب ايديله جات خط حرکتی
 بودفترده ایضاح ایدیوردی. بواثرک مطالعه سی قبلایه پائوشونک
 بر اداره آدمی اولدیغنی آکلاتدی . اوندن صوکره آرتق
 کندیسيله استشاره ایتهدن برشی یایمادی . پائوشوده قبلایده
 ملتک باربار طبیعتنی ازاله یه واونی طریق فضیله اماله یه چالیشمقدن
 باشقه برشيله مشغول اولمادی . قبلایه بر چین اثری ویردی که
 شواساساتی محتوی ایدی : « ای حکمدار ، جناب حقہ حرمت
 ایدیکز واوندن قورقکیز . خلقی سویکیز . ارباب خیره رعایت
 ایدیکز . بر حکمداره و بر قوماندانه لازم اولان علومی
 تحصیل ایدیکز . عائله کزی سوکیز . فضیلتکار کیمسه لرله
 الفتده بولونکیز . اوکیزک حیاتی تنظیم ایدیکز . مداهن
 و مرأیاری یانکیزدن اوزاقلاشدیرکیز . » پائوشویالکیز حرب
 ایله مشغول اولوب اقوامک اداره سنی بویوک خان طرفندن
 تعیین ایدیش اولان مأمورینه بر اقامی توصیه ایلدی . اوزمان
 کوی وقصبه لریک قسم اعظمی سکینه دن خالی اولدیغنی و کویلر
 محاربات سالفه یوزندن متروک بولوندیغنی ایچون قای فونوغ فوده
 چفتجیلری و کوییلری طویلامق ، اونلره حبوبات ، اثواب ،
 آلات و ادوات و پاره ویرمک ، قابل زرع اراضی توزیع
 ایله مک اوزره بر هیئت تشکیل ایتدی . بو اجرا ات چینلیلریک
 پک خوشنه کیتدی . قبلایک کندی عادتلرینی قبول و کندی
 علملریله اشتغال ایتهدن چوق ممنون اولیورلردی . عسکرک

غوبیل

پارەسنى منتظماً تسويه ايتىدىرىدىكى، كىندىلرىنە مكافات وىردىكى
و عائله لىرلە مشغول اولدىغى، حسن و معاملە كوستردىكى ايجون
موغوللار دە قىلايى سويىورلردى. ايشته امور دولت ايله مكلف
بولونان تىك بر آدمەكى مەزىت و فضائلك بويلە حسن تائىرى
كورولور. اولجە او قدر باربار و منفور اولان موغوللار ك ادارەسنى
پاڭوشو خلقە سودىرمەكە موفق اولمشدى .

سەنە

۱۲۵۲

اوزمان تاتارستاندە شىرامونىك طرفدارلىرىنىك چىقاردىقلىرى
اغتشاشات واردى. حالا شىرامونى تخته چىقارمى دوشونىورلردى.
منكو خان قاراقورومدە بو تون اكابر ملتدن مركب بر مجلس
عقد ايتىدكن صو كىرە وقتايىك اوچىنجى زوجه سنى نفى ايتدى،
كرىك اونىك كرىك بويوك خانىك سائر زوجه لىرىنىك اموالى
مصادره ايلدى، طرفدارلىرى اولان پرىنسلرى سوردى
و شىرامونى بر قلعه يە حبس ايتىردى. كيوكىك زوجه سى
ايمپراطورچە اوغولغانمىش ايله شىرامونىك والده سى اعدامە
محكوم اولدىلر و اعدام ايدىلدىلر. منكو خانىك بو حركىتى
تقىيح ايدىلدى. بو نقطەدە تارىخ كىندىسنى بر غاصب كى تلقى
ايدىر. چونكىه وقتايىك آرزوسىنە توفىق حرىكت ايتىك لازم
كلىدىكى ادعا اولونىور. منكو خانىك بول بول وىردىكى احسانلر،
و ىر كولىك تخفىفى بوشىدىد حرىكتى بر درجه يە قدر اونوتدىردى.
منكو خان، چىن ايمپراطورلىرى طرفندن رعايت ايدىلن
مىراسم دائىرسىندە برداغ باشىندە مطمئن بر قىربان آلايى

یاپدی . نامو namo اسمنده برلامای ایمراتورلق داخلنده
رئیس دین اعلان ایتدی . بولامانك قاردشی اوآتوچی ایله
لامانك کندیسنه سرایده بویوك مناصب ویریلدی . بویوك
خان صوره بر عفو عمومی اعلان ایتدی . عائلهسنه منسوب
برنسلاچون چین اراضیسینی تیمار اوله رق تفریق ایلهدی .
قبلايك حصهسنه هونان ولایتی ایله شنسینك برقسمی دوستدی .
ارمنستان قرالی هایتون اوزمان بویوك خان ایله برمعاهده نامه
عقد ایتك ایچون تاتارستانه کیتمشدی . آمالیغده منكو خان
ایله کوروشهرك کندیسینی خرسیتیان دینه دعوت و مسلمانلری
وبالخاصه بغداد خلیفهسنی محو ایتك اوزره خرسیتیانلرله
براشمکه تشویق ایلهدی . صوکره ، کندیسینك اولوبده
مسلمانلر طرفندن ضبط ایدیلن یرلرل اعادهسنی ایسته دیکی کبی
دیاربکر و دیارجزیره یاییله رق [۱] میافارقینی ، رأس العینی ،
سروجی یغما ایله یین و بوراده اون بیک اسیر آلان ، حراندن
بغداده کیدن بر کاربانی یغما ایله یین موغوللرک آلدقلری
یرلرکده ویرلمهسنی طلب ایلهدی . دشمنلرینه قارشى حرب
ایتمك ایچون امداد ایسته دی . ضبط ایدجکی یرلرک عهدسند
قالمهسنی ده آرزو ایدیوردی . بونك اوزرینه بویوك خان
موغول رؤسائی اونون نهرنده طوپلادی ، ارمنستان قرالنك
مطالباتی اونلره ایضاح ایتدی . بوتکیفلر موغول ملتنك

سنه

۱۲۵۳

هایتون

غوبیل

صراکشی

ابوالفرج

آرزوسنه پك توافق ايتديكى ايچون رد اولنه مازدى . منكو خانك برادري هولاكونك (هلاكو) Houlagou قوتلى براردوايله خليفه يه وارض مقدسده كى مسلمانلره قارشى كوند رلمه سنه ، بايجو نويانك [۱] هولاكويه التحاق ايتمه سنه قرار ويريلدى . ققط بو اردونك هرشيدن اول قزوين و جبال اهاليه سنك رجاسى وجهله كيدوب ملاحديي محال ايتمه سى تنسيب ايديلدى . قزوين و جبال اهاليه سى منكو يه سفيرلر كوند ررك اونلرك تعدياتندن شكاييت ايتمشلردى . صوكره ، هایتونك مطالباتى وجهله ، منكو ارمنستان قرالنك شانسه ليه سى اولان برپسقيوس طرفندن وافتيز ايديلدى . بوتون خريستيانلره صلح و مسالمت بخش ايلدى . عيني مجلسده قورديه و هندستانده عسكر كوند رركه قرار ويريلدى .

ايشته بو تاريخده قارقورومه فرانسه قرالى سن لويينك روبروقويئس برسفيري واصل اولدى . بوسفير ، كيليوم دوروبر وقويئس قوروليه ايدى . ياننده دها باشقه راهبيلرده واردى . قبرىسندن بعض يالانجى آدميلر كلوب سن لويي ي بولمشلر و اوكا ارمنستان طرفلرند قوماندان بولونان موغول قوماندانلرندن ايلچيك . تاي نامنه ساخته مکتوبلر كتيرمشلردى . بو مکتوبلرده كيوكك - چونكه كيوك اوزمان بر حيات ايدى - خريستيانلغى قبول ايتديكى ، بوتون خريستيانلرك مدافعه سنى درعهده ايتمه

[۱] هایتون بوكا بايدو Baydo ديور .

حاضر لاندیغی تأمین ایدیلیوردی [۱] . قبریس قرالی کی-
 دولوزینیه ده بوکا بکزر مکتوبلر کوندرلشدی . سن لوی
 موغوللری خرسستیانلق دینده قالغه تشویق ایچون سفیرلر
 کوندرمه قرار ویردی . بونلرک بر قسمی ایلچیک تای [۲]
 بر قسمی ده بالذات بویوک خان نرینه اعزام اولونیوردی .
 بر طاقم قیمتدار هدایای حاملدیلر . ایچلرنده ایشلمه لی لعل
 قماشدن بر چادر واردی که عیسانک میخلانمش اولدیغی صلیک
 حقیقی آغاجندن معمول وعیسانک « پاسیون » صوک اوان
 آلامنی مصوراماتی حاوی ایدی . رؤسای روحانیه دن
 اودونده بویوک خانه وایلچیک تایه مکتوبلر یازدی . روبر-
 وقوئیس منکو خان سراینه کیتدی [۳] . اوراده واتاس
 سفراسیله یالکزر اسماً خرسستیان اولان بر چوق نسطوریلره
 تصادف ایتدی . منکو خانک حضورینه قبول اولوندی .
 منکو خان کوچوک بر سریر اوزرینه اوتورمشدی . آرقه سنده
 کورکلی بر اثواب واردی . ایمپراطوریچه ایله قیزلرندن بری ده
 یاننده اوتورمشلردی . روبروقوئیس ، منکو خانک خرسستیا-
 نلغی قبول ایتدیکنی دویان فرانسه قرالی طرفندن کلدیکنی
 سویله یه رک خرسستیانلغی نشر ایچون ممالکی داخلنده اقامتنه

[۱] بومکتوبلر Bergeron ک منتخبات مجموعه سنده مندر جدر .

[۲] کندیسنه ارقالتای دنیلیور .

[۳] بوکا Onancherul یعنی اوتون نه ری مجلسی نامنی ویریور .

مساعده ايديله سنى استرحام ايلدى. منكو خان فرانسه احوالى
 حتمنده وبالخاصه فرانسه ده چوق صيغير، قويون و بار كيربولونوب
 بولونمادينه دائر برچوق شيلر صورتى .

سنه

۱۲۵۴

روبروقوئيس منكو ايله سائر بعض موغوللار ك خريستيانلقلرينه
 شاهد اولمشدر. ارمنى راهبازندن و كورونوشه نظراً ارمنستان
 قرالك شانسه ليه سى اولان سر كيوسدن ايففانى يورطيسنده
 بويوك خاك وافتيز ايديله جكنى او كرندى . فقط بو صراسمده
 حاضر بولونديرلما مشدر . اغلب احتمال كوره بولا قيردى
 ارمنينك بريالاندن عبارتدى . كرك خريستيانلرك كرك سائرلرينك
 بويوك يورطى كونلرنده بر ضيافت ويرمك منكو خاك عادتى
 ايدى . نسطورى راهبلى كلديسا مزيناتى حامللاً بو ضيافته
 بولونورلر ، ضيافتى تقديس ايدرلردى . اونلردن صو كره
 مسلمانلرك اماملى ودها صو كره مؤذنلر كليرلردى .
 روبروقوئيس سكز كون صو كره ايمپراطور نيجه ايله چوجو قلر-
 ينك نسطوريلرك آيين روحاني سنده حاضر بولوندى قلرينى كور مشدر .
 منكو خان ده بو آينه كلدى . روبروقوئيس الهيلر تغنى ايتدى .
 پرنسسلىر صليب قارشى بويوك بر اثر حرمت اظهار ايدى يور-
 لردى . فقط او قدر جاهل يلكه سائر دينلرده عيني معامله يي
 ياپيورلردى . روبروقوئيس صو كره بوتون بو واسع ايمپراطورلغك
 پاتختى اولان قارا قورومه كيتدى . بو شهر ك فرانسه ده كى
 سن ده نى شهرينه معادل اولامادى غنى ، يالكز مناسترك منكونك

تكميل سرايندن اون دفعه دها بويوك اولديغى سويليور .
 قاراقورومده باشليجه ايكي سوقق واردى . برى عربلرايچوندى .
 اجنبى تاجرلرى بورايه كيدرلردى . ديكرلرى چينايلايچوندى .
 اصنافلر بوراده بولونوردى . قاراقورومده اون ايكي بديرست
 معيدى ، ايكي جامع ، بر كليسا كوروليوردى . شهرك
 سورلرينك ياننده بويوك بر عرصه واردى . بورايه بر سراي
 پايامشىدى . منكو سنده ده ايكي دفعه بوسرايده ضيافت ويريردى .
 پارس قويومچيلارندن اولوب قاراقورومده اقامت ايدن كييوم
 بوشه نامنده برى بوسرايه درت كوموش آرسلانه مستند
 بويوك بر كوموش آغاچ پايامشىدى . آغاجك دالارنده درت دولو
 فوچى صاقللى ايدى . برنده شراب ديكرنده قاراقوسموس
 اوچنچيسنده « بال » ياخود بالدن ياپلمش برايچكى ، دردنجيسنده
 پرنجدن ياپلمش باشقه برايچكى واردى . آغاجك كو كدهسى
 يالديزلى ييلانزله محاطدى . بو مختلف ايچكىلر كوموشدن
 بويوك بر ليكن ايچنه آقيوردى . آغاجك تپه سنده النده بر
 بورو طوتان بر ملك موجود ايدى [۱] .

رو برو قوئيس بوسرايه واصل اولديغى زمان بويوك خانك برادرى
 هوللا كو غرب سفرى ايچون حركت ايتش بولونيوردى .
 هلا كومعيتنده سونتاي اوغول [۲] Sontaai ، بلغاي [۳] Balgai

غوبيل
 ابوالفرج
 مراکشى

[۱] برژرونك منتخباتندن منكونك مکتوبنه باقكر .

[۲] هوللا كونك برادرى .

[۳] سيدبان ك برادرى .

قیوتار اوغل Ogull ، قولى Goutar تكدودار اوغل
 Takoudar Ogull ودها سائر پرنسسلر [۱] اولدیغی حالده
 قاراقورومدن چیقدی [۲] . خرسیتیان دیتنده بولونان
 زوجہ سی دوقوز خاتون ده برابر دی . قوملرله دولویرلردن
 كچهرک پیش بالیغه ، اورادن آلمالیغه کیتدی . قیزیل باش [۳]
 دنیان بویوک برکولک یانندن کچد کدن صو کره قاره خطای داخلنده
 سیرامه ، نهایت سونسقان یاخود سمرقنده کلدی . خلیفه ایله
 و اسماعیلیر ایله اولان مناسباتندن دولایى بوسفره تمامیه
 معارض اولان باتونك بوندن دولایى منكو خانه شکایت
 ایتدیکی وحتی تاجی باشنه کیدیرمش اولانلره قارشى نانکورلك
 کوستردیکنه دائر مؤاخذاتده بولوندیغی ادعا ایدیلیور . منكو،
 هلاکونك دها ایلری کیتمه سی ایچون امر ویردی . فقط
 اوصیراده باتونك وقوع وفاتی بوتون مشکلاتی برطرف ایتدی .
 هلاکو اسماعیلیرك الکاسنه کیردی . بونلرک حکمداری
 رکن الدین غورشاه ایدی . ابتدا بونلرک ییه جکدن ولوازمدن
 محروم بولونان، بش حصارلری خاک ایله یکسان ایدیلدی .
 قوماندانلرندن کتبوغا Ketbougا عینی زمانده شاه دیز =

سنه
 ۱۲۵۵

[۱] اویراتلره وماندا ایدن بوقاتیمور ؛ صمغار، آباقاویشمت که
 یوایکیسی هولاکونك اوغللریدر .

[۲] ۱۲۵۳ سنه سنك برنجی شهر قمریسنده .

[۳] اغلب احتماله کوره عربلرک اتراك کولی دیدکاری کول اولاجقدر .

شاهدز Schahadiz حصاری و دها سائر اوچ حصاری
 اله کچیردی . عباس آباده مواسلت ایتش اولان هلاکو
 کندیسنی یموشاتمق ایچون رکن الدینک کوندردیکی و اوغلی دییه
 کوندردیکی یدی سکیز یاشنده کی بر چوجوغنی قبول ایتدی .
 فقط موغول پرلسی بو حیلله یی آ کلامامش کورونه رک چوجوغنی
 کری کوندردی . صوکره شیران شاه برادری رکن الدین
 طرفندن کندیسنه رفاقت بهانه سیله اوچ یوز کشی ایله کلنجه
 بونلری قزوین السکاسی داخلنده جمال آباده اعزام ایتدی
 و عینی زمانده شیران شاهه بر مکتوب ویردی . بو مکتوبده
 بش کونه قدر رکن الدین کله یه جک اولورسه بوتون حصارلری
 تخریب ایده جکینی سویلیوردی . فقط قلعه سنندن چیقارسه
 معیتنده کیلرک اوزرینه هجوم ایتهلرندن قورقان رکن الدین
 بوامرلری اجرایه جسات ایتدی . هلاکو درحال یشکام
 Fischekam دن حرکت ایله [۱] رکن الدینک بولوندیغی
 حصاری محاصره یه آلدی . بوقاچه میمون دره Maimoun-dorah
 نک قارشیسنده ایدی . عینی زمانده جمال آباده کوندرهش
 اولدیغی اوچ یوز ملاحدییه یاخود اسماعیلیه نک اعدامی
 امرینی ویردی . قتل ایتدیرمک معناسنه جمال آباده کوندرمک
 تعبیری بوندن قالمشدر . مدافعه دن عاجز بولونان رکن الدین
 معیتنده کیلرک کندیسنی حصارده جبراً طوتدقلرینی هلاکویه

سنه
 ۱۲۵۶

بیلدیردی . هلاکو در حال بر هجوم یاپدیردی . بوسایه ده
 رکن الدین اوغلی و دوسترلیله برلکده دیشاری چیقاییله رک
 موغول قوماندانه تسلیم اولدی . اوده برچوق احسانلرده
 بولوندی . رکن الدینک عاقبتنی خبر آلان قوه محافظه عرض
 انقیاد ایلدی . کړک بو حصار کړک جوارده کیلر هدم
 ایدیلدیله . یالکیز الموت قلعه سی بونلره تبعیت ایتک ایسته مدی .
 بلغای اوغل بونی محاصره یه مجبور اولدی . بونک اوزرینه
 ایچنده کی قوماندان عرض تسلیمیت ایتدی . آرتق بو الکاده
 اسماعیلیه لړک النده یالکیز کردکوه ایله کشیر حصارلری
 قالمشدی که بونلرده ایکی سنه صوکره تسلیم اولدیله . هولاکو
 همدانده قرارگاه قوردی و رکن الدین ایله جوجوقلرینی
 قزوینه یوللادی . صوکره [۱] ، رکن الدین قاراقورومه منکو
 خانک نزدینه کیتدی . فقط سوزلری دیکلنمه دن کری
 چه وریلدی . یولده وفات ایتدی . منکو خان بو حکمدارک
 قزوینده بولونان بوتون عائله سنی و بوتون تبعه سنی قتل ایتلری
 ایچون امرویردی . اسماعیلیه لردن اون ایکی بیکی اوتکوحنا
 نویان Outkou-hanna طرفدن قتل اولوندی . آرتق ایرانده
 کندیلرندن اثر قالمادی .

هولاکو بو آئاده [۲] همدانی ترک ایده رک، ضبط ایتک
 ابوالفدا

[۱] ۶۵۵ تاریخ هجریسنده .

[۲] ۶۵۵ سنه سی شوالده .

سیوطی
ابوالفرج
غوبیل

فکر یله بغدادده [۱] یاقلاشمشیدی. بغدادی محاصره یه کندیسنی
سوق ایدن یکی اسبابده واردی. اسماعیلیه لرله محاربه ایتدیکی
صیراده خلیفه مستعصمه خبر کوندره رک امداد ایسته مشدی .
فقط بغدادده قاریشقلق حکم سوریوردی . خلیفه نك حکم
ونفوذی یوقدی ، حکومته صاحب اولان وزرا ايله امرا
خلیفه یه هوللا کونك حيله یاپدیغنی ، شهر ی عسکر سنز براقق
ایچون امداد ایسته دیکنی سویله دیلر . هوللا کو تکرار برسفر
کوندردی . اوزمان عقد ایدیلن بویوک بر مجلسده هدیه لر
تقدیم ایدره رک موغول پرنسنی تسکین ایتک قرار ی ویریلدی .
فقط نفاق او قدر شدتلیدی که هیچ برشی یاپلمادی دویدار
وظیفه سنی کورن رکن الدین وزیر اعظم مؤید الدین ابن علقمی نی
موغول لرله اوزلاشمش اولمقله اتهام ایتدی . دهها اولجه سنیلرله
شیعیلر آراسنده بویوک بر منازعه وقوعه کلمشیدی . بونلر
مسلمان دیننك ایکی مذهبیدر . غوغا اولمش ، برچوق قان
دو کولمش ، وزیرك طرفی مغلوب اولمش و طرفدارلرینك
کافه سنك اولری یغما ، قادینلرینه تجاوز ایدیلمش ایدی . ادعا
اولوندیغنه کوره وزیرده انتقام آلمق ایچون قارداشنی ، بغدادی
محاصره یه تشویق ایچون موغوللره کوندرمشدی . دین غوغالرینك

[۱] چینلینر بوکاپا ئوتا یاخود پا آتا یاخود پاقوتا دیورلر .
قی شه می الکاسنده کائن اولدیغنی سویله یورلر . بوتون غرب مملکتلرینه
بواسمی ویریرلر .

بوشهرده سبب اولديغى فجييع صحنه لرك بوصو كنجيسى اولاجقدى .
 شيمدى يه قدر دفعات ايله خلقك قرآنك عدم مخلوقى ايچون
 بربرلرینه قارشى سلاخلاندقلى كورولمشدى . بعضيلرى قرآنك
 مخلوق اولديغى ادعا ايدىورلردى ، بعضيلرى ده عكسى فكرده
 بولونيورلردى . بومنازعه لر خليفه لرى چوق مشغول ايدردى .
 هر ايكي فكرك ده جائز اولديغى خليفه لرك سويله دكلرى
 اولمشدى . اوزمان بوبويوك شهرى قاريشديران نزاع سذيلرله
 شيعيلر ياخود رافضيلر آراسنده ايدى . على طرفدارى اولان
 شيعيلر خلافتك على عائله سنده قالماسى لازم كله جكي ، رئيس
 دينيك كناه ايشله يه مه يه جكي فكرنده ايديلر . وزير اعظم ده
 بومسلكك مدافعى ايدى . بومنازعه نك ايكي فرقه آراسنده
 توليد ايتديكى خصومت بغدادك ضيا عنه و خليفه لر ايمپراطورلغلك
 انقراضه سببيت ويردى . مستعصم وزيرك دشمنلرى يوزندن
 بو حاله چاره ساز اولامايوردى . چونكه بونلر هولاكويه
 هديه كوندرمه سنه مانع اوليورلردى . يالكلر بر هديه
 كوندرمه سنه مساعده ايديلدى . فقط او قدر قيمتسز برشيدى كه
 موغول پرانسى بوكا قيزدى ، كنديسنه ياوزيرك يادويدارك
 ياخود سليمان شاه نامنده كى بر قوماندانك كوندرمه سنى ايسته دى .
 خليفه بونلره عزيمت امرينى ويرديسه ده تأثيرى اولمادى . سوزلرینه
 اطاعت ايديله دى . هولاكو بونلرك يرينه كوندريلن كيمسه لردن
 ممنون اولماديغندن درحال بايجو نويان ايله سونجاق نويانه

Sunjac اربل يولنى طوتمالىرى ايچون امر ويردى . كنديسى
حلوان اوزرينه يورويه جكدى .

موغوللار اوصيراده خليفه نك بر اميرنى طوته ررق هوللا كويه
كوتوردىلر . هلا كو رهبرلك ائمه سى شرطيله اسيرك حياتى
باغيشلادى . امير ، موغول پرنس-يله متفقاً بغدادك ايلرى
كلنلرينه برمكتوب يازهرق معروض اولدقلىرى تهلكىلردن
قورتولمق ايچون موغوللارله صلح ياپمق چاره لرنى تحرى
ائمه لرنى توصيه ايلدى . آلدىغى جواب شودر: «هولا كو كيمدر؟
بوتون قدرت وسطوتى، تقدير سبجانيسته قارشى قونولاميان
جناب حقدن آلان عباسى عائله س-نه قارشى نه ياپه بيلير؟ هلا كو
صلحى آرزو ائتمش اولسه ايدى كلوبده خليفه نك ممالكنى
تخريب ائتمزدى . اكر نيتى حقيقهً صلح ايسه همدانه عودت
ايتسون . اوزمان دويداره خليفه نك آياقلىرىنه قاپانه ررق
هولا كونك عفوينى استحصال ائمه سنى رجايلىرز . بومكتوبى
كورنجه موغول پرىسى بغداد اهالىسنك كبروغرورينه كولدى
و يولنه دوام ايتدى . دويدار ، سونجاق نويانك انبار جهنندن
ايلرىله دىكنى خبر آلنجه اردوسيله قارشى يورودى و بعض
موفقيتلىر استحصال ايتدى . فقط بايجو نويان امداده يتيشديكى
ايچون موغوللار تكررار طوپلاندىلر ، خليفه نك عسكەرلرنى
بوزه ررق بويوك بر قسمنى اولدوردىلر . متباقيسى بغداده
و سوريه يه قاچدىلر . بونك اوزرينه ، هولا كو بغداد پيشكاهنده

کوروندی [۱] . شهرک اطرافنه برسور چکدیردی . بوسوری
 دزین بر هندکله تحکیم ایتدی . صو کره مانجیقلرینی قوردی ،
 غره ژوا آتشلرینی حاضرلادی ، هجوملره باشلادی [۲] .
 هیچ بر امداد امید قالمایان خلیفه دیوان رئیسینی موغول
 قوماندانه کوندیره رک بعض ائتلاف تکلیفلرنده بولونمق ایسته دی
 و برلکده هدیهلرده یوللادی . فقط عینی زمانده موغوللردن
 قورقماقلرینی کوسترمک ایچون بو هدیهلرک مقداری آزایدی .
 هلاکودویدارایله سلیمان شاهک نیچون کندیسنه کوندیرلمه دیکنی
 صوردیغی جهتله خلیفه درحال وزیر اعظمی مؤیدالدینی اعزام
 ایتدی . بو حرکت هلاکوی تطمین ایتمه دی . همدانده بولوندیغی
 زمان بو اوچ ذاتدن برینک کوندیرلمه سینی ایستتمشه ده
 شیمدی اوچنی بردن آرزو ایتدیکنی سویله دی . عینی زمانده
 هجوملرینی زیاده لشدیردی . بوقا تیموری شهری غرب طرفندن ،
 سونجاق نویانی ده شرق جهتندن دوکمه که مأمور ایتدی .
 محصورینه آتیلان اوقلرک اوزرینه عربجه حروف ایله بغدادک
 ایلری کلنلرینک ، علویلرک ، علیمانک و عمومیتله غیر محاربیلرک
 کافه سنک حیاتلرینه دوقونولمايه جغنی ، ماللری ، زوجهلری
 کندیلرینه براقیله جغنی یازدیردی . بر چوق مساعیدن
 صو کره موغوللر بویوک بر برجی و سورلرک بر قسمنی اله

[۱] ۶۵۶ سنه هجریه سی محرمک اواسطته ده .

[۲] محرمک ۲۲ سنده .

كچىردىلار [۱] . ھولا كۆينە دویدارايلاھىلىمان شاھك نەزەنە كەلەلەرنى
 ایستەدى و خلیفەنى شەردن چىقمىق و یا شەردە قالمىق خىسوسىلەرنە مۇخیر
 براقىدى . ایكى قوماندان یانلەرنە برچوق امرا اولدیغى حالە
 شەردن چىقدىلار . فقط سوقاقلەردە موغوللار ك اولدیلمەسەنە
 مانە اولمىق بەھانەسىلە ھان شەردە عودت ایتمىش اولان دویدار
 ایرتەسى كۆنى اولدى . خلق مىراغەلى شەرفالدىنى ، زىنجانلى
 شەھابالدىنى موغوللارە مذا كۆرەپە كۆندردى . بوتون تەبەسى
 طرفەندىن ترك ایدیلان خلیفە ھولا كۆدن ، نەزەنە كىتمەك ایچون
 مەساعىدە ایستەدى . بوتون عائەسى آرقەسەندە اولدیغى حالە
 سىرایدن چىقدى [۲] . ھولا كۆ خلیفەنى كلواز قاپسەندە
 اسكان ایتدی . سو كۆرە شەرى یغمایە براقىدى . خلیفەنەك
 سىراينە كىردى . اورادە اسلامیتك رئیس دینىسىنى حضورینە
 كىرتىدى . مەستەصم ھولا كۆیە برچوق ھدیەلەر ویردى .
 بەنلەر درحال رۇسایە تەقسیم اولوندى . سو كۆرە ھولا كۆ
 چادیرینە دوندى . سو كۆرە خلیفەنە زوجهلەرنى و اوغللارینەك
 زوجهلەرنى آیرماسى ایچون مىرویردى . مەقدارى یدى یوزە
 بالغ اولیوردى . بونلرى اوچ یوز طواشى ایلە برلەكە
 سىرایدن چىقاردىلار . یغمایە یدى كۆن دوام ایتدی . بونەك
 اوزەنە ھولا كۆ بەغدادى ترك ایلەدى [۳] و بر كۆنلەك

[۱] محرمك ۲۶ سەندە .

[۲] صفر ك ۴ نە .

[۳] ۴ صفر

مسافه ده خلیفه یی ایکنجی اوغلی و آلتی طواشی ایله برلکده قتل ایتدیردی . بویوک اوغلی کلواذ قاپیسی مدافعه ایدرکن وفات ایتشدی . بعضیلری خلیفه نك بوغدیردیغنی سویله یورلر . بعضیلری ده برطوربایه قونوله رق بونك ایچنده قتل ایدلدیکنی ، بعضیلری ایسه دجله نهرینه آتلدیغنی ادعا ایتمکده درلر . هولاکو دیوان رئیسنه ، وزیر اعظمه و ده سائر بعض کیمسه لره بغدادك تعمیرینی امر ایتدکدن صوکره حله یی و واسطی تحت اطاعته آلمق اوزره بوقا تیموری کوندردی . بو قوماندان ، هولاکونك امرلرینی اجرا ایله بوشهرده برچوق کشی یی اولدیردی ، صوکره سیما کوهده هلا کویه التحاق ایله دی . وقتیه بوتون آسیای تیتیش اولان خلیفه لر ایمپراطورلغی ایشته بویه نهایت بولمشدر . سائر غرب مملکتلری کبی بو ایمپراطورلوق ده تمامیه موغوللارک تحت اداره سنه کیردی . غوبیل هولاکو سوریه حربه کیتدی ، استانبول بوغازینه قدر آناتولییه صاحب اولدی . قوماندانی بايجو نوین قونیه تختی ایسته دیکی کبی قوللاندی [۱] و بوتون بو مملکتلر تخریب اولوندی . تکمیل آسیای تحت انقیاده آلمش اولمق ایچون موغوللر ، آرتق چینک جنوب ولایتلرنده حکمران اولان سونغلری محو ایتمکدن باشقه یاپه جق برشی قالمامش کبیدی . بوسفره مأمور اولان هولاکونك برادری قبلا یسه .

چوئن ولایتته کیرمش [۱] ، اورادن یون نان ولایتته کچمشدی .
بوراسی ، ایمپراطوردن مستقل اولان بر حکمدارک تحت
اداره سنده ایدی . اوزمان بورایه تالی قرالغی دنیلیوردی .
قبلاى بوالىكانك قرالى اسیر آلدی ، بوتون اهالى پی قتل
ایتدیرمک ایسته دی . فقط کندیسنه رفاقت ایدن عاقل پائوشو
بو قدر باربار بر تصوردن اونى واز کچیردی . قبلاى مملکتک
خریطه سنی کیتیردی ، بوتون حکمدارلری تحت انقیاده
آلدی ، صوکره تیته کیردی . تیبتی قسماً فتح ایتدکدن
صوکره تکرار کندی حکومتک یولنى طوتدی . بو ولایتلرده
اوله آنغ هوتایى براقدی . بوقوماندن یون نان حدودلری
اوزرنده بولونان بوتون الکالری تحت انقیاده آلدی ،
توزغ کینغه و قوشینشینه کیتمکه حاضرلاندی . بواثناده
قبلاى موغوللری دائره مدنیته ادخال ایله مشغولدی .
هیوهنغ نامنده مشهور بر عالمی نزدینه جلب ایتمشدی . بو ذات
بیك مشکلات ایله موغوللری تحصیل علومه اقناع
ایتدی . ایچلرندن بر چوغی چینلیلر قدر اکتساب هنر و
معلومات ایتدیله .

منکو خاندده چینلیلرک عاداتی قبول ایتمکه کندی اداره سنی
چینلیلره سودیرمکه باشلایوردی . اونون نهرینک منبعنده

طوبلادیغی بویوک برمجلسده [۱] بویوک مراسم ایله سمایه
برقربان کسیدی . صوکره چینده بویوک ارزاق دیویلیری
تأسیس ایلیدی . شهرلرک سورلرینی تعمیر ایتدیردی . عسکرلرک
کویلرده تخریباتده بولونمالرینی منع ایله یه رک ضرردیده اولانلره
تضمینات ویردی . بونقطهده شدتی اودرجه ایلرییه
واردیردی که برقاق کویلینک چیفت سورمه سنه مانع اولدیغندن
دولایی کندی اوغلانی جزایه چارپدیردی . جنوب جهتنده
اخیراً تحت اطاعته آلان متعدد حکمدارلر ایله غرب طرفلرنده
حکمران اولانلرک تعظیباتی قبول ایتدی [۲] . قاراقوروم
شهری کنديسنه پک کوچوک کوروندیکی ایچون آو و بالیق
صیدی ایچون دها الویریشلی یکی برشهر بنا ایتدیره رک بوکا
قای پنغفو [۳] نامنی ویردی . تاتارستانک بوتون ایشلرینی
تنظیم ایتدکن و برادری آریغ بوقا [۴] Arighbougay
قاراقورومه قوماندان تعیین ایله دکن صوکره چین ایمپراطورلرینه
قارشى حربه باشلامق نیتیله شنسییه کیتدی [۵] . اوصیرالرده

[۱] ۱۲۵۴ تاریخنده .

[۲] ۱۲۵۶ تاریخنده .

[۳] ۴۲ درجه ۲۵ دقیقه عرضنده پکینک ۱۰ یاخود ۱۲

درجه طول غربیسنده .

[۴] چینلیلر بوکا آلی پوقو دییورلر . بعض عرب مورخلری

آرشیق یاخود آرتوق بوقا نامنی ویریورلر .

[۵] ۱۲۵۷ تاریخنده .

قبلايدن غير ممنون ايدى . اونی مأموریتدن عزل ایتمیشدی .
 چونکه بوتون چینلیلر طرفندن سه ویلن و حرمت کوردن
 بوشهزاده بی استقلال آرزوسنه دوشمکه اتهام ایدیورلردی .
 قوماندانلرندن بعضیلرینی ده عزل ایدهرک حقلرنده تحقیقات
 یایمق اوزره ضابطلر تعیین ایلدی . بونا کهظهور نکبت
 قبلایه ابتدا عصیان فکری ویردی . عسکر طرفندن پک
 سه ویلیوردی . مؤاخذه بی موجب اوله جق هیچ برجرم
 ارتکاب ایتمه مشدی . هر طرفدن بویوک معاونت کوره جکنى
 امید ایدیوردی . فقط نصیحتلرینی دیکله دیکی پائوشو همان
 یالکیز باشنه ، قوای محافظه سز کیدوب ایمپراطورک آياقلىرینه
 قایانماسنی و بوتون ماملکنى ایمپراطوره تقدیم ایتمه سنی کندیسنه
 توصیه ایلدی . قبلای ، منکو خانك بولوندیغی شنسی ولایتنه
 کیتدی . منکو خان قاردشنى بویله حقیر بروضعیتده کورنجه
 متأثر اوله رق درآغوش ایتدی ، بوتون امرلرینی کرى آلدی .
 هو قوآنغك پایتختی اولان ووچانغ فو شهرینی ، صوکرده ده
 چه قیانغك پایتختی وچین ایمپراطورلرینک مقری اولان هانغ-
 چه ئوی محاصره یه کیتمه سی ایچون امر ویردی . تونغ کینگك
 پایتختنی ضبط ایتمش اولان هولہ آنغ هوتای ده قبلایه التحاق
 ایتک امرینی آلدی .

اك ای عسکرلردن مرکب اولان منکو خان اردوسی
 اوچ قوله تقسیم ایدیلدی . بونلر مختلف محللردن سه چوئنه

کیردیلر . برنجی قوله پولیچا؛ ایکنجی قوله بویوک خانک
برادری موقا اوغل ؛ اوچنجی قوله بالذات منکو خان قوماندا
ایدیوردی . منکو خان شنسی داخلمده هان چونغ فو یولنی
تعقیب ایتدی . چینلیلر هر طرفه ایکی ضابط اقامه ایتشلردی .
مغلوب اولقله برابر موغوللارک کندیلرندن ضبط ایتدکلری
یرلری هپ استرداد ایدیورلردی . چونکه موغوللارده ییه جک
و حیوانلرینه یدیره جک شی یوقدی . منکو ، چینلیلرک
چینگ تویی استرداد ایتهلرینه [۱] ، قوه امدادیه کوندرمکله
برابر مانع اولامادی . فقط چوق کچمه دن شهر تکرار
موغوللر طرفندن ضبط و چین اردوسی پریشان ایدیلدی .
منکو سه چوئن داخلمده پائونینگ فو [۲] شهرینه هجومه کیتدی .
شهر تسایم اولدی . بواناده ، تونغ کینگ طرفندن چینه
کیرمش اولان اوله آنگ ، تو آنگ شی داخلمده قوه بی لین فوی
ضبط ایتدی . متعدد مصادماتده چینلیلری مغلوب ایتدکن
صو کره هو قو آنگه کیردی و چانغ شا شهرینی تحت محاصره یه
آلدی . منکو عینی زمانده سه چوئن داخلمده هوچه ئو
شهرینی ده محاصره ایتدی [۳] . بعض قوماندانلر بوتشبتک
موفقیته اقتران ایده جکندن شبهه ایدیورلر ، شماله دوغرو

سنه

۱۲۵۹

[۱] ۱۲۵۸ تاریخنده .

[۲] اوزمان بوکا لان چه ئو دیورلردی .

[۳] ایکنجی شهر قریده .

چكىلمك توصيه سنده بولونيورلردى . فقط ديكر بعض قوماندانلر بوفكره مخالفت ايتدكلرى جهته غايت مستحكم اولان قلعه يه هجوم ايتديلر . بوراده وانغ قيه ن قوماندان ايدى . اولايته بر اردو باشنده بولونان لووه ن ته موغوللرى ازعاج ايتمكدن كرى دورمايوردى . بوتون مشكل موقعلرى ضبط ايدىيوردى . موغوللر دائماً قول اردو حالده يورومكه مجبور اوليورلردى . منكو ، ايمپراطورك خدمته مربوط بولونان برجين ضابطى واسطه سيله وانغ قيه ن تسليم اولماسنى تكليف ايتش اولديغى ايچون وانغ قيه ن بو ضابطى خيانتله اتهام ايدرك اعدام ايتديردى . محاصره اوزون سوره جك كې كورونيوردى . لووه ن ته ، موغوللر ك يامش اولدقلرى برصال كوپرويه هجوم ايتدى . صوكره ديكر برمصادمه ده مغلوب اولدى . فقط ارزاق قوللرى اورارق موغوللرى ازعاج ايدىيوردى . مصادماتده وانغ قيه ن دائماً فائق چيقيوردى . جانلرى صيقلمغه باشلايان موغوللر يكي عسكر جلب ايتديلر . قلعه يي جبراً ضبط ايتمكه قرار وريديلر . منكو خان ياپيلان عملياتى بالذات تفتيش ايتدى [۱] . ايرته سى كيجه ايچون ديوارلرى آشمق تشبثى امر ايله دى . موغوللر سورلر اوزرينه كليتلى مقدارده چيقمشيلردى . فقط وانغ قيه ن كنديلرى ن او قدر شدتله طرد ايتدى كه محاصره يه مأمور اولان قوماندان معيتمده كيلرله برلكده مقتول دوشدى .

موغوللار ك مختلف قطعہ لری پریشان اولدی. منكو هجوم ایتك اوزره بالذات قلعه یه تقرب ایتدی. ظهور ایدن بویوك برفیرطنه مردیوه نلری دوشوردی. برچوق موغول تلف اولدی. بویوك خان ده اولولر آراسنده بولوندی. بویوك خان ۵۲ یاشنده ایدی. ۹ سنه سلطنت سورمشدی [۱]. درحال، برادری موفا اوغل محاصره یی رفع ایدرك بویوك خانك تابوتی اورتده اولدیغی حالدہ اردو ایله شنسی یه چکیلدی. دیگر موغول قوماندانلری سه چوئی ترك ایتدیلر.

قبلاى اوتارنخده هوقوآنغده ایدی. اوراده، ماچینگ جوارنده کائن بعض مواقع مستحکمه یی ضبط ایتمشدی. بویوك خانك خبر وفاتی اوراده آلدی. کندیسنك شماله دوغرو چکیلمه سی آرزو ایدیلیوردی. فقط قبلاى عزیمتدن اول پارلاق برشی یامق یعنی اوزرنده چینلیلر بویوك بردونامالری اولان قیانغ نه ری زور لایوب کچمك ایستهدیکی ایچون برچوق قایق حاضر لاتدی. ضابطرندن بری کورکله نهر دن یوقاری یه دوغرو چیقه رق چینلیلرک پیدشار قوتلرینه هجوم ایتدی. چینلیلر آراسنده قارغشه لق حصوله کلدی. قبلاى ایرته سی کونی نه ری کچدیکی جهتله بوتون اردو سیله کیدوب ووچانغ قوی محاصره ایتدی. موغوللار قیانغ سی داخلنه یایلدیلر. چین ایمپراطورینك پایختی او قدر تلاشه

[۱] بوخانك بش اوغلی و برقاچ قیزی قالمشدی.

دوشدى كه ايمپراطور خزينه لرينك قايسىنى آچدى . عسكرد
 عظيم مبالغ داغتيردى ؛ و وچانغ فونك امدادينه قياسه تائونك
 قومانداسى آلتندە بويوك براردو كوندردى . بو، اقتدار سز،
 تجربه سز، نفسنه كووه نمش، كيندار بر قوماندان ايدى .
 ارباب اقتدار و مزيتى تقدير و تميز ايتمكدن عاجزدى . بناءً عليه
 عسكرك و ضابطانك نفرتى قازانمشدى . اونك اچون بونلر
 موغوللرك طرفه كچمكه قرار ويريديلر . و وچانغ فو واليسى
 ايلك خروج حر كيتلرندن برنده مقتول دوشدى . قياسه تائو
 بوشهرك دشمن انه دوشمه سندن قورقه رق موغوللره سلاح
 تكليفاتنده بولوندى . بوشرطلردن برى چين ايمپراطورينك
 موغوللره خراجكذار اولماسندن عبارتدى . قبلای ابتدا
 اونك يوللادىغى مرخصى كرى چويردى . فقط بر آز صوكره
 برادرى آريغ بوقانك تاتارسى تانده بويوك خانلغى اعلان ايتك
 ايسته ديكنى خبر آلنجه چينليلرله صالح ياپمغه رضا كوستردى .
 قياسه تائو يكي برضا بط كوندردى . چين ايمپراطورينك هر سینه
 نقد و ايك صورتنده برميليون و يرمه سى و بويوك خانى متبوع
 طانيه سى قرارلاشدى . ايكى ايمپراطورلغك حدودلرى تعيين
 ايدىلدى . بوتون موغوللر چكىلدیلر . قياسه تائو تعهداتنه
 يك آز صداقت كوستره رك الك صوكه قالان موغوللرى قيليچدن
 كچيرتدى . چين ايمپراطورى بوقوماندانك عقد ايتديكى
 حجاب آور صلحدن خبردار دكلدى . قبلای چكىلمكه

قياسه تائونك جسارتى مجبور ايتدىكى ظن اولونيوردى . يوز
يتمش موغول عسكرينك مغلوبىتى بويوك برمظفريت كې اعلان
ايدىلدى . قياسه تائو ايمپراطورلغك خلاصكارى كې تلقى
اولوندى . منكو خانك وفاتى موغول ملتىك بالعموم اكابرىنى
يكي ايمپراطورك اتخاباتى اجرا ايچون تكرر تاتارستانه كچمكه
مجبور ايتدى ، چين سفرى ياريم قالدى .

هونلرك تاريخ عمومىسى

اون آلتنجى كىتاب

چىن موغوللارى ياخود يوشىن سىلالەسى

اوزمانە قىدر بىر حىكمدار آلتىندە بولونان تاتارىستان ايمپىراتورلىغى
منىكو خانك وفاتىندىن سوكرە . متعدد . كومتلرە آيرىلدى .
بونلارك هر بىرى يىنە جىسىم بىر مملەكت ايدى . باتوخان احفادى
قاچماققدە ؛ هولاكو احفادى ايراندە ؛ چىغتاي احفادى
ماوراءالنهردە حىكمران اولدىلار . بويوك خانە عرض انقياد
وتابىعتىدن آنجىق سوكرە فارغ اولدىلار . قىبلای ، مىنىكونك
وفاتىندىن خىبردار اولونجە عىسكرلرلە بىرلىكدە يىن كىنگە كىتدى .
اورادە رۇسانك قىسم اعظمى كىندىسىنى بويوك خانلىغى اعلان
ايتىمكە تشويىق ايلەدىلار . بىرمدت تردد ايتىدى . برادىرى
هلاكونك بىر مەرخىسى ايلە كوردىشە كىدن سوكرە بوكا قىرار
ويرە بىلدى . هولاكو ايمپىراتورلىغى قبول ايتىمەسىنى كىندىسىندىن
رجا ايدىيوردى . بونك اوزرىنە بوتون اكابر تاتارىستاندە قاي پىنغ

فويه كيتديلر. اوراده، قبلایه بويوك خان عنواتى ويرديلر [۱].
 بوجلوس اعلانندن صوكره هر طرفده بويوك شىكارياپلدى.
 قبلای ماهر قوماندانلر، عاقل وعفيف ناظرلر بولمغه اهمام
 كوستردى. اوزمانه قدر غايت باربار وخشين اولان موغول
 ادارهسى بو حكمدارك زمان سلطنتنده دكيشدى. قبلای تماميله
 چين اخلاق وعاداتى قبول ايتدى. چينليلر بيله قبلایى
 چينده حكمران اولمش ايمپراطورلرك الك بويوكلرندن واك مشهور-
 لرندن برى ديه تلى ايلديلر. زمان سلطنتنده برچوق بويوك
 آدملىر يتشمشدر. كذلك بويوك وقايعده ظهور ايتشدر.
 چونكه قبلایك كنديسى ده بويوكدى. صنايع نفيسهنى،
 علوم وفنونى ايلريلىتى. تبعهسىنى بختيار يامغه چاليدى.
 هر طرفده ارباب مزى آرار، مكافاتلر ويرير، اراضينك
 زرع ايديلهسى، حرف وصنايعك، تجارتك ترقيسىنى نظر
 اعتناده طوتاردى. چينليلر چوق كره مغلوب اولمش اولمقله
 برابر قانونلرى هيچ بر زمان بويله بر خجالتدوشمه مشدر.
 چين ملتى تحت انقياده آلان الك بويوك فاتحلىر چينك
 قانونلرينه منقاد اولمق مجبوريتنى دويمشدر. موغوللرك قىم
 اعظمى باربارلقلرندن چيقديلر. برچوقلىر چينليلرى تقليداً
 حكمدارلرينه قارشى لايزال بر صداقت و خدمت و وطنه
 محبت ايله مشهور اولديلر. چينده ارتكاب ايديله بيله جك الك بويوك

[۱] چينليلر تاريخلرندە قبلایه شى تسو نامنى ويريرلر.

جنایت پدرینه قارشی حرمت و اطاعتده قصور کوستر مکدر.
 ایمپراطوره ایسه اوراده ملتک باباسی نظریله باقیلیر .
 قبلای متفقاً بویوک خان اعلان ایدیللمه مشدی . تختہ کوز
 دیکمش اولان برادری آریغ بوقا قاراقورومده بویوک براردویہ
 وسه چوئن ایله شنسی ولایتلرنده قوتلی طرفدارلره مالکدی [۱].
 قوماندانی آلتار Alantar هدیہ قوتیلہ قبیلہ رئیسـلرینی
 جلب ایتـمکـه چالیشیوردی . شنسیده هوئن قوهای آلتش بیک
 عسکر ایله فونغ تسیانغ فوی ضبط ایدیوروسی غان فوی اله
 کچیرمک ایچون کیزلجه طرفدارلر تدارکنه چالیشیوردی .
 قبلای قای پینغ فوده بویوک خان اعلان ایدیلدیکی صیراده
 آریغ بوقاده قاراقورومده کندیسـنـه بویوک خان عنواتی
 ویردیریوردی . قبلای برادرینک بو حرکاتندن خبردار
 اولونجه اوکا مقاومت ایچون بویوک براردو طوپلادی .
 لیهن هی هیه نی علی العجله شنسی یه کوندردی . سی غان فو والیسی
 آریغ بوقانک طرفنه کچمشدی . والینک انتریقہ سی نتیجه سنده
 بوشهر آریغ بوقانک اهنده بر حرکت یامازدن اول لیهن هی هیه ن
 اورایه یتیشدی . شهرده سکون و آسایشی تأمین ایتدی .
 شہہلی اولانلری تحت توقیفه آلدی . هر طرفده قردغوللر
 تأسیس ایلدی . کندیسـنـه کتیریلن بر ضابطدن شهری تسلیم

[۱] طرفدارلری قاراقورومده اردوسـنـه قوماندا ایدن آلتار
 ایله آسوتای، پولونغ تاشه وسیلیفی ایدیلر. بواوچی منکو خانک اوغلیدرلر.

ایتمک ایسته ینلرک اسملرینی خبر آلتجه باشلیجه لرینی طوتدیر هرق
 اولدیرتدی وسه چوئنه براردو کوندردی . هوئن قوهای هرشیئک
 میدان چیقدیغنی کورنجه قاراموران نهرینی اوته طرفه کچهرک
 تاتارستانده آلانتاره التحاق ایتدی . دها اول ، آرقه سندن
 تعقیب ایدن وبوایکی اردونک التحاقنه مانع اولمغه مأمور
 بولونان هاتانک مساعیسنه رغماً قانچه ئوی ضبطه موفق
 اولمشدی . هاتان درحال تاتارستانه کیردی ، قاراقوروم ایله
 عاصیلرک اردوسی آراسنده قرارگاه قوردی و بونلرله حربه
 کیریشدی . قوملری و توزلری سواریلرینک کوزلرینه
 دولدوران شدتلی بر روزکار ابتدا دشمنلره برتفوق بخش
 ایتدی . فقط سواریلردن بر قسمی آتلرندن اینه رک قیلیجلریله
 حرب ایتدیله و صول جناحی بوزدیله . صو کره صاغ جناحده
 چکیلدی . بوتون اردو قچدی . ایکی دشمن قوماندانی مقتول
 دوشدی . بو بویوک مظفریت نتیجه سنده شنسی ایله سه چوئن
 دائره وظیفه یه کیردیله .

بو اثناده ، قبلا ی ، علوم و فنونی ترقی ایتدیرمک ایچون
 ارباب علمی و هنریتلری ایله تمیز ایله مش ذواتی سراینه دعوت
 ایدیور ، اداره حکومت حقنده عاقلانه نظامات نشر ایله یوردی .
 عسکرلکده کی مهارتلری ، علملری ، اثرلری ایله دور سلطنتنه
 اک چوق تأمین شهرت ایده بیله جک تبعه سنک ، حتی هانکی
 ملت و دیندن اولورسه اولسون اجنبیلرک کیم اولدیغنی بالذات

آ کلامق ایچون پک غیرت کوسـتریوردی . اوزمانه قدر
 موغولار یالکـز حرب آدمـلرینه اهمیت ویریرلردی . ایچلرنده
 حکام پک آزدی . ترغوجی [۱] Targoudgi نامنی طاشیدیان
 برناظر مهری حاملدی و دیکرلری اوزرنده بویوک بر حکم
 ونفوزده مالکدی . قبلای حکامک عددی ، صیراسی ، حکم
 ونفوزی ومعاشاتی ایله ایمپراطورلق ناظرلرینک ومفتشارینک
 مختلف محاکمی ، مراسم ، امورنافعه ، حرب ، تجزیه مجرمین ،
 اردو ضابطانی ، سرای ضابطانی ، تجارت وصناعت حقنـده
 یکی نظامات قلمه آلمالری ایچون لیه ئوپنـغ چونـغ ایله هیوهنـغه
 امرلر ویردی . حکومتک احوالنی ، سفالت عمومیه یی ، هر مملکتک
 نه کی محصولار یتیشدیره بیله جکـنی تدقیق ایتدیردی . جمال الدین
 نامنده برایزاتلی ریاضی سرای ایچون هیئت کتابی تحریری ایله
 آلات ریاضیه اعمالنه مأمور ایدیلدی . کهزو Gaisue اسمنده
 بر آوروپالی طبابت خصوصاتی ایله مشغولدی . ایغور ،
 ماوراءالنهر وایران علماسندن بعضیلرینه مملکتلرینک آثارندن
 برخیلی کتاب چینجه یه ترجمه ایتدیرلدی . قبلای اک ماھر
 علمادن بر آقاده می تشکیل یتدی . بوکا هان لین تسمیه
 اولونیوردی . الا آن پایدار اولان بوانجمن دانش ایمپراطورلغک
 تاریخی قلمه آلمغه مأمور اولدی . عفت واقتداری واحتیاطی
 ایله معروف اولان اوآنغ ئو بونک ریاستنه تعیین ایدیلدی .

[۱] چینلیلر بوکله بی تالوآ دییه تلفظ ایدیورلر .

بوعالم نیوچه لرك و خيتانلرك تاريخى حقنדה متعدد مخطرهلر يازدى و ايمپراطورلرك فرمانلرندن مركب برقاج مجموعه وجوده كتىردى. قىلاى سراينه پاسه پا [۱] Pasepa اسمنده تىبتلى برذات كتيره رك بونى بوتون لامالرك رئيسى اعلان ايله كنديسنه ايمپراطورلغك و ايمپراطورك صاحب وعالمى عنوانى ويردى . چين اون ولايته تقسيم ايدىلدى . هر طرفه حاكملر كوندردى . بو ولايتلرك اموريلاه اشتغال ايتك اوزره اون ذاندن مركب بر هيئت ياپلدى . قىلان هيئتلردن كافه سنك رئيسى بوموغول اولماسنى ايسته يوردى . چين ايمپراطورى كى سنه اسملى طاقندى [۲] ، ۱۲۶۰ سنه سنك كنديسنك ايلك سنه سلطنتى اولماسنى امر ايتدى . هائوقينغى ، تخته جلوسنى ايمپراطوره تبليغ و قياسه تائو ايله ياپيلان معاهدەنك عقدينى طلب ايتك اوزره ايمپراطوره سونغلرك پاختنه كوندردى . فقط معاهدە نامه يي ايمپراطورك خبرى اولمادىن عقد ايتىش اولان قياسه تائو هائوقينغى حبس ايتدىردى ، ايمپراطورك مسئله دن خبر آلماسنه مانع اولدى . قياسه تائونك حركاى افنديسنك دشمنلرينى آرتىردى . بعض چين قوماندانلرى ، از جمله ، سه چوئن داخلىنده لوچه ئو عسا كرينه قوماندانلار ايدى ليه ئوچينغ موغوللارە النجا

سنه
۱۲۶۱

- [۱] پاسه پا تىبتده پك مشهور برعائله دندى اون عصر دن برى اجدادى تىبت قرالنك اك باشلى ناظرلرندن ايدىلر .
- [۲] ۱۲۶۰ سنه سنك اسمى چونغ تونغ ايدى . چين تقويمى ۵۷ نجى سنه سنه تانار تقويمى تىلكى سنه سنه مصادفدر .

ایتدیله . بو صورتله موغوللار او ولایتده استیصال موفقیات
ایده بيله جك حاله كلدیله .

تاتارستانده اغتشاشات دوام ایتمکده اولدیغی جهتله قبلای
برادری آریغ بوقایه قارشى بالذات یورو مکه قرار ویردی .
سیموتو کولی قربنده برادرینی بوزدی ، قاراقورومی آلدی .
فقط هر طرفدن احاطه ایدیش اولان آریغ بوقا دشمن صفلرینی
یاردی و شماله قاچدی . جنوبدهده باشقه عصیانلر ظهور ایتک
اوزره ایدی . قبلای تخته چیقالی بری شانتونغ داخلنده و قیانغ نانه
جوار مملکتلرده موغول عسا کرى قوماندانی لیتان چینلیله
تسلیم اولغی دوشونیوردی . بو عصیان بوسنه پاتلاق ویردی .
لیتان ، سرایدن اوغلانی جلب ایتدکن صو کرده بوتون اومواقی
چین ایمپراطورینک عسا کرینه تسلیم ایتدی و کندیسیده
بر اردونک باشنه کچهرک موغوللار اوزرنده فتوحاتده بولونمغه
باشلادی . سرایده عاصیلر ایله مناسبتده بولونان برناظر کشف
ایدیلدی ، قبلای قوماندانلری آیچه ایله شه تیهن چیه مشهور
چانغ یائونک اوغلی چانغ هونغ قان قومانداسنده بر قوت ایله
تأیید ایدیلک اوزره ، کیدوب تسینان فوده لیتانی محاصره
ایتمه لری ایچون امر ویردی . بونلر ابتدا طوپراقدن بر دیوار
یاپدیردیله . آرقه سنه زرهللی نفراتی پوصویه یاتیردیله . صو کرده کنیش
ودرین بر هندک قازدیله و بوسپرک شرق قاپیسینی آچدیله . لیتان هجوم
ایچون یاقلادی . عسکرینک بر قسمه هندکی کچیرتدی و سپرک قاپیسنه

سنه

۱۲۶۲

قدرايلار يله دى. عسكر كى بر قىسمى سپرى طير مانمق فېكر نىدە بولۇندى. فقط پوصويە ياتمىش اولان عسكر لىر كىندىلر يىنە بىردىن بىرە ھىجوم ايدىنچە پرىشان اولدىلر. لىتان مىشكلاتلە شېرە دونە بىلدى. اورادە چىنلىلر كى كۆندىرە جىكلرى قوۋە امدادىيەنى بوش بىرە بىكلە يوب دوردى. چىنلىلر شانتونغا ياقلاشمىغە جىسارت ايدەمدىلر و بىر مقدار پارە كۆندىرەمكە [۱] كىتفا ايلدىلر. بولاشنادە موغوللار ھىر طرفدىن تىسەننەن قوينى ئوشاتدىلر. بوشېردە سىفالت او قدر چوغالىدى كە انسان اتلرىنى يىمكەن اىچون طوزلامىغە مەجبور اولدىلر. ھىر دورلو معاونت امىدىنى غائب ايدىن لىتان قارىسىنى ومىستفر شەلرىنى اولدىردى، صوكرە بىر كۆلە كىندىسىنى آتدى. موغوللار اورادە لىتانى بىر حىيات بىر حالدە بولدىلر. شەتەن چە لىتانى كىندى اىلە اولدىردى و تىسەننەن قوينە كىردى. دىكر شىرلردە استىرداد اولۇندى.

بوشىخا صىماتە رىغما چىنلىلر لە صالح ھىنوز انقطاعە اوغرا ماماشدى. ئاظر لىر قىلانى بوتون اردولرىنى طوپلامىغە تشويق ايدىيورلردى. فقط قىلانى اونلرە بىر بىياننامە اىلە جواب وىردى. بوندى چىن اىمپراطورىنىڭ سوزىندە دور ماماسىندىن شىكايت اىلە يەركە موفقىتى ھاتۇقىنىڭ مەدا كراتىدىن بىكلە دىكىنى سويليور، بوزاتك توقىف ايدىلدىكىنى بىلمىز كى داورانىور و بوشورتلە چىنلىلرى صالح عقىدىنە امالە ايتىك اىستە يوردى. مع مافىە جنوبە سىوق ايتىك

[۱] الى بىك نائل ياخود ايكى يوز الى بىك لىرا.

فكرنده اولديغى اردويه قوماندا ايچون آچو Atchou نى
 تعيىنلن كرى دورمادى. فقط بو اردو درحال حر كت ايتدى.
 قبلای اوزمان سراينده تأسيس سكون ايله اوغراشمغه مجبور ايدى.
 اك بويوك حكمدارلر بيله قصورسز دكلدرلر. قبلایك
 قصورى پاره نى چوق سومكدى. اودرجه ده كه اك فنا ناظرلر بيله
 پاره تامينى چاره سنى بولدقلى زمان كنديسنه غايت معصوم
 و بيكناه كورونورلردى. اونلرك عليهنده سرد ايدىلن شكاياتدن
 ممنون اولمازدى. ايمپراطورلغك كومروك امورىنى تدوير ايدن
 احامه [۱] نامنده برعرب قبلایك ضعفندن اك چوق استفاده
 ايدنلردن برى ايدى. هردورلو وسائط غير مشرعه ايله كسب
 ثروت ايدىوردى. برطاقم پروژهلر تكليف ايلىوردى. بونلرك
 هپسى ده يالكلز بويوك خانه حساب ويرمك مجبوريتنى كنديسنه
 تحميل ايتكده ايدىلر. قبلایك خدمتنده بولونان چين ناظرلرى [۲]
 بويكلىكه او قدر شدته مخالفت و كومروك وارداتنك كندى
 اداره لرينه تابع اولماسى لزومنى او قدر قوتله مدافعه ايتدىلر كه
 بلای ده اونلرك فكرىنى قبول ايلدى. هردورلو حيله يه مراجعت
 ايدرك بوچين ناظرلردن انتقام آلمقدن باشقه برشى دوشومنه ين
 احامه بويوك خانه عظيم مبالغ تدارك ايتدى. بونلرك كندى
 حسن اداره سنك ثمره سى اولديغى قبلایه آ كلاتدى. چينلىلرك

[۱] احتياكه احمد اولاجق.

[۲] ته ثومه، بائوشو، هيوهنغ، ليه ثوپىنغ چونغ، چانغ وهن ثيه ن.

سرایده بویوک بر نفوذلری اولماسندن دولایی موغول کبراسنه شکایتلرده بولوندی. فقط احامه دن زیاده مهارت و ذکا صاحبی اولان بو ناظرلردن ایکیسی، پائوشوایله هیوهنگ اونک بوتون حیلله و سرقتلرینی میدانله چیقاریپورلردی. بونک اوزرینه پائوشو وزیر اعظم اعلان ایدیلدی [۱]. احامه بونی کال یأس ایله کوردی.

سنه

۱۲۶۳

قبلايك، غایت نائل عمران ورفاه ایتک ایسته دیکی ایمپراطورلرک خیری ایچون یاییله بیله جک اکی انتخاب بوایدی. موغوللر هنوز حرب ایله بار کیردن باشقه برشیدن آ کلامایورلردی. قبلائی بیله کندی ملتته مذسوب پرنسسلر ایله چینلیلر و سراینده چوق مقدارده بولونان عربلر آراسنده کی فرقی کورمکدن اوتانیوردی. بونلرک هپسی علوم و فنونه صاحب و قوف ایدیلر. چینده کی علمانک اک ایلری کلنلرندن بری اولان پائوشو ایمپراطورلغک بوتون ولایتلرندله کینجیلری علوم فنونه، صنایع نفیسه یه و حسن اخلاقه آیشدیرمق ایچون مکتبلر و آقاده میلر تأسیسی لزومنی قبلایه عرض ایچون بوفرستدن استفاده ایتدی. قبلائی ناظرک فیکرینی ترویج ایدهرک کندی شهرزاده لرینک تربیه سنه پک زیاده اعتنا کوسترمکه باشلادی، تکلیف ایدیلن مؤسساتی نظر اعتباره آله جغنی وعد ایله دی. چاٹوپ نامنده برعالم چینلیلرک قلاسیک اثرلرندن برقسمنی موغولجه یه ترجمه

ایتمشدی . هیوهنغ بو کتابلری چین تاریخنک برفذلکه سندن
ترجه ایله مشدی . بو کتابلری اوقومق اوزره موغوللره ویرن
قبلاى اونلری بالذات امتحان ایتمکدن صیقیلما یوردی . صوکره
چین ایمپراطورلرینک اثرینه اقتفا ایدهرک اجدادینک شرفنه
محتشم برسرای یاپیدردی و اونلره قارشى وظائف حرمتی ایفا
ایچون یاپیلان مراسم مخصوصه ده حاضر بولوندى . اجدادلرینک
خاطره سنه و مزارلرینه قارشى بی پایان بر حرمت بسله مک
چینلیلر ایچون بر قانوندر . همان هر کون اجدادلرینک مزارینه
کیدرلر . ایمپراطورلر بیله بو وظیفه ایله مکلفدرلر . بونوع
مراسمه رعایت ایمپراطورلق قوانینی جمله سندندر . قبلایک
انشا ایتدیردیکی سالونده یسوکایک ، جنکیز خانک ، اوقتایک ،
توشینک ، چغتایک ، تولینک ، کیوکک ، منکونک لوحه لری
یعنی رسملری واردی . عینی زمانده ، فوبونزلرینک [۱]
یاخود لامالرك یدی کون یدی کیجه دعالر اوقومالرینی
امر ایله دی . چینلیلر بوکا شدتله مخالفت ایتمش اولمقله برابر
اوتاریخدن بری بو دوام ایتمشدی .

بوصیراده چین ایمپراطورینک تبعه سیله موغوللر کوزل
کوزل کچینیورلردی وهوقوآنغ داخلنده سیانغ یاغده ، قان
چینگده مهم بر معامله تجاریه جریان ایدیوردی . چینلیلر

[۱] بوتعبیر ایله قبلایک سراینده چوق مقدارده بولونان خرسیتیانلرده
قصد ایدیش اولابیلیر .

طرفندن او ولايتك واليسى اولان لوودن تهنك خيسيلكي بو
تجارتى اخلال ايتدى . قوئى چەئوده موغول قوماندانى
اولان ليهئوچينغ بوايكي شهرده كومروكلر تاسيس ايديلمەسى
تكليف ايلدى . چين واليسى ايجون بونك بويوك برفائدهسى
اولاجقدى . فى الحقيقه بوفائده او قدر عظيم اولدى كه لوودن ته
ايتديكى استفادەدن باشقه برشى دوشونمە يەرك بويكي خصوصاتده
احتياطك لزوم كوستره جكي تدابيرى اتخاذا اتمكده اھمال ايتدى .
كنديسنه بر طوزاق قورمقدن باشقه بر مقصدلرى اولمايان
موغوللار بويوك مغازەلر ياپەرق اطرافلرينه صاغلام ديوارلر
چكديلر . صوكرە ، خيرسزلرك تجازوزاتنە قارشى مدافعه
بھانە سيله ايجلرينه عسكر صوقديلر . چوق كچمەدن بومغازەلر
رر استحكام اولدى . ايجندەكى قوئى محافظه سيانغ يانغ و
قان چينغ شەرلرني پك ازعاج ايتديلر . موغوللار بو شەرلرى
على الغفله باصمق فـكرندە ايديلر . فقط هنوز فرصت ظهور
ايمە مشدى . سراى بواثناده اھالى نك ان تريقه لريە مشغولدى .
احامە نہايت كومروك وماليہ خصوصاتندە يالكر بويوك خانە
تابع اولمانك امكانى بولمشدى . ديكر طرفدن آريغ بوقا ايلە
طرفدارى اولان بوتون رؤساقبلايك مرحمتنە دخالت ايتديلر .
قبلاى پرنسلىرى عفو ايتدى واونلرى سلاحه صارمغە تشويق
ايتمش اولانلرى اعدام ايتديردى . صوكرە ، قاي پينغ فو
شهرينە شانغ توياخود يوكسك سراى نامنى ويردى . صوكرە ،

صنہ

۱۲۶۴

پن کینگ یاخود پکینگ دن حرکتله اورایه کیتدی و بوتون یاز
اوشهرده قالدی. و وکره لری موغول حکمدارلری منتظماً
بوسیاحتی اجرا ایتشلردر .

موغوللر هانکی مملکتلر ده یرلشمشلسه من القدیم
اورالرده یاز صیجاقلرینی شمال طرفلرینه کیدوب اوراده
کچیرمک و قیشین جنوبه عودت ایتمک عادتی محافظه ایتشلردر .
شانغ تو [۱] قبلاک یازین چکیلدیکی برشهر ایدی . اوراده
عمر مردن نفیس برسرای واردی . اطرافنده تقریباً اون بش
میل محیطنده و دیوار ایله محدود برقورو تنظیم ایدلمشدی .
ایچنده منبعلر ، چایلر ، چایرلر و کییک ، جیلان ، قاره جه کی
دورلو دورلو حیوانلر موجود ایدی . بوراده آو ایچون
برچوق طغان بسله نیردی . قبلاک اوشهرده بولوندیغی مدتجه
باشلیجه مشغله سنی آو تشکیل ایدردی . قورونک اورتیه سنده
تماماً بامبودن یاپلمش کوچوک برسرای کورولیوردی که ایچی
طیشی یالیزلی ایدی . کوزل رسملرله مزینندی . اوپله
یاپلمشدی که برچادیرکی قابل نقل ایدی . بویوک خان سنه نیک
اوچ آینه یعنی حزیران ، تموز و آغستوس آیلرنده شانغ توده
اقامت ایدردی . چونکه هواسی غایت ای بریردی . پک صیجاق

[۱] موسیو پول بوکا سیانغ تو دیور . تارشین الکاسنده
ویکینک شمال شریف سنده ۴۲ درجه ۲۲ درجه ده کائن ایدی . الیوم
خراب اولمشدر . بونک شوتای مانسوما اولدیغی ظن اولونیور .

اولمازدی . بومدت ظرفنده بامبو سرایی قورولوردی . فقط خانك عزیمتندن صوکره سرای سوکولوردی . قبلای علی العاده ۲۸ آغستوسده شانغ تودن حرکت ایدر ومعین بریره کیده رک اوراده کندیسنه ، قاریلرینه ، چوجوقلرینه ومواشیسنه طول عمر تمنیسی ایچون معبودلره قربان کسردی . مواشی بوتون تروتك حیوانات سورولرندن ترکیب ایتدیکی برمملکته غایت مهم برشیدی . بویوک قابلر ایچنده بیاض قیصراق سوتلری حاضرلارلردی . خان بونی یره دوگردی . معبودلرک کلوب اوسوتی ایچه جکلرینه وبوتقدمه نك معبودلری سورولرعا عتنا کوسترمکه سوق ایده جکینه اعتقاد ایدردی . صوکره عائله سنك بوتون پرنساریله برابر کندیسیده بو سوتدن ایچردی . وقتیه جنکیز خانه پك بویوک برخدمت ایفا ایتش برقییه مستئنا اولمق اوزره او کون هیچ کیمسه بیاض قیصراق سوتندن ایچه مزردی . تاتارلرجه بوسوت غایت محترم تالمی اولونوردی . چونکه معبودلره بونی تقدیم ایدرلردی . کیوک خانك دور حکومتنده نسطوری راهیلری بخوردانلریله بو آینه اشتراك ایتمه اجبار ایدلشلردی .

قبلای قیشی پکینغده کچیرمشدی . بوکا تاتو یاخود بویوک سرای نامی ویریایردی . تعبیر دیکرله خان بالیغ [۱] یعنی

[۱] بونام عربلر طرفندن قبلایك اقامتکده اولان مختلف شهرلره ویریلشدر .

خان سرانی تسمیه اولونوردی. اوزمان مربع الشكل اولان بوشهر
یکرمی درت میل محیطنده اولاییلیدی. یعنی هر ضلعی آتی
میل ایدی. دیوارلری یکرمی قدم ارتفاعنده و اون
قدم قالینلغنده ایدی. هر طرفده اوچر قاپی واردی.
هر قاپینک یاننده ده بویوک سرایلر انشا اولونمیشدی. شهرک
درت گوشه سنده ده سرایلر واردی. سوقاقلر اوقدر منتظمدی که
شهرک بر اوچندن دیگر اوچی کورولوردی. سوقاقلرک طرفینده
کوزل اولر یایلمشیدی. شهرک اورتہ سنده بر بنا واردی.
بونده بویوک برچاک کورولیوردی. هر آقشام بوچا که اوچ
ضربه اوروله رق هر کسک آرتق اوینه چکیلمه سی اخطار
اولونوردی. یالکیز خسته لرہ معاونت ایچون سوقاغه
چقیلا بیایردی. بوتقدیرده برفنار طاشیمق لازمیدی. شهرک
هر قاپیسی بیک عسکرله محافظه اولونمیشدی.

پکینغ سورینک خارجنده، اوزمان اون ایکی قاپیدن
هر برینک قارشیسنده اون ایکی بویوک واروش واردی که
بونلرکده اولری شهرک اولری قدر محترم صورتده بنا ایدیلمشدی.
هندستاندن، جنوبی چیندن یاخود مانثری Mangi دن،
سوریهدن ذی قیمت طاشلر، اینجیلر، ایپکلیلر و دورلو
دورلو عطریات صاتمق اوزره کلن تاجرلر و اجنیلر بوخارج
محلہ لرہ چکیلیرلیدی. شهره سنوی بیک آرابه قدر ایپکلی
کیرردی. مزارقلر بو واروشلردن اوتده ایدی.

قبلايك محتشم سرايى پكىنگك اورتەسندە بنا ايدىلمىشى .
 كانون اول ، كانون ثانى ، شىباط آيلرىندە اورادە اقامت
 ايدردى . بوسرايى تماميە مەربع الشكىل ايدى . دوت ميل
 محيطى واردى . يعنى ھەر ضلعك طولى بىر ميل ايدى . ديوارلىرى
 غايت قالىندى و اون قدم ارتفاعندە ايدى . ايچ طرفى بياضە ،
 طيش طرفى قىزىلغىچە بويانمىشى . ھەر گوشەدە ھەر جەھەتك
 اورتەسندە سلاح دەپوسى خىدمەتنى كورن بىر سرايى واردى .
 جنوب جەھەسك اورتەسندەكى سرايك بىش قايسى واردى .
 اورتەدەكى قاپى يالگىز بويوك خانە مخصوصدى . ضابطىلىرى دىگر
 دوت قاپىدن كىرۈپ چىقارلردى . دىگر اوچ جەھەتك
 اورتەسندە يالگىز بىر قاپىلىرى اولان بىر سرايى كورۈلۈردى .
 بو بويوك محيطك ايچىندە دىگر بىر دائىرە دەھە واردى . بونك دە
 بىر گوشەدە بىر اورتەلردە اولمىق اوزرە سىگىز سرايى
 موجود ايدى . بونلار قىمەتدار اوانىيى و بويوك خانك
 مجوھراتنى حفظە خىدمەت ايدىلردى . بويوك خانك سرايى
 بوايگىنچى بنا داخلىندە ايدى . چاتىسى غايت يوكسىكى و يك
 كوزل رسملەرلە مزىنىدى . اولولرك ديوارلىرىندە غايت پارلاق
 رنكلەرلە محاربەلرك رسملىرى ياپىلمىشى . آلتون و كۈمۈش
 يالدىزھىچ تەصرف و اقتصادە باقلمىسىزىن مېذولاً قوللانمىشى .
 بوسرايك بويوك اولوسىندە بىر مەھە واردى كە بونە آلتى
 بيك كىشى يەك يەبىلىردى . ايكى محيط آراسىندە يعنى خارچى

محيط ايله بوسرايك ديوارلرى آراسىنىڭ بىر طرفىدە دورلو دورلو حيوانات ايله دولو برقورو ، دىكر طرفىدە حوضلر بولونيوردى . بونلرڭ اچىنىدە برچوق بالق بىسلەنيوردى . حوضلرڭ صوبي برنهر دن كليوردى . نهرڭ كىرەجكى وچىقەجنى يرلرە بالقلرڭ قاچاسىنە ميدان ويرمەمك اىچون دمير پارماقلقلر ياپىلىشىدى . سرايدن دىشاريدە بر فرسخ مسافەدە يوز قدم ارتفاعندە كوچوك برداغ واردى كە محيطى برمىل طوتابىلىردى . بوكا یشیل داغ نامى ويرىلىردى . چونكە آغاچلرى هر زمان یشىلىدى . بو آغاچلرى الك اوزاق مملكتلردن كتير يرلردى . بورايە دىكمك اىچون بو آغاچلرى فيل صيرتىندە طاشيرلردى . بوداغك تپەسىندە یشیل بويالى محتشم بر سراى بنا ايدىلىشىدى . بويوك خان ايمپراطورلق ايشىلريە مشغول اولمق اىچون اكثرىا بورايە چكىلىردى . قبلایك پكىنىغە بولوندىغى مدتجە طوغانجى ضابطلرى هر طرفدن كندیسەنە آراپەلرلە ياخود كمىلرلە پك چوق مقدار دە يىانى حيوانات كوندريلردى . اكر بوضابطلر اوتوز كونلك مسافەدن دها اوزاق دە ايسەلر يالکىز حيوانلرڭ پوستلرىنى يوللارلردى . بونلردن سلاخلر اىچون اورتو يابارلردى .

مارت آينە دوغرو بويوك خان پكىنىغى ترك ايدر و قوش آوى اىچون دە كىز كنارندەكى واسع صحرالره كيدردى . كندیسيله برلكدە بش يوز طوغان، آتماجه و سائر آوقوشلرى

کوتوروردی. ایچریسی یالیزی ، طیشاریسی آرسلان دریسی
ایله اورتولی کوچوک براخشاب اوده اوتوروردی. بونی درت فیل
طاشیردی. سرائیک باشلیجه اکابری اطرافنده آتارله کلیرلردی.
بو اوده اون بیک کشی استیخدام ایدیلیردی . بویوک خان
بولوندیغی یردن چیقماق سزین آوی سیرایدی بیلیردی . بو آلا
ایله بویوک خان واسع براوویه [۱] واصل اولوردی .
اورایه تقریباً اون بیک چادیر قورولوردی . ابتدا چادیرلرک
بری کورولوردی . ایچنه تقریباً بیک کشی صیغابیلیردی .
چادیرک بویوک قاپیسی جنوبه ناظردی . حکومتک اکابری
اوطرفده اقامت ایدرلردی . بویوک خانک مجلس عقد ایتدیکی
دیگر برچادیر متعدد دائره لره تقسیم اولونمشدی . یعنی بویوک
برمحیط ایچنده متعدد خصوصی چادیرلر واردی . موغوللرده
بومحیطلرک هر برینه برچادیر تسمیه ایدرلر . بویوک خانک
چادیرلریندن هر بری معطر آغاج ستونلر اوزرینه مستند ایدی .
تراشیده رسملرله تزین اولونمش ، سیاه و قیرمزی آرسلان دریلرله
اورتولمشدی . چادیرک ایچی قاقم و سمور کورکارله قپلانمشدی .
بونلر چینده بیله غایت بهالی کورکلردر . بوعظیم مقدارده کی
چادیرلر کورولونجه بویوک برشهر مشاهده اولونیور ظن
ایدیلیردی . قبلای بوراده قالدیغی مدتجه یالیکر آوایله
و سرائینک باشلیجه اکابرینه ویردیکی ضیافتلرله مشغول

[۱] موسیو پول بوکا Caciamordin نامنی ویریور .

اولوردى . صوكره پكىنغە عودت ايدردى . هر سەنە بوسياحتى
ياپمقەدە دوام ايتدى .

سەنە

۱۲۶۵

قبلاى پكىنغە عودت ايدىنچە ايمپراطورلغىك اداره سىيە
مشغول اولدى . بوتون اردولرىنىڭ قومانداسىنى غانتونىغە
ويرمىسى كىندىسەنە توصىيە اولوندى . غانتونىغە جىنكىز خانىك
قوماندانلاردىن مشهور موغلىنىڭ دردنجى بىطندىن اولادى ايدى .
غانتونىغە اوزمان يىكرمى ياشىنىدە اولمىقلە برابر احتياطى ، اقتدارى ،
استقامتى ، علامت و جەھىيەسى ، علم و عرفانى حىسبىيە ھەركىسك
مظھىر تەقدىرى اولمىشىدى . باشقىلەرى ايلە غانتونىڭ راس
ادارىيە كىتىرلەسنى مەنسەب كوردىلەر . غانتونىغە بۇكادە مەقتەر
ايدى . چۈنكى ايمپراطورلغىك اك بويۇك علماسى دائىما اونىڭ
سوزلارنىدە مۇجەب استفادە نۇقتەلەر بولىۋورلاردى . غانتونىغە ناظر
تەيىن ايدىلدى . احامەنىڭ خائىز اولدىغى نفۇز عەزىمىدىن واتخاڭ
ايتىدىكى خەت ھەركەتتىن دولايى سىرايدىن اوزاقلاشمىش اولان
ھىۋەننى جەلب ايتىك ايتىدەدى . فقط كىندىسنى اقناە مۇفۇق
اولامادى ، قبلاى غانتونىغە نىظار تەدە بايان [۱] ى دە تىشريك
ايتىدى . بۇ ، امثالە نادىر تەصادىف ايدىلەر بىر مەزىتى خائىزدى .
ھۇلا كۇطرفەندىن كوندۇرلۇشىدى . سونىغە سەچىن ايلە شانغ تەھۋەنى دە

[۱] چىنلىلەر كىندىسەنە پەين دىيورلر . موسيو پول Chinsan
يەنى يۈز كۈز غەۋاتى وىرييور . راھب غوبىل ناظر مەناسەنە كان
تەسەي سىيانغ اولە جەغنى ظن ايدىيور .

ناظر تعین اولوندىلار. صوكره تاي ميائونك يعنى اجداد سالونك
 انشا آتى اكال ايدىلدى. خاطرهلرى تبجيل ايديلهك نه قدر
 حكمدار وارسه بوبنادده او قدر سالون واردى. هر حكمدار
 اسمى و عنوانى برلوحه اوزرينه يازلمشدى. ياننده ديك برلوحه
 اوزرنده زوجه لر ينك اسمى محردى. تآو ياخود بويوك
 سراى عنوانى طاشييان شهرلده انشا آتى اكال اولوندى.
 بوشهر پن كينغك شمال شرقيسنده برقچ Stades مسافه ده
 ايدى. اصل پكينغ ديديكمز شهر بودر. قبلايك زمان
 حكومتنده نه حالده بولونديغى يوقاريد تصوير و تعريف ايتمشك.
 بوتارنخده چوق كره پكينغ ديه ياد ايتديكمز پن كينغ شهرى
 قبلايك پايتختى اولان بوكونكى پكينغك تماميله يرنده دكلدى.
 اوتارنخدرده مائثرى ياخود جنوبى چين طرفلرينه حربه
 كيتمكى دوشونن قبلايه بوسفره سيانغ يانغ وقان چينغ
 شهر لر ينك محاصره سيله باشلامه سى توصيه اولوندى. آچوايله
 ليه ئوچنغ بوايشه مأمور اولديلر، اوالكايه اينديلر. اوراده،
 په نهر ينك منصبنده برموقعى تحكيم ايلديلر. صوكره، موغوللار
 نهر اوزرنده بولونان سفينه لردروننده حرب ايتمكه تعليم ايلديكن
 صوكره، يتمش بيك كشى ايله سيانغ يانغ محاصره يه ايلدرا ۱۱.
 بواشاده تاتارستانده يكي اغتشاشات چيقوردى. قبلايك
 يكنى اولوب وقتيله منكو خان طرفندن شيرامونك طرفنى

التزام ايتديكندن دولاي نفي ايديش اولان قايدو Caidou
 آمالىغ الكاسنده اولدجه مهم بردولت تشكيل ايتمش ،
 تورقانىك شمال و شمال شرقىسندە و آلتاي داغلرينك شمالنده غوبىل
 بولونان عشيرت رئيسلرينى كنديسنه جلب ايش ايدى . فقط
 بو عصيان همان درحال باصديرلدى . قايدو مغلوب و آمالىغه
 فراره مجبور اولدى . بومظفريت نتيجهسندە قبلای آرتق
 يالكىز چين محارباتيله اشتغال ايدە بيلدى . بوسفر اچون
 كوندريله جك عساكر ك قومانداسنى شەتيەن چەيە ويردى .
 ايغور ، ايران ، عربستان ، قاپچاق ، آبخاز Abcas الكالر-
 ينك برچوق اكابرى ايله سائر تاتار عشيرتلىرى رؤساسى ده
 آرقەسندن يوروديلر . اوچ يوز بيك كشى يە بالغ اولان
 بواردو سيانغ يانغە كيتدى . برعربده [۱] غربايلردن
 مركب برقول ايله ، هرطرفده آقنلر يامق اوزره سەچوئن
 داخلندە چينغئوده قراركاد تأسيس ايتدى .

سنه

۹۴۶۹

ايمپراطورلغنىك حدودلرينى توسيع ايتىك اوزره قبلای
 بو بويوك سفرلى آچديغى صيراده سرايندەدە تبعەسندن
 اولان موغوللرى كيتدكجە دها مدنيلاشديرمك ايله مشغول
 ايدى . موغوللار آرتق علومە انتساب ايتىكە باشلامشلىردى .
 ايغور حرفلرينى قوللانيورلردى . فقط رسمى وثائقده بونلره
 چين حرفلىرى ده علاود اولونيوردى . قبلای كندى ملتىك

[۱] چينلر كنديسنه سارتيەن چە ديرلر . اصل اسمى عمردره

خسوصی حرفلری اولماسی باعث شان و شرف اوله جغنی
 دوشوندیکندن پاسه پای یکی حرفلر ایجادینه مأمور ایتدی .
 چین ، تبت ، ایغور ، هند ، حتی غرب اقوامنک بيله حروفاتی
 مکمل صورتده بیان بولاما بونلرک هپسینی تدقیق ایتدکدن
 صوکره اولاجین حرفلرینی برطرف ایتدی ، هر شکلی برحجا
 افاده ایدن الفبائی حرفه اهمیت ویردی ، بونلردن بیک دانه
 ایجاد ایتدی . قبلاى برخط اصدار ایدهرک محاکمه بو حرفلرک
 استعمالی امر ایلدی . بونلره یکی موغول حروفاتی نامی
 ویرلمشدر . چینلیلر اسکی حرفلرینی محافظه ایتدیلر . ایغور
 حروفاتنه آلیشغین بولونان موغوللر پاسه پانک حرفلرینی اوکرنمک
 خصوصنده پک زحمت چکدیلر . یکی فرمانلره لزوم کورولدی .
 پاسه پانک مساعیسنه بویوک ستایشلرله مقابله ایدیلدی . بر فرمان
 ایله قبلاى کندیسنه قرال عنواتی ویردی .

ناظرلر آراسنده نفاق الآن دوام ایدیوردی . استقامتلیرى
 مجرب اولانلره قارشى شبهه لر دعوت ایدهرک کندیلرینی
 اوزاقلاشدیرمغه چالیشان احامه ، لیهن هی هیه نی طرد ایتدیرمکه
 موفق اولمشدی . مع مافیله لیهن هی هیه ن معصومیتنی اثبات
 ایتدیکندن وظیفه سنه اعاده ایدیلدی واحامه یی محو ایچون
 چینلیلر ایله برلشدی . فقط نظام الدین اسمنده برضابطک
 بغیر حق حبس ایدیلمه سی وسیله سیله یکیدن اهمال وتسیب ایله
 اتهام اولوندی . قبلاى بوضابطک تخلیه سنی امر ایتمشدی .

سنه
 ۱۲۷۰

اوصیراده طیشاریده بولونان لیهن هی هیه نك معیتی ضابطانی
 بوایشی اونوتدقلری جهتله احامه کندیسنی قبلای نزدنده
 چکیشدیرمك ایچون بونی فرصت بیلدی . ایکنجی دفعه عزل
 ایدیان لیهن هی هیه نك اوینه چکیلدی . اوراده فیلسوفانه
 یاشادی . قبلایك حرمت و تقدیرینی هیچ غائب ایتمه مشدی .
 چوق کره کندیسنك ستایشنده بولونان قبلای بواسکی ناظرینك
 اوندنه نه یایدیغنی مراق ایتدی . احامه درحال قوم دیالرو ضیافتلر
 ایچنده وقت کچیردیکنی سوبله دی . بوسوزلردن جانی صیقیلان
 بویوك خان لیهن هی هیه نك بویكی اکلنجه لری دوشونه مه یه جك
 قدر فقیر اولدیغنی بیان ایتدی . لیهن هی هیه نك ایغور قطعه سندن
 ایدی . قونقوچیوس مسلكنه سالکدی . محمدیلرك ، بونز
 یاخود لامالرك وبونزلرك دیکر برنوعی اولان تائوسلرك دشمنی
 ایدی . قبلای بودینلره قارشى کوستردیکی اثرارتباطدن
 تبعید ایتمه دایما چالیشمشدی . تائوسلردن بری قبلایه بر
 ایچکی تقدیم ایدیوردی . کندی مذهبنجه بواچکی اونك
 عمرینی آرتیراجق و اولومندن صوکرده باعث سعادتى اولاجقدی .
 بوبابده فیکری نه اولدیغنی قبلای لیهن هی هیه نك صورمشدی .
 اوده بومذهبك اساساتی غایت اینجه صورتده هجوایتدی . بونوع
 بونزلری هیچ طانیماش اولان ایپراطور یا ئوایله شونك
 اوزون عمرلری و فضیلتلری حتمنده اوزون اوزون ایضاحات و یردی .
 قبلای پاسه پا طرفندن تکلیف ایدیلن قواعد و دساتیره رعایت

ایتمه سنی کندیسنه سویله دیکی زمان لیهن هی هیهن قونفوجیوس
مذهبنه منسوب اولدیغنی جواباً بیلدیردی . بوفیلسوفاک
تلمیذلرینک اکابرک حکمدارلره غایت صمیمی صورتده سوز -
سویله مەلری وبرچوچوغاک اجدادینک اساساتی محافظه یه
اعتنا کوسترمه سی حقنده درمیان ایتدکلری وصایای آکلاتدی .
بوجواب احامه نک حرکاتنه قارشى برایمائی احتوا ایدیوردی .
چونکه ارتکاب ایتدیکی جرائمه رغماً ینه قبلایک اعتمادینی
حائز بولونیوردی . کذلک جنکیزخانک امری خلافنده
اوله رق سرایده برچوق بونز استخدا م ایدیله سینه قارشى ده
برایمائی حاوی بولونیوردی . خطالرینک اخطار ایدیله سندن
پک خوشلانان قبلای بوناظرک سجه سنی واستقامتنی پک تقدیر
ایدردی . فقط احامه نک بول بول تدارک ایتدیکی پاره اونک
حرکاتی ولیهن هی هیهن کی برناظردن صورت استفاده سی
حقنده کوزلرینی قاپایوردی .

خزیننه یه برچوق پاره جلبنه معطوف یکى پروژهلرله قبلایی
آلاتمقدن کرى دورمایان احامه بویوک خان نزدنده اودرجه
صاحب نفوذ ایدی که اوغلنک حرب نظارتنه تعین ایدیله سینه
موفق اولدی . بوتون شهزاده لرله اکابر وبالخاصه قبلایک بویوک
اوغلی چینگقین وهیوهنغ بوکا قارشى محافظه سکوت ایدمیدیلر .
بابا واوغله بوقدر مهم موقعلرک تودیعی تهلیکه لی اولدیغنی علناً
سویله دیلر . احامه هیوهنغی اعتراضدن منع ایتک فکريله

بر نظارتہ تعیین ایچون چالیشدی. بورادہ کندیسنی موفقیتسز لکه
 اوغراتمق امیدندہ ایدی. فقط اونک مقصدینی فرق ایدن
 هیوہنغ نظارتی قبول ایتدی. بویوک خانہ بر عریضہ تقدیم
 ایددرک بوندہ احامہ بی کندیسنی اغفال ایتک، حکومتی ییقمق
 وخلق ازمک ایله اتہام ایلدی. قبلاک بوسوزلرہ پک آز
 اہمیت ویرمہ سی کندیسنی کدردن خستہ ایتدی. اونی تسلیہ
 ایچون بویوک خان، اولجہ تکلیف ایتش اولدیغی مکتبلری
 واقادہ میلری انشا ایتدیرہ جکینی وعد ایلدی. احامہ نک
 سرایدہ کی نفوذ عظیمہ خلل کلدی. قبلایدہ بولونان دیگر
 برقصور بونزلرہ پک چوق اعتماد کوسترمہ سی واونلرک خولیارینہ
 اینانماسی ایدی. بونزلردن بری [۱] سلالہ سہنہ یوئن نامنی
 ویرمہ سنی تکلیف ایتدی. ئی قینغک ایکی شکلی حقندہ مغلق
 شیلرلہ دولو معما آلود، افکار باطلہ [۲] ایله آلودہ بر خطرہ
 یازدی. بو شکلردن بری سمایی دیگر ارضی افادہ ایدیوردی.
 کیمسہ بونلردن برشی آکلامادی، حتی بونزک کندیسنی بیله.
 فقط قرون عتیقہ ایشلرینہ غایت واقف اولمق شہرتی سایہ سندہ
 بوتکلیف ایتدیکی شیلری قبول ایتدیردی. نہ دیدیکینی
 آکلامادقلری حالہ کندیسنی پک مدح ایتدیلر. قبلا
 نشر ایتدیکی برخطدہ عائلہ سہنک یوئن اسمنی طاشیہ جغنی

سہنہ
 ۱۲۷۱

[۱] اسمی لیہ ئوپینگ چونغدر.

[۲] چینجہدہ قیہن، توئن.

اعلان ايتدی . اوتارنخدن صوکره چینلیلر موغول سلاله سینه
دائما بو اسمی ویرمشلردر .

قبلايك عسا کری سه چوئن وهوقو آنغ داخلمده ایدیلر .
اورالرده اوتیه بریه بعض آقینلر یامقله اکتفایدیورلردی .
سه چوئن ولایتندە کی عسکرک باشنده بولونان عرب قوماندانی
سه چوئن ولایتک هنوز چین ایمپراطورلرینه تابع بولونان
بوتون اقسامنی تخریب ایتک امرینی آلدی . موغوللارده تابع
بولونان دیگر قسم برمدت هر دورلو مکلفیتدن آزاده قالدی .
سیانغ یانغ وقان چینغ قارشیشنده بولونان عسا کر سپرلرینی
محافظه ایتکله اکتفا ایدیورلر وبوایکی شهری آخلق یوزندن
ضبط ایتک ایسته یورلردی . برمدت اول [۱] چینلیلر هان
نهرینک فیضانندن استفاده ایدهرک اورایه ارزاق ادخال ایتک یولنی
بولمشلردی . فقط چکیلیر کن مغلوب اولمشلردی . عینی تاریخلرده
لووه نته نک وقوع وفاتی [۲] چینلیلرک ایشنی بوتون بوتون برباد حاله
قویدی . جسارتی وفن حربده کی وقوفی حسبیلله موغوللر
کندیسنندن قورقارلردی . شهرک والیلکینه اونندن صوکره
لووه ن هو آنغ تعیین اولوندی . چینلیلر شهره یکیدن ارزاق
کوندرمکه تشبث ایتدیلر ؛ بردونانما حاضرلادیلر . دونانمایه
یوز بیك عسکر ارکاب ایتدیلر . فقط لومن ده موغول

[۱] ۱۲۶۹ تاریخنده .

[۲] ۱۲۶۹ سنه سنک ایکنجی شهر قمریسنده .

قوماندانی بولونان آچوچین دونانماسنی داغیتدی و جبخانه سنک
بویوک بر قسمتی اله کچیردی .

سنه

۱۲۷۲

موغوللر سیانغ یانغ محاصرہ سنه شدتله دوام ایتمه مکله
برابر شهر والیسی او قدر صیقیشمشدی که موفقیتلی هیچ بر خروج
حرکتی یاپه مادیغی ایچون امداد ایسته مک اوزره غان لو والیسنه
بر آدم کوندر مک تشبث ایتدی . بومناسبتله بویوک اوت
دمتلیری یاپدیردی . دمتلردن برینک ایچنده صویه دالماسنی
ویوزمه سنی بیلن بر آدم واردی . بو آدم برشی یمه دن ایچمه دن
صو آلتنده قاله بیلیردی . غان لو والیسنه تبلیغ اولونه جق
سوزلر بال مومی اوزرینه صاچلرینک ایچنه یازلمشدی . موغوللر
کندیسنی توقیف ایتدیلر ایسه ده بویوک بر تجربه صاحبی
اولان و افندیسنه غایت صادق و مربوط بولونان غان لو والیسی
لی تینغ چی هان نهرینه دو کولن بوتون چای و ایرماقلرک منصبلرینی
محافظه امرینی آلمشدی . سیانغ یانغ امداد کوندر مک
تشبثنده بولوندی . یوزدانه خفیف و آتی دوز قایق یاپدیردی .
اوچ بیک عسکر بونلره بینمکه طالب اولدیلر . جسارتلریله
مشهور اولان چانغ قوئه یوایله چانغ شون بو کوچوک دونانماک
قومانداسنی درعه ده ایتدیلر . دونانما قوئه ئوهیانغ طریقله
هان نهرینه کیردی . اوراده صف حرب ترتیب ایتدکن
صو کره مخالف روزکاره و دالغهلره رغماً موغوللرک سپرلری
او کندن کچدی . موغوللر دونانمایی مشاهده ایدنجه زنجیرلری

کردیلر ونهره برچوق صندال ایندیردیلر . فقط زنجیرلری
کسمکه موفق اولان چانغ شونک جسارتی قارشیسنده کری
چکینمکه مجبور اولدیلر . بوقوماندان بویوک برحرارتله
چارپیشدی . برچوق اوق ایله وجودی دلینش و بی روح برحاله
کلمش اولدیغی حالده بولوندی . چین دوناتماسنک دمدار قوتنه
قوماندا ایدیوردی . باشده بولونان چانغ قوتنه یی قورتولمق
سعادتنه نائل اولمش ، ارزاقک برقسمیله سیانغ یانغه بکیرمشدی .
اونک ورودی عمومه بویوک برانشراح و ممنونیت بخش ایتدی .
چانغ قوتنه یی وظیفه سنی بوقدر مکملیت ایله ایفا ایتدگدن
صوکره یکی امداد کتیرمک اوزره غان لویه عودت ایتمکدن
باشقه برشی دوشونمیوردی . ابتدا غایت عزیمورر ایکی کشی یی
کوندردی . بونلر اوقدر ماهر یوزکچ ایدیلرکه صوالتنده
برقاچ کون قاله بیلیرلردی . بونلر یوزه یوزه غان لویه کیتدیلر
وعینی صورتله سیانغ یانغه دوندیلر . کتیردکلری خبره نظراً
لی تیغ چی لوزغ اوته یی چه ئوده سیانغ یانغه کوندرمک
اوزره بش بیک کشی تسلیح ایتمشدی . درحال چانغ قوتنه یی
برمقدار عسکرله بونلری استقباله کیتمکه قرار ویردی . فقط
جزادیده ایتمش اولدیغی برنفر موغوللرک نزدینه قاچه رق
هرشیئی اخبار ایتدی . مع مافیه چانغ قوتنه یی عزیمت اشارتی
ویرمکدن کری دورمادی . دشمن طرفندن کریش اولان
زنجیرلری بالطه لریله وجریانک یاردیمیله کسیدی . مزاراقلرله

و آتشی او قىلرله سپرلرینی تخریب ایتدی، صانداللرینی داغیتدی،
سین چینگه قدر ایلرله دی. موغول قوماندانلری آچو ايله
ليه ئوچینگ صانداللرینی طوپلادیلر، محاربه یه چىقدیلر،
چانغ قوئەیی نك قە ئولین تان ولونغ اوئەیی چە ئویە یاقلاشماماسی
ایچون اللرندن کانی یاپدیلر. بو محاربه ده برچوق تافات
وقوعه کلدی. بوصیراده اوزاقدن بر طاقم بایراقلر کورولدی. چانغ
قوئەیی بونلری کندیسنك امدادینه کان بش بیک کشی ظن
ایدەرك پك سويندی. فی الحقیقه غان لوعسا کری یوله چیقمشلردی.
فقط مخالف هوالر کندیلرینی عودته مجبور ایتمشدی. شیمدی
کورونلر لونغ اوئەیی چە ئوده اخذ موقع ایتش اولان موغوللردی.
چانغ قوئەیی یی قوشا تدیلر. چانغ قوئەیی اسیر دوشدی،
قوماندان آچونك حضورینه کوتورلدى. اوراده، سونغلر
ایمپراطورندن باشقه بر متبوع طانیمايه جغنه یمین ایتدیکی ایچون
در حال اولدی رلدی. نغش درت اسیر ايله سیانغ یانغه کوندریله رك
اوراده چانغ شونك یاننده دفن اولوندی. حتی خاطره لرینی
تجیل ایچون بر صالون بيله یاپلدى.

موغول اردوسنده برایغور ضابطی اولان علی یایا، سیانغ
یانغ محاصره سنك پك چوق اوزادیغنی کوره رك قبلایه غریبدن
برزنبرك اعانه سیله یتش بش کیلو آغیرلغنده طاشلر آتە بیلن
ما کنه لرك جانبی تکلیف ایتدی. بو سایه ده سیانغ یانغی
وقان چینگى آز مدته ضبط ایدە بيله جکنى ادعا ایدیوردی.

قبلاى بونصیحتی قبول ایتدی. اوتاریخده کندیسنگ سرائینده.
بولونان مارق پول ایله پدری و عموجه سی خرسیتیان مرانغوزلرینه
بولماکنه لردن اوچ دانه سنی یایدیردیاز. یاپیلان مانجیققلراوقدر پول
بویوکدی که یوز الی کیلو آغیرلغنده طاش آتەبیلیرلردی.
تجربه لری پکینغده اجرا ایدیلدی. علاءالدین [۱] و عثمان [۲]
اسمنده ایکی مسلمان بونلری محاصردیه کوتورمکه مأمور
اولدیلار. بونلر مانجیققلری قانچینگ قارشیدسندە قوردیلر.
ماکنه لر چوق کچمه دن سورلرده کدیکلر آچغه موفق
اولدی. موغوللر برهجوم یایدیلر. واروشلری ضبط ایتدکن
صوکره قانچینگ سیانغ یانغه ربط ایدن وبوصورتله ایکی
شهرک بربرلرینه معاونت ایدەبیلمه سنده امکان ویرن کوپرویه
هجوم ایلدیلر. بوهجومه قوماندا ایدن آچو دیرکلری،
قازیقلری و زنجیرلری معلقده طوتان رابطهلری کسیدردی،
قاییققلری آتسه ویردی. صوکره هان نهرینگ ساحلنه سیانغ
یانغ ایله قانچینگ آراسنده هردورلومراسله ومناسبتی کسمک
ایچون عسکر اقامه ایتدی. عسکرلری سورلری طیرماندیلر
وقان چینگ قایلیرینی اله کچیردیلر. بوشهرده قانتیه ن شون
ایله نیه ئوفو قوماندان ایدیلر. قانتیه ن شون شهرک ضبط
ایدیلدیکنی کورنجه یالکیز افندیسی ایمپراطور اوغورنده صادقانه.

سنه
۱۲۷۳

[۱] چینلیلر بوکا آلتاینگ دیورلر.

[۲] چینجه ده کی ایسمن اسمنی بوصورتله یازیورم.

اولمك ايسته مكله قالماديغنى، اولد كدن صوكرده روحنك اونك
تبعه سندن اولماسنى آرزو ايتديكنى سويله يهرك اتخار ايتدى .
نيه ئوفو يوز عسكرله سوقاقلرده مدافعاتده بولوندى ، برچوق
موغول اولد يردى . بويوك صيريقلىر دوشركن دشمنى ازسونلر
وسوقاقلرى آتشله دولدورسونلر ديه كنديلرى اولره آتش
ويريورلردى . نهايت ، متعدد اصابتلرله وجودى دليك
دشيك اولونجه كيدوب باشنى برستونه چارپدى . آلور ايچنه
آتيله رق ترك حيات ايتدى . ياننده بولونان عسكرلرله ضابطان
حكمدارلرينه قارشى عيى مربوطيتله متحسس اولدقلىرى
اونلرده آتشه آتلديلر . شهر پك چوق بهالى يه مال اولدقدن
صوكره موغوللار طرفندن ضبط ايدىلدى . بوشهرلر صوك
درجه ده صيقيشمش بولوندىلر صيرالرده چينليلىر قاتوتايى
برا دو ايله سيانغ نانغك [۱] امدادينه كوندرمىلردى . فقط
بوقوماندان لووهن هوآنگك دشمنى اولديغى ايچون لووهن
هوآنگ ، شهر ك فنا حالد بولونماسنه رغماً ايمپراطوره يالكز
باشنه مدافعه يه قادر اولاييله جكنى عرض ايتدى .

قان چينغك ضبطندن صوكره موغوللار بوتون ما كنه لرىنى
سيانغ نانغ پيشگاهنه طاشيديلر . استحكamat اوزرينه بنايديلمش
اولان براخشاب سپر درحال غايت مدهش بركورولتو ايله
ييقيلدى ومحصورى يأسه دوشوردى . على يايا سورلر

[۱] موسيو پول بوكا سيانفو ياخود سانيفو ديور .

یا قلاشیدی ، لوودن هوآنغه شرفلی بعض شرائط صالحیه تکلیف ایتدی . اوده قبول ایلدی . بونک اوزرینه شهر موغوللره تسلیم اولوندی . موغوللر شهره صاحب اولدیلر . قبلائی قوماندانلرینه برچوق التفاتده بولوندی . لوودن هوآنغه قبلایه عرض تعظیبات ایتک شرفنه نائل اولدی . یاپدیغی حرکت بوتون چینلیلر طرفدن تقبیح ایدیلشدر . چینلیلر اوننی برخاشن کی تلقی ایدرلر . یوکسک موقعلر اشغال ایدن برادری ، یکنلری وبوتون اقرباسی چین ایمپراطورینه عرض حاللر ویره رک کندیلرینی قباحلی عدایتدیلر ، استعفالرینی تقدیم ایلدیلر . وطنه خیانت ایتمش برآدمک اقرباسی اولمق فلاکتیه معروض بولونقلرینی آکلاتدیلر . فقط عینی عائلهیه منسوب اولان مناظر قیاسه تائو بو عرض حاللارک ایمپراطورک الیه قدر کیتمه سینه مساعدده ایتدی . بوایکی شهرک ضیاعی مسئولیتنی کندیسینه اردونک قومانداسی تودیع اولنماسینه عطف ایلدی .

دیگر طرفدن ، موغوللر بوایکی شهرک ضبطندن استفاده ایدرک چینلیلره قارشى اولان حربه دهها شدتله دوام ایتدیلر . بوتون اردولرک قوماندانی تعیین ایدیلن بایان ، پولوهان ایله لیه ئوچینغی قیازغنان داخلنده یانغ چه ئویه سوق ایتدی ؛ لوودن هوآنغه قارهیه چیقاریله جق عسا کرک قومانداسینی ویردی . کندیسیده هان نهریله سین این شهرندن آیریلش اولان غان نو اوزرینه یورودی . چینلیلر هان نهری اوزرینده

بویوک برطاقم کیلری بربرلرینه باغلامشیر ، دمیر زنجیرلر
 کرمشیر ، صویک ایچنه بویوک دیرکلر آتهرق مروره مانع
 اولق اوزره بونلری بربرلرینه ربط ایتشلردی. غانلو شهرنده
 طاشدن سورلر واردی . ارزاقده مبدول ایدی . بایان ،
 معیتنده کی قوماندانلرک توصیه سی وجهله ابتدا بوقلعه نی
 قوشانه جق یرده هیچ بکلنمه یین برمانوره یاپدی. چوق مقدارده
 اودون وبامبو کسیدردکن صو کره قوماندان لی تیغه کیدوب
 هوآن قیائوآن مونغه هجوم ایتمه سی ایچون امر ویردی. بوراسی
 درحال ضبط اولوندی . بونک اوزرینه اودونلری وبامبولری
 ایله برچوق صاندالی تنغ کولندن غان لونک اوست طرفنده
 هان نهرینه نقل ایتدیردی . صو کره ، شهرک قوه محافظه سندن
 ایکی بیک کشیلک برقوتی مغلوب ایلدی . بوکا قوماندا ایدن
 ضابط بویوک برجسارت ایله مدافعه ده بولونمشیدی . فقط
 بایان کندی ایله بوضابطی اولدیردی. بایان شایانغه یاقلاشدی.
 شدتلی بر روز کارک یاردیمیه بو شهرک اولرینی یاقغه موفق
 اولدی . یانغین چیقارمق ایچون اریمش آتشیلی ماده لر آتان
 ما کنه لر [۱] استعمال ایتشدی . شهره کیردی . سین
 چینغده بویوک بر مقاومتیه معروض قالدی . والی پیهن قو
 اسلحه ناریه سیله ابتدا موغوللاری کريله مکه مجبور ایتدی .

[۱] . کاقین شی پائو یعنی اریمش معدن مانجینیخی یا خوداریمش
 معدن آتان مانجینیق دیرلر .

فقط کثرت عددیه سببیه سورلر زورلاندی . پین قو بدننه
بر قیلیچ صاپلادی ، نیم اولو بر حالدہ آتش ایچنه آتدی
وترک حیات ایتدی . معیتندہ کی اوچ بیک کشی ھپسی
سلاح الدہ اولدیلر . جسارتلری موغول جنراللارینی
حیرتدہ براقدی .

سنه

۱۲۷۴

بو قدر بویوک مظفریتدن صو کرہ بایان بوتون ضابطلرینی
تسای تیهن ده طوپلایه رق قیانغ نہرینی نہ زمان ونہ صورتلہ
کچمک مناسب اولہ جغنه دائر مذا کراتدہ بولوندی . چین
اردولرینک باشندہ بولونان ھیا قوئہ پی نہرک امتدادنجہ
موجود بوتون مواقع مهمہ پی تحکیم ایتمش ، یانغ لوپویہ سکیز
بیک کشی قویمش ، قیانغ اوزرینہ غایت ای مسلح وچوق
مقدارده صندالر چیقارمشدی . بایان ایجاب ایدن بوتون
تدابیری اتخاذا ایتدکن صو کرہ قوماندان ھارغانی غایت مهم
بر موقع اولان شاووقہ ئویہ هجومہ مأمور ایتدی . دھا اول ،
ھان یانغی محاصره ایتک ایستر کبی داورانمش ، ھیا قوئہ پی ده
اورانک مدافعہ سنہ قوشمش ایدی . اونک غیبوتی ائناسندہ
ھارغان وظیفہ سنی ایفا ایلہ شاووقوئہ پی ضبط ایتمش اولدیغی
جهتله بایان درحال صاندالارینی لون نہرینہ صوقدی وقیانغ
نہری ساحلندہ قرارکاه قوردی . بو بویوک نہری اک ابتدا
کچن آچو آقشامہ دوغرو چین شان قیہ کیتدی ؛ یرتہ سی
کونی شاچوئن آطہ سی قارشیسندہ کوروندی . اورادہ

شی قه پی ایلریتدی . چینلیلر اونی پوسکورتدیلر . فقط
 شی قه پی صاندالار اوزرنده تعقیب ایتمکه اولدیغی جهتله
 چینلیلری کريله مکه مجبور ایتدی . دشمنك مقاومت شدیدله -
 سنه رخمأ عسکرلرینی قارهیه چیقاردی ونهرك ساحلنده تحصن
 ایلدی [۱] . بایان صوکره بوتون اردوسیه نهری کچه رک
 آچو ایلله برلشدی . فلاکت تقدیرنده رجعت ایده جک بر
 نقطهیه مالک ازلق املیه ووجانغ فویی محاصره ایتمکه قرار
 ویردی . بونک اوزرینه هان یانغ شهری عرض تسلیمیت
 ایتدی . موغوللارک مروزدن خبردار اولان هیاقوئیه قیانغ
 ساحلنده اوچ یوز صاندالی یاقدی ، قاچدی . موغوللره
 انتظار ایتکی مناسب کورمه یین بر چین فرقه سی چکیلدی . ووجانغ فو
 قوه محافظه سی آرتق هیچ برامدادامیدی قالمایجه تسلیم اولمق قرارینی
 ویردی . لووه ن هو آنغ باشلیجه ضابطلرله دفعات ایلله مذاکراتده
 بولونمشدی . بومذاکرات اونلری تسلیم اولمغه اقناع ایتمشدی .
 بو صورتله قیانغ نهری بویینده قوماندانلق ایدن بعض چین
 ضابطلرینی جلب ایتدی . هر کون بایانه بر طاقم چین ضابطلری
 کله رک عرض تسلیمیت ایدیورلردی . فقط بولردن استفاده
 ایتمکه برابر کندیسنه مقاومت کوسترمکه جرأت ایدنلری
 تقدیردن خالی قالمایوردی . اونلرک صداقتلرینی مدح ایدیور،

[۱] اون ایکنجی شهر قریده . ۱۲۷۵ سنه سی کانون ثانیسنک

موغوللار كىندىلارنى اولدىرەلەرىنە مانع اولويوردى . چىن
ضابطلارندىن بىر چوڭنىڭ فرارىنە قىياسە تاۋونىڭ سۈۋ ادارەسى
سبب اوليوردى . قىيە ئوقيانغ واليسى اولوب كىندىسەنە بىر
محكمەدە بىر وظيفە وىرلىك اوزرە بورادىن قالدىرىلان لوشى-
قوۋەتى، حقنەدە اعتمادسىزلىق بىلىندىكىنە زاهاب اولەرق ادارە
ايتدىكى شەھرى بايانە تسلىم ايتدى . بىر ضىافتدە ايمپراطور
سالالەسىندىن ايكى قىزى بىر قوماندانە تقدىم ايدىن اودىر . بايان
لوشى قوۋەتى يە قارشى عدم ممنونىت اظهار ايدىرك بو قىزلىرى
كرى كوندرمىشدر . غان قىنىغ ونان قانغ شەھرلىرى عىنى تارىخىدە
تسلىم اولدىلار . فقط لىيە ئوچىنىغ ، يانغ چە ئو طرفندىن قىيانغ نەرىنى
كچەمدى ، ووچانغ فونىڭ ضبط ايدىلدىكىنى ، قىلبا نىفرت بىسلەدىكى
لوودەن هو آنىڭ مظفرىت قازاندىغىنى خبر آلنىجە كىدرىندىن وفات
ايتدى . چىنلىلار موغوللارنى طرد اىچون غىرتلىرىنى آرتىردىلار .
قىياسە تاۋونىڭ يوز اوتوز بىك كىشى قومانداسىندە وبويوك بىردونانما
ايله قىيانغ نەرىنە كىردى ، اوھودە اخىزموقع ايلدى . ھىاقوۋەتى
دونانماسىلە بونقەطەدە او كالتىحق ايتدى . فقط چىن ناظرىنىڭ
بو حرىكتى صالحى طلب ايتىمكىن باشقە بىر شىئە منجر اولمادى .
كىندىسىنىڭ حىلە كارلىغى بىلەن موغوللار صالحە قطعىي راضى
اولىق ايسەمدىلار .

بايان اوزمان قىيانغ ناندە ايدى . شەھرى محاصرە ايدىيوردى .
والى بولونان چاۋماۋ فامو غوللار شەھرى جىبرا ضبط ايدە جىكلرىنى

كوردەرك قارىسىنى چاغىرتىدى ، نە افندىسى ايمپراطورە صداقتىنىڭ
ايتىمىگە ، نە مەلىكەنىڭ اجىيىلار طرفىدىن استىلاسىنى كوردەمگە تەمىنلەپ
ايدەمەيە جەتكەن سويلەدەگەن سوكرە اتخار ايتىدى . قارىسى دە
اونىڭ مەننى تەقىب ايلەدى . بونىڭ اوزرىنە بايان شەرە كىردى .
والى ايلە زوچە سىڭ حىيات علويەسىنى پىك سىنايشلە ياد ايتىدى
واونلارە قارشى چىن مەراسىمنى دىز چوكرەك ياپىدى . خەلق
بايانى بويلە كورنچە والىلرىنە سىڭ ايدىيور وموغول جىنالىنى
تەقىر ايلەيوردى . بايان سوكرە يىكى چىن اردوسىنە قارشى
يورومىگە خەزرلەندى . قىياسە تاۋ لوھيانغەدە ؛ سەون ھە چىنغ
تىمىش بىك عىسكرلە تىنغ قىياچە ئودە ، ھىياقوئە يى ايكى بىك بىش يوزكى ايلە
قىيانغ نەرى اوزرىندە ايدى . فقط ھىياقوئە يى بەزى احوالدىن مەشتەكى
اولدىغى جەھەتلە مەھار بە ايتىمك ايسەتە ميوردى . بايان سالىر اوزرىنە بىر
چوق اوت وصامان يوكلەدەگەن سوكرە چىنلىلەك كەيلىرىنى
ياقە جىغنى اعلان ايتىدى . سوارى وپيادە قوتلىرى قىيانغ نەرىنىڭ
ايكى ساحلى بونچە يورودىكى ائنادە كەندى عىسكرلرىنە مەھار بەيە
خەزر بولونما لىرى امر ايلەدى . چىنلىلەر مەيقىظ بولونماقلا كەتفا
ايدىيورلردى . فقط مەھار بەيە پىك مەيلى دىكلەيلەر . بايان ھوچىنغىك
قومانداسى آلتىندە بولونان دىشمەن فرەقىسى اوزرىنە بويوك طاشلار
آتدىردى . عىنى زماندە آچو سانداللىرىلە ھجوم ھەركەتى ياپىدى .
چىن قوماندانى بو ائنادە مەتفرشە سىڭ بولوندىغى ساندالە
كچمك ايسەدىكى جەھەتلە مەيتىندەكى عىسكر فرار ايتدىكەنە زاھب

اولدىلار . بوروايت بوتون اردويه انتشار ايتدى . قوماندانلار
بيله قاچدىلار . بايان طرفدن مظاهرت كورن آچو بر چوق
چينلى اتلاف ايتدى . قياسه تائو ايله هياقوئەنى ھوچنغك اغير
مؤاخذاتنه معروض بر حالده قاچدىلار . ايشتە چين قوماندانلارى
آراسنده حكىم سورن نفاقك نتيجهسى بو اولمشدر . چەقيانغ
وقيانغ نان ولايتلارى داخلندە تلاش و ماؤوسيت غايت عمومى
اولدى . قوماندانلار ك قسم اعظمى موقعلارنى براقدىلار . موغوللار
قيانغسى داخلندە تائوچە ئويى ضبط ايتدىلار . بو شەرك ضابطلارندن
بعضيلرى تسليم اولمقدن ايسە اتخار ايتكى مرجح كوردىلار .
سيانغ قينغ واليسى ممكن اولدىغى قدر چوق مقدارده آلتون ،
كوموش واپك آلەرق چكىلدى . بر چوق ضابطلار سرائى
ترك ايتدىلار . ھېسى والى قياسه تائودن غير ممنون ايدىلار . بو
ناظرە اطاعت ايتمكدن ايسە دولتك باتدىغى كورمەنى ترجيح
ايدىيورلردى . وانغسى لين اونك بو باعث خجالت قرارىنى
خبر آلنجه اقربالرينە ، دوستلرينە بويوك بر ضيافت وىردى
وضيافتى اتخار ايله نتيجه لندىردى .

پايتختك تحت تەھيددە بولوندىغى بو احوال مؤسففە ايجندە ،
ايمپراطورك بويوك والدهسى بولونان نائبە حكومت ايمپراطورچە
بوتون بو فلاكتلار ك عاملى بولونان قياسه تائويى عزىل ايتمكە
قرار وىردى ، بياننامە لرنشرايدەرك بوتون ضابطانى وظيفەلرنى
ياپمغە وايمپراطور اغە ياردىم ايتمكە تشويق ايلەدى . چانغشى قياى

موغوللردن یا ئوچە ئوي استرداد ايتدی . ون تیهن سیانغ بوتون اموالی صاتەرق بونلرک بدلیله اون بیک عسکر حاضرلادی . دها بر چوق ضابطان ده . بومناسبتله ایمپراطوره قارشى اظهار صداقت و مربوطیت ایتدیله . فقط بایان فعالیت و احتیاط کارلغیله اونلرک بوتون تدبیرلرینی آلت اوست ایدیور و بر چوق شهرلری اله کچیریوردی [۱] . ووچانغ فونک ضبطندن صوکره اورایه والی تعیین ایدیش اولان علی یایا چینلیلری مغلوب ایتیش و او ده بعض شهرلر ضبط ایله مشدی . [۲] بونک اوزرینه چین سرایى قبلایک چوقدن بری محبوس طوقدقلری سفیری ها ئوقینغی تخلیه ایتک قرارینی اتخاذ ایتدی . موغوللر یانغ چه ئویه تقریدن کری دورمایورلردی . اوراده والی بولونان لی تیغ شی اوزون مدت محاصرهیه مقاومت کوستردی . چینلیلر چانغ چه ئوي استرداد ایتدیله . چانغ شی قیای طویلادیغی بر چوق سفائن ایله موغوللری طردایچون یاقلاشدی . فقط آچو آله ولی او قذرله چین دونانماسنده یانغین چیقاردی . چین عسکرلری شدتلی بر مقاومتدن صوکره کندیلرینی نهره آتدیله . چینلیلردن یدی یوزدن زیاده قایق ضبط ایدیلدی . متباقیسی ده داغیلدی . بو فلا کتدن ذره قدر نومید اولمایان چانغ شی قیای مرکزدن یکی قوه امدادیه استحصال

[۱] چانغ چه ئو ، سوچه ئو ، تسی اینغ هو ، های چه ئو شهرلری .

[۲] بوچه ئو ، قینغ چه ئو ، غان لو شهرلری .

ایده مدیکندن عسکر طوپلامق اوزرد ولایت ولایت
دولاشدی ، ایمپراطورلغك مدافعه سی ایچون خلقی سلاحه
صارلمغه تشویق ایتدی . آچوایسه یانغ چه ئو محاصره سینه
دوام ایتدی .

بو اثناده بایان ، ایمپراطورلغك پایتختی اولان هانغ
چه ئویه [۱۱] یاقلاشدی . ضابطلری ، شهرک جوارنده کائن
اولان متعدد مواقعی اله کچیردیلر ، بایان عینی زمانده سونغ
توهای ایله سائر بعض قوماندانلری تفریق ایددرک قیانغ سی
داخلنده ووجه ئوفو شهرینی محاصره یه کوندرمشدی .
بوراده چینلیلر طرفندن می یه ئو قوماندان ایدی . چین
قوماندانی موغوللره قارشى چیقیدی و مغلوب اولدی . هر
طرفدن قوشاتلیدیغنی و کندیسنگ ده متعدد اصابتلرله مجروح
دوشدیکنی کورنجه ایکی انه برر قیلیج آلدی ، حربه
تکرار باشلادی . کوچوک بر کوپرودن کچمک ایسترن
تخته نك قیرمانی دولایسیله اسیر دوشمک فلا کتنه
اوغرادی . جسارتنه حیران بولونان موغوللار کندیسنى
اوغلی واسطه سیله طرفلرینه جلب ایتمکه چالیشدیلر . فقط
بوتون بورجالر فائده سز قالدی . آرقه سندن اثوابلرینی
چیقارتدی . اولدیرلمه سنی ایسته دی . اوغلی آياقلىرینه قاپاندی .

[۱] او زمان بورایه این غان دیرلردی . موسیو پولک بینغره
یرینه کینسای دیدیکی شهرک عیندر .

تسلیم اولماسنی رجا ایچون شو سوزلری سویله دی : « بابا ،
وفاتکزدن صو کره بن نه یاپه جغم ؟ » چین قوماندانی
اوغلنی قوجاق-لایه رق متین بر طورله شو جوابی ویردی :
« سواقده کندیکی کوس-ترمه ک کافیدر . می یه ئونک اوغلی
اولدیغکی . اینجه س-کا یاردیم ایتمه یه جک کیمسه یوقدر . »
موغول قوماندانی ، کوردیکی مقاومتدن قیزه رق می یه ئوی
قتل ایتدی .

اوصیراده بایان محاصره ایت-کده اولدیغی چانغ چه ئو پیشگاهنده
جسارت و فعالیتک آثارینی اظهار ایله مشغول ایدی . شهرک اطرافنده
بولونان بوتون اولری ییقديرمش ، برچوق طوپراق کتیرته رک
استحکامات اوزرینه عسکرلرینک کچه-سینه خدمت ایده جک
صورتده انشا آتده بولونمشدی . اک ابتدا کندیسی شهره
کیردی . چن چائو ایله وانغ غان-سیه بویوک میدانده اوزون
مدت مدافعه ده بولوندیله . هنوز سربست برقاپی بولوندیغی
وبوشهری محافظه ایده بیلیمک امید ایدیله دیکی جهتلله چن چائویه
فرار ایتمه سنی توصیه ایدنلر اولدی . اوشو جوابی ویردی :
« بورادن برآدیم اوتده ده کی بریربیلله اولمک ایچون مناسب دکلدر . »
بولوندیغی نقطه ده مقتول دوشدی . اسیر دوشن وانغ غان-سیه
غالبک حضورنده دیز چوکه کدن قطعیا امتناع ایده رک اولومی
ترجیح ایتدی . ایشته بواحوال و شرائط ایچنده چین ایمپراطوری
صلحه طالب اولدی و قبلا ی طرفندن چین پایتختنه کل-کده

اولان برموغول ضابطنك [۱] قتلنى تقييع ايلدى. ايمپراطور
طرفندن بايان نردينه اعزام ايدىلن. ليه ئويو بو حركت سىبى
قياسه تائو اولديغنى سويلهدى و كوزلرندە ياشلارلە موغوللار
هنوز ماتم ايچندە بولونان ايمپراطورە قارشى حرمتلە معاملە
كوسستمەلرى لازم كلديكنى علاوه ايتدى. ايمپراطور پك
كوچوك اولديغىدىن بالذات اداره امور ايدە ميوردى. بايان چين
ناظرلرينك حركتلىرىنى، نقض عهدلىرىنى، قبلاليك قمتعدد
مرخصلرينك قتلنى آكلاتدى. ايمپراطور ك ياشنك كوچوكلكى
بختندە دە وقتيلە سونغلر سلالەسنك همان همان عىنى ياشدە
بولونان برايمپراطورك الندىن سلطنتى آلمش اولديغنى، بوكون
جناب حقك ايمپراطوردن سلطنتى آلەرق قبلالە وىردىكنى
سويلهدى. برشى قرارلاشديرامادن آريلدىلر. بايان كيدوب
سوچە ئو شهرينە كىردى [۲]. اورادە چين سرايندىن كان
برساعىنى قبول ايلەدى. بونك كىتردىكى خبرە نظراً ايمپراطور
قبلاليك يىكنى ياخود يىكن زادەسى تسميە ايدالمكە و قبلالە
ويركو وىرمكە راضى ايدى. فقط بوتكليف موغوللار طرفندن قبول
ايدىلەدىكى جەھتلە بايان هانغ چە ئويى ضبط ايتمك فىكرىلە يولە چىقەدى.
بواثنادە على ياي چانغشا محاصره سنە صوك درجە شدتلە
دوام ايدىيوردى. هندكلرك صولرىنى آقیتدقن وسورلردە

سنە

۱۲۷۶

[۱] اسمى ليهن هى قيهن در .

[۲] اوزمان بورايە پىننغ قيانغ دىرلردى .

کدیكلر آچدقدن صوكره هجومه قالقدی . صوك درجه ده
يورئون بولونان قوه محافظه بوجومه مقاومت كوستره مدی .
متعدد ضابطلر عرض تسلیمیتدن بحث ایتدیله . فقط لی فو
بولدن بحث ایده جك کیمسه لری اعدام ایتدیره جکنی مقام
تهیدده بیان ایلدی . شهر ضبط ایدیلک اوزره اولدیغی
صیراده اوزمان اوراده بولونان هانغچه ئونك ضابطلرندن
بری کنج یاشنده کی ایکی چوجوغنك باشنه مراسم
سرپوشلرینی کیدیرتدی ، صوكره چوجوقلری و خدمتچیلریله
برلکده کیدوب آتشك ایچنه آتلی . هپ برون
اولدیله . لی فو بونلرك شرفنه یره شراب دوکدی ،
بوتون ضابطلره حکمدارلرینه صادق قاله رق ترك حیات ایتمه لری
ایچون تبلیغاتده بولوندی . هپسی تسلیم اولمامغه یمین ایتدیله .
اك ایلری کلن ضابطاندن بری بر نمونه امثال تشکیل ایتك ایچون
کیدوب بر کول ایچنده بوغولدی . اولمکه عزم ایدن لی فوده
اتباعنك اسارتده دوشمك صفتیله موجب خجالت بر حرکتده
بولونمالرندن قورقه رق قتل ایدیله لرینی امر ایتدکن صوكره
چکیلدیکی اوه آتش ویریلسنی سویله دی . بوامرلری اجرا
ایدن آدم اونلری یرینه کتیردکن صوكره کندی اوینه کیتدی .
قاریسنی ، چوجوقلرینی کسدی و کندیسی ده آرقه لرندن اتحار
ایتدی . شهرك بوتون ضابطانی ، ایکسی مستثنا اولق اوزره ،
حکمدارلرینه قارشى عینی اثر صداقت و مربوطیتی کوستردیلر .

اهالیدن قسم اعظمی اونلری تقلید ایتدی . موغوللر شهره کیردکلری زمان قویولری وطنلرینه محبت سائقه سیله ایچلرینه آتیش کیمسه لرك نعیشیله دولو بولدیلر .

ایمپراطورلغك پایتختی ده پك آرزو کره موغوللار طرفندن احاطه ایدیلکه منتظر ایدی . ایمپراطور یچه نك تکلیفلری ردایدیلشدی . ناظر چنئی چونغ پایتختی باشقه طرفه نقل ایتمه سنی ایمپراطور یچه یه توصیه ایدیوردی . ایمپراطور یچه بویله بر مطالعه درمیان ایدیلمه سندن حدتله نرك باشنده کی مزیناتی یره آتدی ، کندینی اغفال ایتدکارندن دولایی اکبره مؤاخذاته بولوندی ، سرایك قاپیلرینی قاپاتدی ، کندیسنه بویله تکلیفلرده بولونماسنی منع ایتدی . مذا کره ایچون ناظر چنئی چونغی بکله ین بایان کیمسه نك کله دیکنی کورنجه بر قاچ سوار ی مفرزه سی گوندردی . بونلر خارجی محله لره یاقلاشدیلر . وضعیت صوگ درجه ده فنا اولدیغی ایچون ون تیهن سیانغ ایله چانغ شی قای ایمپراطور یچه لرله ایمپراطورك ، شهرزاده لرك ، ناظر لرك ، بحرأ فرار ایتمه لرینی ، واثانده کندیلرینك موغوللره هجوم ایده جکلرینی سویله دیلر . بوتکلیف قبول ایدیله دیکی ایچون نائبه حکومت ایمپراطور یچه بایانه برنشانه انقیاد اولق اوزره ایمپراطورلغك بویوک مهرینی یوللادی . بوفیکری تصویب ایتمه ین چنئی چونغ باشقه برشهره چکیلدی . هیچ محاربه ایتمه دن عرض تسلیمیت ایدیلمسنه حدت ایدن چانغ شی قای ده معیتنده کی عسکرا برلکده تیغ هایه کیتدی .

اور ده تسليم اولماسنى طلب ايچون بايانك كوندرمش اولديغى
 برضا بطك ديلنى كسدير تدى و كنديسنى پارچه لاتدى. ديكىر
 بر قوماندان ده كيز طريقه چكىلدى وايچكى ايچه اولدى .
 پايختده صوك درجه ده دوشكون و بوميد بروضعيت موجود
 اولمقله برابر نائبه حكومت طرفندن بايان نردينه كيدن ناظر
 ئوقيه ن ايله ون تيه ن سيانغ موغول نراله متعظمانه سوز سويله مكه
 جسارت ايتديلر . ون تيه ن سيانغ ديدى كه: « شمال ايمپرا -
 طورلغى اردوسى كالير و بزمه صلح عقد ايدرسه
 عسكرلر كزه پاره و ايپكلى قماشلر ويريرز . اكر حكمدار
 سلاله مزي تماماً محوايتمك ايسته يورسه كز هنوز واسع الكالرمز ،
 غايت قوتلى شهرلرمز ، كميلرمز ، پاره مز ، عسكر مز بولونديغى
 دوشونكز . بيله سكز كه طالع حرب غايت متحولدر .» بايان ،
 مذا كره بهانه سيله بوضابطى نردنده آليقويدى ، اوقيه نى كرى
 كوندرى . ون تيه ن سيانغ كرك بايان كرك سائر بوتون
 ضابطان طرفندن احترامكارانه معامله كوردى . بو فرصتدن
 استفاده ايدرك موغوللر طرفنه كچمش اولان چينلilere خيانت
 و جياستلرندن دولاني مؤاخذاتده بولوندى و بايانه چين ايمپراطور -
 رينك بر مرخصنى آليقويى حقسز اولديغى سويله مكه جسارت
 ايتدى . بايان كنديسنى قبلاليك سراينه كوندردى .

بايان ، چين ايمپراطورلغى پايختنه صاحب اولونجه شهرى
 اداره ايچون موغول و چينلى مأمورلر نصب ايتدى . كتابلرى ،

دفترلری، جغرافیا خریطه‌لرینی، تاریخی خاطره‌لری، رسم‌لری، فرمانلری، مهرلری و بویوک محکمه‌لرده بولونان کافه اوراق و اشیای آلدی. سرایی محافظه ایچون چین اکابرندن ایکی کیشینی کوندردی و نائبه حکومت ایمپراطوریچه یه غایت حرمت کوسترمه‌لری ایچون امر ویردی. عمومی یأس و تأثره رغماً چینلیلر بایانک تأمین ایتدیکی انتظام و حسن معامله‌یه حیران قلیورلردی. مع مافیه بایان چینلیلرک ایمپراطورک ایکی قارداشی قاجیرارق برطرفده اخفا ایتمه‌لرینه مانع اولامادی. بایان اوکنده بویوک قوماندان بایراغی دالغه‌لاندیغی جالده عسکرینک باشنده شهره کیردی، ایمپراطوریچه ایله ایمپراطور کندیسینی کورمک ایسته‌دکارندن بایان، حقلرنده تعقیب ایدیله جک مراسم حقن‌ده کافی درجه‌ده معلوماتی بولونمادیغنی بیان ایله عرض معذرت ایتدی و ایرته‌سی کونی شهردن حرکت ایلدی. بر مدت صکره، ضابطلرندن ایکسی، ایمپراطورک حضورینه چیقادیغی زمان رعایت ایدیلن تشریفات و مراسم نهایت ویردیردکن صوکره، ایمپراطور ایله والده‌سی ایمپراطوریچه یه کندیلرینی قبلایک سراینه کوتورمک ایچون امر آلمش اولدقلرینی بیلدیردیلر. بونک اوزرینه ایمپراطوریچه آغلايه آغلايه اوغلانی قوجاقلادی و اوکا شو سوزلری سویله‌دی: «ابن سما سزه حیاتکزی بخش ایدیور، حضورنده دیز چوکه کز لازمدر.» کنج ایمپراطور والده‌سیله برلکده شمال طرفنه دوندیلر و دوقوز کره باشلریله.

ایمپراطور قبلائی سلاملا دیلر . صو کره ایمپراطوری بر آرابه یه
بندیر دیلر . آرابه پکینگ یولنی طوتدی .

بو منظره یه شاهد اولان چین ضابطلرینک قسم اعظمی
تأثرلرینی ضبطه موفق اولامادیلر . سرائیک اک ایلری کان
ارکانندن بری بو فلا کتدن صو کره یاشامق ایسته مدیکی
ایچون ایکی اوغلی ایله بر قیزی آلهرق اونلرله برابر کندیسینی
بر قویویه آتدی . اعاده صحت ایدنجه یه قدر سرایده قالمش
اولان نائبه حکومت ایمپراطور یچه ، سرایده بولونان بوتون ثروتک
پکینگه کوتورلدیکنی کورمک کدرینه اوغرا دی . بایان ده هانغ چه ئو
جوارنده بولونان عسکرلره قوماندانلر تعیین ایتد کدن صو کره پکینگه
کیتدی . بر چوق چین ضابطی یانغ چه ئوده طویلانمشلردی . بونلر
چین ایمپراطورینی یولده قاچیرمق فکرنده ایدیلر . هر طرفه
مکتوبلر یازدیلر ، حامل اولدقلری بوتون پاره لری جسور
وعزمپرور عسکرلره داغیتدیلر ، قرق بیک کشیلک بر اردو
تسلیح ایتدیلر وبونک قومانداسنی قیانغ تسایه ویردیلر . صو کره
کیدوب قیانغک شمالنده قواچه ئو شهرینی محاصره یه آلدیلر .
ایمپراطور اورایه مواصلت ایتشدی . فقط اولدجه شدتلی بر
محاربه دن صو کره پوسکور تولدیلر . چن چه ئو سکنه سی ده
عینی تشبثده دها فضله بر موفقیت الده ایده مدیلر .

بر چوق ضابطان ده عسکرلریله عینی زمانده ون چه ئویه
کیتمشلردی . ایمپراطورک ایکی برادری بوراده صاقلی ایدی .

ایمپراطوریچہ بومشہور اسیرلری کورنجه عمومک مسرتنه اشتراك
ایتمدی . بواونک ایچون بر وسیله تفکر تشکیل ایتدی .
بر چوق آغلادی . بویوک خانہ بوشایان دقت سوزلری
سویله مکدن منع نفس ایده مدی : « حشمت پناه ، حکمدار
سلالہ لری ابدی دکلدرلر . سونغ سلالہ سنک باشنه کلن شو حالہ
باقہرق بزم سلالہ مزكده اوغرایہ جغی عاقبتی دوشونکیز » .
بوتون بوبویوک مظفرياتک عاملی اولان بایان سرایده پک احتشام
ایله قبول اولوندی . قبلاى کنديسنه پک چوق التفاتلر ایتدی
وتاتارستانه والی عمومی نصب ایله دی . چین محارباقی اثناسنده اورالرده
ظهور ایدن اغتشاشاتی تسکین ایچون تجربہ دیدہ بر قوماندانک
اعزامی الزمدی . اوتارینخلرده قایدو آمالیغ جوارلرینه
آقینلر یاپیور ومهم مقدارده طرفدارلرطوپلامغه باشلاپوردی .
یوزبیک کشیدن مرکب براردونک باشنده توآده بولونیوردی .
برسنه اول ، ایغور قرالنی قبلاى طرفنی ترکه اجبار ایچون
اونک پایتختنی محاصره ایتمشدی [۱] . عاصیلر بومحاصره یی
رفعه مجبور اولمشلر سده منکو خانک اوغلی سیلیکی کی کندی
طرفلرینه جلب ایتمشلردی . اونکله برلکده آمالیغ
قربنده قبلاىک عسکرلرینی بوزدیلر ، اوانکانک والیسی اولان
اوغلی نانموهانی Nanmouhan اسیر آلدیلر . قاراقورومی

سنه
۱۲۷۷

محاصره يه حاضر لانيورلردى . تاتارستانه مواصلت ايدن بايان قاراقورومه ياقلاشدى ، مختلف طرفلره قوللار كودردى . اورالرده كورونمەسىلە سىلىكى ي قاراقوروم جوارلرندن كىدەرك اورغون نهرى يقينلرنده تحصن ايتىمكه مجبور ايلدى . فقط بايان بوشهزاده ك ارزاق آلاسىلە جى بوغازلرك كافەسىنى الە كچىردىكى جەتەلە سىلىكى آچىلقدن اولەمك اچون برمصادمە يى كوزە آلمغە مجبور اولدى . بونده حياتى غائب ايتدى . متفقلرندن برى اولان دواتمور [۱] Daoutmour تولا نهرى طرفلرینه قاچدى . اوراده مغلوب ايدىلدى . بايانك قوماندانلرندن برى اولان ليتىنغ عىنى زمانده غربە دوغرو يورودى ، سلىنغايە منصب اولان تامىر نهرىنى كچدى ، يوللرده دشمن طرفدارلرىنىك تىكىلنى اكمل ايلەدى . بو بويوك موفقىتلر سرايدە بك چوق ممنونىتى موجب اولدى . فقط عاصىلرك تاتارستانى قبلای ايمپراطورلغندن قورتارمق اچون اتخاذا ايتمش اولدقلىرى تدبىرلىرى آنجق موقت صورتده عقيم براقە بىلدى .

بوقاصلهٔ صلح وسكون ائناسنده قبلای چينده مؤسسات نافعه وجودە كتىرمىكى دوشوندى . علما كندىسنە مخطرەلر تقديم ايدەرك قدیم ايمپراطورلردن يائو ، شون ، يوخلفارىنىك ترقىٔ علومە اعتنا كوستردكلرىنى عرض ايلشاردى . كذلك تأسيس ايتدىكى برمدرسەده مختلف موضوعلره دائر اوچبىك

عالمك چاليدىدىغى تاۋوۋوتىنك مئالىيەدە ذكر ايدىيورلردى .
 مائى تسونىغ سىغان فوشىرىندە بىر مەدرىسە بىنا ايتدىرمىشىدىكى
 بۇندە علمانىك اقامىتى مەخسۇس اولۇق اوزۇرە بىك ايكى يوز
 اوطە واردى . بورادە ھى دورلو علوم تەدرىس ايدىلدى .
 بۇتون جوار مەلىكە مەنسۇب دىققەتلىك اجىيە حەكمدارلار
 طرفىدىن اورايە تەھسىل اىچۇن كۈندىرىلدى . اىمپىراتور بەزى
 كۈرە علمانى دىكەمك اىچۇن اورايە كىدر ، طلبەنى استىجواب
 ايدىر ، بەزىلەرنە مەكەتلىك وىرە ايدى . سو كۈرە بو مەخسۇس
 علوم وادىياتىك انمىطاطنە تەسۋىل ايدەرك اۋن اىلە اۋن آلتى
 ياشىدىكى كەنجىلەرنە مەنسۇپلىرىنىك تەفرىقى تەۋسىيە ايدىلدى .
 فەقەت اىمپىراتورلارنى تەكرار تەسىسە چاليدىغان مەتباقى چىنلىكلەر
 مەخاربە دەۋام مەجبۇرىتى بو تەۋرىتىك اجراسىنى آتىيە تەلىق
 ايتدىردى . اۋسۇرەدە فەۋقىيە كىرەملىرى ۱۱۱ . يانغچە ئۆيى
 اىلە كچىرەك اىچۇن بىھودە مەسەلى سەرف ايتىلدى .
 فەقەت بىر خىيات ، نەيات بوشەرىدە دەھە سائىر بەزى
 شەھەرلەرە بىرلىككە موغۇل ادارەسە كچىردى . چىنلىكلەر اىنى
 قوماندانلارنى لى تىنغچى اىلە قىيانغ تەسەلى غەيب ايتدىلەر .
 بۇنىلەر تەسلىم اولمىدىن ايسە اولەنى تەرجىيە ايتىلدى . ھارغان
 آز زەمان اىچىندە فەۋقىيەنىك بىر قەسمى تەخت انقىادە آلدى .
 خەنلەر بۇتون بوشەرىك خەبىرىنى اۋكا تەسەل ايتدىلەر . اىمپىراتور

توئون تسونغي ده طوتوب تسليم ايتك تصورنده ايديلر . فقط
ايمپراطور يوز سكسان بيك كشي ايله بردونانما اوزرنده
فرار ايتدى . ديكر موغول قوماندانلىرى قوآنغ تونغ
ولايتنه قدر كيرمشلردى .

چانغ شى قاي [۱] ايمپراطورك طرفنى الزامدن كرى
قالمايوردى . فوقيهن داخلىده . طوپلادىغى عسكرله كلوب
تسوئن چهئوي محاصره ايتدى . بوراسى او ولايتك مشهور
برلىمانى ايدى [۲] . سوتو اورادن چكىلمكه كندىسى مجبور
ايلهدى وهر طرفى خرابه زاره چه وىردى . ديكر بر قوماندان [۳] ،
قيانغسى داخلىده قان چهئوي ضبط ايتك ايستهين وونتيهين
سيانغ ايله تسهئوفونغي متعدد مصادماتده مغلوب ايتدى
وبرچوق اسير آلدى . اسرا آراسنده سونغ عائله ايمپراطوريه سنده
منسوب بر شهزاده ايله قارىسى و وونتيهين سيانغك ايكي اوغلى ده
واردى . تاچو ، قوآنغ چهئوي ضبط ايتدى . بورايه بز
قانتون ديورز . كميلرى ايله قاجمش اولان ايمپراطور توئون
تسونغ فيرطنه يه قاپيله رقده كيزه دوشدى . كندىسى يارى اولمش
بر حالده چيقارديلر . نيتى قوشينشين طرفلرينه كچمكدى . قوآنغ چوئن

سنه
۱۲۷۸

[۱] ۱۲۷۷ سنه سنده .

[۲] موسيو پول بوكازارتن ياخود زابتن ديور . صرا كشي
زيتون نامى ويريور .

[۳] اسمى لى هنىغ در .

نامی ویریلن خالی بر آطه یه کیتدی . اوراده ۱۱ یاشنده اولدیغی
حاله وفات ایتدی .

چین قوماندانلارندن قسم اعظمی متبادیاً کونا کون
مصائبه دوچار اولان بر طرفی التزام ایتمکدن آرتق
اوصانیورلردی . بو قدر اوزون سورن بر حربدن بیقمش
اولان بعض چین قوماندانلری موغوللره تسلیم اولق
آرزوسنده ایدیلر . بونلرک ایمپراطور عائله سنی تماماً ترک
ایتمک اوزره اولدقارینی کورن لوسیه ئوفو شو سوزلری
سویله دی : « بوراده آرامزده بولونان ایمپراطور توتسئونغک
سکز یاشنده کی اوچنجی اوغلنی نه یاپه جغز ؟ وقتيله بر فرسخ
مربعی اراضی ايله بش یوز کشیلک بر قصبه بر حکمداره کافی
کلیردی . بو کون بزم حالا جنسیم مملکتلرمن وار ، میلیونلرجه
آدملرمن وار ، یکی بر ایمپراطور اعلان ایتمک ایچون نه
بکله یورز ؟ » بو سوزلر بر چوقلرینک متزلزل جسارتی تقویه
ایتدی . قوآنغ وانغه ایمپراطور عنوانی ویرمکی قرارلاشدیر .
دیلمر . بو کنج شهزاده یی طوپراغک اوستنده یوکسک بر یرمه
چیقاردیلر . بوراسی اوکا تخت خدمتی کوردی . آیاقلرینه
قاپاندیلر . لوسیه ئوفو ايله چانغشی قیای ناظر تعیین ایدیلدیلر .
بو یکی ایمپراطور قی پینگ نامیله معروفدر . صادق ناظرلری
کندیسنی نکیز داخلنده وسین هوئه یی قربنده کائن یای شان
داغنه کوتوردیلر . سین هوئه یی قانتون ولایتک بر شهریدر .

بو کوچوك آطه يي امين بر ملجاء تلقى ايدىيورلردى . بورايه
بر چوق كراسته طوپلايه رق ضابطلر وعسكرلر ايچون اولر ،
ايمپراطور و والدهسى پرنسس ايچون بر سراي ياپديلر . بر
چوق كورهك ، ياي و اوق اعمال ايتدريدلر . سفائنه
قانتوندن جلب ايتدكلرى دورلو دورلو ارزاق و ذخائر
دولديريدلر . ايمپراطور طائله سنك صوك عضوى اولان کوچوك
حكمدارلرى ايچون بوفرارى چينليكلر كوستردكلرى صداقت
وغيرتك بر اشنه دها تصادف اولنه ماز . بو آطه ده جمعاً ايكي
يوز بيك كشي ايديلر . فقط چوق كچمه دن بر چوق عسكر
وكميجى ده كلدى . بونلر عيني حس صداقته تبعاً ايمپراطورلرينه
يارديمه قوشيورلردى . بوتون چين ملتى ، بوتون چين ايمپرا -
طورلغى بو آطه ده طوپلانمشدى . موغوللار ، ملتك بو بدبخت
قسم متباقيسى ايله برلكده اولمكه كيتمك ايسته ينلرى توقيف
ايچون هر طرفه مفرزه لر سوقنه مجبور اولديلر . بوفدر
مشكلات وفلاكت آراسنده ده ، معتاد مراسمك هيچ برى
اهمال ايديلمه دى . ايمپراطور توتون تسونلغك جنازه آلايى
ياپلدى . متوفا ايمپراطور داغك اوستنه دفن ايديلدى . كنج
ايمپراطور جنازه ده حاضر ايدى ، پك چوق علائم تاثير اظهار
ايدىيورلردى . بوتون ضابطلر وعسكرلر مملكتى خالى بر آطه يه
انحصار ايدن بو كنج حكمدارى كورنجه اغلايورلردى .

فقط جسارتلری تأثرلری در حه سنه چیقوردی. اونی ینه اجدادینک
تختنه اجلاس ایتکی امید ایلورلردی.
قبلايك سراينده یای شانده یاپیلان تدارکات عظیمه خبر
آلینیر آلیهاز قانتون ولایتینک ممکن اولدیغی قدر چابق و
زمانده اله کچیریله سی لزومی قبلایه عرض ایدیلدی. بو مهم
وظیفه یه مأمور ایدیلان چانغ هونغ قان علی العجله یانغ چه ئویه
کیتدی. بورادن یکر می بیك کشی آلدی. تاجویه ده اونک
ایچون لازم اولان بوتون ارزاقی تأمین امری ویریلدی.
چانغ هونغ قان بحرآ قانتون ولایتنه کیتدی. چین قوماندانلرینی
علی الغفله باصدی. چین قوماندانلری فراره مجبور اولدیلر.
تسه ئوقونغ اتحار ایتدی؛ لیه ئوتسه تسون اسیر دوشدی.
بو صوک قوماندانک ون تیهن سیانغه مربوطیتی واونک حیاتی
قورتارمق آرزوسی کندیسینی بر حیلایه سوق ایتدی.
ون تیهن سیانغ ایمش کبی داوراندی. چونکه در حال اتلاف
ایدیله جکنه امین ایدی. فقط ون تیهن سیانغ صو کره اسیر
ایدیلنجه چانغ هونغ قان لیه ئوتسه تسونک اتلافی امر ایتدی.
بونک اوزرینه ون تیهن سیانغ کندیسینک لیه ئوتسه تسون اولدیغنی ادعا
ایله دی. بو غریب دعوائی اسرایه مرا جعتله حل ایتدیلر. لیه ئوتسه
تسون خفیف بر آتشده یاش یاش یاقیلدی. ون تیهن سیانغ ده
سرایه کوندرلدی. صو کره، چانغ هونغ قان یای شان
آطه سنه دوغرو حرکت ایتدی. فقط آطه یه هجوم ایتهدن
اول مد وجزر ایله روز کارلر وسواحل حقنده معلومات

صوردی . کندیسنه قارشى يوروين چانغ شى قيايى مغلوب
ایتمك ایچون تدبیرلر اتخاذا ایتدی . قاریشقلغه میدان ویرمه مک
فکريله دونانماسنى درت قسمة آیردی وبونلره بربرلرندن
اوچ ، درت یوز خطوه سافهده اخذ موقع ایتدی .
لی هنجی، چانغ شى قيايى ك دونانماسنك شمالنه کوندردی وهجوم
ایچون مددن استفاده ایتمه سی امرینی ویردی . صوکره هر
طرفدن ، کمال جسارتله مدافعاتده بولونان چین دونانماسی
اوزرینه هجوم ایتدی . یورغون دوشن چینلیلر بو مصادمه یه
اوزون مدت مقاومت ایده مدیلر . بر قچ کیلری ضبط
ایدیلدی . بوتون دونانمالری پریشان اولدی . چانغ شى قيايى
سیس سایه سنده اون آلتی پارچه بویوک کمی ایله قاچدی .
لوسیة ثوفو علی العجله ایمپراطورک بولوندیغی کمی یه قوشدی .
بوسیفینه کرک آغیرلغندن کرک طائفه سزالکدن مانورمه
یاپه مایوردی . درحال قاریسنى وچوجوقلرینی ده کیزه
آتدی . صوکره ایمپراطوره توجیه خطاب ایدهرک متین
بر صورتده دیدی که : « عائله کزک شان وشرفنى اخلاله
ایتمه یکز ، برادر یکز قونغ تسونلغک حر کتنه امثال
کوسترمه یکز . بر حکمدار اوله رقا اولکیز ، اجنبی بر ملتک اسیری
اولما یکز . » صوکره کنج حکمداری در آغوش ایتدی ، اوموزینه
آلدى . برلکده ده کیزه آتلدی . برچوق ضابط آرقلرندن
کندیلرینی ده کیزه آتدیلر . بو محاربهده یوز بیسکدن

زیاده چینلی ترک حیات ایتدی . ده کیزک یوزی کونلرجه
 نعللرله اورتولی قالدی . چانغ شی قیای ایمر طورک
 نعلنی تشخیص ایتدی و اونی دفن ایله دی .
 ایمر طورلغک مهرلرینی آلدقن صوکره ایمر طورک والد سنک
 بولوندیغی کمیه کیتدی . چو جوغنک وفاتی اوکا خبر ویردی .
 یکی بر ایمر طور اعلانی دوشونمه سی ایچون و صایاده بولوندی .
 فقط ایمر طور یچه بو فلا کتدن او قدر متأثر اولدی که بر
 دامله کوز یاشی دوکمه دن ، بر لاقیردی سـویله مه دن ده کیزه
 آتیلدی . معیتنده کی قادینلرک کافه سی اونک مثالنه اقتفا ایتدیلر .
 یکی بر ایمر طور اعلانی تصورندن فارغ اولمایان چانغ شی قیای
 متعدد ضابطان ایله بر لکده تونغ قینغه دوغرو قاچدی . ایمر طور لغی
 اسارتدن قورتارمق ایچون ، هر تهله که یه کوکس کرمک
 ایسته یوردی . فقط شدتلی بر فیر طنه یه طو تولونجه دیر که چیقادی ،
 جناب حقه دعا ایتدی ، بخورلری اقدی ، کندیسنی ده کیزه آتدی .
 اونکله بر لکده چین ایمر طور لغی محو اولدی . چین ضابطلری
 موغوللره عرض تابعیت ایتدیلر . قبلای بوتون بو جسم
 ایمر طورلغک صاحبی کسـیلدی . تاریخده بو قدر بویوک بر
 مقاومت اثری ، بر حکمداره قارشى بو قدر مربوطیت ،
 وطنی تخلص ایچون بو قدر فداکارلق مثالی پک نادر کورولور .
 آرتق جنوب طرفنده هیچ بر رقیبی قالمایان قبلای اسیر
 آلمش اولان بوتون چینلیلری سربست براقدی ، چوقدن

بری بسله دیکي بر تصور ایله مشغول اولمغه باشلادی . بوده
ژاپون ایمپراطورلغنی [۱] خراجگذار ایلمکدی . بومملکت
قرالنه عرض تابعیت ایتمه سی ایچون خبر یوللامش ، فقط هیچ
جواب آلامشدی . صوکره ژاپونیا لیلر کندیسنگ مرخصلرندن
برینی اولدیرمشلردی . قبلای یوز بیک کشیلک بر اردو ایله
بو آطه لره هجوم ایتمه سی ایچون هارغانه امر ویرمش وقوره
قرالنه ده قوماندانه مظاهرت ایتمه سنی امر ایله مشدی . فقط
هیچ کیمسه طرفندن تصویب ایدیلنه یں بوبویوک تشبث هیچ بر
موفقیتیه اقتران ایتمه دی . هارغان اولدی . یرینه کچن آتاها ی
دونانمای پینگ هو آطه سنه دوغرو کوتوردی . اوراده شدتلی
بر فیرطنه ظهور ایدهرک دونانمای داغیتدی [۲] . کیلردن بر
چوغی ژاپونلرک الیه دوشدی . ژاپونلر یتش بیک چینلی وقوره لی
اسیر آلدیلر ، اوتوز بیک موغول اولدیردیلر . بو اثناده [۳]
قبلا یك سراینده بر چوق غریلی ریاضیون چین هیئتنی اصلاح
و آلات ریاضیه اعمال ایچون چالیشیورلردی . قبلای بعض
چینلیلری ده بونلره تشریک ایتمشدی . بو میانده بویوک بر
اقتدار ودها صاحبی اولان قوشه ئوقینغده واردی . یاپدقلری
ایشلری چینلیلر اکمال و اتمام ایده جکلردی . اسطربلاب ،

[۱] موسیو پول بو آطه یه Zipangri نامی وریور .

[۲] ۱۲۸۱ سنه سنده .

[۳] ۱۲۸۰ سنه سنده .

پوصله وسائره کې بر چوق آلات اعمال اولوندى . قبلای
 ناظر احامه نك سوء حرکتی یوزندن تولد ایدن شکایتلری تسکین
 ایچون ده اوغراشدی . بوتون بو کورولتو قبلایه احامه نك
 اختلاسارینی خبر ویرمکه جرأت ایتیش اولان تسوئی یونك
 باشندده پاطلادی . احامه اونى قباحتلی کوستره بیله جك قدر
 اعتماد بولدی ، ایکی میلیون فضلده ارتکاباتده بولونمق و بعض
 ضابطانی بلا امر عزل ایتیش اولمقله خصمنی اتهام ایتدی .
 بو دعوایی رؤیت ایچون تعیین اولونان مأمورلر تسوئی یونك
 معصوم اولدیغنی بیان ایتیشلر سده احامه طرفندن تعیین اولونان
 دیگر مأمورلر دعوایی تکرار رؤیتله اونك اعدامنه حکم ایتدیله .
 قبلایك اوغلی و ناظر ك خصم جانی اولان چن کین Tchen-kin
 بوکا ممانعت ایتك ایسته دی . فقط امرلری کچ واصل اولدی .
 تسوئی یونك وفاتی بر چوق غیر ممنونلر پیدا ایتدی . قبلای
 شانغ تویه سیاحتیه کیتدیکی اثناده وانغ چو تسیمیه ایدیلن بر
 ضابط احامه نك بولندیغی پکینغ سراینه کیره رك کنديسنی قتل
 ایتدی . محافظلر قاتلی توقیف ایتدیله . وانغ چو بو حرکتدن صو کرا
 فرار ایده بیلیر ایکن کیدوب تسلیم نفس ایتدی . کنديسنی
 اعدامه محکوم ایتدیله . قبلایك آنجق اعدامدن صو کره
 احامه نك حرکاتی حقنده گوزلری آچلدى . احامه نك نعشینی
 چیقارته رق پارچه لاتدی ، اموالی یغما ایتدیله .
 بویوک بر دونانما قبلایك اردولرینی ژاپونیه دوغرو

کو توردیکی صیراده باشقه اردولر تونغ قین وقوشینشین طرفلرینه
یورویورلردی. بونلرک قوماندانی بولونان سوتو ۱۸۱ حدوددن
ایچری کیره رک پایتختی تخریب ایتشدی. فقط بو اردونک
باشنده بولونان وجعلی وعدلرله موغوللری اویالایان تون کینگ
قرالنک اوغلی چین ایله تون کینگ آراسنده کائن متعدد موافقی
ضبط ایتدی و بو صورتله موغوللرک خط رجعتنی کسیدی.
ذاتاً شدتلی صیجاقلرده موغوللری پک ازعاج ایدیوردی.
سوتو بومشکل وضعیتدن قورتولمق ایچون پک ماهرانه حرکتلر
یاپدی، اردوسنک اک ایی افرادینی غائب ایتدی. قبلای بو
خبری اردوسنک ژاپونیاده کی ضیاعی ایله برلکده دوییدی و پک
متأثر اولدی. بو بویوک تشبثلری تصویب ایتمین چینلیلر برنجی
ایمپراطور یچه نک وفاتنه دها زیاده اسف ایتدیلر. بو غایت ایی
بر ایمپراطور یچه ایدی. خلقی سوردی. ایمپراطور قبلای
دائماً عفو و مرحمته سوق ایتشدی. پکینگده اسیر بولونان
سونغ عالیه سی پرنسـلرینه قارشى پک بویوک اییلک اثری
کوسترمشدی. بو ایمپراطور یچه نک اوغلی اولان چن قین
بردورلو تسلیتیاب اولامادی. عینی زمانده غایت سودیکی
وسفره سنه آلدیغی وان سونک وفاتی ده کندیسنى پک متأثر ایتدی.
بو بر عالم ایدی. برچوق تاریخ و ریاضیات کتابلرینی کندیسيله
برلکده اوقومشدی. برلکده اوقودقلى کتابلرده حکمدارلرک

حسن اداره لرينىڭ وسوء اداره لرينىڭ حقيقى سىبىلىرى اونلارنىڭ
فضىلت ويا فضىحتلرندىن عبارت اولدىغى كوسترەرك فضىلت عشقى
تلقىن ايتىمىدىن خالى قالمادى. بوشانادە قىلای اهمىتىلى بر حر كىتدە
بولوندى. فوبونزلرينىڭ رجاسى اوزرىنە بونز تائوسەنك كىتا -
بلىرىنىڭ ياقلاماسى ايچون امر وىردى . ياللىكز پىك اسكىلىكى
حسبىلە تائوتە قىنغە دوقونمادى . بو كىتاب بو بونزلرك پىرى
اولان فىلسوف تائوتسەنك اثيردىر . تائوتسە مىلاد عىسادن بر
قاچ عصر مقدم بر حيات ايدى . قىلای يون ناندن غايت چوق
مقدارده چىقاريلان آلتوندىن رسم آلىق اوزرە او ولايتە
ضابطلردە كوندردى .

سەنە

۲۱۸۲

صوكرە قىلای ايمپراطورلارنىڭ ھەر طرفندىن كىتىرىش اولدىغى
علمادىن ادبىيات حقندە دەستىھصال معلومات ايتدى . بوندىن دە
مقصدى عمومىك ترقىسى ايچون ايجاب ايدىن تدابىرى اتخاڭ
ايتىمىدى . بوتون ذخائرى آلتىش بويوك سفىنە ايلە بىجرا نىقل
ايتدىرەرك تىجارىتى دە ترقى ايتدىردى . اولجە ذخىرە نەزلردىن
بر چوق زىھمت ومصرفلە نىقل اولونوردى . قىلای كىچىلر
وبىجىرە ضابطانى جلب ايتدى . اوسىنە ايلك دفعە اولەرق
تىجارىت فىلولرىنىڭ قىيانغىنان وپە چەلى داخلىندە چە قىيانغىن حرىكت
ايتدىكارى گورولدى . تسوئىن چە ئولىمانە ھىندىستانىڭ مىخلىف مىللەردىن
سقىرلردە كلەرك وىركولر كىتىردىلر . عىنى زماندە ، فوقىيەنك
بر بونزى زىھلىك تسى تسوئىر نامىدەكى بىرىلدىزە يعنى ايمپراطورك

مقرینه پك یقین اولدیغنی اعلان ایتدی . -ینلیلر بوقیل
 مرورلرک، گدلاک کسوفلرک و سائر حادثه لرک مشئوم برر علامت
 اولدقلرینه اعتقاد ایتدکارندن ضابطان بو مناسبتله قبلایه بر
 عرضحال تقدیم ایتدیلر . اوتارینخده یوز بیك کشینک باشنده
 اورتیه چیقان و کنديسنه سونغلر ایمپراطوری نامنی ویرن بر
 یالانجینک عصیانى بوفنا علامتک نتیجه سی عد اولوندی . عینی
 زمانده قبلای سرایده موقوف طوتولان سونغلرک قوماندانلرندن
 ون تیهن سیانغی جلب ایله کندى خدمتنه کیرمه سنی تکلیف
 ایتدی . اسکی افندیلرینه دائماً مربوطیتنى محافظه ایدن بو -
 قوماندان ایکی ایمپراطوره خدمت ایدمه یه جگنی سویله یه رک
 اعدامنى ایسته دی . حقنده برحس تقدیر بسله ین بویوک خان
 اونى محافظه ایتک فکر نده ایدی . فقط ون تیهن سیانغک عصیانده
 دخلی اولابیله جکی عرض ایدیلدیکی زمان اعدام ایدیله سنه موافقت
 کوستردی . ون تیهن سیانغ اعدام ایدیله جکی صیراده اسکی افندیلری
 ایمپراطورلرک پاختلرینک بولوندیغی جنوب طرفنه دونه رک
 یره قاپاندی و غایت متین بر صورتده ترک حیات ایتدی .
 علمى ، عفتى ، امور دولته کی وقوفى حسبیلله وفاتنه هرکس
 متأثر اولدی . قرق یدی یاشنده ایدی . قبلای صوکره سونغ
 عالمه سندن اله کچنلرک کافه سنی تاتارستانه نقل ایتدیردی .

چین تمامیله تحت انقیاده آلدقدن صوکره قبلای آرتق
 جوار مملکتلرک تسخیرندن باشقه برشیله مشغول اولمادی .

سنه

۱۲۸۳

پول

سیانتار، قولى Kulie و ناصر الدین نامندە کی مسلمان قوماندانلریله برلکده یونان و پەغو [۱] Pegou یە کوندردی. بونلر ابتدا موسیو پولک قارایام نامنی ویردیکی بر الکیا تحت انقیاده آلدیلر که بوراسی یونان اقسامنددر. بوفتوحات خبری هندستانده انتشار ایتدی. پەغو و بنگاله قرالاری موغوللرک دها ایلریله کیرمه لری قورقوسیه بوتون عسکرلرینی طوپلادیلر. بونلر تقریباً آلتش بیگ نوردن وایکی بیگ فیلدن ترکیب ایدیورلردی. پەغو قرالی موغوللره یاقلاشدی. بونلر اون ایکی بیگ سواریدن فضله دکلدیلر. فقط ناصر الدینک [۲] جسارتی نقصانی تلافی ایتدی. بوقوماندان حس ایتدیکی قورقوی صاقلایه رق دشمنه دوغرو یورودی. فیملرک تجاوزندن تحفظ ایچون بر اورمان قربنده قرارگاه قوردی. فیملر بورایه کیره مزلردی. چونکه اوستلرنده قله لر واردی. فیملرک حالی موغوللرک بارکیرلرینی اوقدر اور کوتدی که کندیلرینی آغاچلره باغلایه رق پیاده حربی یامغه مجبوریت حس ایتدیلر. آتدقلری اوقلرک کثرتی فیملری هریمته اوغراتدی. بو حیوانلر اورمانه قاچدیلر. بونک اوزرینه موغوللر تکرار بارکیرلرینه بیندیلر و پەغولیلر اوزرینه هجوم ایدهرک غایت قانلی رشحاربەدن صوکره کندیلرینی فراره مجبور ایدیلر. اورمانه داغیلمش بولونان ایکی یوز فیلی بعض اسیرلرک

[۱] چینلیلر بوقطعه یه میهن دیرلر.

[۲] موسیو پول بوکا Nescordim دیور.

ياردىمىلە طوتىدىلار . اوتارىخىدىن سوڭرە بويوك خان، اردولرىندە
بوحيوانلرى قوللانمىشدر . بۇغلبە نتيجه سىندە پەغۇ قىطعە سىندە
دەا ايلرىلەرە نفوز ايتىدىلار . بوالىكانىك پايتختى دە تحت اطاعتە
آلدى . هندستانىك متعدد الكالىرى تسخير ايدىلدى [۱] .

بۇغرب ممالكلىرى قدر شرق دە قىلايك نظر دىقتىن
قاچايوردى . ژاپون آتەلرىنى تحت اطاعتە آلمايە جىق اولورسە
شان و شرفى تام اولمايە جىق فەكرىندە ايدى . مجلس مشورتىندە كى
الك عاقل كىمسەلر كى مخالف مطالعه لىرىنە رغماً بوسفرە كىرىشلمەسى
ايچون كىتىدكە دەا زىادە مەندانە بر آرزو اظهار ايتدىكى جەتەلە
يك چوق مەهمات ايله برلىكدە بش يوز كى حاضرلا تدى .
ژاپونىيادە ياپىلە جىق حركات عسكرىيە قوماندانلارغە آتاهالى تەيىن
ايتدى . بوتون چىن ولايتلىرىدىن الدن كادىكى قدر چوق كىچى
طوپلانماسى ايچون امر وىردى . بوا مىرلر بر چوق سىزلىقى
موجب اولدى . قاچان كىچىلر كى هر برى برر حىدود كىسىلدى .
بحرىيە ضابطلىرى دە مەيتلىرىندە كى كىچىلرلە برابر برر دە كىز
حىدودى اولمىشلىرى . سااچللىرى يىغما ايدىيورلر ، تجارتى
كىسيورلىرى . مە مافىيە قىلاى ، ايكىنجى بر سىفر كى تەلىكەسىنى
عرض ايدىن ناظرلر كى فەكرلىرىنە قارشى قولاقلىرىنى طىقايەرق

[۱] بۇفتوحاتىدىن بحث ايدىن موسيو پول قانترىغو، آما، تولومان،
جىنغوئى ولايتلىرىنى ذ كر ايدىيور كە ھىسى پەغۇ ويون نان داخلىندە در .
نقط بۇ ولايتلر كى نرەلى اولدىغى كىدىرىمك مىشكلىر .

آناهایه تسلیحاتی تعجیل ایچون امر ویردی . فقط ایلری کلنلرک
 چیتاردقلری مشکلات ، ایجاب ایدن مهماتک سرعتله تدارک
 ایدیله سنه مانع اولدی . حتی کمیجیلر قبلایک اول امرده ژاپونیا
 کوندرمک ایسته دیکی فوبوزلرینی ده کیزه آتدیله . بونلرک دینی
 ژاپونیا ده پک مقبول ایدی . بونلر مملکتک احوالی حقنده
 معلومات تدارک ایده جکلردی . نهایت بویوک خان ، بوتون بو
 مشکلات قارشیسنده بو طرفده کی تصوراتی ترکه مجبور اولدی .
 تحت حکمنده کی ممالکک حسن اداره سیله تکرار مشغول اولمغه
 باشلایه رق ، محاربات ایله محو اولان خلقدن ضابطلرینک پاره
 آمالرینه میدان ویرمه مک اوزره معاشلرینی آرتیردی . مجرمیتلری
 تحقق ایدنلری آغیر صورتده جزالاندیردی . فوقیه ن ده ظهور
 ایدن بر عصیانی حسن صورتله باصدیردی . بوراده بر ضابط
 ایمپراطور عنوانی طاقنمشدی .

سنه

۱۲۸۴

فقط قبلایک پاره یه قارشى بسله دیکی فضله محبت ، پاره
 بولمق ایچون کندیسنه یکی وسائط عرض ایدنلره قارشى بخش
 ایتدیکی حمایه سراینده ینه نفاق ظهورینه باعث اولدی . احامه نك
 اسکی آدملرندن بری اولان لوشی ژونغ قبلایه وارداتی پک
 چوق آرتیراجغنی و خلقک تهوین ضرورتنه باعث اوله جغنی
 سویله یه رك کندى آمال حریصانه سنی قبوله اماله ایلدی . بعض
 ناظر لر لوشی ژونغک بو تصوراتنه قارشى شدتلی لسان قوللاندقلرندن
 دولانی عزل ایدیلدیله . بعضیلری کندیلکلرندن استغفارینی

ویردیلر . لوشی ژونغ قبلايه سويلدىكى سوزلرده برچوق
 باقىر پاره ضرب ایدەرك خلقه توزیع ایدیلمەسنى توصیه ایتدی .
 خلق بونلری اجنبی امتعه سەنە ویرەجکلردی . بوندن ایدیله جك
 استفادە اون قسەمە آریله رق یدیسی خزینەیه قالەجقدی .
 بوندن باشقە دمیری غایت بهالی صاتان اکابرک الندن دمیر
 اعمالا تخانە لرینک آلەرق بونلرک وارداتیلە حبوبات اشترا ایدیلمەسنى ،
 دەپولرە دولدیرلمسنى ، صوکرە اوجوز فیئالە خلقە صائلماسنى دە
 توصیه ایلدی . شرابدن آلنان ویرکونک تزید ایدیلمەسنى ، یالکز
 بایعلاک حقنى اشترا ایدنلرک مسکرات صائغە حقلى اولماسنى ؛
 چینلیلرک بارکیر وقویون مقابلندە موغوللارە ایپک ، کتن و سائر
 قاشلر ویرمەلرینى ؛ حارالرە وسوزولرە باقق اوزرە موغول
 عائللەلری تعیین ایدیله رک درى ، قیل ، بوینوز ، سوت ، یاپاغى
 نبی محصولاتدن استفادەلر تأمین اولونماسنى دە تکلیف ایتدی .
 بو عائللەر حاصل اولان استفادەنک آنجق اوندە ایکیسنى
 کندیلرینە آلەجقلردی .

قبلاي بوتون بو اصوللری تصویب ایتدی ، موقع اجرايە
 وضعی ایچون لوشی ژونغە امر ویردی . بوناظر ابتدا احامەنک
 طرفدارلرندن اولوب ارتکابلرندن دولایى وقتیلە عزل ایدیلمش
 اولان برچوق مأمورلری تکرار خدمت دولتە آلدی .
 بوتون لامالرك رئیسى اولان پاسەپانک برادری وخلفى سونغ قو
 لوشی ژونغە مظاهرت ایدیوردی . کندیسەنک تصوراتنە

ممانعت ایتمک ایسته‌ین برضا بط دایاق جزاسنه محکوم ایدیلدی
 وبوندن متاثراً وفات ایتدی . سائر برطاقم ضابطان صیرلانمغه
 باشلانیدیلر . قبلایک اوغلی و ولی عهدی بولونان ، بوقبیل
 پروژهلر تکلیف ایدنلرک علیهداری اولان چنقین پدرینه
 شدتلی اعتراضلر درمیان ایتدی . بعض ناظرلرده کندیسنه
 التحاق ایدلرک لوشی ژونگی برچوق خصوصاتدن و بالخاصه
 اون بش میلیوندن فضلله اختلاسده بولوندیغندن دولایي اتهام
 ایتدیلر . کیمسه بو آدمک مدافعه‌سنی درعهده ایتمکه جسارت
 ایدمدی . محکمه‌یه جلب اولوندی واسناد اولونان شیلرک
 کافه‌سنگ صحیح اولدیغی تبین ایدنجه اعدامنه قرار ویریلدی .
 عینی سنه ظرفنده تونخ قینغه عسکر سوق ایدیلدی .
 اومملکتک قرالنک اوغلی برخیلی موغول اولدیرتمش اولدیغی
 ایچون بونک انتقامی آلنه جقدی . بوسفره قبلایک اوغلی
 توهوآن مأمور ایدیلدی . قوماندان لی‌هنغ کندیسنگ امری
 آلتنده ایدی . توهوآن ابتدا یون‌نانه ، اورادن تونخ قینغه
 کیتدی ، اومملکت عساکرینی پریشان ایتدی . فقط یازک
 شدتلی صیجاقلری و دائمی یاغموزلر اردوسنی هلاک اولمقدن
 تخلیص ایچون یون‌نانه چکیلمه‌یه اونی مجبور براقدی . اوراده
 لی‌هنغه زهرلی براوق اصابت ایدلرک وفاتنه سبیت ویردی .
 دیگر برموغول جنرالی اولان وتوهوآن اردوسندن اون
 بش ، یکر می فرسخ اوزاقد بولونان سوتونک اطرافنی دشمنلر

سنه

۱۲۸۵

قوشاتدی. سوتو النده سلاح حرب ايدر کن مقتول دوشدی .
 قبلای بوايکی بويوك قوماندانك وفاتندن متأثر اولدی . عینی
 زمانده ، کندیسینک یرینه کچه جک اوغلی چن قینک ضیاع
 ابدیسینی کورمک فلاکتده اوغرا دی . قرق اوچ یاشنده
 اولان بوشهزاده خلقی بختیارایتمک ایچون دوغمشدی . کندیسینده
 هیچ برقصور کورولمه یوردی . بعض ناظرلرک بويوك خانه
 ویردکلری فنا نصیحتلره دائماً مخالفت ایتمشدی . فن حربیه ،
 اداره دولته ، تاریخه ، ریاضیاته ، قونفوجیوسک آثارینه پک
 واقف ایدی . چین و تاتارستان مملکتلرینک احوال طبیعیه سنی و
 نه کی خصوصیاتده تجارت ایچون مفید اولابیله جکلرینی پک
 اعلا بیلیردی . مشهور یائوشو طرفندن تربیه ایدیلش ،
 بو قدر بويوك براستادک حکمیاته لایق برشا کر اولمشدی .
 کندیسینه نامزد اولان تخته چیقمغه لایق بر شهزاده اولدیغنی
 سویله مک حقنده کافی ستایش تشکیل ایدر . کندی طبیعتنه
 او یغون برزوجه [۱] بولمق سعادتنده نائل اولمشدی .
 زوجیه سی ده خلقک خیرینه خدمت ایده جک شیلردن باشقه
 برایش ایله مشغول اولمازدی . بوندن اوچ اوغلی و برقاچ
 قیزی دنیا یه کلشدر .

سنه

۱۲۸۶

قبلای حالا ژاپونیا سفرینه کیریشمکی دوشونیوردی .
 ناظرلر بونک لزومسزاغنی ، تهلهکه سنی ، مصرفنی ایلری یه

[۱] اسمی قوقوچین ایدی . کنکرات عشیرته منسوب ایدی .

سوره رك مانع اولمغه چالیشورلردى . فقط قبلایى فیکرندن
 وازچیرمکه اك چوق سبب اولان شی تاتارستانده یكى برعصیان
 تهاکه سی بولوندیغنه دائر آلدیغی خبر اولمشدر . قایدو ،
 اوغرا دیغی ضایعاته رغماً ، له آتوتونمخ طرفلارنده یكى برفرقه
 تشکیلنه موفق اولمشدی . قبلای عینی زمانده چینلیلرکده
 آياقلا نماس نندن قورقه رق اونلرک قلبى قازانمق ایچون بوتون
 ولایتلرده اصحاب علم و معرفتی ، صنایع نفیسه اربابى آراته رق
 اونلره مأموریتلر و یردی . فطرتلری اعتباریله صلحچرورو کندیلرینه
 عائد کافه خصوصاته پک زیاده مربوط اولان چینلیلر قبلایک
 اکتساب علم ایتمه سندن و کندی علملرندن بحث ایلمه سندن
 پک ممنونیت دویییورلردى . فقط فوقیهن ولایتک لیمانلرینه
 وبالخاصه تسوئن چه ئو لیمانه غربدن برچوق سفینه لرك کله سی
 قدر کرک کندیلرینک کرک قبلایک غرورینی اوقشایه جق
 برشی اولمامشدر . تسوئن چه ئو غایت ای برلیماندی . بورایه پول
 هندستانک تکمیل سفائی ذخائر کتیرردى . بونلر بویوک
 بر پنا یرده صاتیلیر ، صو کره اورادن دنیانک هر طرفنه وبالخاصه
 اسکندریه نقل اولونوردى . اوزمان واصل اولان کمیلر
 مالایاردن ، صوماترهدن ، صنم سومناتدن ، سیلاندن [۱] ،
 تینغوردن وبصره کورفزینه وارنجیه قدر اولان سائر حوالیدن

[۱] ظنمه قالیرسه چینلیلرک سنقیلی یاخود سینغال دیدکلری

بونلردر ، سیلان سکنه سیدر .

كليورلردى . قبلای چينليلر ك ذهئنده كئدىسى اچون تحصل
ايدن حس حرمت و تعظيم قدر بوسفائىك ورودندن تامين
ايتدىكى عظيم منافع ماديهدن ده پك ممنون ايدى . چينليلر بو
كميلر ك كلدىكى مملكتلرى هپ قبلایه خراجكذار كې تلىق
ايدىورلردى . چينليلر بوتجارت سايه سنده آوروپا حقئده
بعض معلومات ايدىنديلر وبالحاصله فرانقلرى تقدير ايتديلر .
سائر بوتون ملتلىرى كوزدن محروم عد ايتسدكلرى حالد
فرانقلر ك بر كوزى اولديغنى تسليم ايدلر . چينليلر ك افكار
باطله لرينه نظراً يالكرز كئديلرينك ايكى كوزى واردى ؛
يعنى كرك علوم وفنونه كرك صنايع نفيسه ده كئديلر
بوتون اقوامه فائق عد ايدرلردى .

صرا كشى

تاتارستانده عصيان ظهور اتمكه باشلامشى . عاصيلر ك
مقدارى آرتيوردى . قايدو ، جنكيز خانك برادرى بلكاتاي
نسلندن نايانى ده كئدى طرفنه جلبه موفق اولمش و بوكا
تاتارستانده له آتوتونغ طرفلر نده بويوك برسئجاق ويرمشى .
بوراده قوماندان بولونان بايان آز قالدى اله كچيوردى . قبلای ،
نايان ايله قايدونك التحاقلرينه مانع اولمق اوزره قاراقوروم ايله
شانغ تو آراسنده اخذ موقع اتمه سى اچون كئدىسئ امر وير-
مشى . عىنى زمانده بحرأ برچوق ارزاق يوللادى . هر طرفدن
عسكر طوپلادى وبالذات بوقوتلر ك باشنه كچدى . بر مقدار
عسكر ايله ايلر يله مش اولديغى اچون ، نايان قرار كاھنى استكشاف

۱۲۸۷

مقصديله يوز بيك كشي ايله ايلريله دي . قبلای بومناسبتله
دوشديكى تهلكيه رغماهيچ تلاش ايتدى . على العجله اردوسنك
قسم ، تباقيسنه خبر كوندردى . بوتون سواريلر درحال آتلره
پينديلر . آرقلرينه برده پياده نفرى آلمشردى . فقط برپوصويه
دوشمكدن قورقان نايان بويوك خانه هجوم ايتمكه جسارت
ايدمه مشدى . قبلايك قوماندانلرندن برى اولانلى تينغ غايت
جسور اون كشي ايله عاصينك قرارگاهنه ياقلاشدى و بر سلاح
آتدى . برطوپ اولماسندن شهبه ايديله بيله جك بوسلاحك
سى نايانك بوتون عسكرلرني او قدر قورقوتدى كه بويوك خانك
تكميل اردوسى كنديلرني تعقيب ايدىيور ظن ايدەرك هپ
بردن قاچديلر . بويوك خانك اردوسى كلير گلز هر طرفدن
بوعاصيلر اوزرينه هجوم ايتدى . قبلای عسا كر خاصه سنه و قاپچاق
قوتلرينه بالذات قوماندانلر ايدىيوردي . وجودى عسكرلرينه جسارت
ويردى . دشمنلر بوزولديلر ، نايان اسير دوشدى . نايان
ايمپراطور عائله سندن اولديغى و بو عائله نك قانى دو كوكلك
ايسته نله ديكي اچون قبلای كنديسنى برطوربانك ايجنه قويديرارق
اوراده بوغديرتدى . بوعاصى ، خرستيانلق ادعاسنده ايدى .
بايراكلرنده صليب اشارتى واردى . اردوسنده برچوق خرستيان
بولونيوردى . قبلايك اردوسنده بولونان يهوديلرله محمديلر
بوصورتله خرستيانلغى استحقار وسيله سى بولديلر . فقط قبلای
اونلرى صوصد يردى ، خرستيانلرك اللهى جنايتى و حقسزلغى

تروىچ اىتمەدىكىنى ، خىرستىيانلىق حەقنىدە ھەكم وىرەمك اىچۇن
 اودىنە سالك اولانلارك ھىركاتىنە باققى يا كاش اولەجەنى
 سويلەدى . قىلای پكىنغە عودت ایدنچە بوتون ضابطىلرىنە
 وعسكىرلىرىنە مكافاتلار وىردى . ضابطىلارك درجائى ترفىع ايدىلدى .
 اك ايلرى كلنلرە برر مەر وىالوھە وىرىلدى . بونلارك اوزرىندە
 مۇتەلەف ھىوانات رەسىملىرى مەھكۇم ايدى . ھامىل اولانلارك
 رتبەسىنى ارائە ايدىرلەردى . بونى كورنچە ھەركەس اونلارك امىرلىرىنى
 اجرايە مەجبۇر ايدى . فرىضا برنوع قوش رەسمى ارائە ايدىن
 مەھرى ھامىل اولان كىمەسە اوقۇشانك بوتون مىلىس قوتلىرىنى
 دعوت ايدە بىلەردى .

سەنە

۱۲۸۸

غوبىل

قىلايك اردوسى تونغ قىنغەدە موفق اولدى . مەتەد
 مەھاربات قازاندقن ، چن چن [۱] شەرىنى يىغما ايتەكەن
 سوكرە غنائى ھامىلا بون نانە عودت ايتەدىلر . بوموفقىتە
 رىغما توھو آن ايرتەسى سەنەينە اورايە عودتە مەجبۇر اولدى . تونغ قىنغ
 قرالى بوممەكتە بويوك براردو تەشىد ايتەشىدى . قرال موغوللارك
 ھەدوددن كىرمەلرىنە ممانەت ايتەدى . اونلرى مەزكرات ايلە
 اويالادى . بو قدر صىجاق براقلىمەدە اوزون مەدت دورمايە جەقلىرىنى
 امىد ايدىيوردى . فى الحقيقە ، موغول اردوسىندە خەستەلىق
 چىقەدى . برچوق ضابط و نەرك و فائە سەبب اولدى . ايشە
 اوزمان يون نانە دوغرو رجەتلىرىدن استفادە ايدەرك اوچ يوز

[۱] بو كەچن جىنغەدە دىر .

بيك كشيلىك بر اردو ايله اوزرلرينه هجوم ايتدى . موغوللار
مقاومتلرينه رغماً مغلوب اولدىلار . قبلای اوغلى توهوآنى
يوننان والىلىكىگىدن قالدیردى و سراه کله سنى منع ايتدى .
مع مافیه تونغ قينغ قرالى بويوك خانه آلتوندىن بر هيكل تقديم
ايتدى و يازديغى مکتوبده موغول اردولرينه بوقدر اوزون
برمدت مقاومت کوستردیگىگىدن دولايى تأسفلىده بولوندى .
قبلايك طورونى تیمور له آتوتونغ طرفلرنده دها زیاده
لطف طالعه مظهر اولمشدى . نایان طرفدارلرنى بر قسمى هنوز
اورالرده طوتونیورلر [۱] و بولولایت ايله سد کیره جوار اولان
الکالری استیلا تهدیدینى کوستریورلردى . بایان ، قایدونک
هاتان ايله التحاقنه دائماً مانع اولمشدى . رفاقتنده متعدد
قوماندانلر بولونان تیمور اورایه کیرمک امرینى آلدی . عاصیلرله
محاربه یه طوتوشدى . حرب بوتون کون دوام ايتدى . نتیجه ده
اردولر بر برلرنى آیرلدىلار . فقط دها قانلى ایکنجی بر مصادمه ده
عاصیلر مغلوب دوشدىلار . عسکرلرنى قسماً اعظمى تلف
اولدى . صوکره تیمور حسن معامله سى ، عفو و مرحمتى سایه سنده
بوتون عشیرتلى دائرة وظیفه یه ادخال ايتدى . چینلیلر بو
شهزاده نى سورلردى . پدرى چن قينک فضائلى اوننده ده
کوریورلر و بوندىن دولايى کنديسنى قبلایک وارثى عد
ایدیورلردى . مع مافیه عصیان هنوز تسکین ایدیللمشدى .
[۱] بونلرک رؤسای تیه قو، آیو ، تولوقان ، هاتان و قایدو ایدیلر .

تيورك حر كىتىدىن سوكره قايدو قارا قورومك شىمالىي
غىرىيىسىدە بولونان ئىشپىرتلىرى آياقلاندىردى . ھاتان لە آتوتونغ
داخلىنە آقنىلر ياپدى . قىلايك طورونى قانمالانك قومانداسى
آلتىدە بولونان بر مفرزە سالىنغا نھرى قىرىندە اسىر ايدىلدى .
قىلاي اخیيارلغىنە رىغما عىسكىرى باشىنە كىچىكچە عاصىلر چكىلمەنى
مناسب كوردىلر . بعض موغول جنراللىرى متعدد عصات قوتلىرىنى
بوزدىلر و قانمالاي قورتاردىلر .

بو سفردن سوكره قىلاي آرتق ھان يالىكىز حكومتىك
ادارەسى ايله مشغول اولدى . شان تونغ داخلىدە تىنىنىغ
چە ئودن عىنى ولايت داخلىدە لىن تىنىغ چە ئويە قدر بويوك بر
قانال آچىغە تىبىت ايتدى .

فقط بو تىبىت سوكرەكى سىلالە زىمانىدە اتمام ايدىلە بىلدى .
قىلاي ۋەن نھرى ايله اوئەنى نھرلىرىنىك دە برلشدىرلەسنى
ايسىتە يوردى . پكىنىغە يىكى بر مدرسە ياپدىردى . بونك اداره
سنى سىرايندە بولونان غىربىلەرە وىردى . مطبعە ايشلىرى حقنىدە
مفصل معلومات آلدى . اراضىنىك زىرى ، اىپك بوجكارىنىك
بىلىنىمەسى حقنىدە وىردىكى امىرلىك نە صورتلە اجرا ايدىلدىكىنى
تحقيق ايتدىردى . مالابار ساحللىرىنە وسائر جوار مملەكتلەرە
علمائى ، ارباب صنعت و حرفتى ، بحرىە و برىە ضابطائى والسنة
مختلفە ترجمانلىرىنى سىراينە جلب اىچون مأمورلر كوندردى .
او سنە تىبىت لامالىرىنىك كىتاب عقائدىنى آلتون حروفات ايله

سنه

۱۲۹۰

استنساخ وظیفه سنی اکمال ایتدیلهر . تاریخ انجمنی اوقتای ایله
کیوک دورلرینک تاریخی نشر ایله دی .

سنه
۱۲۹۱

قبلاي مالیه ایشلرینک اداره سنی احامه درجه سنده حریص
و کوتو بر آدم اولان سانغ قویه ویرمشدی . بو ناظرک قبلاي
نزدنده او درجه نفوذی واردی که کیسه علیهنده شکایت
جسارت ایده میوردی . سونغ عائله ایمپراطوریه سندن چاؤمنغ-
فو دولتک خیر وسلامتی اوغورنده حیاتی فدا تهلکه سنی کوزه
آلهرق ابتدا قبلایک سودیکی چلی یه مراجعت ایله سانغ قونک
جرملرینی حکمداره عرض ایتک صیراسی گلش اولدیغنی
سویله دی . دیدی که : « هر کسک حقنی ویرن اخلاف بزی
ناموسسز عد ایده جکدر . ایمپراطورلغک خیر وسلامتی
ایمپراطورلغی محو ایدن کیسه یی میدانه چیقارمه مزی آمردر . »
چلی قبلایک آوده بولونماسندن بالاستفاده سانغ قونک حرکاتی
حقنده سرد ایدیلن شکایاتدن بحث ایتدی . قبلاي بوکا اوقدر
قیزدی که کندیسینی بر صورت ظالمانده ضرب ایتدیردی .
یره یاتیریلان ناظرک آغزندن ویوزندن قان کلیوردی . بو
حاله استجواب ایدیلدیکی زمان سویلدکلرینی ینه تأیید ایدیور ،
دولتک خیر وسلامتی ، حکمدارینک شرف و حیثیتی بو یولده
اداره کلامه کندیسی مجبور ایتدیکنی بیان ایله یهرک سوزلرینک
صحتی اثبات ایچون اولمکی کوزه آلیوردی . قبلاي بو ناظرک
کوستردیکی متانتدن صارصیلهرق وسرایده کی دها بعض اکابرک

عینی حرکتی کو ستر مکہ مہیا اولدقلرینی خبر آلہرق پوھوچویہ
سونغ قو حقمندہ تحقیقات یاماسنی امر ایتدی . پوھوچو غایت
دوغرو ، متین وھر دورلو حقسزلغہ دشمن بر ذات ایدی .
سانغ قونک سوء حرکاتی وحیلہ لرینی کشف ایتمکدہ کجیکمہ دی .
قبلا یه ویردیکی راپورده اونک بویوک خانی آلداتیغنی ، دولته
تذبذبہ سبب اولدیغنی ، بر چوق معصوملری اولدیردیکنی
وبوقدر چوق خیرسز بولونماسنک مسئولیتی اوکا عائد بولوندیغنی
بیلدیردی . بو قدر مجرم بر آدمک سرعتله وجودینی ازاله
ایتمہ سی ایچون قبلا یه رجالرده بولوندی وکندیسی حیاتده
براقیلہ جق اولورسه بر عصیان چیقما سندن قورقولا بیله جکنی
علاوه ایتدی . بونک اوزرینه قبلا ی دها اول خبردار
ایدیلہ دیکندن دولایی شکایتده بولوندی . ایمپراطورلق
مفتشلری بو فرصتدن استفادہ ایدہ رک فنا برناظرک انتریقہ لرینی
کندیسنہ عرض ایتک دائما تہلکلی بر حرکت تشکیل ایتمش
اولدیغنی آکلاتدیلمر . او قدر فنا معاملہ کورن چلی مأموریتنہ
اعادہ ایدیلدی . سونغ قونک سراینہ اموالنی تثبیت ایچون
کوندرلدی . بو ناظرلرک طرفدارلری حقمندہ عینی تحقیقات
اجرا اولوندی . هر طرفده غایت عظیم مقدارده مجوہرات
وذی قیمت طاشلر بولوندی . سونغ قو مأموریتندن عزل
ایدیلدی . فقط قبلا ی سونغ عائلہ ایمپراطوریہ سنک مزارلرینی
یغما ایتمش اولان برلامایہ قارشى بو قدر شدتلی داورانمادی .

محلی وقعه ده کی ضابطانه بو حرکت او قدر فنا کور و نمشدی که
 لامانک اموالی مصادره ، کندیسنی اعدامه محکوم ایتشلردی .
 فقط بولامانک سرایده حائز اولدیغی نفوذ عظیم کندیسنی
 قورتاردی . قبلای لامای تخلیه ایتدیردی . حتی اموالانک
 بویوک بر قسمنک اعاده سی ایچون امر ویردی . چینلیلر
 بویوک خانک بوضعفی عفو ایتدیلر . ایمپراطورلقده فائده سر
 کیمسه لر کی تلقی ایتدکلری لامالری بو قدر قوتله حمایه ایتدیکندن
 دولای کندیسنی تقییح ایتمکدن خالی قالمازلر .

ناظرلر، بویوک خانک خارجه احراز فتوحات ایچون
 یسله دیکی شدید آرزولره قارشى دورمق مجبوریتتدهده
 قالدیلر . قبلای فوقیهن ولایتنک شرقنده لیه ئوقیه ئو تسمیه
 ایدیلن آطه لر حقنده ایشیتدیکی سوزلره باقهرق اورایه بر
 دوناما کوندرمک و آطه لری ضبط ایتمک فکرینه دوشمشدی .
 فقط ناظرلرینک مطالعه سنی قبوله مجبور اولدی . مع مافیه
 بو آطه لر حقنده استکشافات یاپدیرمق ایچون بویوک مصارف
 اختیارندن کری دورمادی . تونغ قینگ سفریله الان
 مشغولدی . اوداسنی فتح ایتمک نیتنده ایدی . دولت ایچون
 بو قدر ضررلی بر شکل آلمش اولان بر حربه دوام ایتمه سی
 کندیسنه توصیه ایدیلدی و تونغ قینگ قرالی عرض انقیاده
 سوق ایتمک یوللری کوسترلدی . بونک اوزرینه بوتون بوتصوراتدن

واز كچەرك يىكى اغتشاشات تەلەكەسى آلتىندە كورونن تاتارستانى.
تسكىن چارەلرینی دوشونمەكە باشلادی .

سەنە

۱۲۹۲

ايرتەسى سەنەك ايلك كۈنلرى بىر بايرام ايدى . قبلالېك
سرايى بوتون حشمت و دېدبەسىلە كىندىسىنى كۈستەرجەكدى .
فقط او كۈن بىر كسوف وقوعە كلەجەككە اخبار ايدىلەسى .
بوتون شەنەكلرى تعلق ايتدىردى . چىنلېلر كسوفى
وعمومىتە بوتون حادثات سەماوىيە بويوك فلاكتلر كعلامتى
كې تالقى ايتەكلرى معلومدر . بايرام كۈنى تېرىكات
اجراسى منع ايدىلدى . ناظرلر ايمپراطورى خط حرەكتى
تدقيق ايدەك جناب حقك لطفنى جلب اچون تصحيح
قصور ايلەك تشويق ايتدىلر . كسوف ائناسندە بوتون سراي
بويوك خوف واندىشە اچىندە قالدى . بىر كسوف ، بىر
قوروقلى يىلدىز ياخود بۈنلرە مشابە سائر حادثات مناسەبتە
القا ايدىلن بوقورقۇلردە اعتقادات باطلە قدر سىياستكە
اجراي تائير اتمەسى پك محتملدر . علم هېئەتە پك واقف
اولان چىنلېلر بو حادثاتك ترتيب طبعى حادثات آراسندە
بولوندىغى بىلېرلر . چۈنكە نە وقت وقوعە كلەجەككى اولدىن
بالحساب تەيىن اتمەكەدرلر . فقط حكەمدارە تعقيب ايتدىكى
خط حرەكتە غضب الهىي دعوت ايدىن وتصحيح ايدىلار سە
احتمالەك بويوك فلاكتلرە سەببەت وىرەجك اولان بعض
جەھتلر بولوندىغى عرض اتمك اچون بو حادثەلر اى بىر وسىلە

تشکیل ایدر . بو ، قدیم بر فائده‌لی عادتدر که چینلیلر هیچ
بر زمان اوندن واز کچمه‌مشلردر . بو نقطه‌ده عقل سلیمه اعتقادات
باطله‌ی ترجیح ایتشلردر .

تاتارستانده دائماً بعض عصات فرقه‌لری واردی که بو
جسیم‌الکالری قبلایک تحت حکمندن چیقارمغه چالیشیورلردی .
منکلی تیمورایله قایدوینه براردو باشنده میدان چیقمشلردی .
فقط بو الکاده‌کی قوتلرک قوماندانی اولان بایان اونلرک
حرکاتی کوزدن قاچیرمایوردی . قاراقوروم شهرینی محافظه
ایتمک ایستر کی اورایه چکیلیمشدی . مقصدی دشمنلری
غافل اولامق ایچون مناسب بر فرصت کوزتله مکدی . فی الحقیقه
اونلری آکسزین باصدی . منکلی تیمورک قرارگاهنی یغما ایتدی ،
اردوسنک قسم اعظمی قیلیچدن کچردی .

چینلیلر قبلایک اجنبی مملکتلرینه قارش یایمق ایسته‌دیکی
تجاوزاته نه قدر ممانعت کوسترمشلسه بورنه ئو آظه‌سی اولمق
ملحوظ اولان قوآ آظه‌سنه قارش بر حربه کیریشمه‌سنه او
قدر طرفدارلق و مسارعت اثری ابراز ایتمشلردی . اسمنی
اجنبی قوملرینه طانمق خصوصنده بویوک بر حرص بسله‌ین
قبلای چینه مملکتلرینک نوادر محصولات واشیاسنی کتیرمه
سوق ایچون مختلف هند قرالارینه صیق صیق ضابطلر
کوندرمشدی . بو تجارتدن غایت کار ایدن هندلیلر فوقیه‌ن
لیمانلرینه پک چوق کلیرلردی . قبلایک قوآ ئوآ قرالنه

کوندردیکی ناظر لرندن منع قی کیتدیکی یرده حقارته اوغرا دی .
یوزینه بر خیرسز کبی صیجاق تمغا اوردیلر . بوتحقیر بوتون
چینلیلری قیزدیردی . انتقام آلماسی ایچون قبلایه یالواردیلر .
علی السجله بیک حرب و نقلیه کمیسی طویلاندی . بونلره
اوتوز بیک عسکر ارکاب ایتدیلر . کمیجیلرک مقداری بو
حسابدن خارجدر . بر سنه لک ده ذخیره تحمیل اولوندی .
شاهی باش قوماندان ، قانو هینگ عسا کر بریه قوماندانی ،
ایغور الکاسندن اولان یه ههمیش ده عسا کر بحریه قوماندانی
تعیین ایدیلدی . دونانما تونغ قینگ وقوشینشین ساحلرندن
یورویهرک بویوک ده کیزه کیردی و آلتمش سکز کون یولجیلقدن
صو کره [۱] عسکرلری قوآ ثوآ آطه سنه چیقاردی . مملکتک
قرالی [۲] درحال چینلیلره تسلیم اوله رق اونلری آلداتمق
واولدیرمک فیکریله بویوک هدیه لر ویردی . صو کره چینلیلری
قولانغ نامنده جوار بر مملکتده حرب ایتکه تشویق ایله دی .
بورانک قرالی کندیسینک دشمنی ایدی . بر طرفدن ده چین
اردوسنی اتلاف ایچون کیزلیجه بوتون تدابیری انخاز ایتدی .
اونک مطالعه سی موجبنجه دونانمانک محافظه سی ایچون
بر مقدار ضابطان براقلدی . قوای بریه ایله قولانغ الکاسنک
پایتختی اوزرینه یوروندی . اوراده یوز بیک کشیلک براردویه

۱۲۹۳

[۱] دونانما تسوئن چه ئو لماندن حرکت ایتشدی .

[۲] اسمی توآن پی تویه در .

مصادف اولدیلر . طلوع شمسدن زواله قدر حرب دوام
ایتدی . کوستردکاری بومقاومته رغماً بواردومغلوب ایدی یلد .
قرال چینلیلره تسلیم اولدی . اونلرده کندیسنی بوتون عائله -
سیله برلکده اولدیردیلر . صوکره ، قوآئوآ قرالی ویردیکی
سوزلرک هیچ برینی طوتمق ایسته میهرک چینلیلره ده کیز یولنی
کسه جک صورتده حرکت ایتدی . اوتوز فرسخلک مسافه ده
متمادی هجوملرله کندیلرینی ازعاج ایله یهرک تقریباً اوچ بیک
کشیلرینی اولدیردی . چینلیلر جسارتلری سایه سنده بوتلمکدن
قورتوله رق عظیم غنائم ایله تکرار کیمیلرینه بیدیلر . قبلای
اوامرینی تطبیق ایتمه دکارندن وقوآئوآ قرالنی قاجیرد -
قلرندن دولانی قوماندانلرینی تقبیح ایتدی . قوماندانلرک
املاکنک ثنائی مصادره ایدی . فقط غایت اینی بررضابط
اولدقلری و اجنبی حکمدارلره یاپه جقلری تجاوزاتک ، نه قدر
اوزاقده اولسه لرده انتقامی آلنه بیله جکی اثبات ایدلدیکی
جهتله قصورلری عفو اولوندی .

تاتارستانده غایت بویوک خدمتار ایفا ایتمش اولان بایان
سرایده بض اکابرک حسدلری یوزندن عینی نکبته آز قالدی
اوغرایه جقدی . بونلر بوقوماندانی اردونک باشنده او قدر
اوزون مدت براقه نک پک تهلکه لی اولدیغنی قبلایه عرض
ایتدیلر ، حتی قایدوايله کیزلیجه مناسباتی اولدیغنی سویله یه جک
درجه یه واردیلر . قبلای بوسوزلرک اسبابنی آکلایه رق ،

ابتدا اینانمش کبی کوروندی ، طورونی تیمورک قایدویه هجوم
ایتمک اوزره تاتارستانه کیتمه سی امرینی ویردی . بایانک
وظیفه سینی ده یوسی ته مور Yusitemour و ویردی . بایان
سرعت ممکنه ایله تاتونخ فویه کلک امرینی آلدی . تیمور ایله
یکی قوماندان بایانک معصومیتنه امین اولدقلری جهته قرارگاهنه
کیتمک خصوصنده استعجال کوسترمدیلر وقایدو اوزرنده
برمظفریت قازانماسی ایچون کندیسنه وقت براقیدیلر . تیمور
بومحاربه دن صوکره واصل اولدی وحامل اولدیغی ا لری
اردویه اعلان ایتدی . بوتون ضابطان غیر ممنون اولدیلر و
یک مربوط اولدقلری بایان ایچون اندیشه یه دوشدیلر . آنجق
بویوک خانک اوغلنک کندیسنی سفره سنه آلدیغنی کوردکلری
زمان مستریح اولدیلر . بایان ، حرکت ایده جکی صیراده ،
بعض تعلیمات ایسته یین تیموره شوسوزلری سویله دی : « شهرادهم ،
نه شرابی سویکیز ، نه قادینلری . بویله یاپارسه کیز هر ایشه
موفق اولورسکیز . » صوکره بایان تاتونخ فویه کیتدی . ادراده
سرایه کیتمک امری بولدی . سرایه واصل اولدیغی زمان
قبلا ی کندیسنه عسا کر خاصه سنک وتاتو ایله شانغ تو
جوارلرنده بولونان بوتون قوتلرک باش قوماندانلغنی ویردی
وبوصورتله بایانک تکمیل دشمنلرینی محجوب ایتدی .
قبلا ی شانغ توی ترک ایله پکینغه یاخود نام دیکرله تاتویه

كلدى . اوراده برقويروقلي يىلدىزك كورونمەسى [۱] سراى
اركانە حزن ودهشت وىردى . قىلاى ناظرى پوهوچويه
بوحادثەك دلالت ايتدىكى غضب الھىي نەصورتلە تسكىن
ايدە بىلە جگنى صوردى . ناظر كىجەيى قىلايك يانندە كچىردى .
كندىسنە اسكى چىن كىتابىرىنك متعدد فقرەلرىنى اوقودى .
بونلردە حكمدارلرك اوامر الھىيەي نەقدر حرمتكارانە تلقى
اىتمەلى لازم كلە جكى كوسترىليوردى . كىلك ناظر تارىخ
قىدىمدىن بعض مىللەردىكى ايدەرك بر حكمدارك آنجق فضىلتكارانە
حركت اىتمەسى وقويروقلي يىلدىزلر كوروندىكى ، كسوفلر ،
زلزلەلر وقوعە كلدىكى زمان خطالىرىنى تصحيحە وتبەسنى
حسن ادارەيە چالدىشمەسى لازم كلە جگنى آكلاتدى .

سنه
۱۲۹۴

برآز صوكرە قىلاى خستەلاندى وسكسان ياشندە
اولدىغى حالە وفات ايتدى [۲] . چىنلىلر اعتقادات باطلەيە
پك فضىلە مەربوط اولدىغىندىن ، لامالرە پك مفرط بر حرمت
كوستردىكىندىن ، قادىنلرى وپارەيى پك چوق سودىكىندىن ،
ژاپون وتونۇق قىنىغ سفرلەندە بويوك تلفاتە سىبىت وىرن فتوحاتە
حرىص بولوتدىغىندىن ، غەربلىلرە پك چوق نفوذىخش ايتدىكىندىن
دولايى كندىسنى مؤاخذە ايدىرلر . فقط موغوللر وعمومىتلە
بوتون اجنىلر كندىسنى دىيانك اك بويوك بر حكمدارى

[۱] اونجى شەر قىرىدە .

[۲] برنجى شەر قىرىدە .

صورتندە تلىقى ايتىمىكەدەدرلر . قبلایك بويوك مزياتى اولدىغى
انكار ايديله من . عالم ایدی ، ارباب علم وادبك محبى ایدی .
جسور و عالیجناب ایدی . واقعا پارەنى برآز فضلە سومشسەدە
بونى ايمپراطورلغك شرفنى وتبعەسنك استراحتنى تامين غايەسىنى
تعقيب ایدن بض پروژەلر اوغورندە صرف ایدیوردى .
ايشتە بوندن دولايى نامنى لايموت قىلدشدر . چينك هر طرفندە
شەرلر آراسندە مواصلەنى تامين مقصدىلە قناللر قازديرمشدر .
شمالدە ۵۵ عرض درجە سنە وجنوبدە قوشيشيندە ۱۵، ۱۶ درجە يە
قدر رياضیون كوندرك تدقیقات ياپديرمشدر . چينك ، تونغ
قینگك ، قورەنك وتاتارستاندە متعدد مواقعك قطبدن
ارتفاعلرىنى حساب ايتديرمشدر . قبلای آلات رياضیە انشاسى ،
اسكى كتابلرك تحریسى ، هندستانك وسائر غرب مملەكتلرىنك
اك ماہر علمالرىنك چينە جلی ، اك ابى كتابلرك موغولجە يە
ترجمەسى ، مبانى عمومىە انشاسى ، كىتبخانەلر تشكىلى ، سفائى
انشاسى ، تجارتك تامين ترقىسى ايچون مبالغ عظيمە صرف ايلەمشدر .
قبلای هر سنە محصولاتك حالنى صوراردى . حاصلات مبذول اولمادىغى
زمان عظيم ذخیرە دپولرىنى آچەرق خلقى بساروتخماق داغيتىردى .
ايشتە قبلای چين ايمپراطورلغنه و كندى عائلە سنە منسوب
شەزادەلرە قارشى آچدىغى بويوك محاربات آراسندە بونلرلە
مشغول اولوردى ۱۱ . دولتلك حدودلرى تونغ قینگ و قوشيشيندن

بحر منجمد شمالی یه دوغرو سیریا ایچریلرینه قدر کیدیوردی .
ایرانده وولغا طرفلرنده حکمران اولان موغول حکمدارلری
کندیسنه تابع ایدیلر . فقط اصل حکومتی چین ایله چین
تاتارستاندن ترکب ایدیوردی . سائر ولایتلری یا کندیسنی
بر متبوع معظم کبی تلقی ایدن افراد عائله سندن بعض شهزاده لره
تابع ایدیلر یا خود کندیسنه خراج ویرن قراللرینک تحت
اداره سنده بولونیورلردی .

بو بویوک حکمدارک وفاتندن صو کره بایان برنجی ناظر
واردولر باش قوماندانی صفتیه ، اغتشاشاته مانع اولمق اوزره
امرلر ویردی . چن قینک اوغلی شهزاده تیموری قبلایک وصیتی
موجبجه بویوک خان اعلان ایدیلک اوزره سرایه کله سی
ایچون کیفیتدن خبردار ایتدی . شائع قوده اجتماع ایدیلدی [۱] .
متوفا ایمپراطورک اوامرینه رغماً بوراده بعض اکابر بویوک خان
عنوانی تیموردن باشقه برینه ویرمکه متمایل کورونیورلردی .
بایان ایله ده سائر بعض قوماندانلر بو فکره مخالفت ایتدیلر ،
تیموردن باشقه بر حکمدار طانیمایه جقلرینی سویله یه رک اللرینی

عنوانی طاشیردی . بولردن اون چوجوغی اولدی : ۱ - توشی ، اک
بویوک اوغلیدر . ذریتسز وفات ایتدی ؛ ۲ - چن قین ، ولی عهد
اولمشدر ؛ ۳ - مانغ قولا ، شنسی ، سه چوش و تیت والیسی ؛ ۴ -
غانتانپو هوا ؛ ۵ - نانو هان ؛ ۶ - اوچوچه ؛ ۷ - غایاچه ؛ ۸ -
غائولوچه ؛ ۹ - قوتوچو ؛ ۱۰ - توهوآن .

[۱] دردنجی شهر قریده .

قیلیجلیرىنه کوتوردیلر . بوتون چینلیلرک آرزوسى ده بوايدى .
تیمورک بویوک قارداشی اولان قانمالا تیموره ایلك رأی ویرمیشدر .
دیگرلری ده اوکا امثال ایتدیلر . بونک اوزرینه بوتون اکابر
معتاد اولدیغی وجهله دیژ چو کدیلم و تیموری بویوک خان اعلان
ایله دیلر [۱] . بو خبر بوتون ایمپراطورلقدہ اعلان ایدیلدی .
بر عفو عمومی بخش اولوندى .

تیمورخان دورسلطنتنه باشلارکن پدری چن قینه ایمپراطور
ووالده سنه ایمپراطوریچه عنوانی ویردی . چن قین ایله قبلاى
نامنه آبدلر یاپدیردی . عائله سنه منسوب پرنسسلره ، پرنسسلره ،
قوماندانلره ، حاکملره و عمومیتله بوتون ضابطلره لازم کان
مبالغی تسویه ایتدیردی . بویوک برادری قانمالای تاتارستانده
کندیسنک وکیل نصب ایتدی . اوراده قایدونک تشبثاتنه
قارشى قویمق اوزره قوماندانلر تعیین ایله دی . ولایتلرک
آسایش وامنیتنی تأمین مقصدیله اردولرک اداره سنى اک ماهر
قوماندانلره یعنی بایانه ، بوسی ته موره ، یوئه چه چاره و توتوها به
ویردی . قبلایک تاریخنى اتمام ایتدیردی . تونغ قینگ قرالى ایله
صلح یاپدی . قوآئوآ ایله محاربه دن دولایى منقطع اولان هندستان
ایله مناسبات تجاریه بی اعاده و تأسیس ایتدی . بایان یکی افندیسنک
اعتماددن اوزون مدت مستفید اولامادی . الی دوقوز یاشنده ،
چینده و تاتارستانده یتیشمش اک بویوک آدملردن بری شهرتى

[۱] چینلیلر کندیسنه چینگ تسونخ دیرلر .

پراقەرق ، ترك حيات ايتدى . هر كس كنديسنك وفاتىدىن
 تاسقىل كوستردى . بايان چىنلىلار ك پك بويوك ستايشلىرىنە اثبات
 لياقت اتمىشدر . تيمورخان عسكىرلەر مياثوتسەلەرە كوزاچدىرمامق
 شرطىلە چىنك جنوب ولايتلارندە اراخى توزىع ايتدى .
 مياثوتسەلەر داغلارە چكىلمش ، تاممىلە مستقل بر قوم ايدىلر .
 لسانلىرى ، قانونلىرى ، اسول وعادەتلىرى چىنلىلار ككىندىن تاممىلە
 فرقلى ايدى . او صىراپە بوتون ايمپراطورلقدە ظهۇر ايدىن
 بويوك بر قىطلىق علو جنابى اظهار اىچون تيمورە بروسىلە تشكىل
 ايتدى . بوتون فقرايە پك چوق احسانلردە بولوندى . عمومى
 دپولردەكى مدخراتى بر صورت صحىحەدە تدقيق ايلەدى .
 مأمورىيتلار ك پارد ايلە صائلماسەنە مانع اولدىغى كى بالعموم
 محكوملر حقندەدە معلومات آلمق اىستەدى . مقصدى ، اكابر ك
 ولايتلردە تىبەلر نى اولدىرمك اقتدارىنە مانع اولمقدى . بويوك
 خاك افراد خلقە قارشى كوستردىكى اعتنا وشفقت اونى والدەسى
 ايمپراطور يچە ياقىق اىستىدىكى بر سياحتدن واز كچمەسنى رجاىە
 سوق ايلەدى . ايمپراطور يچە شانسى داخلىندە ئوتاي داغندە
 ياپدىرمش اولدىغى بر فو معبدىنى زيارتە كىدە جكدى . بو
 سياحت ايسە خلق اىچون راحتسزلىغى موجب اولاجقدى .
 تيمور قلىبا بونك عليهندە بولمىقلە برابر والدەسە قارشى بىسلەدىكى
 حرمت آچىقچە سويلەمسەنە مانع اوليوردى . ايمپراطور يچەدە
 عىنى صورتلە خلقى سودىكى ومعاونتدە بولونمىق اوزرە صىق

سنه

۱۲۹۶

۱۲۹۷

صیق خلقت احوالندن خبر صورتیخی ایچون ایلری کلن چینلیلر
 کندیسنه بلیغ بر عرضحال تقدیم ایتدیلر . بونده خلقه قارشی
 کوستردیکی مرحمت و علوجنابی مدح ایتدکن صوکره بومعبدک
 انشاسی اوغورنده خراب اولان ویاترک حیات ایدن کیمسه لک
 مقدارینی مبالغه لی بر صورتده آکلاتدیلر و سیاحتی یوزندن
 به چالی ، شانس و لایتلرنده بر چوق کشینک نه قدر مصائبه
 گرفتار اوله جغنی تصویر ایتدیلر ، فو مذهبی علیهنده بولوندیلر .
 ایمپراطور یچه اوغلنک بو سیاحتی تصویب ایتدیکنی خبر آنجه
 تصورندن واز کچدی و آرتق بقیه حیاتی مدتیجه بویوک خانی
 تبعه سنک حرمت و محبتنه لایق بر حاله کلمکه تشویق ایتمکدن
 باشقه بر شی یامادی .

قایدونک آقینلرینه دائماً معروض بولونان تاتارستان تیمورک
 نظر دقتی جلب ایتدی . اوراده کی اردولرک قوماندانی بولونان
 قاپچاقلر رئیس توتوها او صیراده ترک حیات ایدهرک [۱]
 چوهاانغور Tchohangour [جهانگیر ؟] اسمنده بر اولاد
 براقشدی . چوهاانغور پدرینک قومانداسی آلتنده عسکرلک
 ایدهرک تمیز ایتمشدی . پدری قدر بویوک بر قومانداندی .
 ایشته تیمور تاتارستانه اونی کوندردی . چوهاانغور عاصیلری
 دها زیاده شماله دوغرو چکیلمکه مجبور ایتدی . ایرته سی سنه
 ایرتیش نهری قربنده بویوک بر مظفریت قازاندی .

۱۲۹۸

سنة
۱۲۹۹

تیمور خان ، خلقك اوغرا دیغی زیانی ، عسکرلرک یادیغی خساراتی ، بوتون عائله لرك ، حتی تارلارینی اکهمیه جک حاله کلمش کویلیلرک بيله حقیقی وضعیتلرینی تدقیق ایچ-ون ولایاته مأمورلر کوندرمکله تبعه سنک حرمت و محبتنی قازاندی . فقرانک ، خسته لرك ، اختیار ضابطانک ترفیه احوالی تأمین ایتدی . بعض موعوللرک توصیه ایتدکلری کبی ژاپونیا ایله حربه کیریشمک ایسته مدی . فضیحتی اورتهدن قالدیرمقدن و خالق مسعود ایتمکدن باشقه بر شیئه اهمیت ویرمدی . کندیسینی یالکز ژاپونیا به سفیر صفتیه بر بونز کوندردیکندن دولایی مؤاخذه ایدی-ورلر . چونکه چینلیلر حکمدارلرینک اجنبی سرایلرینه کوندره جکلری کیمسه لرك عنوان صاحبی اولمالرینی ، دبدبه و احتشاملر ، وقار وجدیتاری ، ایمپراطوره لایق بر طور عظمتلری ایله ایمپراطورلغه شرف ویرملرینی ایستترلر . ریاضیه انجمنی بوتاریخده ایمپراطورک بر مؤاخذه سنه اوغرا دی . بر کسوف وقوعه کله جکی خبر ویریلدیکی حالده کسوف اولمامشدی . بعض مداهنلر انجمنی معذور کوسترمک ایچون بویوک خانه جناب حقک کندیسینه بر اثر توجه اولمق اوزره شمسک حرکاتی تعدیل ایتدیکنی سویله دیلر . تیمور بونلرک سوزینه اینانمادی و ریاضیه انجمنه بعدما دهها متبصر بولونماسنی امر ایتدی . تیمور خان ممالک اجنبیه ده حرب ایتمک علیهنده بولمقله برابر ، چینلیلردن باشقه هر هانکی بر ملت نزدنده اولسه پک

۱۳۰۰

اهمیتسز کوروله جک برسیدن دولای قوماندانلرندن بعضیلرینک
توصیه سی اوزرینه بو قبیل بر حربه سوروکلنمکدن کنديسنى
منع ایدمدی . تقویملرینه غایت مربوط اولان چینلیلر بنکاله
ایله یوننان آراسنده بر مملکت اولان پاپه سیفو Papesifou
اهالیسینک چین سنه لری شکلی قبول ایتملرینی ایسته یورلردی .
بر ناظر [۱] بو مسئله یی غایت جدی عد ایتدی . بر اردو
قوماندانی اورایه عسکر سوق ایتک لزومنده اصرار کوستردی .
بونک اوزرینه ، عاقلانه مطالعاته رغماً ، حربه کیریشلمه سی
تقرر ایتدی . هندستانک بو قسمنه یکر می بیک کشیلک براردو
ایله کیتمکه لیه ئوچن مأمور ایدیلدی . کوندریلن عسکر اوراده
سيفالتدن همان کاملاً تلف اولدی . حدودلرده هم جوار
اولان قوملردن چوغی سلاحه صاریلدیلر وایمپراطورلق داخلنه
آقینلر یاپدیلر . بوتون هوقو آنغ ، سه چوئن ، شنسی ، یون
نان عسکرلرینی سوق ایتک مجبوری حاصل اولدی . بر تقویمی
قبول ایتدیرمک غروری برقاچ سنه سورن ویک چوق کشینک
وفاتنه باعث اولان بر حربه سبب تشکیل ایتدی . بویوک
مشکلاتدن صوکره پاپه سیفو اقوامنی تحت انقیاده آلمق قابل
اولدی . تیمور خان بویله بر ایشه لزومسز بره کیریشلدیکندن
دولای حس ایتدیکی المی اظهاردن منع نفس ایدمدی . بر
ناظر بو فرصتدن استفاده ایله قبلایک ژاپونیا ، تونغ قینگ

وقوآئوآ سفرلری ایچون اختیار ایتدیکی بی فائده و او نسبتده
 عظیم مصارفی ایضاح ایدهرک بو یکی حربک سببی اولان لیه ئوشنک
 اعدامه مستحق اولدیغنی سویله دی . تیمور موافقت کوستردی .
 قوماندانک باشی کسیدلی . عینی زمانده باشقه بر حربه ده
 کیریشیلدی . بوده ده ائی بر نتیجه ویرمدی . پهغو قرالی
 او صیراده قوماندانلرندن بری طرفندن قتل ایدیلش ، اوغلی
 پکینگه قاچهرق بویوک خاندن معاونت رجا ایله مشدی . پهغو
 قرالائی ایمر اطورلغک خراجکنداری اولدیغنی ایچون تیمور قوماندان
 سوئه چائوری عاصی بی تنکیله یوللادی . فقط بو قوماندان
 مغلوب ویون نانه عودته مجبور اولدی واوراده هر شئیک تسکین
 ایدیلش اولدیغنی اعلان ایتدی . سوکره دن خبر آلندی که
 کیندیسنک ضابطلرندن بعضیلرینی عاصی پاره قوتی ایله جلب
 ایتمشدی . بونلرک باشی کسیدلی . سوئه چائورک رتبه سی رفع ،
 اموالی مصادره ایدیلدی . بو تاریخده تیمور پوهوچو نامنده اک
 ای بر ناظرینی غائب ایتدی . بو ناظر غایت فقر ایچنده وفات
 ایتمش و اوغللارینه ناموس وعفت ایله عمومه محبتدن باشقه بر
 میراث بر اقاممشدی . بویوک موقعلر احراز ایتمش اولمقله برابر
 پارهیه مجلوب اولماماسی تروت طوپلاماسنه مانع اولمشدی .
 زوجه سی النک ایشیله عائله سنی بسلامه یوردی .

سنه

۱۳۰۱

بو حکمدارک زمان سلطنتنده تاتارستان محاربه سندن باشقه
 همان هیچ بر محاربه وقوعه کله دی . تاتارستانده قایدو قبلاک

کندی الندن غصب ایتدیکنی ادعا ایتدیکی ایمپراطورلغی استرداد ایتک ایچون اوتوزسنه دن بری اوغراشیوردی . تیموراوردی . دائماً بویوک بر اردو بولوندرمغه مجبور اولیوردی . اک ماهر قوماندانلرک اداره سی آلتنده فن حربه کسب وقوف ایتمه سی ایچون تاتارستانه کوندردیکی یکنی قایشان ، مختلف محللره داغیلیمش اولان بش بویوک فرقه عسکری طوپلادی ، قارا قوروم ایله تامیر نهری آراسنده عاصیلرله متعدد قانلی مصادماته کیریشدی . قایدو بوتون اردوسنی غائب ایتدکن صوکره کدردن اولدی . تهلهکلی صورتده مجروح دوشن قواآثوآ عرض انقیاد طریقنی التزام ایتدی . بو صورتله بو اوزون حربه نهایت ویردی .

سنه

۱۳۰۲

تیمورک دور سلطنتنی نهایته ایردیرن وقایع پک آزدر . بویوک برادری قائمالا وفات ایتدی . کندیسیده تهلهکلی صورتده خسته لاندی . حال نقاهته کیردیکی زمان بویوک احسانلرده بولوندی و بر عفو عمومی اعلان ایتدی . بر کسوفی تعیین ایدمه مش اولان ریاضیات انجمنندن بعض کیمسه لری موقعلرندن چیقاردی . پکینغده قونقوچیوسک خاطره سی ایچون محتشم بر سرای یاپدیردی . قطب الدین [۱] نامنده ریاضیوندن برینی ناظر تعیین ایتدی . جنکیز خانک زمان حکومتندن بری مسلمانلر چینده غایت

۱۳۰۳

[۱] چینلیر کندیسنه اوتوپوتینگ دیرلر .

تفوذ و قوت صاحبی ایدیلر . مسلمانلردن اردو قوماندانلری ،
 فرقلر ، تجار رئیسلی ، بوتون محاکم و مجالسده وبالخاصه
 ریاضیه انجمنده اعضالر ، دو قتلر و حتی ناظرلر وار ایدی .
 تیمور ولایت احوالی و خلقتک درجه سفالتی یکیدن تفتیش
 ایتدی . پاره سزلق یا خود حمایه سزلک یوزندن بر کوشده
 قالان ارباب اقتداری آرادی . بویوک دیولر و چولده قان چه ئو
 ایله شاحه ئو طرفلرندک عسکرک اوتورماسی ایچون قیشله لر
 یایدیدی . بوده تاتارستان طرفندن وقوعه کله جک بر استیلا
 قورقوسنه مبنی ایدی . فقط تیمور خانک دوغروانی ، مرحمتی ،
 علوجنابی بوولایتلری هر شیدن زیاده محافظیه خادم اولدی .
 متباقی عصات اوزون و ثمره سز بر حربدن یوریش اولدقلری
 ایچون تیموره بیعت ایتدی . قایدونک بویوک اوغلی چاپار ، تیمورک
 مرحمتنه دخالت ایدرک عفوینی استرحام ایتدی . بو صورتله تیمور
 بوتون تاتارستانک کندی ایمپراطورلغنه التحاقنی کوردی . بو
 بویوک حادثه نکه حصولنه اک چوق یار دیم ایتیش اولان قوماندانلرینه
 مکافاتلر و یردی . بالخاصه چوهاغور ایمپراطوردن آلتون بر
 مهر ایله مجوهراته و خلعتلره نائل اولدی . صوکره بویوک خانه
 جنکیز خان ایله منکویه قدر خلفلرینک هپ بر آراده بر تاریخی
 عرض ایدیلدی . سما عبادتی ایچون مستعمل اولان اسکی
 آیینلره توفیقاً یکی بر مراسم اصولی یاپلیدی . برقاچ سنه صوکره

بو بويوك حكمدار قرقايكي ياشنده اولديغي حالدده وفات ايتدى [۱].
تاتارستان عاصيلرينه قارشى محاربهده اتخاذا ايتديكي عاقلانه
خط حركت ، قوماندانلارنى وناظرلارنى اتخابده كوسترديكي
اصابت ، سرايلرده يك كشيرالوقوع اولان فضيحتلره قارشى
كوسترديكي نفرت ، خالقك آلامنى تخفيف ايجون ابدال ايتديكي
خارق العاده اهتمام دولاييسيله چينليلر كنديسىنى بر حكمدار
كامل ديهه تلقى ايتمشلردر [۲] .

تيمور ارلك اولاد براقماش اولديغي ايجون اكابر ملت
برادري ترمه پيلايك [۳] اوغلى قايشانى تخته چيقارمغى دوشونديلر .
قايشان [۴] اوزمان تاتارستانده قوماندان ايدى و بويوك بر عسكر
شهرتى قازانمشدى . فقط ، قايشانك والده سنى نفى ايتمش اولان
ايمپراطور يچه [۵] بوشهزاده بويوك خان اولور سه انتقامندن
قورقديغي ايجون ناظر آتوتاي و شهزاده منكلى تيمور ايله متفقاً ،
قبلايك شنسى ، سه چوئن وتيت واليسى اولان حفيدى هونانتاي
[۶] تكليف ايتدى . بوشهزاده على العجله پكينغه كلدى . اورادده

[۱] برنجى شهر قريده .

[۲] ايمپراطور يچه دن ته چه ثونا منده براوغلى اولمشدى . فقط كنديسندن

اول وفات ايتمشدى . برده قيزى واردى .

[۳] چينليلر كنديسنه تالاماپالا ديرلر .

[۴] كنديسنه هايشان ياخود جه نه سه لده دنير .

[۵] تيمورك زوجه سى پيوئو .

[۶] مانغ قولانك اوغلى .

قايشانك ايمپراطورلغنه مانع اولمق ايچون تدابير لازمه اتخاذ اولوندى . ايمپراطوريجي نائبة حكومت اعلان ايدىلدى . بو-
اثناد هونانتانك طرفدارلرى كنديسى اولجه رؤسا طرفندن
حكمدار اعلان ايتديرمه دن بويوك خان طانيغنه قرار ويردىلر .
فقط بعض ناظرلر ك ممانعتى بوتصورلرى عقيم براقدى . آلا آسون
برنجى ناظر صفتيله محكمه لرك مهرلرني انه آلدى و ايمپراطورلق
مزينا تنك محفوظ بولونديغى خزينه ي قاپاتدى . نائبة حكومتك
اوامر مكرره سنه و حتى تهديداتنه اطاعت مجبور يتنده قالماق ايچون
برخسته لق بهانه سى چيقاردى . بو اثناد شهرزاده قايشانه و برادري
آلجاپتويه [۱] بر مکتوب كوندردى . بوصوك شهرزاده لى منغك
نصيحتى اوزرينه در حال والده سيله برلكده پكىنغه متوجهأ يوله
چيقدى . سرايده معروف اولمايان لى منع دها اول پكىنغه كيتدى و
آلا آسونك زدينه دوكتور صفتيله كيره رك آلجاپتوي شهره
ادخال ايچون ايجاب ايدن بوتون تدبيرلرى اونكله برلكده
اتخاذ ايتدى . فى الحقيقه نائبة حكومت بو شهرزاده نك ماتم اثوابيله
وبويوك بر معيت ايله پايتخته داخل اولمق اوزره بولونديغنى بردن
بره حيرت لرله خبر آلدى . مع مافيه هونانتانك طرفدارلرى
شاشيرماديلر . هونانتايه بويوك خان عنوانى ويرمك ايچون
آلجاپتونك يوم تولدى مناسبتيله ياپيله جق مراسمدن استفاد
ايمك ايسته ديلر . حتى آلا آسون بيله بوتصوراتى تصويب ايدر

[۷] چينلير كنديسنه آيولى پالى پانا ديرلر .

کې کورونمکه مجبور اولدی . فقط کيجه لين ترتيباتدن آجياپتويه خبر ویردی و بويوك بر قوه عسکريه باشنده شهزاده تولايي شهره صوقدی . نائبه حکومت بواردونك مواصلتدن پك متأثر اولدی . بوضورتله شهرده صاحب قوت و نفوذ اولان آجياپتو منکاي تيمورايله آتوتايي وهونانتانك سائر طرفدارلريني توقيف ايتديرهرك اعداملرينه حکم ايتدی . فقط حکمك اجراسني قايشانك مواصلته تأخير ايله دی .

مختلف محملره محافظلر اقامه ايتدی . نائبه حکومت ايله هونانتا سرايلرنده محبوس کي قالدیلر . بونك اوزرينه آجياپتويه کنديسني بويوك خان اعلان ايمه سي تکليف اولوندى . تختك بويوك برادرينه عائد اولديغني سويله يهرك بوتکليفی صورت قطعيه ده رد ايتدی . کيجه کوندوز آلا آسون ايله برلکده براغتشناس ظهورينه ميدان ويرمه مک ايجون چالیشدی . لی منغي بويوك موقعلره تعيين ايددرک مکافات ويرمک ايسته ديسه ده هيچ بر حرص جاهي اولمايان وانزوا ايله تدقيق وتبعدن خوشلانان بوذات سرايدن چکيلدی ، مجهول برطرفده ، هر دورلو انقلابلردن اوزاقده بر فيلسوف حياتي سورمکه باشلادی .

سرايده ورودينه انتظار ايديلن قايشان آلتاي داغلريني ترك ايله قاراقورومه کلشیدی . اوراده ، کنديسني پرستش درجه سنده سون عسکرک قسيم اعظمی اونی بويوك خان اعلان

ایتمک ایستهدیلر . والدہسندن برساعی کلہرک علم نجوم
منتسبلرندن برینک سوزی اوزرینہ تختی برادری آلیاپتویہ
براقاسنہ دائر برمکتوب کتیردی . قایشان، کندی ضابطلرندن
توتو نامندہ برینی اوکون یولہ چیقاردی . بوضابط پکینغہ
کیتدی . کندیسى شانغ تو یولنی طوتدی . والدہسَنہ بوکبی
فکرلری القا ایدن کیمسہ یی تأدیب نیتندہ ایدی . قایشانک
یقیندہ کلہجکی اعلان اولوندی . بوتون ایلری کلنلر کندیسنى
استقبال ایچون شانغ تویہ کیتدیلر . برآز صوکرہ قایشان
اوتوز بیک کشی ایلہ مواصلت ایدہرک بوتون خلکک آلقیشلری
آراسندہ استقبال ایدیلدی . برادری آلیاپتوی پک ثنا ایتدی،
کوستردیکی غیرت و ہمتدن دولایى کندیسَنہ تشکرلردہ بولوندی .
برلکدہ کیدوب والدہسنى کوردی . صوکرہ بویوک خانلغنى
اعلان ایتدیردی [۱] . پدرینہ و والدہسَنہ ایمپراطور
و ایمپراطوریچہ عنواتی ویردکن صوکرہ پکینغہ کیدہرک
اورادہ اجدادینک لوحہلری بولونان برصالوندہ اونلرہ قارشى اولان
وظیفہسنى ایفا ایلدی . جینلیلر بومناسبتلہ کندی مراسملرندہ
اک اساسلى ایکی نقطہ یہ مخالف حرکت ایدیلش اولدیغندن
دولایى پک چوق شکایت ایتمشلردر . بونلرک برى ایمپراطور
اولمایان ذواتہ بر ایمپراطورکبی حرمت ایدیلہسى و ایمپراطورلرہ
تقدیم اولونماسیدر . بوذوات ، ایمپراطورلرک پدرلری یاخود

[۱] جینلیلر کندیسَنہ ووتسونغ دیرلر .

بويوك برادرلرى اولمقله برابر برتبعه دن باشقه برشى اولمادقلىرى
جهتله اونلره آنجق برتبعه يه قارشى كوستريله بيله جك اثر حرمك
ابرازينه مساغ وارايدى . قايشان صوكره هونانتا ايله نائبه
حكومتى و طرفدارلرىنى اولديرتى ، بوتون ايمپراطورلقدە
قونفوشيوسك اطاعت فرزندانه دن باحث هياثوقينغ نامنده
براثرينك موغولجه ترجمه سىنى توزيع ايتديردى . تبعه سىنى
بوكتابده مندرج دساتير حكيميه يه توفيق حر كته تشويقتى ايله
چين فيلسوفى حقنده بويوك ستايشلرده بولوندى . آلبايتونك
خدماتنه مكافاة كنديسنه ولى عهد عنوانى وىردى .

سنه

۱۳۰۸

يكي بويوك خان جنكاور ، عادل ، عاليجناب ، حلیم ،
ارباب علم وادبك حاميسى بر ذات ايدى . فقط لامالرو ياخود
بونزلره پك مربوط اولديغى كې شرابى و قادينلرى ده
سوردى . تخته چيقديغى زمان ناظرى آچابوغا آياقلىرىنه
قاپانهرق صحنه اعتنا ائمه سى ايچون رجا لرده بولوندى و شراب
ايله سفاهتك باعث موتى اوله جغنى سويله دى . قايشان
ناظرينك صداقتنى تقدير ايله اوکا اخطاراتنى ممنونيتله تلقى
ايدەجكنى كوسترمك ايچون حضـورنده ايچكى ايچرتدى .
ديكر ناظرلر آچابوغا قدر صميمى بر تبعه يه مالك اولديغى دن
دولايى هپ بردن كلوب عرض تبريكات ايتديلر . بو ،
آچابوغانك اخطاراتنى ضمناً تأييد معناسنه ايدى . فقط قايشان
اونلرى يالكىز حسن قبول ايله اکتفا ايدەرك تصحيح

اخلاق ایتدی . لامار بی پروا خلقه سؤ معاملاتده بولوندىلر ،
کستاخلقلرينه مانع اولمق ايسته ين بعض مأمورين دولتی تحقير
ايتدىلر . حتی بر پرنسسك آرابه سنك او کندن کچمك ايچون
آرابه يي دورديرته جق درجه ده جرئتکار داوراندىلر . بو
احوال حقنه ده عرض اولونان شکایاته قولاق ویريلمه دی .
حتی اصدار اولونان بر خط ايله لاماره اورمغه جسارت
ايدە جکلرک اللری ، حقارت ايدنلرک ديللری کسـيله جکی
اعلان اولوندى . فقط آالجياپتو بو امری کرى آلدیرتدی .
بو مناسبتله مورخلر لاماره پک فضله یوز ویريلمه سی
موغوللرک باعث فلاکتی اولدیغنی قید ایتمکدن منع
نفس ایدمه مشلردر .

قایشان چوقدن بری ایمپراطورلقده موجود اولان دیگر
بر سؤ استعمالی ازاله خصوصنده ده شـدید داوراندى .
بویوک خانلر او زمانه قدر نادر قوشلر ، مجوهرات ، انجی ،
ذی قیمت طاشلر وسائر نوادر اشیا اشتراسی ايچون عظیم
مصرفلر اختیار ایتـشلردی . بونلری تدارکه مأمور ایدیلن
اجنبی تجارلری ولایتلری دولاشیرلردی . هر طرفده منزل
بارکیرلری ایستهمک حقنه مالک ایدیلر . کندیلرینه بارکیر
ویريلمه سی منع ایدیلدی . عینی تاریخلرده چاپار ايله ده سائر
موغول پرنسلری قایشانه عرض اطاعت ایتدىلر . قاراقوروم
ادارده سنه مأمور اولان ناظری آلا آسون وفات ایتدی . بو ذات

آله‌لو عشيړتندن ایدی . اجدادی جنکیز خان خدمتنده بولونمشدی . اداره‌سنة مأمور اولدیغی حوالیده اویله انتظام وآسایش تأمین ایتمشدی که تاتارستانده مثلنه تصادف ایدیلزدی . چیندن ماهر بالقجیلر ، چیفتجیلر ، عمله‌لر ، کویلیلر جلب ایدهرک کول ونهر کنارلرنده ساکن اولان تاتارلره بالقجیلغی اوکرتمش ، اراضی‌ی صولامق وقابل زرع حاله کتیرمک ایچون قاناللر قازدیرمش ، حبوبات وپرنج اکدیرمش ، عمومی ذخیره دیولری یامش ، منزللر ، آرابه‌لر تأمین ایتمش وسیاحلره رفاقت ایله مک‌وییه‌جک تدارک ایتک اوزره یریر قوتلر اقامه ایلمش ایدی . اشقیا چته‌لرینی ننکیل ایتدیرمش ، فقیر عسکرلره مکافاتلر ویرمش ایدی . قایشانی تخته‌چیقارمغه‌ک چوق کندیسی خدمت ایتدیگی حالده خدمت‌لرینک بحق تأمین ایتدیگی نفوذی سؤ استعمال ایتمه‌مشدی .

سنة

۱۳۰۹

غایت سرت وشرابه مبتلا اولان پرنس تولا ایسه‌هیچده بویله دکلدی . کوستردیگی حدتک حکومت ایچون نتایج مؤسفه‌سی اولابیلیردی . اوده قایشانک تخته‌چیقماسنه خدمت ایتمه‌سده بویوک خان کندیسینی قتل ایتدیرمک مجبوریتنده قالدی . قایشان صوکره مالیه امورینی تنظیم ایتمه‌که اوغراشهرق یکی مسکوکات ضرب ایتدیردی ، پاره یرینه تداول ایتک اوزره یکی اوراق نقدیه چیقارتدی . اصدار ایتدیگی برخطمه او زمانه قدر هر دورلو ویرکودن ومکافیتدن آزاده اولان

فو وتائو بونزلرينه عائد اراضينك سائر افراد اراضي سي كې
ويركويه تابع اوله جغني امر ايلدى . يكرمي دوت لاما
ياخود بونز قتل ايتديردى . عليهنده ترتيباتده بولونان
قبلايك بر اوغلى [۱] ايله پرنس تولانك اوغلى نفي ايتدى .
تساوى ليل ونهار كونلرنده تحث ايتش اولان بر عبادت
سما حقنده كى منازعه يي ختامه ايرديردى و آخر عمرنده صوك
اجرا آتى اولق اوزره آرسلان نامنده بر مسلمان ايله سائر
اون سكز كشي يي اعدامه محكوم ايلهدى . بونلر عصيان
جرميه بغير حق محكوم اولشلردى . چينليلر بوسيله دن
استفاده ايدهر ك مفترياته چارچاق اينانديغندن دولاي
كنديسنى مؤاخذه ايدرلر . قايشان اوتوز بر ياشنده
وفات ايتدى [۲] .

برادري آجياپتو [۳] در حال بويوك خان اعلان اولوندى .
سلطنته باشلاركن اولكى حكومت زماننده قايشانك ذوق
وحظوظاته فرشى ميلندن استفاده ايدهر ك متعدد حقسزلقلر
ارتكاب ايتش اولان بعض ناظرلرى اعدام ايتديردى ،
بعضيلرى نفي ايلهدى . حتى كندى عائله سندن بعض پرنسلرى
تاديبدن كرى قالمادى . قديم ين قينغ شهرينك سورلرينك

[۱] اسمى قوتو ايدى .

[۲] رنجى شهر قريده .

[۳] چينليلر كنديسنى چين تسونغ ديرلر .

تعمیری ایچون باشلامش اولان انشاآتی ییقدیردی .
چونکه خلق ایچون پک باعث کلفت اولاجقدی . ایش
باشنه عفت واستقامتلی مجرب یکی مأمورلر کتیردی .
تاریخ انجمنی ایچون نظامنامه لر یاپدی . ترامپت بچمنده
قدیم طاش آبداتی پکینغه نقل ایتدیردی . بونلرده
میلاد عیسادن ۷۸۲ سنه مقدم وفات ایتش اولان ایمپراطور
سیوئن وانغ زمانندن قالمه بعض محکوکات موجود ایدی .
بوآبدات الآن پکینغده ایمپراطور مدرسه سنده دورمقدهدر .
بویوک خانک ادبیاته قارشى بسله دیکی مربوطیت کندیسنى برخط
اصدار ایتمه که سوق ایله دی . بونده اثرلریله ک زیاده تمایز ایتش
کیمسه لرك خاطره لری قونفوجیوسه مخصوص صالونده تجیل
ایدیلمه سی امر اولونیوردی . یالکیز چین حکومتی بویوک
آدملرك خاطره لرنی بویله رسمی حرکات ایله تجیل ایده بیله جک
برموقعدهدر . بوبرنوع مکافاتدر . حکمدار ایچون ، ملت
ایچون ، بویوک آدملرك عائله لری ایچون باعث شرفدر . هرکسی
فضیله ته سوق وعلوم وادبیاتی تشویق ایدر . بویوک خان عینی
مقصدله بوتون ایمپراطورلقده کی ارباب علمی امتحان ایتدیردی .
علم الدین [۱] نامنده برمسلمان کندیسنه یکی برتقویم تقدیم
ایتدی . بوتقویم اون بیک سنه قوللانیله جقدی . عینی تاریخده

سنه

۱۳۱۲

۱۳۱۳

[۱] چینلیلر کندیسنه آلی ماینغ دیرلر .

ایمپراطور، چغتای خانی یسون بوغا [۱] Jsan-bougha یه قارشى
 حرب ایتمهک مجبور اولدی و متعدد مصادماتده اونى مغلوب ایتدی.
 بو قدر آسوده بردور سلطنت اثناسنده آلیاییتو تبعه سنک
 ساری برخسته لغه، قیطلغه و قور اقلغه، متعدد فیضانلره،
 ایکی حرکت ارضه معروض قالدیغنی کورمک فلا کتنه اوغرادى.
 بوکا برکسوف ایله برده قویروقلی ییلدیز کورونمه سنی ده افکار
 باطله صاحبلى علاوه ایدیورلر. بو بویوک حکمدار کرک
 بومصائبه کرک ظهوری ملحوظ اولان فناقلره چاره ساز
 اولمق اوزره ناظرلرینی طوپلادی. بعضیلری کندیسنه نمونه
 امثال اولمق اوزره، فضیلتلریله مشهور اسکی ایمپراطورلری
 عرض ایتدیلر. بعضیلری بوتون بوفلاکتلری مساعده ایدیلن
 فومذهبنه حمل ایله دیلر. بویوک خان نشرایتدیکی خطلرده
 تبعه سنک فلاکتلرینه قارشى بیان تأسف ایدیور، حتی
 بونلرک کندى ارتکاب ایتدیکی خطالرك بر جزاسی اولدیغنی
 اعتراف ایله یور و تصحیح اخلاق ایده جکی وعدنده بولونیوردی.
 فقط، بوتون موغوللرک مربوط بولونقلری فومذهبنی قطعاً
 قالدیرمق ایسته مدی. مأموریتلره یرلشدیرمک اوزره ارباب
 علمى و عقل و فضیلتلری ایله اشتهار ایتمش کیمسه لری آراتدیردی.
 پکینغده بولونان ایکی مدرسه یی تکرار تأسیس ایتدی.
 یونک بری چینلیلر دیکری مسلمانلر ایچون ایدی. طواشیلره

[۱] چینلیلر ئی سیهن پوهوآ دیورلر.

حاکمک وظیفه سنک تودیعنی منع ایله دی . اراضینک حالنی
تفتیش ایتک وشخصی ویر کو دفترلرینی یکی باشدن تنظیم
ایله مک اوزره طشره لره مأمورلر کوندردی . علمه قارشى
کوستردیکی مربوطیت بر علامه لك امتحانی تأسیسنه کنديسنی
سوق ایتدی . بونلری بری موغوللردن دیکری چینلیلردن
مرکب اولق اوزره ایکی صنفه آیردی . هپسنی حضورینه
طوپلایه رق امتحان موضوعنی بالذات ویردی . هر صنفده کی
اوچنجی یه قدر اولانلره عنوانلر ومکافاتلر داغیتدی . الا آن
موجود اولان بو اصول بوایمپراطور ایچون برچوق ستایشلری
دعوت ایتدی . فقط وضع ایتدیکی ممنوعیتدن صوکره الك
برنجی مناصبه طواشیدن برینی تعیین ایتدیکنندن دولایی
مواخذیه ده معروض قالمشدر . شخصی ویرکولرده بعض
اصلاحات اجرا ایدیلدی . نظام الدین نامنده بر مسلمان
طرفندن ارتکاب ایدیلن تعديات مناسبتیه قیانغ سی داخلند
ظهور ایتکده اولان بر عصیان باصدیریلدی . جنوب
ولایتلرنده کی اهالینک ضرورتی تهوین ایدیلدی . او صیراده
نمایان اولان بر قویروقلی ییلدیز کرك حکمدارک کرك
تبعه سنک قلبنه قورقو صالدى . بو مناسبتله بر عفو عمومی
اعلان اولوندی . غایت فلاکتدیده بولونان قیانغ سی وچه
قیانغ ولایتلری شخصی ویرکولردن وسائر هر نوع تکلیفاتدن

معاف طوتولديغى كى سائر ولايتلارك ده ضرورتلى برآز
تخفيف اولوندى .

- سنه
۱۳۱۶ . آلبايتو يكنى قوشىلايه [۱] يون نان والىلكنى وىردى .
فقط بوشهرزاده بوندن غير ممنون اوله رق تاتارستانه چكىلدى .
۱۳۱۷ . صوكره بويوك خان ، اوغلى شوته پالا Chotepala يى ولى
عهد اعلان ايتدى . ولايتلرده كى رسمى ذخيره ده پولرىنى
تفتيش ايتديره رك نقصانلرىنى اكمل ايتديردى . فو مذهبىنه
۱۳۱۸ . عائد بعض كتب دينيه يى آلتون حرفقرله يازديردى . بر
عصيان چيقارمق ايسته ين بر ضابطى اعدام ايتديردى .
۱۳۱۹ . ايرته سى سنه ايمپراطورلقدن واز كچه رك سلطنتى اوغلنه براقق
ايسته يوردى . فقط ناظرلرندن بعضيلرىنك مطالعاتى اوزرىنه
بو تصور دن فراغت ايتدى . نهايت تهلكه لى صورته خسته
دوشدى . كنديسىنى غايت سون اوغلى يرلره فاپانه رق باباسنك
۱۳۲۰ . يرينه كنديسنك جاتى آلماسى ايچون جناب حقه يالواردى .
آلبايتو اوتوز آلتى ياشنده اولديغى حالده بوتون تبعه سنك
تأثراتى ايچنده وفات ايتدى . ذوق وصفادن غايت مجتنب
بولونماسى ، امور دولته پك مربوطيت ، اقربالرينه قارشى
حرمت كوسترمه سى وارباب علمى غايت حمايه ائتمه سى حسبيله
تبعه سى كنديسىنى چوق سوردى . زمان سلطنتنده غربيلار
سرايده پك حائز اعتبار ايدىلر . ناظرلق موقعنه چيقان بر محمدى

[۱] قايشانك اوغلى . چينلىلر كنديسنه هوشى لا ديرلر .

موغول لساننده مختصر برچین تاریخی یازدی وزمانک العالم
ذاتلرندن بری اولدی [۱] .

آلجیاپتونک وفاتندن صوکر داوغلی شوته پالا تخته چیقدی
و برنجی ناظرلق موقعی امور مالیه ده وقوف عظیمی بولونان
تیه موتی اولحه ویردی. اولکی حکومت زمانده ارتکاب ایتدیکی
تعدياتدن ، یاپدیغی انترقه لردن دولای نفی ایدیش ، کرک
اکابرک کرک خلک نفرتی قازانمشدی . والده ایمپراطور یچه
طرفندن حمایه ایدیلدیکی جهتله نفوذنی سوء استعمال ایتکده
کچیکمه دی. هر طرفی انتظامسز برحاله کتیردی. جرم لردن
چوغنی میدان چیقارمش اولان اسکی دشمنلرینی یالان اسنادات
ایله اولدیرتدی . سرایه عودت ایتمش اولان لی منع عزل
ایدیلدی . خانلرک اونک شرقنه بنا ایتدیرمش اولدقلری طاش
ومرمر آبداتی ، ناظر هدم ایتدیردی . فقط بوانتقام لی منغک
قیمتی آرتیرمقدن باشقه برشیئه یارامادی . ایمپراطور ، لی منغک
کندیسنه یاپیلان حقارتدن دولای هیج اظهار تأثر ایتمه مش
اولدیغنی خبر آنجه اخلاق وعاداتی حقنده استحصال معلومات
ایتدی ، آبداتی تکرار یاپدیردی و ناظرینک حرکتی تقبیح
ایتدکن صوکره کندیسنه یکی مأموریتلر ویردی .

ایمپراطورک عسا کر خاصه سنک قوماندانی بولونان پایجو
اوصیراده ایمپراطور نزدنده بویوک برنفوزه مالیکدی . بو ،

مشهور موغلی نسلندن برتاتارایدی . اخلاقی غایت تمیز ، متواضع ، عالم برذات ایدی . عینی اخلاقه مالک اولان بویوک خان کنديسینه قارشى مربوطیت حس ایتشدی . سوزندن هیچ چیقما یوردی . باش ناظرلردن بری موقعنه چیقان پایچو ایمپراطوره تیه موتی اولحك بوتون حرکاتی آکلاتدی . بویوک خان درحال بوناظرک ایضاح ایتدیکی فناقلر حقنده اونلری تعمیر آرزوسيله بر تحقیقات یاپدی . فقط کنديسنى مأموریتندن طرد اینک ایسته مدی : یالکیز آرتق اوکا اعتماد ایتمز اولدی . ایمپراطور غایت عاقل کیمسه لری نردینه جلب ایتدی . چین ایمپراطورلرینک معبد اجدادده تعقیب و رعایت ایتدکلری مراسم حقنده معلومات صریحه آلدی ، اورایه کیتمک ایسته دیکنی بیلدی . بوتون چین صوک درجه ده عظیم برمسرت ایچنده قالدی . بوایمپراطور بومراسمی اسکی چین اصولی دائره سنده اجرا ایدن ایلك موغول حکمداری ایدی . بوندن دولایی بی پایان ستایشلرد مظهر اولدی . کنديسینه بونصیحتی ویرمش اولان پایچویه خلق پک بویوک حرمت و رعایت کوستردی .

سرایلر یایمق ، پک سودیکی آود مخصوص قورولری توسیع ایتمک ایچون ایمپراطور برچوق مصارف اختیارینه قیام ایتدیکی حالده کنديسنى بوندن واز کچیرینه پایچو اولمشدر . شوته پالا آرتق تبعه سنک آلامنی تسکین و تخفیفدن باشقه برشی دوشونمز کی کوروندی . برسوء قصد کشف اولنه رق

مرتب‌لری اعدام اولوندی . والده ایمپراطور یچه طرفندن حمایه ایدیلن تیه‌موتی‌اولح ، قایشانک اوغلی شهرزاده داواتموری Davuatmour هایتان آطه‌سنه نفی ایتدیردی . ایمپراطور کندیسنه خواجه‌لق ایتش اولان و آرتق تیه‌موت ایدن لامایه پک جوق هدیه‌لر و یردیک کی پک مربوط اولدیغی فو شرفنه بر معبد انشاسی ایچون مبالغه عظیمه تخصیص ایتدی . ایمپراطور لق مفتش‌لرندن بعضیلری بوندن دولایی پک شدتلی اخطار آنده بولوندیله . بویوک خان بوندن او قدر قیزدی که مفتش‌لردن بعضیلرینی اعدام ایتدیردی ، بعضیلرینی ده نفی ایتدی فقط بر مدت صوکره حدتنه پک قاپلدیغندن دولایی نادم اولدی ، خاطره‌لرینی اعاده ایلدی . عینی زمانده مسلمانلرک شانغ‌قوده کی بر جامع‌لرینی ییقدیردی و بو اجنیلرک موغوللردن ارکاک و قیز چوجوقلرینی آلهرق چینیلره کوله و جاریه دییه صاتم‌لرینی منع ایتدی .

سنه

۱۳۲۲

پاچو او تارینخده له آئوتونغ داخلنده ایدی . اجدادینک تجیل خاطره‌سی ایچون آبدات انشا ایتدیریوردی . تیه‌موتی اولح تکراراً کتساب نفوذ ایچون اونک غیبوبتندن استفاده ایتک ایسته‌دی . اوزون مدتدن بری قاپانمش اولدیغی سراینندن چیقادی ، ایمپراطور سراینده عرض و جود ایتدی . فقط محافظلر کندیسنی دور دیرارق ایچری یه صوقمامق ایچون امر آلمش اولدقلرینی سویله دکلرندن کری دوندی و کدرندن اولدی . بونک اوزرینه بوتون اموالی

۱۳۲۳

مصادره ایدیلدی . اوزرنده ستایش حك ایدیلش اولان بوتون
آبدات تخریب اولوندی . تکمیل عنوانلر کری آلدی . عینی
زمانده ، له آئوتونغدن عودت ایتش اولان پاپچو ولایتلره شخصی
ویر کو ایله سـنـهـلك جزیه یی ترك ایتدیردی . ایمپراطور ایله
متفقاً سرایده کی خستی ، سـفـاهتی و دبدبه یی قالدیردی . هر
شی مسعود بر دور سـلـطنتك باشلانغیجی کـوـستـه رییوردی .
فقط تیه موتی اولحك اولادلغی تیه شه باباسنه یاپیلان معاملهنك
انتقامنی المقدن باشقه بر شی دوشونمهدیکی ایچون غیر ممنونلردن
یعنی بویوك خانك جرملرندن دولای اعدام ایتدیرمش اولدیغی
کیمسه لرك اقربا و دوستلرندن مرکب بویوك بر فرقه تشکیل
ایتدی . لامالری ده کندی طرفلرینه جلب ایتمشلردی . لامالر
بویوك خانك نزدینه کیره بیلدکلری جهتله ایمپراطورلغك معروض
بولوندیغی تهلكه لرن اجتناب ایچون فویه قربان کسمه سی
ایچون تشویقانده بولونیورلردی . پاپچو پاره دن باشقه بر شی
دوشونمده کلرینی ، حیدودلردن باشقه کیمسه لری حمایه ایتمه دکلرینی
سویله یه رك بو لامالری صاویوردی . لامالره مربوط اولان
و پاپچونك عفت و مزیتندن و بصیرتندن قورقان بعض ناظرلر
بر چاره بولمق اوزره آرالرنده مذاکراتده بولوندیلر . بر آز
صوکره تیه شه ، بعض عسکرلرك مظاهرتیه کندیسنی قتل
ایتدیردی . صوکره ایمپراطورك چادیرینه کیره رك اوراده

آنچق يكرمى بىر ياشنده بولونان بو كنج حكمدارى كندى.
ايله اولدىردى .

سۇ قصد مرتبلىرى ، چولك شمالنده قوماندان
بولونان قبلایك حفيدى استون تیمور [يسون تیمور] [۱]
Estuntimour . تختى وعد ایدەرك اونى دە كندیلرینه جلب
ایتمەك چالیشمشلردى . بو شهزادەیه ایمپراطورك كندیسنى
اولدیرتك ایستەدیكنى سوبله مشلردى . فقط استون تیمور
اونلرك تصوراتنه واقف اولونجه ایمپراطورى خبردار ایتمك .
ایچون پکینگە متعدد ساعیلر کوندرمشدى . بو ساعیلر پک
کچ واصل اولدیلر ، ایمپراطورى قتل ایدیش بولدیلر . بو
فلاکت ایچنده ایكى ناظر [۲] ایمپراطورلق مهربنى وایمپراطور
اثوابلرینی آلەرق استون تیمور نزدینه کیتدیلر . اوده بویوک
خانلغنى اعلان ایتدیردى [۳] . بونك حرکتی آکلاتدی که
ساعیلر کوندرمش اولماسنه رغماً متوفا ایمپراطورك قتلنده بىر
درجهیه قدر مدخلداردر . چونکه ایمپراطورلغك اك برنجى
منصبى تیه شه ايله شريك جرملرینه ویردى . ماینو كرك
موغوللارك كرك چینلیلرك نظرندە تکمیل قدر واهمیتنى غائب
ایدەجکنى واخلاف کندیسنه دائماً اللرىنى حکمدارىنك

[۱] شهزاده قانمالا [قامولانك] بویوک اوغلى . .

[۲] غاتى پوهو آ ايله یه سیه ن تیمور .

[۳] چینایلر بوکاتای تیغ دیرلر .

واجدادی موغول ایمپراطورلغناک تاسیسیسنه خدمت ایدن
پایچو کبی بویوک بر ناظرک قانیله بولاشدیردیغندن دولایی
تلعیئاتده بولوندیغنی بویوک خانه سویلهدی . بونک اوزرینه
بویوک خان درحال مجرملردن نزدنده بولونانلری اعدام
ایتدیردی وتیه شه ایله سائرلرینک توقیفی ایچون پکینگه امرلر
کوندردی . اونلرده اعدام ایدیلدیلر . بوتون عائله لری
سوندیرلدی ، ماللری مصادره ایدیلدی . متعدد شهزاده لر نفی
ایدیلدیلر . پکینگه مواصلت ایدن استون تیمور نیهموی اولحک
حقسز یره اولدیرتمش اولدیغنی متعدد ناظرلرک خاطره لرینی
اعاده ایتدی . صوکره ، موغوللرک اک عاقل واک متین
ناظرلرندن بری اولان چانغ قوئیی نک نصیحتی اوزرینه بر
دائم علما تعیین ایتدی که هرکون سرایده شهزاده لرک واکابر
ملک تربیه سی ایچون اک مناسب اولان کتابلری شرح
ایده جکالر ، درس ویره جکلردی . اوغلنه وعائله سنه منسوب
شهزاده لره بوعمومی درسلرده حاضر بولونمالری ایچون امر ویردی .
بوعادت الآن باقیدر .

بویوک خانک شانغ توده بولوندیغنی ائشاده بر حرکت ارض
وبر خسوف تام ایله مترافق قوتلی بر روزکار ، شدتلی بر
فیرطنه . ایده بویوک بر دهشته باعث اولدی . تیه شه نک
ارتکاب ایتدیکی سؤ قصد ایله فومذهی وسائر بعض سؤ
استعمالات حقمنده نه دوشوندکلرینی اخلافه بیلدیرمک آرزوسنی

بىسەلەين چىن اكابر و علماسى جناب حقك غضبه كمش اولديغنى
علمائى بيان ايلدىلر . قورقو ايچىندە قالان ايمپراطور خط
حر كىتىدە موجب مؤاخذه كورولن احوالى جامع اولمى
اوزره كىندىسەنە بر مخطرە تقديم ايدىلمەسنى امر ايتدى .
ناظرلر ، اكابر ملت و علما طرفىدىن بو مخطرەنى تنظيمە
مأمور اولان چانغ قوئەنى ابتدا تەشەشە طرفىدىن ارتىكاب
ايدىلن اومدەشسەسۇ قىسك تمامىلە جزاسى وىرلمەسنى طلب
ايتىش ، نىيە موتى اولمىك اوغلى سونانك اموالى اعادە اولونماسىدىن
وسونانك اوغللارنىك الآن سرايە قبول اولونمايلىرىدىن دولايى
شكايتە بولونمىشدر . چانغ قوئەنى سۇ قىسكە علاقە دار اولديغى
حالدە بالىكز نىيەلرلە كىتفا ايدىلن شەزادە لرك اعدام اولونماسىنى ،
ايمپراطورلغى قارىشىدىرارق اغتشاشاتىدىن استفادە ايلە ايمپراطور
خاندانە منسوب بر طاقم پرنس و پرنسسلىرى قىتل ايتدىرىش
اولان لە آئوتونغ واليسى توتونك اموالنىك مصادره سنى ، عنوان
نلرىنىك رفعنى ، هـىچ اولمازسە نىيە كوندىرلمەسنى طلب ايلەمىشدر .
بوجنايتلرك جزاسىز قالمەسى ايمپراطورلغىك يقىندە منقرض
اولەجنى قورقوسىنى وىرىيور ، دىمىشدر . صوكرە شونلرى
علاوہ ايتىمىكەدر : « سرايك ذى قيمت طاشلر ايتىستە دىكى بەھانە سىلە
درىن بر تجارت تأسس ايدىيور كە ايمپراطوردن بونلرە مقابل
فىئاتلرىنىك اون مىلى بربدل آلىنيور . هـىچ برفائەسى اولمايان
بوشىلرى تقديم ايدەرك مدامەندە بولونمىق ايچون عائلە لرك

وولايتلار خرابى اچىندە قالماسنە اهميت وىرىلمەيۇر. بر حاكمدار
 ايمپراطورلارنى كىندىسىنى تىبەسىنىڭ پىرى كى تلىقى ايدەرك ادارە
 ايتىمكىن باشقە بر شى دوشونمەلى و بونزلارك ياخود لامالرك
 ياردىمى سايەسىندە مسعود اولمىغە چالاشمايلىدر. بوبونزلر فويە
 او قدر قربانلر كىمكە و عبادتلر ايتىمكە باشلاقلرى آندىن
 اعتبار آدر كە جناب حق دائىمى صورتدە اظهار غضب ايتىمكىدەدر.
 فو مذهبى احما ايدىلمەدىن، بونزلر طرد اولونمادىن مسعود اولمىغى
 عقلە كىتىرمەملىدر. ايمپراطورك سىرايى طواشى ايله، علم نجوم
 منتىبلرى ايله، دوكتورلرلە، قادىنلرلە و ايشىسىز كوچىسىز كىمىسەلرلە
 دولو اولدىغى و بونلرك اعاشەسى بر چوق م صارفە احتياج
 كوستىردىكى بر صيراده خلق مدەش بر سىفالتە مستغرق
 بولونىور. ايمپراطورلق بر عائلەدر، ايمپراطور بوعائلەنك باباسىدر.
 اولادلىرى آراسىندە بر قىسمىنىڭ ياردىمىسىز لىقدىن و باقىمىسىز لىقدىن دولايى
 ترك حيات ايتىلرى جائز دىكلدر. سىفىللارك فريادىنى دىكلەمكە
 بر حاكمدارك عظمتى مانع اولمىق دەهىچ تىجوز ايدىلمەز. نىيە موتى.
 اولحك نظارتى زمانىدە بر چوق معصوملر اعدامە محكوم اولمشلردى.
 بوكون اولنلرك فلا كىتىدە عائلەلىرى آرامق، ضررلىرىنى تىمىن
 ايتىمك، حبس خانەلىرى دولاشمىق، شەرلرك و كويلرك حالنى
 تىقىتىش ايدەرك مترك عائلەلرە وفنا ناظرلرك استىخدام ايتىكلرى
 فنا كىمىسەلر طرفتىدىن غدر كورن معصوملرە ياردىم ايتىمك
 لازىمەدىدر. عىسكرك نە كى مزاحمە معروض قالدقلىرىنى تىقىتىش

ایچون حدودلر ده قومیسرلر اعزام ایتک، اولولری عائله لرینک بولونقلری مملکتلر کتیره رک کندیلرینه بر مزار تأمین ایلهمک، فقیر خسته لر معاونتده بولمق، علاج ویرمک، قانتون ولایتده اینجی صیدینه مانع اولمق ایجاب ایدر. بوقدر آز فائده سی اولان برشیئی ده کیزک دیندن چیقارمق ایچون پک چوق کشی ترک حیات ایدیور.

ایمپراطور کمال محظوظیتله بو خطرہ یی اوقودی. فقط موغوللری عصیانہ سوق ایتک قورقوسی کندیسنی فو مذهبنی الغادن منع ایتدی. متهم اولانلری اعدام ایتدیرمدی وسائر نقطه لر حقندہ لاقید کوروندی. چانغ قوئہ یی اکابرک تقدیر وستایشنه نائل اولمقدن باشقه بر ثمرہ استحصال ایدمدی. بوقدر فنا زمانلر کورولدیکنہ اسفلر ایتدیلم. شان تونغ وپه چہ لی ولایتلرنده بویوک برقیطلق ظهور ایتدیکندن ایمپراطور خلقه یاردیم خصوصندہ ناظرینک بالجمله مطالباتنه توفیق حرکت ایلہ سراینده وبالخاصہ پرنسسسلر نزدندہ پک حائز نفوذ اولان لامالرك کستاخلفنی برآز منع ایتدی. ولایتلرده اکثریا بر حکمدار دبدبه سیله دولاشان بوروحانیلری کچدکلری یرلرده خلق بسله مکہ، اونلره بارکیرو لوازم تدارک ایتکه مجبور ایدی. بوتون چینلیلر اونلرك حیات سفیهانه لرندن شکایت ایدیورلردی. استون تیمور صوکره معبود سمایه کیدوب بالذات قربان کسمه یی رد ایتدیکندن دولای بوتون چینلیلرك غیظ ونفرتی

سنه
۱۳۲۶

۱۳۲۷

جلب ایتدی . قبلایک بر فانونی موجینجه گندی یرینه بر باشقه یرینی
کوندرمک ایسته یوردی . بوندن دولای دولتنک وظائفنه پک
رعایت ایتمین بر حکمدار کبی تلقی اولوندی . قیطلق، قور اقلق،
فیضان ، بعض داغلرک هیلانی ، حرکت ارض ، کسوف کبی
ایمپراطورلغی کرفتار خشیت و آلام ایدن فلاکتلر هپ
کندیسنک اهلانه عطف اولوندی . بویوک خان صوکره پکینغدن
شانغ تویه کیتدی . پکینغک محافظه سنی اوزمان اکی قوماندانلرندن
بری اولان ین تیموره براقندی وشهزاده داو اتموری هو قو آنغه
سوردی . فقط چوق کچمه دن ، اوتوز آلتی یاشنده اولدیغی
حاله وفات ایتدی ، سرایی بر طاقم نفاق و انتریقه ایچنده براقدی .
استون تیمور بر مدت اول ، ایمپراطورلغنک اکی مورخلرندن
بری اولان سه ما قو آنغ طرفندن یازیلش بویوک چین تاریخی
موغول لساننه ترجمه ایتدیرمش ، بوتون ایمپراطورلغه ایپک
بوجکلرینک ناصل بویوتلر یکنی ، ناصل ایپک جیلک ایدیلر یکنی ،
اراضینک نه صورتلر اکیلر یکنی مبین لوحه لر داغیتدیرمش ایدی .
عینی زمانده مطبوع بر ورقه ایله بوبابده لازم کلن معلوماتده
اعطا اولونیوردی .

استون تیمور وفاتندن صوکره ایمپراطور یچه [۱] اوغلی
آسوقیا نامنه مهر حکومتی الده ایتک اوزره ئویه تولای پکینغه
کوندردی و خلقی بوشهزاده بی حکمدار طانیمغه تشویق ایله دی . فقط

پكىنغۇدە قوماندان بولۇنغان يىن تىمۇر ئىمپىراتور قايشانك ئايى اوغلاندىن
بىرىنى يەنى يا ھوقو ئاغدە منى بولۇنغان داۋاتمۇرى ياخود تاتارستاندا
بولۇنغان قوشىلايى تىختە اجلاس ايتىمك فەكرىدە اولدىنى اچچون
بوتون محلاتە عسكەر اقامە ايتدى . شەرك وسرايك قايلارىنى
طوتدى ، سرايك سالونلاردىن بىرىدە اكابر دوتى طوپلايەرق
اونلارە تصوراتنە ممانعت ايدە جىكلرى قىتل ايتدىرە جىكىنى سويلەدى .
صوكرە ، ئوپە تولايى وشبەھە ايتدىكى كىمسەلرك كافەسىنى توقىف
ايتدىرەرك ، مامورلار تەيىن ايلەدى وقوماندان چاۋوشى يەنە صلاحىت
كاملە وىردى . ھىچ بىر شىدىن خىردار اولمايان كوچوك رتبەدە
ضابطان جلب ايلە قوماندانلاردىن وعسكەرلردىن مركب مجلس
عمومىدە يوزلارنى جنوبە دوغرو چويرةرك يىلرە قاپانمالرى
اچچون امر وىردى . بو صورتلە ، مقصدىنك بىر جنوب ولايتى
اولان ھوقو ئاغدە منى شەزادە داۋاتمۇرى تىختە چىقارمىق اولدىنى
آكلاشلىدى . وقەدن خىردار ايتدىكى ئايى شەزادەنك موا -
صلىتنە انتظاراً آت اوستىدىن اينمە يوردى . كىجەلرى نرەيە
چكىلدىكىنى كىمسە بىلمىيوردى . چوق كچمەدن بو ئايى
شەزادەنك قىربا مواصلت ايدە جىكلرى خىبرى اعلان ايتدى .
كىندىسنىك مقصدىن خىردار اولان ھونان واليسى پەين شەھەلى اولان
كىمسەلرى اولدىر تەرك وعسكەرلرىنە داۋاتمۇرى ئىمپىراتور قىبول
ايتدىرەرك ياردىمە بولونمىق ايسىتەدى . يىن تىمۇرك قاردشى

ساتون قويونغ قوآن نامنده مهم بر موقعی طوتدینگی کبی دیگر
بری ده قویه قه ئو موقعی اله کچیردی .
ین تیمور پکینگده بو حرکاتده بولوندینگی ائناده تائولاشا ،
استون تیمورک اوغلی آسوقی پا [۱] یی ایمپراطور اعلان ایتدیر .
ریوردی . چین قانونلری موجبجه ایمپراطورلق اونک ایدی .
چونکه ولی عهد اعلان ایدیلشدی . خاندان ایمپراطوری به
منسوب بعض شهرزاده لرده کندیسنه التحاق ایتدیلر . ولایت
والیلرندن ، ضابطلردن و غرب عسکرلرندن قسم اعظمی کندیسنی
قبوله میال بولونیورلردی . داوا تمورک پکینگه موصلتی اوتوده کی
طرفدارلرینه غیرت و یردی . داوا تمور مأمورلر تعیین ایتدی .
بعضیلرینی قتل بعضیلرینی نفی ایتدیردی . ین تیمور ، ایمپراطورلغی
اعلان ایتمه سی ایچون کندیسنی تشویق ایدیوردی . برچوق
اصراره معروض قالدقن صو کره بوکا راضی اولدی . چونکه
ایمپراطورلغی برادری قوشیلايه ترك ایتک ایسته دیکندن اونک
مواصلته انتظار ایدیوردی . ین تیمور باش قوماندان اعلان
ایدیلدی . وانغ چو آسوقی پانک اردوسیله او زمان په چهل ولایتنه
کیرمش ، بعض موفقیتسز لکله اوغرامشدی . فقط دیگر
بر اردویه قارشى قویمق اوزره له آئوتونغ طرفلرینه کیتمش
اولان ین تیمورک غیوبتندن بالاستفاده قويونغ قوآنی ضبط ایتدی .
ین تیمور در حال کری دوندی وایکی محاربه دن صو کره اونی

[۱] چینلیر کندیسنی تیهن شون نامی آلتنده طانیرلر .

چكىلمكە مجبور براقدى . آسوقيا طرفى التزم ايتىش اولان
 قوتوھوآ نامندە دىكر بر شەزادە عىنى زماندە شەنسى داخلىنە
 كىردى وتونغقوآنى ضبط ايلەدى . آسوقيا او ولايتدە
 ايمپراطور اعلان ايدىلدى . قوماندانلارندن بعضىلرى ھونان
 ۋە قوآنغە كىردىلر . پكىنغە كىرمىش اولان يە سىيەن تىمور
 شەرى محاصره اتمك تەيدىنى كوستريپوردى . فقط اردوسى
 قىلىجىدن كچىرلىكى . جەتەلە امدادىنە كلن دىكر قوماندانلار
 شاشىردىلر . تاتارستاندەكى موغوللار ك قوماندانى اولان بوقا تىمور
 كىدوب آسوقيايى شانغقو شەرنەدە محاصره يە آلدى . تائولات
 اورادە بويوك بر جسارتلە مدافعاتدە بولندقدن صوكرە شەرى
 تسايىم ايتدى . دىكر قوماندانلار قاچدىلر . آسوقيا مجهول بر
 صورتدە ترك حيات ايتدى . طرفى التزم ايتىش اولان
 شەزادەلر ك كافەسى بونك اوزرىنە سلاخلرىنى براقدىلر . آرتق
 رقىبسز قالان داواتمور بعض قوماندانلرى قتل ايتدىردى ،
 آسوقيانك والەسى ايمپراطور يچەنى نى ايلدى . بو حركىتى
 كندىسنك بر غاصب كى تلقى ايدىلەسنە سبب اولمشىدر .
 چونكە بوضابطلر مشروع حكمدارلرىنى مدافعه ايدىيورلردى .
 قوشىلاى بوتون جريان احوالدىن برادرى داواتمور
 واسطە سىلە خبردار اوليوردى . برادرى كندىسنى كلوب تىختە
 چىقماسى اچون تشويق ايدىيوردى . قوشىلاى قارا قورومە
 كىتدى . اورادە ايمپراطور اعلان اولوندى . داواتمور ايمپرا -

طورلق مهرینی ایمپراطورلق اثوابی و هنریناتی ایله برلکده کندیسنه کوندرمشدی . ین تیمور باش ناظر واردولر قوماندانی نصب ایدیلدی . داواآتمورده ولی عهد اولدی . فقط داواآتمور برادرندن مستقل و مطلق بر حکمدار کی حرکت ایدهرک یون نانه ایمپراطور عنوانی طاقنمش اولان چین قوماندانی نان قیانای عفو ایتدیکنی سویله دی و بو قوماندان کمال حسن نیتله عرض اطاعت ایتش اولمقله برابر اونی قتل ایتدیردی . صوکره شانغ قویه متوجهاً یولده بولونان برادری قوشیلائی استقباله کیتدی . بر آز صوکره ، قوشیلائی چادیرنده اولمش بولوندیغی ایچون داواآتمور درحال ایمپراطورلق مهرلرینی آلدی ، برادرینه قارشى صوکره وظیفه سنی یاپدی . شان تونغده ایمپراطور اعلان ایدیلدی . قوشیلائی اوتوز یاشنده ایدی .

سنه
۱۳۳۰

یکی حکمدار تخته چیقار چیتماز پرنس توقیه ن یون نانه عصیان ، متعدد شهرلری یغما ایتدی . بر چوق ضابطان و مأمورینی اولدیردی ، میائوتسه لری سلاحه صاریلغه تشویق ایله دی . زوجه سی ایمپراطور یچه قوشیلائیک زوجه سی اولان پاپوشانی اولدیرتدی . بو مناسبتله داواآتمور ، قوشیلائیک قتانی ترتیب ایتش اولمقله اتهام ایدیلکده در . داراآتمورک دور سلطنتی پک از حائز قیمتدر . مراسم اجدادی بالذات ایفا ایتدیسده ینه چینلیلر طرفندن سه ویله دی . اوغلی آلاته ناتالایی ولی عهد اعلان ایتدی . فقط ایرته سی سنه اوغلنک وفاتی کورمکله

متألم ابلدی . اردوسی یون ناندە و سە چوئندە موفقیتلر
احراز ایتدی ، بو ولایتلر تحت انقیاده آلدی . سائر بعض
عصیانلرده عینی صورتده تسکین ایدیلدی . مؤخرأ ، داوآتمور
شانغ توده یکرمی دوقوز یاشنده ایکن وفات ایتدی . قوشیلاک
اوغللارندن برینی ولی عهد اعلان ایتشدی .

سنه

۱۳۳۱

۱۳۳۲

وفاتندن صوکره ، ین تیمور کیدوب ایمپراطوریچه یی
بولدی و اوکا ایمپراطورلغی اوغلی ین تیه قوسه یه ویرمه سنی
تکلیف ایتدی . فقط ایمپراطورک امرینی اجرا یه عزم ایتش
اولان ایمپراطوریچه قوشیلاک یدی یاشنده بولونان اوغلی
ایلین چیپانی تخته چیقاردی . فقط بر آرزو کره یکی ایمپراطور
وفات ایتدی . توقتامور [۱] اسمنده اون اوچ یاشنده بر
قاردشی واردی . بونی سرایه کتیردیله . ین تیمور ایله سائر
بعض قوماندانلر داوآتمورک اوغلی ین تیه قوسه یی ایمپراطور
اعلان ایتک ایسته دکلری جهتله بوکا مخالف ایدیلر . ین تیمور
نائبه حکومت نامنه عرض تبریکات ایتک اوزره توقتاموری
استقباله کوندرلدی . بو ملاقات ایکی طرفک ده خوشنه کیتدی .
توقتامور ین تیموردن قورقدیغی ایچون اوکا هیچ جواب ویرمدی .
بوندن جانی صیقیلان ناظرده ایمپراطورلغی یه ن تیه قوسه یه ویرمک
فکر یله کندیسنک حکمدار اعلان ایدیله سنی تأخیر ایله دی .
ین تیمورک بو عدم ممنونیتندن متأثر اولان نائبه حکومت توقتاموری

۱۳۳۳

ناظر ايله باریشمغه تشویق ایلهدی . شهزاده ین تیموره دهـا
خوش بر معامله کوسترمدیکندن دولای اظهـار ندامت ایتـش
کوروندی و قیزیله اولمک صورتیله بو خطایی تعمیره چالیشدی .
ین تیمورده ایمپراطوریچه لردن بریله اولمک جرأتنده بولوندی .
بونک همان هیچ امثالی یوقدی . فقط بر آز صوکره افراط
سفاهتدن ترک حیات ایتدی . بـوصورتله توقتامورا ایمپراطورلغک
صاحبی اولدی و بویوک خان اعلان ایدیلدی [۱] . بو حکمدار
ایلریده نه اولاجغنی ایلك حرکاتیله آکلاتدی . ثباتسز ،
اداره دولتدن متنفر ، سفاهته دوشکون ایدی . کندیسنه تأمین
سلطنت ایتش اولان ایمپراطوریچه مایلاقی یه بویوک والده
ایمپراطوریچه عنوانی ویردی . ایچندن بو ایمپراطوریچه دن
قورتولمق یولنی آرادینگی حالده ظاهرأ اوکا بویوک حکم ونفوذ
ویریور کی کورونمکده ایدی . ین تیمورک قیزی [۲] اولان
زوجه سنی ایمپراطوریچه اعلان ایتدیردی . بوندن ده مقصدی
او ناظر عائله سنی کندیسنه دهـا زیاده ربط ایتمکدی . فنا
نصیحتلره قولاق ویرمه سی توقتامورک بوتون بوتون باعث
فلاکتی اولدی . ناظرلرینک سوزلرینه پک قاپلیدی و کیف
و هوساتندن باشقه بر شی دوشونمندی . دهـا بدایت سلطنتنده
مدهش بر قیطلق جنوب ولایتلرنده اون اوچ میلیون کشینک

[۱] چینلیلر بونی شون تی اسمی آلتنده بیلیرلر .

[۲] اسمی په پائودر .

باعث وفاتی اولدی . پکینغده ده بر حرکت ارض وقوعه کلدی .
 سرای ، صوکره چین علمانی پک علاقه دار ایدن بر
 مسئله یی حل ایتک مجبوریتنه قالدی . بعض ایمپراطور یچه لره
 اجداد سالوننده زوجلری ایمپراطورلرک یاننده لوحه لر تخصیص
 ایدیه جکدی . ایچلرندن بعضیلری بو شرفه لایق کورولموردی .
 چونکه ، ایمپراطور یچه عنوانی طاشیمش اولمقله برابر چوجوق
 دوغور مامش لردی . بو شرف یالکیز چوجوق دوغور مامش
 اولانلره بخش اولوندیغی ایچون سالوننده بعض مستفر شه لره ده لوحه لر
 تخصیص ایدیلشدی . بو ایسه باعث خجالت بر حرکت کبی
 تلقی اولونیوردی . نهایت چوجوق دوغور مامش ایمپراطور یچه لرک
 صیرالرینه کوره لوحه لری ده اولماسی قرار لاشدی . ایرته سی
 سنه سرای دها مهم تذبذبات ایچنده قالدی . ین تیمورک قارده شی
 ساتون وفات ایدهرک تانغ قیشی اسمنده بر یکنی قالمشدی .
 بو ، ین تیمورک اوغلی ایدی . اونک مأموریتلرندن قسم اعظمی
 کندیسنه توجیه ایدیه - کنی امید ایدیوردی . فقط بو مناصب
 پهینه ویریلدی . اوده غایت صاحب قدرت اولدی . پک حدتلی
 و سوزینی اسیر که مز بری اولان تانغ قیشی بو حسزلقدن علناً
 شکایت ایدهرک پهیندن استخفاف کارانه بحث ایتدی ، اجدادینک
 ایمپراطورلرغه ایتمش اولدیغی خدماتی ایلری یه سوردی و موغوللر
 تحتنه سیلیقی [۱] نک اوغلی هوآنغ هو تیموری اجلاس ایچون

سنه
۱۳۳۵

[۱] قبلای زماننده اولدیرلش عاصی بر شهزاده ایدی .

تالی ین تالی ایله برلکده تدابیر لازمه یی اتخاذا ایله دی . فقط
 ترتیباتلری میدانه چیقینجه پهن ، اوزمان ایمپراطورک بولوندیغی
 شانغ تو سرانی بر مقدار عسکرله قوشاتماسی مقرر اولان
 تانغ قیشی یی وقعه دن خبردار ایتدی . تانغ قیشی اولدیریلدی .
 برادری تارغای همشیره سی ایمپراطور یچه نك اوطه سنه مجروح
 بر حالد قاچدی ، اونك کوزی اوکنده قتل ایدیلدی .
 بو نکبت ایمپراطور یچه یه بیله تشمیل ایدیلدی . پهن
 ایمپراطور یچه یی توقیف ایتدی . ایمپراطور یچه حیاتنك باغیشلانماسی
 ایچون ایمپراطورک آیاقلرینه قاپاندیسه ده عفو ایدیلدی . ایمپراطورک
 امریله قتل اولوندی . تالی ین تالی شهراده هوا نغ هو تیمورک
 نزدینه قاچدی . اوراده اولدیرلدی . صو کره هوا نغ هو تیمور
 اتحار ایتدی . بو عصیان تسکین ایدیلیر ایدیلز ، قانتون ،
 هونان ، سه چه ئن ولایتلرینك وقوقونور الکاسنك اغتشاشات
 ایچنده بولوندیغی خبری کلدی . ایمپراطور دن غیر ممنون اولان
 خلق خط حرکتی مؤاخذه ایدیور وموغول بویوندور و غندن
 قورتولمق ایسته یوردی .

سنه
۱۳۳۷

۱۳۴۰ . اوتار یخده پهن سرایده بویوک بر نفوذه صاحب ایدی .
 ماچارتای اسمنده بر قاردشی واردی که پن ینك تکمیل مزیتلرینه
 مالک اولدیغی حالد نقایصندن آزاده ایدی . عسکر طرفندن
 پك مظهر حرمت و محبت اولمشدی . ایمپراطورک ویرمک ایسته دیکی

وانغ [۱] عنوانی دفعات ایله رد ایتشدی . برادری پهن
ایسه بالعکس ظالم و خونخوار ایدی . هیچ بر سبب اولمادن
بر طاقم عائله لری ازمك وسونديرمك ایچون ایمپراطوره
ویردیکی نصیحتلرله پك چوق دشمن پیدا ایتشدی . غیر قابل
تحمل بر کبر و غروری واردی . ایمپراطورک معیتندن دهامدبدب
بر آلائی ایله سوقاغه چیقاردی . حاصلی حرکاتی ایمپراطورک
او قدر خوشنه گیتمدی که کندیسنی اولدیرتمکه قرار ویردی .
ماچارتایک اوغلی پهنک یکنی بولونان توتو ایمپراطورک
بومقصدینه واقف اولور اولماز کیدوب اوچی وانغ نامنده
برچینلینک فکرنی آلدی . چینلی عائله سنی فدا خصوصنده
تردد ایتمه مه سنی ، برضابطک حکمدارینه صداقتدن باشقه
برغایه تعقیب ایده میه جکنی سویله دی . بونک اوزرینه توتو
ایمپراطورک آیاقلرینه قاپانه رق کندیسنه خدمت ایتک اوزره
عائله سنی فدا ایتدیکنی عرض ایتدی . ایمپراطور ، توتونک
اظهار ایتدیکی بو آثار صداقته اعتماد ایده میوردی . فقط
صمیمیتله حرکت ایتدیکنی آکلائیجه کوزیاشاری دوکهرک
کندیسنی در آغوش ایتدی ، پهنک حرکاتندن شکایتده
بولوندی . ایمپراطورک حضورنده توتو ایله شی قیای پهنی
توقیفه قرار ویردی . توتو سرایک قوه محافظه سنی تضعیف
ایتدی . بونک کندی اوامری اولمقسزین یاپلاسندن دولانی

اظہار حیرت ایدن عموجه سہنہ ایمپراطورک بولوندیغی یرده
محافظہ وظیفہ سہنہ نہ قدر اعتنا ایدیلسہ فضلہ صاییلہ مایہ جغنی
جواباً بی پروا سویلہدی . پەینک ایمپراطوری کورمہ سہنہ وتکلیف
ایتدیکی وجہلہ آوہ کوتورمہ سہنہ ہیچ مساعده ایدیلمہدی .
شہرک قاپیلری قاپاندی . بوتون محلاتہ عسکر اقامہ اولوندی .
پەینک بوتون رتبہ ومأموریتلری آلندی . کندیسہنہ ہونان
داخلندہ بر مأموریت ویریلدی . پەین درحال بورایہ کیتمک
اوزرہ امر آلدی . فقط یولہ کندیسہنک نفی ایدیلدیکنہ دائر
باشقہ بر امر آلنجہ خستہ لاندی ، بوتون خلقت نفرتی آراسندہ
کدرندن اولدی . توتو ایلہ پدری ماچارتای اکیوکسک مناصبہ
چیقارلدیلر . کندیلرینہ ترخان عنوانی ویریلدی . یعنی ہر
دورلو ویرکو ومکلفیتدن آزادہ قالدیلر . ناظر پەینک ادارہ سی
آلتنہ خدمت ایتیش اولان مأمورلر موقعلرندہ براقلدی .
صوکرہ ایمپراطور ، پدری قوشیلاک داواتمورہ عطف
ایدیلن قتلک انتقامنی آلق ایچون اجداد سرایندن اونک
لوچہ سہنی قالدیرتدی ، زوجہ سی ایمپراطوریچہ پوتاشہ لی بی
واوغلی ین تیہ قوسہ بی نفی ایتدیردی . بوشہزادہ یولہ قتل
ایدیلدی . بویوک خان برچوق ضابط ومأموری دہ عزل ایتدی .
برمدتن بری قالدیرلش اولان ارباب علم وادب امتحانی دہ
تکرار تأسیس ایلہدی .

صوکرہ ایمپراطورلق او قدر بویوک برقیطلقدن مضطرب

اولدی که آج قالان کیمسه لر انسان اتی یمکه مجبور اولدی لر .
 بونک اوزرینه سرایده امتعه نقانی تسهیل ایچون تونغ چه ئو ایله
 قین قه ئو آراسنده کی برقانالی تعمیر ایتک ایسته دی لر . وقتیه
 بوقنالی نیوچه لر یامیشلردی . فقط بوقنال پاختک پک یقینده
 اولمقله برابر برتهلکه تشکیل ایتدیکی تجربه ایله ثابت اولدیغندن
 تخریب ایدیلشدی . ضابطلردن بعضیلری پاختک برقسمنک
 صولر آلتنده فله جغنی سوله مشلر سده قنال تکرار حفر
 اولوندی . فقط هوئن نهرینک سوروکله دیکی قوم وچامور
 چوق کچمه دن قانالی بی فائده برحاله کتیردی . فیضان
 قورقوسی اوزرینه تکرار بونی سدا یتدی لر . اوسنه برآوروپالی
 برآت تقدیم ایتدی . بوآت پک تقدیر اولوندی . بوآوروپالی
 ایمپراطوره احتمالکه اوتارینخده چینده بولونان ژاق دوماندویل در .
 ایرته سی سنه ایمپراطور خیتانلرک، نیوچه لرک، سونغلرک تاریخی
 اکمال ایتدی ردی . قبلایک اوامرینه رغماً بوتاریخ اوزمانه
 قدر اهمال ایدیلشدی . باشلیجه محررلردن بری غنه ئو پانغ
 سیه ئو اولان بو بویوک اثر بواوچ سلاله نک وقایعنی محتویدر .
 آری قسملرده ریاضیات انجمننک رصداتلری ، اصوللری ،
 مختلف تقویملری مربوط اولدیغی کی بویوک آدملرک اسامیسی ،
 مختصر ترجمه حاللری ، بوسلاله لر زماننده نشر ایدیلن آثارک
 فهرستی ، بو حکمدارلر زماننده معلوم اولان یاخود تحت
 اطاعته آلان اجنبی مملکتلرینک جغرافیا تصویراتی وارددر .

سنه

۱۳۴۳

اوسنه نہایتلرینہ دوغرو ایمپراطور معبد اجدادہ عزیمت ایتدیکی
 زمان کوچوک برادری ایلین چیپانک لوحه سی قارشیسنه کلنجه دیز
 چوکه بکدن امتناع ایتدی . بواورته یه برتشریفات مسئله سی چیقاردی .
 ایمپراطور متوفی قارده شندن بویوک اولدیغی ایچون بویله بر
 مجبوریتدن آزاده بولونماسی لازم کله جکئی ادعا ایدیوردی .
 فقط متعدد امثال کوسه تریلدیکی کی ایلین چیپانک زمان
 سلطنتنده کندیسنک تبعه دن بر فرد بولوندیغی ، بناءً علیه
 برتبعه نك حکمداری حضورنده دیز چوکه سی لازم کله جکئی
 سویله دیلر . بویوک خانده بومطالعائی قبول ایتدی .

سنه

۱۳۴۴

۱۳۴۵

صوکره ، توتویه یکی عنوانلر ویریلدی . ایمپراطورلغک
 اک بویوک علماسندن بری اولان تائو نائو وفات ایتدی .
 رغو بوغا طرفندن بغیر حق اتهاماته معروض قالان ماچارتای
 غرب طرفنه نفی ایدیله رک اوراده عمومک تأثر وتأسفاتی
 ایچنده ترک حیات ایلهدی . توتوده پدرینک آرقه سی صیرا
 کوندرلمشدی . ایمپراطور بونفیدن دولای مؤاخذه یه
 اوغمرادی . سائر سوء استعمالاتی منع ایچونده هیچ برشی
 یامادی . بوسوء استعمالاتی کندیسنه عرض ایتکی وظیفه لری
 جمله سندن بیلن مفتش لر بویوکلرک یاپدیغی جرم لک جزاسز
 قالماسندن ، بهینک اوغللری ، طورونلری وقارده شلری الآن
 سرایده بولونماسندن شکایت ایدهرک پرنسس قنک ایمپراطور یچه
 عنوانندن محروم ایدیله سنی طلب ایلهدیلر . چونکه قبلا ی

۱۳۴۶

۱۳۴۸

قوره لیلرله قطعاً اولمه مک ایچون عهد ایتشدی . قی ایسه
 ار ملتدن ایدی . ایمپراطور مفتش لک معروضاتی رد ایتدی .
 عاقل ، عقیف و منور بر ناظر اولان تای پینگ کندیسنه
 ایتدیکی بو اییلکدن خبردار اولمادی . اولک دشمناریله
 برلشدی و کندیسنی مأموریتلرندن محروم براقیدردی . حتی
 کین و غرضنی ده ایلرییه واردیراجقدی . فقط والده سی —
 معصوم بر ناظره تضییقات اجراسنده دوام ایده جک اولورسه
 کندیسنی اولادلقدن رد ایده جکنی سـویله دیکندن توتو
 والده سنه حرمة واز کچدی و تای پینگ یاپدیغی اییلکی خبر
 آنجه غایت متأثر اولدی . تای پینگ دوچار اولدیغی فلا کتده
 آثار متانت کوستردکن صوکره ، عائله سی ایله برلکده سی —
 غان فویه چکیلدی . دوستلرندن بری اتحار ایتمه سی توصیه
 ایله مشدی . جواباً دیدی که : « او زمان کندیمک قباحتلی
 اولدیغمی اعتراف ایتش اولورم . بن معصومم . براقه لم
 ایمپراطور ایسته دیکی کبی حرکت ایتسون .. » . توتو تکرار
 حائز نفوذ اولدی . ولی عهده چین حروفاتی وادبیاتی
 تعلیمه مأمور ایدیلدی . شهرادیه فو دینی تعلیم ایچون بعض
 لامالر انتخاب ایتدی . می هائو یی ده ایمپراطورک مریبلکینه
 تعیین ایله دی . می هائو ولی عهد ایچون یأثودن بدأ ایله اوزمانه
 قدر مختصر بر چین تاریخی قلمه آلدی . قلاسیک کتابلری
 تلخیص ایتدی . حکمدار عائله لرینک اسباب انقراضی حقنده

مطالعات قلمه آلدی . بر حکمداری اداره دولته صالح
قیلابیله جک سائر بعض آثارده یازدی . فقط مساعیسی بو
شهرزاده نك چالیشاماسی یوزندن عقیم قالدی . شهرزاده برکون
خواجہ سنه بو اثرلردن برشی آکلامادیغنی ، فو دیننک دها
واضح اولدیغنی سويله دی . بو سوزلر بوتون چین علماسنی
پک غلیانه کتیردی . شهرزاده حقنده فنا بر فکر
پیدا ایتدیلر .

ایمپراطور اک صادق ناظرلرینی ده ناخشینود ایتمکدن
کری قالمادی . اخلاق وعاداتی غایت بوزوق اولان اجنبیلره
پک فضله یوز ویریوردی . آما ایله سوئه سوئه [۱] دائمی
صورتده ایمپراطوریچه قنک سراینده ایدیلر . ایمپراطورلق
مفتشلی بوندن دولای شکیات ایدیورلردی . فقط آما
قورنازجه راپورلریله ایمپراطوریچه نك وصوکره ایمپراطورک
فکری اوزرنده او قدر اجرای تاثیر ایتدی که مفتشلی نفی
ایدیلدیلر . بوتون چینلیلر وظیفه لرینی ایفا ایدن مأمورلرک
جزا کورمه لرندن ، ایمپراطورک آما کبی حیثیتسز ، اقتدارسز ،
ایمپراطورک قلب وفکرینی هرشیدن زیاده افساد ساعی بر آدمه اعتماد
کوسترمه سندن دولای مؤاخذه لرده بولوندیلر .

یکی بر حادثه هر کسی بوتون بوتون ناخشینود بر حاله
کتیردی و تکمیل موغوللرک چیندن طرد ایدیلر

[۱] بولر عن اعل قاپچاقلی ایکی قاردهش ایدیلر .

خصوصندە اك باشلى بر سبب تشكيل ايتدى . ۱۳۴۸ تاريخندە
 قياو اسمندە بر رياضى هوا نغ هو يا خود قاراموران نهرينك
 مجراسنى تدقيق ايتك مساعده سنى استحصال ايتمش وبونك
 بر خريطه سنى ياپه رق بوكا برده مخطرہ علاوہ ايتمشدى .
 بونده بو نهر ك امتداد نجه بعض انشاءات ياپماسى وبالخاصه
 مجراسنك د كيشديرلمه سى تكليف اولونيوردى . اكا بردن
 بر چوغى وبالخاصه توتو كنديسنه مظاهرت ايدييوردى .
 وقتيله اولديغى كى بو نهرى تامينغ فو الكاسندن كچيرمك
 ايسته يورلردى . نهر اورادن تيهن تسين هوئەنى ده كيزينه
 دو كوله جكدى . ظاهراً پك آز حائز اهميت اولان بو پروژہ
 بوتون اغتشاشاتك سببى كسيلىدى . چين سون، قاي قونغ فو
 رياضيونى ايله برلكده په چەلى داخلندە تامينغ فويه كيتمشدى .
 اوراده اراضى ي تدقيق وتسويه ايتدكن صوكره
 تكرار قازيلمق ايسته ن اسكى مجرانك غايت مصرفلى ،
 غير قابل تأمين وشان تونغ شەرىنى محو ايتمكه مستعد
 اولديغى سويله دى . كنديسنه تبديل فكر ايتديرمك ايچون
 هر دورلو وسائلطه مراجعت ايتديلر . فقط مملكيتك منافع
 عموميه سنى بو قدر علاقه دار ايدن مهم برايشدن واز كچمكدن
 ايسه فداى جان ايتمكى كوزه آله جغنى سويله دى . امور نافعہ
 انجمنى رياستندن عزل اولوندى . بوتشەبته قياو ايله توتو
 مأمور ايديلديلر . بو پروژەنك اجراسى ايچون يكى ويركولر

تأسيس ايتمك و برچوق كويليلرك اراضي-نى اللارندن آلمق لازم كلديكى ايجون برچوق عائله لر محواولديلر . عدم ممنونيت عمومى برشكل آلدى . مختلف برچوق ولايتلرده رؤسا-نك خلقى عصيانه تشويق ايتديكى كورلدى . ارتكاب ايتديكى خطالردن دولاي نفي ايديلمش اولان هان-شان تونغ خلقك بوحالندن استفاده ايله شان-تونغ ، هونان ، قيانغ-نان داخلنده برچوق كشي يي تسليح ايتدى . اورالرده كنديسنى موغوللرك محوايتكلرى سونغ ايمپراطورلرى نسلندن كوستردى . برياض باركير و سياه صيغير قربان كسد كدن صوكره كنديس-نه اطاعت يمينى ايديلدى . طرفدارلرينك كافه سى قرمزى برركلاه كيديلر .

كنديسنى درحال توقيف ايتمك چاره سى بولوندى ايسه ده قاريسى و چوچوقلرى قاچديلر . فقط امثالسىز درجه ده جسور بر آدم اولان ليه ئوفوتونغ ، قيانغ نامنده كى عساكر ك باش-نه كچدى . چوق كچمه دن اطرافنه يوزبيك-دن زياده آدم طوپلاندى . بونلرله ژونينغ-فو اراضي-سند هونان داخلنده نان يانغ فوده تحصن ايتدى .

عيني تاريخده ، فانغ قوئه چين نامنده برده كيز حيدودى متعدد سفائن ايله چه قيانغ و قيانغ-نان ساحلار-نده دولاشه رق متعدد شهر و قصبه لرى يغما ، تجارتى محوايتدى . بوندن ده مقصدى سرايه حبوبات و امتعه نقلنه مانع اولمقدى . كنديس-نه قارشى كوندريلىن قوماندانلرى مغلوب ايدى-رك اسير آلدى و سفرينى ساخته براوزلاشه ايله نهايته ايرديردى . اكابر دولت كرك

بونی کرک کندیسنک عسیاتی ایمپراطوردن کیزله دیلر .
 کندیسی وقاردشلیرى برطاقم عنوان افتحاره ومناصبه نائل
 اولدیلر . مع مافیه لیمانلری آبلوقه آلتیده طوتمقدن خالی قالمادی .
 اوتارینخده سرایدہ لیہ ئوفوتونغه قارشى کوندریله جک عسکرک
 احضاراتیلہ مشغول ایدیلر . بونک طرفدارلری کیتدکجه
 قوت پیدا ایدیورلردی . سوشه ئوهوئیی نامنده دیکر برعاصی
 هو قوانغ داخلنده میدانہ چیقدی وقیشوئی ده [۱] کندیسنی
 ایمپراطور اعلان ایتدیردی . هان یانغ ایله ووچانغ فوی ودها
 سائر مهم مواقعی اله کچیردی . صوکر بردونانما ایله قیانغ
 نهری اوزرندہ بویوک برشهر اولان قیه ئو قیانغ فوی محاصره یه
 قالقدی . موغول ضابطلرندن قسم اعظمی یاخیانت یاجبانت
 یاخود ایمپراطورک خدمتندن نفرت سائقه سیله چینلیلر یاقلاشنجه
 قاجیورلردی . قیانغ اوزرندہ بویوک بر قوه عسکریه یه قوماندئا
 ایدن پولوتیمور موقعنی جینانه ترک ایتدی . ایمپراطور ، اسکی تبعه سی
 موغوللاردن زیاده کندیسنه تابع اولان چینلیلرک آثار صداقتنه
 مصادف اولدی . لی فو نامنده بویوک بر چینلی بوتون کویلره
 پولوتیمورک عسکرلرینک یولنی کسیدیرمک واونلری وظیفه لرینی
 یایمغه مجبور ایتک ایچون ساعیلر کوندردی . صوکره ، ئی سپه ن
 تیمور نامنده بر موغولک معاونتیلہ سوشه ئوهوئیی نک یکرمی
 بیك کشیلاک بر قوتی بوزدی ؛ قیه ئو قیانغ فویه دوغرو یاقلاشان

سنه
۱۳۵۲

[۱] هو آنگ چه ئوفو داخلنده .

عاصیلرک دونانماسنی دوردورمق ایچون قیانغ نهرینه بربرینه
 باغلی بر طاقم کوتوکلر آتدیردی . صوکره دونانما اوزرینه
 آتشی اوقلر آتدیره رق متعدد کیلری یاقدی . فقط بر طرفدن
 شهری مدافعه ایتدیکی صیراده توقیهن بوغا بو شهری محافظه
 وظیفه سیله مکلف اولان موغول ضابطانک قسم اعظمیله فرار
 ایتشدی . سوشه ئوهوئینی شهری ضبط ایتک اوزره ایدی .
 لی فو بعض صادق قوای عسکریه ایله برجلر اوزرینه چیقیدی .
 فقط دشمن قایلرک برندن ایچری کیرمشدی . سواقاقلرده
 ایچه مدت مدافعه ده بولندقدن صوکره ، مقاومت امکانی
 کورده مه یهرک یوکسک سسله هایقیردی : « بنی اولدیریکنز ،
 فقط اهالی یه دوقونمایکنز » . در حال قتل ایدلدی . بوتون خلق
 وفاتنه آغلادیلر . ایمپراطور کندیسنه بر طاقم عنوانلر ویردی .
 بو عصیان باشلانغجلرینه باشقه فلا کتارده مترافق بولوندی .
 شنسی داخلمده لوانغسی ده شدتلی بر حرکت ارض وقوعه
 کله رک تزلزلات بوتون کون دوام ایتدی . آلت اوست اولان
 طوپراقلر آراسنده دوقوز اون قدم جسامتمده بش یوز یای
 بولوندی . بوزارک نه قدر قدیم بر زمانه عائد اولدیغی بیلمه .
 یوردی . یایلرک اوقلری بولونمادی . مدھش بر قیطلق
 وخسته لق یوزندن دوقوز یوز بیک کشی تلف اولدی . بو
 قدر فلاکت و بالخاصه جنوب طرفلرنده ظهور ایدن محاربات
 ایمپراطوری جنوب چینلیلری کندیسنه ربط ایچون بویوک

انجمنلرده اونلر كده شىمالى چىنلىلر كى استىخدام ايدىله بيله
 جىكلرىنى اعلان سىوق ايتدى . اولجه جنوب چىنلىلرى ياللىز
 علوم و فنون و تجارت ايله اشتغال ايدىلرلردى . ايمپراطورك
 حىاى بوغا نامنده كى بر قوماندانى چى قىانغ ساحلارنده فانغ قوئى چىن
 طرفندن مغلوب و اتلاف ايدلى . ليه ئوفو تونغ ، توتونك برادىرى
 يه سىهن تيمورى قاي فونغ فويه قانچى مجبور ايتدى . ضابطانك
 بر چوغى بو قوماندانى جىباتى يوزندن اردوئى محو ايتىك
 و ايمپراطورى تذيلى ايله مكله اتهام ايتدىلر و جزالانماسىنى
 ايستىدىلر . فقط ايمپراطور بو ايشىك تديقنى توتويه براقدىغندن
 او زمانه قدر حكمدارىنه قارشى صوك درجه ده صادق
 اولان توتو قاردشى محو ايتىك ايستىمديكى اىچون ضابطلردن
 بعضىلرىنى عزل ايتدىردى ، ايشلىرى دوزلته بىلمكه اك چوق
 قابىلىتى اولان بعض اكابرى نفىه كوندردى . آرتق جنوب
 ولايتلىرى الدن چىقمق اوزره ايدى . چى قىانغك پايتختى
 اولان هانغ چى ئوفو سوشى ئو هوئىنى طرفندن ضبط
 ايدىلشدى . عاصىلرك حرىكاتى توقىف اىچون كوندىرلىش
 اولان قىائو هوا ايله تونغ پوسىيانو دوغرى وجه غايت زىنكىن
 بر شهر اولان و ذوق و صفادى باشقه بر ايش ايله اشتغال
 ايدىلەين هانغ چى ئويه يورودىلر . عاصىلرك جىسارتى بوراده
 شىتنى بك چابق غائب ايدى جىكنى ظن ايدىيورلردى . غايت
 قانلى يدى مصادمه دن صوكره شهر ضبط اولوندى . بو

مصادماتده سوشه ئو هوئەينىك برچوق ضابطانى وقرق بىكدن
 زياده عسكرى تلف اولدى . دىكر طرفدن ، مير محمدك
 مراجعت ورجاسى اوزرينه قيانغ نانه كوندرلمش اولان توتو ،
 اليه ئو فوقونىك الندىن سوچه ئو شىرىنى ضبط ايتدى .
 آرسلان اللى بىك ميائوتسە طوپلايەرق لوچه ئو اوزرينه
 يورودى . فقط بو صورتلە ايمپراطورلغك تا مركزىنە قدر
 كلكش اولان ميائوتسەلردن سرايك قورقماسى كندىلرىنىك
 ترخيىس ايدىلەسنى انتاج ايتدى . يوقوئە ، قيانغ اوزرىندە
 غان قىنغەدە تحصن ايتدى . او زمان قيانغسى شىرلرىنىك قسم
 اعظمى الە كچىرمش بولونان عاصىلرك مساعىسنە رغماً اورادە
 طوتوندى . سىنغقى عاصىلردن قىه ئو قيانغ وهو قوئە ئو
 شىرلرىنى آلدى . فقط نىرلرك اوزرىندن كندىلرىنى طرد
 اتمەكە چالاشدىغى صىرادە طوتولدى وبر اوق اصابتىلە مجروح
 دوشدى . عاصىلر اونك جسارت ودرائتە حرمت كوستىرەرك
 آياقلىرىنە قاپاندىلر ، يىەجك وىردىلر . ىدى كون غايت بويوك
 بر حرمتلە معاملە ايتدىلر . يارەسنى اىي ايدەمدىلرندىن دولايى
 متأثر اولدىلر . اولە دىكى صىرادە ، دوغرىولدى ، صوك دفعە
 اولەرق ايمپراطورى سلاملامق اىچون شىمال طرفنە دوندى . صوكرە
 ترك حيات ايتدى .

سنة

۱۳۵۳

توتو آمايە دولت ناظرى عنوانى وىردىرەرك ايمپراطور -
 لغك انقراضنى اكمال ايتدى و كندى كندىسنى محوايلەدى .

ایمپراطور یچه قی طرفندن مظاهرت کورن آما ولی نعمتنه قارشى بر ترتیب وجوده کتیره رک سراه بر چوق سفیہلری ولامالری سوقدی که بونلر سحر و افسونده غایت ماعر اولدقلرینی ادعا ایدہ رک کندى مسلیکلرینی قبول ایدرسه غایت بختیار اوله جغنه ایمپراطوری اقناع ایتدیلر . تبعه سنک فلا کتنه و عائله سنک انقراضنه لاقید بولونان بو ایمپراطور یالکیز سحر بازلق ایله اشتغال ایدیوردی . بونک ده نتیجه سی دائماً سفاهته و اریوردی . آما ، برادری سوئه سوئه ، قاین برادری تولو تیمور ، دها بر چوق اکابر ایله لامالرایمپراطوری هر دورلو افراطلره سوق ایدیورلر ، چینلیلردن و تاتارلردن ایمپراطورلغک خیر و سلامتی دوشونلری اضطراب و فلاکت آلتنده ایکله تیورلردی . ایمپراطور ایله ایمپراطور یچه قی نک اوغلی اولان بی سوردار [۱] بوسفاهتلره قطعاً شتراك ایتمک ایسته مدی ولامالری طرد ایچون بیهوده یرہ اوغراشوب دوردی . بواشناده ده کیز حیدودلری پایتخته بحرأ کان شیلرک کافه سنی ضب ایدیورلردی . پایتخت ارزاقسز قالمشدی . توتو جنوبدن بر چوق کویلو جلب ایدہ رک اونلری پکینغ جوارنده پرنج زرع ایتمک اوزره آلات زراعیه ، مواشی و پاره توزیع ایتدی . مقصدی پکینغی جنوب ولایتلرندن بحرأ کتیریلن ارزاقدن مستغنی بر حاله سوقمقدی . فقط بو حرکاتندن یک

[۱] چینلیلر بوکا نغای په ئوشی لی تالا دیرلر .

سنه
۱۳۵۴

آز استناده ایدیلدی . صوگره ، ایمپراطورک اوزرنده قطعی
بر نفوذه صاحب اولان آما ایله داریلنجه ، محاربهده فنا
حرکت ایتدیکی ، ایمپراطورلغک وارداتی کندی اهوری
ایچون صرف ایلهدیکی ، جبانته وسفاهت ایله اتهام ایدیلن
قاردهشی یهسیهن تیموره حقسنز یره مظاهرت کوستردیکی
بهانهسیله عزل ایدیلدی .

ایمپراطور اوصیراده ذوق وصفالرینی تنوع ایتدیرمکدن ،
چو غالتقدن باشقه برشی دوشونموردی . ارواح سما عنوانی
ویریلن اون آلتی کنج قیز رقاصهک ایتک اوزره سرایه
کتیرلمشدی . باشقه بر طاقم آدمیر سرایده متصل فویه
قربان کسمکه مشغول ایدیلر . استقبالدن خبر ویریورلر ،
سحرلر یاپیورلر ، شرقیلر سویله یورلر ، چالغیلر چالیورلردی .
ایمپراطور یوز یکرمی قدم طولانده ، یکرمی قدم عرضنده
بر قایق یایدیردی . بونده غایت محشم صورتده کینمش
یکرمی دوت حمله جی واردی . بویوک بر کول اوستنده بو
قایغه بینهرک اکله نیور ، شمال سراینندن جنوب سراینه
کیتمک ایچون بوقایغه بینیوردی . کوردک چکیلدیکی صیراده
کوزلری ، باشی ، آغزی ، پنجه لری حرکت ایدن بر اثردها
کوزولیوردی . بو سرایلرک برنده غایت غریب بر ساعت
واردی . ساعتک محفوظ بولوندیغی قوطونک اوستنده بر
کوچوک یر واردی که اوچ عاقل نامی ویریلن اوچ چهره

كوروليوردى . قوطونك اورتەسىندە بىر كىنج قىز رەسمى
كىجەنك وكوندوزك ساعەتلىرىنى كوستريوردى . عقرب
ساعتك اوستەنە كەلدىكى زامان صو چىقاردى . ايكي طرفدە
قارتالار وارسالانلار حركەت ايدردى . بونلار آراسىندە كەڭلىك
ايكي ملك ياخود پرىدە كورولوردى . بىرنىڭ ئىندە كوچوك
برچاك ، دىكرىنك ئىندە باقردىن بىر كوچوك قرص بولونوردى .
كىجەنك مختلف ساعەتلىرىنى بونلار اوستەندە چالارلاردى .
قوطونك شەرقىدە و غربىدە بىر جىداخلىدە كوشىك و قىر
يولى كوستىلىدى . اون ايكي اشارتك شەكىللىرى او كەندە آلتى
نوع مەبود كوروليوردى كە بونلار كىمى نصف الليله كىمى
وقت زوالدە ايكىشەر ايكىشەر يورورلار ، مقدس كوپرو دىنلار
كوپرودىن كچرلار ، اوچ عاقللىق قەلبەسىنە كىرەرلاردى . صوكرە
اورادىن تەكرار يىلرەنە دونرلاردى . بو ماكنە غايت
صنەتكارانە ايدى . ايمپراطورك ايجاد ايتدىكى سويلەنيوردى .
فقط بو ايمپراطور ممالكىنى مدافە ايتىكى دوشونمىش اولسە
ايدى ، عاصىلار قاراموران شەرىنى كچمەلرەنە ممانەت ايدە .
بىلسە ايدى ، لىەئو فوتونىڭ ، هان شان قونىڭ اوغلى
هان لىن اولخە ايمپراطور غىوائى وىرمەسنىڭ اوكنە كچسە
ايدى دىھا حقلى ستايشلارە كسب استحقاق ايدردى . بويكى
ايمپراطور ناظرلار ، قوماندانلار تەيىن ايتدى ، پايتختنى هونان

داخلنده پوچه ئوده تأسیس ایلهدی ، سالاھسنه سونغلر نامنی ویردی .

آمانك انترقهلری نهایت ، اتسیناده منفی بولونان توتویی اورتهدن قالدیردی . توتونك دوچار اولدیغی جزا مؤخرأ پك خفیف کورلایکندن اموالی مصادره ایدیلدی ، کندیسیده یون نانه کوندرلدی . آما کندیسى اوراده قتل ایتدیرمك ایچون ایمپراطورك بر امرینی تقلید ایلدی . فقط توتویی قتله مأمور اولان آدم بو امری اجرایه مسارعت کوسترمدی ، توتویه حرمت ورعایت کوستردی ، قیزلرندن برینی زوجه اوله رق تقدیم ایتدی . توتو آرزولرینه موافقت کوسترمدیکی ایچون اونى اولدیرتدی . توتو قرق ایکی یاشینده ایدی . دولت ایشلرلنده وقوفی واردی ، ذکی ایدی . عالم ایدی . فقط حرص جاه کندیسینی محو ایتدی . برادری یهسیهن تیموری قورتارمق ایچون برطاقم ضابطلری اولدیرتدیکندن دولایي دائماً مواخذیه معروض قالمشدر .

تاشه پاتو ایله دهها بعض-یلرینك هونان داخلنده احراز ایتدکلری بعض موفقیات لیه ئوفو تونغی نهایت تنکیل ایده . بيلمك امیدینی ویریوردی . فقط بو عاصی ، اوغرا دیغی فلا کتلردن دائماً قورتولیوردی . نهایت ایمپراطور بوفناقلره چاره ساز اولمق ایستر کبی کوروندی . بویوك بر مجلس حرب طویلادی . برناظر بوفرستدن استفاده ایله قصورلرینی

يوزينه اوردى . حكمدار بويلا سفاقت ايچنده ياشادقجه ،
دولت ايشلرينه باقماقجه ، سرايك حالى بالذات كوزدن
كچيرمدكجه اتخاذايديله جك تدبيرلر ك كافه سنك بى فائده
قاله جغنى سويله دى . ولايتلرده ده مأمورين و حكامك
حكمدارلرينه امثال ايدهر ك ذوق و صفادن ، پاره دن ،
ضيافتلردن باشقه برشى دوشونمه دكلرينى ، شهرلر ك ضياعنه
لا قيد قالدقلىرىنى بيلدير دى . ناظر بونطقندن دولايى تبريك
ايديلدى . فقط ايمپراطور تصحيح حركات ايتمه دى . ولايتلرده
انتظامى تأمين وظيفه سنى باشقه لرينه براقدى .

عيني تاريخلرده ، چو اسمنده باشقه بر عاصى دها ظهور
ايتدى . قيانع نان داخلىنده هو چه ئودن بردن بره چيقارق
قيانع نهرينى كچدى و تاى پينغ شهرينى اله كچيردى .
كنديسندە حكم و نفوذ احرازى داعيه سندن زياده ايمپراطورلغك
سكون و حضورينى تأمين و خلقك آلامنى تخفيف آرزوسى
واردى . ياننده هپ جسور و كندى فكرنده آدملىر
بولنديريوردى . چوق كچمه دن ، خلقه قارشى محبتنى ،
علويت روحنى ، امر اداره ده وقوفنى اثبات ايدە جك دلائل
ابراز ايتدى . مزيات جديە سندن دولايى هر طرفده مظفر
اولدى . موغوللر ك تصادف ايتدكلرى دشمنلر ك ك مدهشى
كسيلدى . هر طرفدن كنديسنه معاونتده بولونمق ايچون
مسارعت كوستريليور دى . نزده كورونديسه اوراده كنديسنى

سودیردی وهرکسه حرمت تلقین ایتدی . ایمپراطور ایسه
 بالعکس نفرت دعوت ایدیوردی . برنجی ناظر اولان آما
 بیله بوقدر جبین بر حکمداره تابع اولمقدن حجاب دویدی .
 ایمپراطوری سفاهته سوق و اونده اصراره تشویق ایدن او
 ایدی . ایمپراطورک بو حالی دولتک اک باشلی باعث خرابیسی
 ایدی . مملکتک خیرینی ایستهین عاقل ذوات بو افعالی دیلارینه
 دولایورلر ، نفرتلرله یاد ایدیورلردی . آما یاپدینخی فناقلری
 تعمیر ایچون ایمپراطوری سلطنتدن فراغت ایتدیرمک ، یرینه
 ولی عهدی اجلاس ایله مک ایستهدی . ولی عهد ایله والدہسی
 ایمپراطور یچہ قی نک کندیسنه مظاهرت ایدہ جکلرینه امین
 ایدنی . فقط باشقه معاونتله رده محتاج ایدی . فکرینی پدرینه
 آچدی . اوکا ولی عهدک مزیاتی وقابلیاتی مدح ایتدیکی کبی
 عینی زمانده ایمپراطورک بلاهتی وعدم کفایتی حقنہ رده
 ایضاحات ویردی . همشیرهسی تولو تیمورک زوجہسی ایدی .
 اوده ایمپراطورک سفاهت آرقداشی ایدی . همشیرهسی وقعہ دن
 خبردار اولونجه درحال قوجه سنہ خبر ویردی . تولو تیمور ،
 ولی عهدک هیچ سومدیکی بر آدم اولدیغندن آمانک
 تصوراتنک عقیم قالماسی منفعتی اقتضاسندن ایدر . همان
 ایمپراطوری کیفیتدن خبردار ایتدی . بویوک خان ابتدا آما
 ایله برادری سوئہ سوئہ نی اولدیرتمک ایستهدی . فقط بعض
 ملاحظات بوکا مانع اولدیغندن کندیلرینی تحت نظارتده

سنہ
 ۱۳۵۶

بولوندىرمق وسرايه كيرمه لرینه مانع اولمق ايله اکتفا ايتدی .
 صوكره ايشك تحقیقی شوسه قینه حواله ایدیلدی . نفيه محكوم
 اولدیلر . يولده قتل اولوندیلر . خلق بو ادبارك سینی
 بيلمه دی . توتونك قتلندن دولایي ترتیب ایدیلش بر جزا
 ظن ایتدی .

موغوللری تعقیبدن خالی قالمايان چو ، نهایت نان قینغی ضبط
 ایدهرک شهره کیردی . بتون مأمورینی موقعلرنده ابقا ایتدی .
 فقرالره پك چوق ایملك یاپدی . آرتق آز وقت ایچنده
 ایمپراطورلغه حاکم اولدیغی آکلاشیلیوردی . باشقه عاصیلر
 بش سنه دن بری قیانغ نان داخلنده هو آی غان شهرینی
 محاصره ایدیورلردی . بوراسنی چوبوغا و لیه ئوقیا اسمندم
 ایکی قیمتدار قوماندان مدافعه ایدیورلردی . بونلر امثالنه پك
 آز تصادف اولونه جق برجسارت و متانت آثاری کوستردیلر .
 فقط ایشك ایچنه خیانت قاریشه رق کندیلرینی عدم موفقیته
 اوغراتدی . چوبوغا ، جوارده برقوه عسکریه قوماندانی اولان
 برینك اهلکارانه حرکتدن دولایي ایمپراطوره شکایت
 ایتمش اولدیغندن بو قوماندان انتقام آلمق ایچون ، چوبوغانك
 امداد آلماسنه صورت قطعیه ده مانع اولمغه قرار ویردی .
 بو مقصدله لیه ئوقیايه هو آی غانی ترك ايله بو عصات مفرزه سنه
 هجوم ایتمه سنی امر ایلدی . عاصیلر بوندن خبردار اولور
 اولماز شهری هر طرفدن قوشاتدیلر ، سیدلری ییقدیلر ،

هندكلر قازدىلار ، جوارلرى صو آلتىدە براقدىلار . صو كره ، قاراموران نهرى طريقيه كلن ارزاقى اله كچىردىلار . شىهرده صوك درجه ضرورته دوشدى . چوبوغا جوارشهر قوماندانلىرىنه يېھودە يره خبر يوللايوب دوروردى . دشمنى اولان قوماندان كندىسەنە معاونت ايدىلەمسى ايچون امر ويرمىشىدى . قوۋ محافظه چوبوغا يىالكىزباشنە ترك ايتىمكىن ايسە اولەيى كوزه آلمىشىدى . اونك ايچون ، اوزون مدت مقاومت كوستردى . اوت ، ياپراق ، كوپك ، صىچان ، مشين كى شىلرك ھېسنى يەمش بىتىرمىشلردى . برىرلىنى يىمك ضرورتىدە بولونىورلردى . سوقاقدە دوشىوب اولنلار درحال قالدىرىلىور ، قالانلار غدا خدمتى كورىيوردى . محاصرەنك بدايتىدە نفوسى غايت كشير اولان بو شىھر ، ايچىندە كىمسە قالمامسى يوزىندن تسليم اولدى . چوبوغا قايلردن برىنى مدافعه ايتىمكىدە ايكن اوغلىلە برلىككە اولدىرلدى ، پارچە پارچە ايدىلدى . محاصرە اثناسىندە يوزدن زىادە مصادمە يە كىرىشىمىشىدى . كندىسى بىربانجى اولمىقلە برابر چىنلىلار جسارت و صداقتنى مدح ايتىمكىدە درلار .

يىكى سونغ سىلالەسنك عىساكرى او تارىخىدە شىنسى داخلىدە سىيانغ فو اراضىنى تخرىب ايدىيوردى . موغول قوماندانلىرى سىيانغ فو شىهرىنى ترك ايتىمك اوزرە ايدىلار . تام بو صىرادە ايمپراطور طرفىدن ھونان والىسى بولونان چوھان تىيور امدادلىرىنە يتىشىدى ، عاصىلرك اردوسىنى قىلىچىدن

كچىردى . فقط كندىسنىڭ غىبوتى ائناسىندە لىه ئو فوتونغ ،
 ھونانك پايتختى اولان قاي فوتونغ فوي ضبط ايتدى . عىنى
 فرقەيە منسوب دىكر عصات فوتونغ تسيانغ فوي الە كچىردىلر .
 چوھان تيمور يكرمى دوت ساعىتدە يكرمى فرسخ مسافە
 قطع ايدىرك عصاتك ھىچ منتظر اولمادىلرى بر صيرادە
 يىتىشىدى و كندىلرىنى پریشان ايتدى . چو ، قيانغ نان داخلىندە
 چانغ چە ئو ويانغ چە ئوي آلدى . سوچە ئو ھوئەي طرفدارلرى دە
 سە چوئىنىڭ پايتختىنىە صاحب اولدىلر . عىنى فرقەيە منسوب
 اولان قوماندان چن يە ئولە آنغ ، قيانغك ايكي ساحلىندە ، بو
 نەرك سىيا ئوقو داغلىرى آراسىندىن كچدىكى نقتەلردە كائن
 متعدد مواقى ضبط ايتدى ، صوكرە كىدوب غان قىنغ
 شەرىنى محاصرىە آلدى . ابتدا ، شەردە قوماندان بولونان
 يوقوئە كندىسىنى طرد ايتدى . چن يە ئولە آنغ يكي قوۋە
 امدادىە آنجە سورلردن آشىدى ؛ مع مافىە يىنە دفعات ايلە
 طرد ايدىلدى . فقط عاصىلرك مقدارى ھر كون آرتىوردى .
 سفىنەلرى قيانغ نەرىنى دولدىرىيوردى . يوقوئەي تىكرار
 قوشاتدىلر . يوقوئە تسايحاتە كرمى وىردى . بوتون ضابطانى
 موقعلرىنە يرلىشىدىردى واك جسور عسكىرلرىنى طوپلايەرق
 اونلارك باشىندە كىدوب دشمن اوزرىنە صالدىردى ، دشمنە
 برچوق ضايعات وىردىردى . كندىسى اون ىرىدن يارالاندى .
 كثر عدديە قارشىسىندە ازىلەرك نھايت ، شەرك قابىلرىنى

سنه

۱۳۵۸

مدافعه دن عاجز قالدى . شهر ضبط ايدىلدى . يوقوئە بونى
كورنجه قىيايجيله قارىسنى ، اوغللارنى ، قىزلارنى اولدىردى ،
بر قويويه كندىسنى آتدى . قوئە محافظه ضابطلرى اتحار
ايتدىلر ، اهالى عاصىلره اطاعت ايتىمىكدن ايسه آتشة آتلغى
ترجىيح ايلدىلر .

سونغلر شان تونغك مقر اداره سى اولان تسىيان فويى ده
اله كچىردىلر ، موغوللارى بوتون ولايتى ترك ايتىمىكە زورلادىلر ،
پكىنغە ياقلاشدىلر ، بو پايتختك جوارنده مهم بر موقعك
قوماندانى اولدىردىكەن صوكره اوراسنى ضبط ايتدىلر . تلاشه
دوشىن بوتون سراى پايتختى ترك ايتىمىكە قالقدى . فقط تاي
پىنغ بوكا مانع اولدى . ليه ئو قاره بوغا ، جلب ايدىلار عسكرله
عاصىلرى شان تونغە چكىلمىكە مجبور ايتدى . او زمان يوز
بيك كشى قومانداسنده جنوب ولايتلارده بولونان چو
اوچه ئو شىرىنى ضبط ايلهدى . عسكرىنك يغما كرلك ايتىمىكە سنه
مانع اولدى . سونغلر قوماندانى قوآن سيون سىنغ ، له آئوتونغ داخلنه
قدر كىرمش ، پايتخت اولان له آئويانغى يغما ايتىمىكە ، قورديه كچىمش ،
اورادن دونهرك شانغ تويى اله كچىرمش و شانغ توده
قبلايك ياپدىرمش اولدىغى مختشم سراىى ياقدىرمشدى .
ايمپراطورلك انقراضنى خبر وىرن بووقعه مناسبتيله ايمپراطوره
اخلاقنى تصحيح ايتىمىكە و اوامر الهىيه رعایت ايتىمىكە
ايچون مخطرلر تقديم اولوندى . فقط ذوق و صفايه بك فضله

دوشکون اولان بو حکمدار کندیسنه ویریلن نصیحتلری
هیچ دیکله مدی .

سنه

۱۳۵۹

چن یه ئوله آنغ ، قیانغ سی داخلنده قو آنغ سین فویه یاقلاشمش
و محاصره یه آلمشدی . مع مافیله پهن بوغاتکینک عسکر یله برابر
شهره کیرمه سنه مانع اولامادی . بو غایت معندانه بر محاصره اولدی .
طرفیندن ده بویوک آثار مزیت کوسه تریلدی . محصورین
نعشلری یمکه مجبور اولدیله . چاهان تیمورک قومانداسی آلتنده
بولونان موغوللار هانان داخلنده قای فونع فوی استرداد سعادته
نائل اولدیله . پهن تیمور پایتخته پک چوق ارزاق جلب ایتدی .
بونلر تام وقتنده واصل اولدی . ارزاقه رفاقت ایچون کوندریلن
عسکرک چوقلغی دشمنک هجومه مانع اولمشدی . صو کره سوشه .
ئو هوئه بی طرفدارلری آراسنه نفاق کیردی . سوشه ئو هوئه بی
پایتختی قیانغ سی داخلنده چن یه ئوله آنغک ضبط ایتش اولدیغی
نان چانغده تأسیس ایتک ایسته یوردی . فقط باشقه مقاصد
تعقیب ایدن قوماندان بوکا مانع اولدی . قیه ئو قیانغه کیتدی ،
بونک قایلرینی قاپاتدی . سوشه ئو هوئه بی نک یاننده بولونانلری
اولدیرتدی و بوتون حکم و نفوذی انه کچیردی .

موغوللارک آراسنده نفاق اولماسه ایدی بو تذبذباتدن
استفاده ایده بیلیرلردی . والده سی ایمپراطور یچه قی طرفندن
مظاهرت کورن ولی عهد پدرینی ترک سلطنته سوق ایتک
ایسته یوردی . فقط بوکا ممانعت ایدن ناظر تای پینغی اقناعه

موفق اولامادی . افترايهده مراجعت ايتديسهده فائده ویرمدی .
اکابر دولت، ناظری او قدر پارلاق صورتده مدح ایتدیلر که
بو پرنس شاشیردی . حدتی بو اکا بردن آلدی . ایچلرندن
بعضیلری تسمیم ایدیلدی ، بعضیلری مختلف بهانه لرله اعدامه
محکوم اولدیلر . بو حرکت ولی عهدده ر چوق قوی دشمنلر
پیدا ایتدی . سرای نفاق ایچنده قالدی . بو ائنده تای پینگ
سرایده کندیسنگ استنادگاهی اولان باشلیجه ناظرلردن نیه ئوتی-
های غائب ایتدی . سوءنیت بسلهین بر چوق کشی یه قارشی
یالکز باشنه اوغراشمقدن بیهرق عائله سی ایچنه چکیلدی .
بو صورتله ایمپراطور اک ای بنده لرینک برندن محروم اولدی .
ایش باشنده ایکی فنا آدم قالدی . بونلرده طواشیدن پوبوغا ایله
شوسه قیه ن ایدی . بونلر زنکین اولمقدن باشقه بر شی
دوشونمورلر ، ایمپراطورلغک حقیقی وضعیتنی ایمپراطوردن
کیزله یورلردی . اردو قوماندانلری آراسنده ده نفاق واردی .
هونان والیسی اولوب شانسی ولایتک بر قسمنی عصاتدن
استرداد ایتمش اولان چاهان تیمور ضبط ایتدیکی یرلرک کندی
دائرة اداره سنه داخل اولماسنی ادعا ایدیوردی . شانسی داخلنده
قوماندان بولونان پولوتیمور ایسه عکسی فیکرده ایدی .
ایمپراطورلغی تکرار احیا و تأسیسه قابلیتلی اولان بو ایکی
قوماندان بر برینه دشمن کییلدیلر . ایمپراطور بونلرک دائرة
نفوذلرینک حدودینی تعیینه مجبور اولدی . بوندن دولایی

ایکیسی ده عدم ممنونیت حس ایتدیله . بربرلرینه قارشى سلاحه
صاریلدیله . ولی عهد کندیلرینی بر مدت ایچون تسکین
ایده بیلدی . چاهان تیمور کیدوب شان تونغك پاختی اولان
تسیان فوی استرداد ایله عاصیلری بو ولایتك برچوقیرلرندن
طرد ایتدی . عاصیلرده بر برلرینه قارشى حرب ایدیورلردی .
چو ، قیانغ سی داخلنده قیه ئوقیانغی و نان چانغی
برسنه اول ایمپراطور عنوانی طاقش و سلاله سینه هان نامی
ویرمش اولان چنیه ئوله آنغك الندن ضبط ایتدی .

سنه

۱۳۶۱

ایشته بواغتشاشات آراسنده ایمپراطور ، افراد عائله سندن
تاتارستانده بولونان پرنسلى امدادینه چاغیرمق لزومنی دویدی .
اوقتای خانك سکزنجی بطندن اولادی بولونان آلوئوئی تیمور ،
ایمپراطوره یاردیم دکل ایمپراطورلغی اونك الندن ضبط فکریله
درحال مدهش بر اردو ایله حرکت ایتدی . بونك اوزرینه
کندیسنه قارشى عسکر سوقنه مجبوریت حس ایدیلدی . بو
کوندریلن عسکر مغلوبیته اوغرادی . شانغ تو قربنده بولونان
آلوئوئی تیمور په چهل یه کیرمکه حاضرلاندیغی صیراده اوزمانه
قدر مقاصدندن بی خبر اولان ضابطانی کندیسنى توقیف ایله
ولی عهده تسلیم ایتدیله . اوده قتل ایتدیله . بوصورتله یکی
فیرطنه داغیدلمش اولدی . فقط یون ناندن باشقه بر فیرطنه
چیقیوردی . سوشه ئو هوئی بیك قوماندانی مینغ پوچن ، چنیه
ئوله آنغك ایمپراطورلغی اعلان ایتمش اولدیغنی خبر النجه

کندیسی ده اعلان استقلال ایتک ایستهدی و سه چوئن، شنسی
ولایتلرینک مختلف موقعلرینی اله کچیردی . ایمپراطور اوتاریخده
دولتک اک ای قوماندانلرندن بری اولان چاهان تیموری ده
غائب ایتدی . بو قوماندان شان تونغ داخلىده ئى تو محاصره سنده
برخیانته قربان کیتمشدر . اولادلى قوقو تیمور پدرینک تکمیل
مناصبنه نائل اولدی ، قاتلاری پدرینک اجدادینه قربان ایددرک
انتقامنی آلدی . طوپراق آلتنده آچدیردیغی بریول سایه سنده
ئى تویی شهرینی اله کچیردی .

اوزمانه قدر قورده قطعه سی سکونت ایچنده ایدی . ایمپراطور یچه
قىنک انتریقه لری قورده یی ده آياقلاندىردی . قورده لی اولان
بو ایمپراطور یچه نك اقربالری کندیسنک ایمپراطور اوزرنده کی
نفوذندن استفاده ایددرک قراللری پهن تیموری اولدیردیلر ،
قراللى کندی عائله لرندن برپرنسه ویرمک ایسته دیلر . ضعيف
القلب ایمپراطور اونلرک مقصدلرینه خدمت ایچون قورده قرالنىک
خاطره سنه اوترالر ایددرک باشقه بر قرال نصب ایتدی . بونی
قبول ایتک ایسته مه یین قورده لیلر ملت نامنه بر عرض حال ویردیلر .
سه ده ایمپراطور یچه قى بو محضرى رد ایتدیردی . ایمپراطورک
امرلرینی اجرا ایتدیرمک اوزره قورده یه بر قوماندان یوللادی .
یالوقیانغ نه ری قربنه کیدن اون بیك موغولدن آنجق اون یدی
سواری فرار ایده بیلدی . دیگرلری قورده لیلر طرفندن قلیجدن
کچیریلدی . دیگر طرفدن ، مین ژیو چن کندیسنی سه چوئن داخلىده

چينغ توده ايمپراطور اعلان ايتدردى . باشقه عاصيلر شانغ تويي يغما ايتديلر . قوقو تيمور ايله پولوتيمور آراسنده كى خصومت يكيدين اودرجه ده شدت پيدا ايتدى كه بو ايكي قوماندان قارشيلقلى عسكر طوپلامغه باشلاديلر . چو ، جنوبده غايت قوت پيدا ايدى يوردى . اك مدھش دشمنى اولان چن يه ئوله آنغك الندن تان چانغ فويي آلمشدى . چن يه ئوله آنغ بوراسنى استرداد ايتك ايستهدى . شھرى محاصره ايتدى . سورلرى زورلامش اولديغى جهتله كنديسنى شھره صاحب اولمش عد ايتديكى بر صيراده يكي سورلره مصادف اوله رق حيرته دوشدى . تكرار محاصره يه باشلامق مجبوريتنده قالدى . بو ائناده چو ، نان قينغده بويوك بر دونانما حاضر لانه رق ايچنه ايكي يوز بيك كشي بئنديردى . اك اي ضابطلر يله بو قوتك باشنه كچدى . چن يه ئوله آنغ در حال محاصره يي رفع ايله كنديسنه قارشى يورودى . متعدد محارب به لردن صوكره چن يه ئوله آنغ بر اوق اصابتيله مقتول دوشدى . بوتون دونانماسى داغيلدى . قوماندانلرى و عسكرلرى چويه تسليم اولديلر .

بو عاصينك مغلوبيت قطعيه سى آرتق چويه موغوللره دھا زياده قوتله هجوم امكانى تايمين ايدى يوردى . موغوللر هر كون يكي موفقيتسز ليكلره اوغرايولر و آرا لرنده كى نفاق ايله كندى كنديلر ينى محو ايليولردى . قوماندان پولوتيمور ايله قوقو تيمور بر بر ليله چار يشمشلردى . پولوتيمور مغلوب دوشمشدى . ولى عهد

اك غيرتلى ناظرلرە متجاوزانە حر كىتىلگەن بولۇپ يوردى . كرك
 ايمپراطور كرك ولى عهد ايكي خادم آغاسى ايله شوسە قىيەك
 نفوذى آلتىدە ايدىلر . تاي پىنغ نى و يولده قتل ايدىلدى .
 دىھاباشقە ناظرلرە عفت واستقامتلىرىدىن دولايى عزىل ايدىلدىلر .
 ايمپراطورلق مفتشى چن تسوژىن ايمپراطورە تقديم ايتدىكى متعدد
 عريضەلرە طوتدىغى فنا يولك باعث اولدىغى فلا كىتلىر حقندە
 نظر دقتى جلب ايجون بيهودە يره اوغراشدى . بوتون
 معروضاتى هيچ بر فائده وىرمىدى ، كنديسى نى ايدىلدى .
 بو حر كىت چىنلىلر كى قسم اعظمى دلىكىر ايتدى . چىنلىلر طاقم
 طاقم كىدوب چويه تسليم اوليورلردى . اونك عاليجناب ،
 اعتدال صاحى ، محب علم وادب ، ملتفت ، چىنلىلرى كندى
 قانونلىرىنە وملتك عادات قديمە سەنە كورە اداره يە طرفدار بر
 حكمدار بوليورلردى . چو ، ئو قرالى عنوانى آلمش ،
 ناظرلر ، قوماندانلر ، ضابطلر تعيين ايدەرك اونلرە بو عنوانى
 آنجق بدايت حكومتىدىن اعتباراً عاقلانە قانونلر تاسىس ايله
 چىنلىلرى بختيار ايتك ايجون طاقندىغى بيان ايتىلدى . صوكرە
 بو ذاتلىرى تصحيح قلب و اخلاق ايتمكە دعوت ايتدى . ايشە
 اى باشلامق ايجون بوكا لزوم اولدىغى سويلە يوردى . قراللى
 داخلندە سكون وانتظامى تامين ايتد كىن صوكرە كىدوب
 هو قو آنك پايختى اولان و وچانغ فوئى ضبط ايتدى .
 چن يەئولە آنك اوغلى چن لى بورادە تحصن ايتىلدى .

سەنە
 ۱۳۶۴

فقيرلره معاونت ايديلمهسى ، علوم وادبياتك تشويق اولونماسى
وهيچ يغمايه قيام ايديلمهسى ايچون امرلر ويردى .
بو عاقلانه حركت قيانغ سى نك و هوغو آنك ضبطنى تسهيل
ايتدى . ايمپراطورك حركتى ايسه موغول ايمپراطورلغلك
انقراضنى اتمام ايتمكده ايدى . ايمپراطور ايله اوغلى اك عاقل
ناظرلرى ، اك تجربه ديدنه قوماندانلرى سرايدن تبعيد ايدى يورلردى .
مفتشلىر معروضاتلر يله هيچ بر شى استحصا ايدمه مشلردى .
مأموريتلرندن عزل ايدىلن پولوتيمور ايله توقيهن تيمورسوزلرني
ديكلتمك و سرايى قاريشديران كيمسه لرى طرده ايمپراطورى
زورلامق ايچون سلاحه صارلق لزومنه قانع اولديلر . ولى عهد
اونلره مقاومت ايچون سفره چيقدى . فقط مغلوب اوله رق
تاتارستانه چكىلمك مجبوريتنده قالدى . قوماندانلر پاخته ياقلاشديلر .
بونك اوزرينه هر شئي خبر آلان ايمپراطور بو قوماندانلرى
تكرار مأموريتلرينه اعاده ايتدى ، فنا ناظرلرى اونلره تسليم
ايله دى . ولى عهد تكرار سرايه كلدى . فقط كنديسيله برلكده
نفاق و شقاق ده كتيردى . پولوتيمور دن انتقام المقدن باشقه بر
شيئه چاليشمايوردى . پولوتيمورك دشمنى اولان قوقوتيمور
التحاق ايله يوز بيك كشيدين فضله بر اردو احضار ايتدى .
بونك قرق بيكى تاي تونغ فويه كيتمك امرينى آلمش اولان
توقيهن تيموره قارشى كوندردى . ايكي قوماندان بو شهرده
عسكر براققدن صوكره درحال پكينغ اوزرينه يوروديلر .

مقصدلری ایمپراطورک سراینی اله کچیرمکدی . یولده ولی عهدی مغلوب ایتدیله . اوده شانسی داخلنده تایونهن فویه چکیلدی . پایتخت بو صورتله ترک ایدیلنجه پولو تیمور اورایه کیردی [۱] . ایمپراطورک آیاقلرینه قاپاندی . بو حرکتدن متأثر اولان ایمپراطور کندیسنه اردونک باش قوماندانلغنی ویردی و باش ناظر نصب ایتدی . بونک اوزرینه پولو تیمور بو حکمدارک رفیق و آلت سفاهتی اولان تولو تیموری قتل ایتدیردی ، لامالری قوغدی ، بونلرک دینلرینی منع ایتدی . فقط اعتدال حدودینی تجاوز ایدرک ولی عهدی اسقاط ایتک ، سائر ناظرلری قوغمق ایسته دی . دوستلری بو فکرندن اونی جا دیردیله ، نفوذ و قدرتک جاذبه سیله مست اولارق ، سرایدن چیقارمق ایسته دیکی سفاهته کندیسنی قایدیردی ، بو صورتله اغتشاشاتی آرتیردی . غایت تجربه دیده قوقو تیمورک قومانداسی آلتنده بویوک بر اردونک باشنده بولونان ولی عهد دشمنی احما فکریله میدانه آتلدی . بوندن خبردار اولان پولو تیمور ایمپراطورچه قی توقیف ایتدیردرک ولی عهدی سرایه کلکه اجبار ایچون بر امر نامه امضا ایتدیردی . فقط ولی عهد اطاعت ایتدی . توقیهن تیمور کندیسنه ممانعت فکریله شانغ تویه کیتدی . یهسو قوقو تیموره قارشى کوندریلدی . قوقو تیمور ایمپراطور عائله سندن بعض شهزاده لرله برلشهرک

پولو تیموره قارشى دوندی ، اونك اردوسنى بوزدى . بالذات
يورومك ايستەين پولو تیمور دائمی ياغمورلردن دولاي
كرى دونمكه مجبور اولدى . كنديسنك ضعفى بيلن
ايمپراطورچە اوکا غایت كوزل برطاقم كنج قيزلر كوندردى .
اونلرك سايه سنده حریتنى استحصال ايله سرايه دوندی ،
پولو تیمورى محو ایچون چالیشمغه باشلادی . ايمپراطور پولو
تیمورك قتلى ایچون کیزلیجه امر ویردی . توقیهن تیمور ولی
عهد طرفدارلرینك الندن شانغ تويى اوصیراده ضبط ایتشدی .
پولو تیمور بونی ايمپراطوره خبر ویرمك ایچون سرايه کیتدیكى
صیراده كنديسنه مربوط بولونان قوماندانلرله برلکده قتل
ایدیلدی . پکینگك قاپیلری قاپاندی . فقط جواره مواصلت
ایتمش اولان ولی عهدك عسکرلری قاپیلرك برینی زورلادیلر ،
بعض محلهلری یغما ایتدیلر . پولو تیمورك باشنى كوندردك
اونلری تسکین ایتدیلر . بونك اوزرینه ولی عهد یاننده
قوقو تیمور ايله سرايه کیتدی . قوقو تیمور ناظر وباش
قوماندان تعیین اولوندی و درحال هونانه كوندردی .
اوراده ، حکم ونفوذینی طانیماق ایستەين بعض ضابطلر
کنديسيله حرب ایتدیلر .

ایشته بو ايمپراطورلق محاربات داخلیه ايله بویله پارچه لا -
نیوردی . اکابر مستقل اولمق ایستەيور ، ايمپراطور یالکیز
ذوق وصفای دوشونیور ، بویوک قصورلری اولان ولی عهد

افكارى اتحاد ايتديرمك اچون ذره قدر قابليت واققدار
كوستردميوردى . قوقو تيمور هونان وشانسيدە ظهور ايتمش
اولان منازعهلره برنتيجە ويرمك اوزره ولى عهدك كوندرمىش
اولدينى برمأمورى اولديرتدى . ديكر طرفدن ، ايمپراطورچە
ولى عهد لهنده ترك سلطنت ايتمه ايمپراطورى زورلايوردى .
فقط ايمپراطور اوغلنى باش قوماندان و وكيل عمومى دولت
اعلان ايتمه اکتفا ايتدى . بو طالعسنز ايمپراطورك هرتشبتى
يکى بر اغتشاشات توليد ايتمكدن خالى قالمايوردى . او زمانه
قدر ولى عهدە مربوط بولونان قوقو تيمور ولى عهد عليهنه
قيام ايدەرك کنديسنى طانيماق ايستهدى . قوقو تيمورى عزل
ايتديلر . اوده شانسى داخلىنده چه شويه چکيلهرك انتقام اچون
مناسب فرصت کوزتلمه مکه باشلادى .

موغول حکمدارى اجدادينک کنديسنه ترك ايتمش
اولدينى ايمپراطورلنى غير قابل عفو بر ضعف ايله بويله غائب
ايتمکده اولدينى صيراده مجهول بر نسبدين دوغمش و فقير
کيمسه لر آراسنده بويومش اولان چو اک بويوک حکمدارلرک
خاطردسنى لايموت بر حاله کتيرمش اولان بر طاقم مزياتى
ابراز ايدىيوردى . يکى بر شکل حکومت اعلان ايتدى .
نمونه اوله رق چينک اک مشهور ايمپراطورلرنى آلدى ، ارباب
علم وادبک ومأمورينک امتحانلرى اصولنى اعاده ايتدى .
مزيت واققدار صاحبلىرى آراتدى . بونلرى بيلديرنلره بر

قرال صفتيله مكافاتلر ويردى . ارباب اقتدارى اهليتلرينه
 كوره موقعلره كچيردى . ذوق و كىفى ايچون هيچ چيلغنجه
 مصرفلر يامادى و حكمدارلرك اخلاقنى بوزايله جك
 شيلردن دائما اوزاق قالدى . نان قينغده ياپديرديغى سرايده
 مفروشات ايچون فضله مصرف اختيار ايديله سنه مانع اولدى .
 آچىق رسلرى و هيكللىرى منع ايتدى . كويليلرله ، اصنافلرله
 كوروشمكدن ، اونلره تعلق ايدن شيلر حقنדה مباحثه ايتمكدن ،
 زيانلرىنى تلافى ايدىرك احتياجلرىنى تأمين ايله مكدن خالى
 قالمايوردى . ارباب علم و ادب ايله مباحثه لرى سايه سنده آز
 وقت ايچنده اداره حكومت فننه ، چين قانونلرينه وقوف
 پيدا ايتدى . جسارتى ، فن حرب و قوفى ، علويت روحى ،
 مأموريت و لطف و ستايش توزيعنده كى عدالتى كنديسى بوتون
 چينلرله سوديردى و موغول ايمپراطورينك حركاى بوتون
 بوتون منفور كوستردى .

سنه

۱۳۶۷

اجنبى بويوندوروغى آلتنده ازيلن چين حرىتنك بويكى
 مدافعى قوماندانلرى واسطه سيله موغوللر اوزرنده بويوك بر
 مظفريت قازاندى . بومو غوللردن دوقوز شهزاده اسير آلدى ،
 بونلرى كمال علو جناب ايله پكىنغه اعاده ايتدى . قانتون ،
 قوآنغسى ، فوقيهن ولايتلرى تسليم اولديلر . قوماندانلردن
 سوتانك و چانغ يونك قومانداسى آلتنده ايكي يوز اللى بيك كشى
 شان تونغه كوندردى . بونلر اوراده بر بياننامه نشر ايدىرك

خلقى موغول بويوندوروغنى آتمىغە تشويق ايله ديلر . ديديلر كه :
« باربارلرى اداره ايتىك چينلىلرە دوشەر ، باربارلرە چينىدە
حكمران اولمىق دكل ! شىمالدىن كلن موغوللار ايمپراطورلىغى
قوت وجسارتلىرى ايله دكل جناب حقك لىصفيله اله كچىرديلر .
بوكون يىنە جناب حق ، ارتىكك ايتىدكلىرى جنائىتلردن دولايى
ايمپراطورلىغى اونلاركالدىن آلىور . تيمور خانك زمان سلطنتىدىن
برى سلطنتە توارث اصولى بوزولدى ، قاردىشلر بربرلىرىنى
زهرلەدىلر . بر اولاد باباسىنىك زوجه لىرىلە اولىدى . هردورلو
اطاعت وانقياد محو اولدى . چين قانونلىرى استحقار ايدىلدى .
ايشته جناب حق ايمپراطورلىغى تىكرار تاسىيس ايتىك ايچون
چويى كوندرمىشدر . بو بياننامە اوزرىنە بوتون شان تونغ
عرض تسليميت ايتدى . هنوز موغوللارك تحت حكمنده بولونان
شىنى ، شانسى ، هونان ولايتلىرى قوماندانلارك نفاقى يوزىدىن محو
اولمىشلر صايلا بىلىردى .

سنة

۱۳۶۸

چوق كچمه دن چو نان قنىغده ايمپراطور اعلان ايدىلدى [۱] .
معبدە كىدەرك رسمى مراسم ايله قربان كسىدى . اوغلنى
ولى عهد اعلان ايتىدى و بر چوق عاقلانه نظامات ياپدى .
بو سنة كىندىسىنىك ايلك سنة سلطنتى اولمىق اوزره تعداد
ايدىلىور . بونك اوزرىنە هونغوو عنوانى آلدى . مىنغ
سالالەسىنىك مؤسسى بو حكمداردر . عسكەرلىرى آز وقت

[۱] برنجى شهر قىرىنىك ايلك كرنى .

ایچنئده هونان ولایتی ضبط ایتدیله . موغول ایمپراطوری چینلیلری مغلوب ایتکدن زیاده قوماندانلری آراسنده تأسیس سکونه چالیشمقله مشغولدی . هوانغ وونک قوماندانلری تونغ-قوان کچیدنی ضبط ایله صوکره مختلف محملردن په چهل یه کیردیله . بویوک بر محاربه ده موغوللری بوزدیله . درحال پکینگ پدشگاهنه کلدیله . ناظرلردن بری اولان شهلی من علی العجله کیده رک معبد اجدادده کی لوحه لری اله کچیدی و ولی عهد ایله برلکده شماله دوغرو قاچدی . ایمپراطور تیمور بوغایی نائب حکومت اعلان ایتدکن و پایتختنک محافظه سنی قینگ تونغه تودیع ایله دکن صوکره اکابری ، شهزاده لری و پرنسسلری طوپلایه رق بونلره تاتارستانه کچکه قرار ویرمش اولدیغنی بیان ایتدی . تیمور بوغا ایله دهها بر چوقلری قالماسنی رجا ایچون آیاقلرینه قاپاندیلر . دشمنه قارشى یورویه جکلرینی سویله دیلر ، بویله بر فرار ایله رزیل اولمقدن ایسه ترك حیات ایتک دهها ای اولاجغنی آکلاتدیله . ایمپراطور فکرنده ثبات ایتدی . ایرته سی کیجه [۱] بوتون عائله سی یاننده اولدیغی حالده شماله دوغرو چکیلدی . چینلیلر آرقه سندن تعقیب ایتدیله . ولی عهدک اوغلنی اله کچیردیله ، صوکره پکینگه کیردیله [۲] . موغول ایمپراطوری شانغ تونک یکر می بش ، اوتوز فرسخ

[۱] - ۲۷ آغستوسده .

[۲] ۱۹ تشرین اولده .

سنه
۹۳۷۰

اوزاغنده اينغ چانغه كيتدى . وفاتنه قدر اوراده قالدى .
وفاتى ده ايكي سنه صوكره [۱] وقوعه كلدى . اللى بر ياشنده
ايدى . ولى عهد بيسوردار قارا قورومه چكىلهرك اوراده
اقامت ايتدى . ايشته بو وقعه ايله موغولار چيندن تماميله طرد
ايدىلدىلر . چينلىلر بر چين حكمدارينك تحت اداره سنه كيردىلر .
يكي سلاله مينغ نامنى طاشيمشدر .

[۱] دردنجى شهر قريده .

قالقا موغوللری

قانارلرک تاریخ
عمومیسی

صوگ موغول ایمپراطورینک وفاتندن صوگرا ولی عهد
بیسوردار قاراقورومه چکیله رک اوراده موغول ایمپراطورلغی
احیا ایتدی . بو ایمپراطورلق مؤخرأ، قالقاپیرا Kalka-pira
نهری حسیله قالقا Kalkas نامی آلتنده معلوم اولمشدر . بعض سیاحلر
بونلر موغاللر نامی ویرمشلر . قالقا موغوللری یکی سه آنهرندن یوز
اوتوز دردنجی طول درجه سنه قدر اولان حوالیده ساکن اولورلر .
حکمدارلرینک تعاقبنی تاریخ صیراسیله کوستره جک بر کتابه
تصادف ایدمدم . بیسوردار خانک یرینه توقوز تیمور [۱] کچدی .
بونى یسون شولح Yesoncheuih اولدیردی . بونک اوزرینه ،
توقوز تیموره تابع بوتون عشیرتلر داغلدیلر . هر رئیس کندی
عشیرتنده بر حکمدار مستقل اولدی . چین ایمپراطوری
هونغوو بونلره قارشى اردولر کوندره رک ایجه شماله دوغرو

[۱] چینلیلر بوکا توقوسیه تیمولح دیزلر .

کندیله رنی تعقیب ایتدی. خلفلرندن بری اولان یوم لو، موغوللری تماماً تخریب مقصدیله حربه دوام ایله دی. ایکی موغول رئیس محمد ایله اوردای، چین حکمدارینه تابع اولدیلر. ایمپراطور بونلرک برنجیسنه شون نیم وام، دیکرینه هونینگ وام عنوانی ویردی. بو صوکره کی بوتون عشیرتله تحکم ایتک سوداسنه قالقدیغی ایچون محمد طرفندن اتلاف ایدیلدی. فقط محمد تابع اولق ایسته مهینلر اسکی چین موغول ایمپراطورلری نسلندن کلن توقتا بوغایه خان عنوانی ویردیلر. بوده قرارگاهنی شامو چولنک شمالنده تأسیس ایتدی.

۱۶۸۸ سنه سندن اول قالقار اوچ حکمدار طرفندن سیاحیلر تاریخ [۱] اداره اولونیوردی. بونلر خان عنوانی طاشیورلردی. برنجیسنه شهساق تو خان دنیلیوردی. اراضیسی غرب طرفنده ایدی. بونی آلتلر طوته رق اولدیردیلر. توسیقتو خان [۲] نامی طاشییان ایکنجیسی قاچدی. تبعه سنک قسم اعظمی تولانک شمالنده بولونان اورمانلره چکیلدیلر. اوچنجیسی ششین خان، آلتلر هجومه کلدکری تقدیرده هر زمان مانجه تولرالکا سنه قاچه بیلیمک ایچون کرلون نهری ساحلنده قرارگاه قوردی. آلتلر خاننک وقتندن صوکره ششین قان چینک حمایه سنی استرحام ایتدی

[۱] موسیو پتی طرفندن ذکر ایدیلن حکمدارلردن بحث ایتیمورم. چونکه ارائه ایتدیکی ایسته ده قطعی بر شی یوقدر.

[۲] بوکا توشیه توده دنیلیه ر.

وايمپراطورى متبوع اوله رق طانيدي . تسنيغ وانغ عنوانه نائل اولدى . عشيرت رؤساسنه باشقه عنوانلر ويريلدى . بو تاريخدن صوكره بوملت ، كذلك ، توسيقتو خانك تبعه لرى چينك حاكى اولان مانجه ئوتاتارلرينه تابع اولمشلردر . شه ساقتونك اوغلى ، پدرينك وفاتندن صوكره بومثالى تعقيب ايتدى . چين ايمپراطورى كنديسنة اراضى تخصيصى ايله دى .

بوموغوللارك اليوم ساكن اولدقلى الكا [۱] شرقا تاتارستان شرقى ايله ، جنوباً سد كبير ايله ، غرباً ألونلر ياخود قالموقلر الكاسيله محاطدر . كنديلرينه ويريلن فالقار نامى سايىغا ، اورخون ، تولا ، كرلون نهرلى طرفنه چكىله رك اوراده فالقار نامى طاشديان يكي برايمپراطورلق تأسيس ايتمش قديم چين موغو-للرى احفادينه مخصوصدر . چينه دها جواز وچينه خراجكذار اولان ديكرلرينه ساددجه موغول دنيليور . اليوم بوموغوللارى تركيب ايدن بوتون عشيرتلر بدوى بر حيات كچيرمه يى اعتياد ايدنمشلر سده هپسنگ كنديلرينه مخصوص حدودلرى واردركه بوندن اوتيه كچوب اوراده يرلشه مزلر . قرق دوقوز قيه ياخود بايراغه آيرلشلردر . فقط اصل موغوللار باشليجه اوچ نام آلتنده طويلانه بيلير . بونا ملر كنديلرينه سد چينك اون قايسنه

[۱] بوموغوللارى ، بعضيلرينك ياكلش اوله رق شرق موغوللارى ديدكلرى مانجه ئوتاتارلرى ايله قاريشدير مامايدر . بومانجه ئولر شرق تاتارلريدر .

نظراً اولان وضعيتلرينه كوره ايرىلشدر . بوقايلرك اسمارى
 ھى فونغ قەئو ، قويە قەئو ، شانغ قياقەئو ، شاقوقەئودر .
 پەچەلى ولايتى داخلىدە بولونان برنجى قاپىنك شىمالىدە سياحتلر تارىخى
 قورچىن ، اوھان ، نايمان ، قارشىن الكالرىنە تصادف اولونور .
 بوقارشىن الكاسنك شرقىدە تومت الكاسى واردر . قارشىن
 الكاسى ايكى قىيە ياخودبايراغە ايرىلشدر وايكى حكمدار طرفىدىن
 اداره ايدىلەكەدەر . بوتون موغول الكالرىنك اك ايىسى شىبە
 يوق كە بوقطەدەر . اليوم بوراسنى اداره ايدىن حكمدارلر عن
 اصل چىنلى اولدقلىرى اچون وطنداشلرىدىن برچوغنى بورايە
 جلب ايتىشلردر . بونلر متعدد قصبەلر وجودە كتىرمىشلردر .
 زراعتلە تامين حيات ايدىيورلر . محصولات زراعتلەلرىنى ھم
 جوار قوملرلە مبادلە ايدەرك تجارت ياپيورلر . بورادە معادنە
 موجوددر . ازجملە اعلا قالاي معدنلرىنە تصادف اولونيور .
 آغاچى غايت اى اورمانلردە واردر . انشا آتدە قوللانمق اوزرد بونلر
 پكىنغە نقل ايدىلەكەدەر . اليوم حكمدار اولان ذاتك بويوك جدى
 بوتجارت يوزىدىن بويوك بر ثروت قازانمش ، بوسايەدە قورچىن
 حكمدارىنە بويوك خدمتلايدە بىلەك حالە كەلشدى . صوكرە اونك
 دامادى اولدى ، نہايت بوتون حكومتىدە كىندىسەنە كچدى .
 حكومتى كىندى نەفسەندە تامين و ابقا اچوندر كە ، مانچەئولر
 چىنى فتح ايتدكلىرى زمان اونلرلە برلشدى . خدماتنە مكافاة
 چىنغ وام عنوانى آلدى . بو كون بو عنوانە برنجى رەغولو

دیورلر . چین ایمپراطورندن بر حکمدارک آلابیله جکی الک
یوکسک عنوان بودر . فارچین الکاسنک شمالدن وجنوبه مسافه سی
قرق ایکی بویوک فرانسز فرسخندن فضله دکدر . فقط شرقدن
غربه دوغرو اوزونلغی دها زیاده در . بر آز شایان دقت یکانه
شهر شاهان و سوبارهان هوتون [۱] درکه معناسی اهرام
شهری دیمکدر . بوراده موجود بر قاچ قاتلی اهرامدن دولایی
بو نام ویریلشدر . چین ایمپراطورینک بوراده کوزل صیفیه لک
کوشکلی وارددر . اکثریا بورایه آوه کلیر . یازک صیجاق
موسمی بوراده کچیریر . حرارت پکینغه نسبتله دها قابل تحملدر .
قورچین اون بایراغه آیرلشدر . توربه دا ، شاله ی یاخود
جلایر سنجاقلرینی احتوا ایتمکده در . بو تاتارلرک باشلیجه
اقامتگاهلری قوئه یتر نهری اوزرنددر . صیرا مورانه قدرامتداد
ایدن الکالری چوراق اووالردن ترکیب ایدر . اودون یرینه
بارکیر و اینک تزکی یاقارلر . منبع صولری اولمادیغی ایچون
قویولر قازارلر . توربه دا سنجاغنک باشلیجه نقطه سی های تاهان
پیرا [۱] در . جلایرلر نوتی اولا نهری ساحلارنده ساکن
اولورلر . بو صورتله ، شمالدن ، جنوبه دوغرو تقریباً درت
[۱] هوتون ، موغول لساننده ، شهر ، سوبارهان ؛ اهرام ؛
معناسنه در .

[۲] موردن ، موران کله لرینک موغول لساننده نهر معناسنه کلدیکی
یوقاریده کورلشدی . پیر دها کوچوک بر نهره اطلاق اولونور .
« اولا » کله سی مانجه ئولرک لساننده بویوک بر نهر معناسنه کلیر .

درجه‌ی احتوا ایدر . های تاهانك شمالنده آلتی فرسخ امتداد
ایلر . فقط شرقدن غربه دوغرو طولی اوچ درجه یکریمی
بش دقیقه دن فضله دکلدر .

قدیم نایمانلرک منشائی اولان نایمان یاخود بعضه یلرینک
یازدقلری وجهله ناغمان یالکز بر بایراغی احتوا ایدر ،
صیرا موران نهرینک جنوب ساحلندن باشلار . عرض درجه‌سی
قرق اوچ درجه اوتوز یدی دقیقه در . طول درجه‌سی پکینگک
شرقنده بش درجه در . توپیراتالا شمالده اک مهم موقعدر .
اوهان آنجق نارقوننی پیرانه‌ری طرفلرنده ، بونلرک شاقا تول
یاخود شاهان قول کبی کوچوک آیقلر آلدیغی نقطه لرده مسکوند .
شاقا توقایاق کوینک اسمی بورادن کلیر . بو طرفلرده قرق بر درجه اون
بش دقیقه عرض درجه سنده بر شهر خرابه‌سی کورولور که
اسمی اورپان یاخود قربان سوبارهان هوتون ایدی . بو خرابه ،
تالین هو نهرینه آقان نوشوقو یاخود نوشاقا نامنده کوچوک بر
نهر اوزرلنده در . نایمان واوهان قطعه‌لری قورجینه نسبتله ده
کوچوکدر . مع مافیه اراضی بالنسبه غایت ایدر . اوزرلرنده
کوچوک آغاچلر بولونان تپه‌لر واردر که یاقق ایچون لازم کلن
اودوننی تأمین ایدرلر . ایچلرنده برچوق آو حیواناتی ده واردر .
هله بیلدیرجینلرک مقداری اینا ملایه جق درجه ده چوقدر .
بیلدیرجینلر کان کچنک باجاقلری آراسندن اوچارلر . بو اوچ
سنجاق ایله شرقلرنده کائن تورنودا یاخود توربه‌دا سنجاغی

غایت صوغو قدر لر. طوپراغك آلتی قومی ، قوروو كهرچله ایدر .
تومەت ایکی سنجاغە آیرلشدر ، ایکی حکمدارك اداره-
سندەدر . اك مسكون قسمی سوبارهانك اوتە طرفندەدر .
اورادە مودون هوتون شهرینك خرابەلری کورولمکدەدر .
بوالکا جنوب طرفندە سد کیره قدر امتداد ایدر . شرق
طرفندە لە آئوتونخی قاپایان سدە قدر اوزانیر . شمالە حدودی
هالبا یاخود هاتاپای شانغدر .

قویەقو قاپیسندن چیقنجه وقتیلە قارچین واون هیوت
الکاسنە داخل اولان فقط بوکون چین ایمپراطوری ایچون
صیدکاه تشکیل ایدن اورمانلرله مستور اراضی یه کیریلیر . دها
اوزاقده اون هیوت ، قه چیق تن ، پارین ، شاردت ، اوچومو-
چین ، آرو قورچین ، آباهانار قطعە لرینە تصادف ایدیلیر .
اون هیوت ، هونغوتلر = Hunguts = اونغوتلر تسمیه
ایدیلن موغول عشیرتیدر . بوکون ، اینقین نهری اوزرنده
ایکی بایراغە منقسمدر . كذلك ایکی سنجاغە منقسم اولان
پارین عشیرتنك دە باشلیجه قرارگاهلری صیرامورن نهرینە
دو کولن هارا مورن نهری اوزرندهدر . اون هیوت وپارین
اراضیسی شمال طرفندە چین ایمپراطورلرینك کوشکلرندن
اوتەدەدر . بونلرک حکمدارلری اوزون مدت چین خاندان
ایمپراطوریسیله صهریت حالندە ایدیلر . یکی اسنجاقدە دە مقدارلری
چوقدی . پارین دهاواسعدر . مع مافیە اون هیوت اراضیسنە

پك بكزر . اون هيوت ازاضيسى پك منبت دكلدر . كه چيقتن
ياخود كه سيقتون يوقاريكي سنجاقلر كي ايكي بايراغه منقسمدر .
باشليجه قرارگاهلري جنوب غربى طرفنده صيرامورنه
دو كولن كوچوك بر چاي اوزرندهدر . اوچو مو چين
ياخود اورسى موزين سنجاغى هالاقور ياخود هولغورپيرا
نهرى اوزرنده ايكي بايراغه مالكلدر . حكمدارى تسينغ وانغ عنوانى
طاشير ، يكرمى ايكي نوروسدن يعنى يكرمى ايكي بولو كدن مركب
بربايراغه قوماندا ايدر . ايكي بايراغه منقسم اولان شاروت
بالخاصه لاپوپيرا وصيرامورن نهرلرينك برلشدكارى طرفلرده
مىكوندر . آروقورچين قزاسنك آروقوندولن نهرى ساحللرنده
آنچق بربايراغى وارددر . آباهانور ايكي بايراغى احتوا ايدر .
اك اي قرارگاهلري تائولنور كولى كنارندهدر .

قويه قه ئو قاپيسنك غربنده كا ئن اولان شانغ قياقه ئوقايسى
كچيلد كدن صوكره كيريلن الكانك رقبه سى حق فتح اوله رق
ايمپراطوره عائددر . سىد چينى احاطه ايدن سائر اراضى كي
بو طوپراقلرده قويه قه ئودن هي قونغ قه ئويه قدر ايمپراطورك
چفتجىلرى ، پرنسلر و متعدد تاتار كبراسى طرفندن اشغال
ايدىلشدر . مختلف سنجاقلره منسوب موغوللرده وارددر كه
بونلر يالاسير حربدرلر ياخود بالاختيار عرض انقياد ايتمشلردر .
بونلر اوچ بايراق آلتنده طوپلانمشلردر . ايمپراطورك تعيين
ايتدىكى ضابطانك قومانداسى آلتندهدرلر . بوندن دولايى

موغوللار كىر قىر بىر سىنجاغى ياخود قىسى آراسىندە تەددايدىلار .
 شانغ قىياقە ئونك دىھا شىمالنە دوغرو ھو آشيت ، سون ھىوت ،
 آباھى و توئين شوز پىرسىلرىنك الكاسى وادىر . ھو آشيت
 ياخود او آشيت ، شىقىر ياخود شىرىن پىرا نەرى اوزرىندە ايكى
 سىنجاغە انقىسام ايتىشدر . سون ھىوتك ايكى سىنجاغى وادىر .
 باشلىغە مەقرى بىر كۆل كىنارىندەدر . ايكى بايراشنە منقىسم اولان
 آباھى دە بەض كۆللار كىنارىندەدر . بىر كۆللار كىنارىندەكى
 سۈرە تو ھوشىن كۆلىدەر . توئين شوز ، اورغون آلەن داغى
 قىرىندە يالگىز بىر بايراغى ايتىدەر .

شاھوقە ئۇ قايسىندىن تاتارىستانە چىن ايمپىراتورىنك اراضىسە
 كىرىلەر . بىر اراضىنك كىم شەرى ھو ھوتون ياخود قوقۇ .
 ھوتون دەر . قوساى شىنلار ياخود تومىلر نامى دە طاشىيان ايكى
 تاتار بايراغى بىر قىرغاق سەا كىندەرلەر . بىر تاتارلار كىر بىر قىسمى
 مانچە ئۇلر مەتەد موغول اراضىسە صاحب اولدۇلرى زمان
 آلدۇلرى اسىرلار كىنارىندەدرلەر . دىكىرلرى مەتەد تاتار مەتەدندىن
 قارىشىق بىر خىلەدەر . بىرلار كىر رىسلىرىنى چىن ايمپىراتورى
 تەيىن ايدەر . قوقۇ ھوتون اراضىسە اوتەسەندە قالقا تارغار ،
 ما ئومىنغان ، اويرات ، اورتوس موغول پىرسىلرىنك اراضىسە
 تىسادىف ايدىلەر . قالقا تارغار الكاسى كوچۇك آى پەى ھامورن
 نەرى ايلە اسقا اولونمەدەر . يالگىز بىر بايراغى ھاويدەر .
 ما ئومىنغان الكاسى دە آنچىق بىر بايراغە مالىكەر . اويرات دە اوچ

بايراق وارد در. باشليجه قرارگاهلری قوندولان نہری اوزررنده در. اورتوس موغوللری جنوبا سدا کیرايله محدود در. دیکر اوچ طرفلری هوآنغ هوا خود قاراموران نہری ايله احاطه ایدیلشدر بوقطعه لر خالیدر، شایان دقت هیچ برشیئی احتوا ایتمز لر. سددن اوتوده قاراموران اوزررنده توتو نامنده برشهرک خرابه لری کورولور. بوقطعه نك سکنه سی معماری یه پك آزمراقلی وواقف اولمقله برابر بو خراب شهر اولدقجه بویوک کورونیور. اغلب احتمالاً نظرأ ۴۱۳ تاریخ میلادیسنده بو مملکتك قرالی اولان پوپو طرفندن انشا ایدیلش توم وان چینغ شهریدر. بورانك اهالیسی چادیرلرینك بویوککلیکی و چوقلغی، سورولرینك کثرتی ايله تمایز ایتمکی سورلر.

اصل قالقا الکاسی شرقدن غربه دوغروایکی یوزفرسخدن زیاده بویوکدر. یعنی آلتای داغندن سولون ولایتنه قدرامتداد ایدر. شمالدن جنوبه دوغروده الی واللی برعرض درجه سندن شامو چولنك جنوب منتهاسنه قدرامتداد ایتمکده در. تاریخندن بحث ایتدیکم بوتون بویوک ایمپراطورلقلر بو قسمده تشکل ایتمشدر. بوراه قالقا پیرا، قزلون، تولا، توی، سلینگا، آلتای یاخود سیبا، دسان یاخود تسان مورن، ارغونه ودها سائر نہرلر وارد در. بو قالقا موغوللرینك خانلری اورخون نہری اوزررنده اورغایا خودهارغاس دنیلن بریرده، سلینگینسقویدن جنوب شرقیه دوغرو اون ایکی کونلک بر مسافه ده اقامت

ایدر . یکی سه آنهرینک منبعلرینه دوغرو و غوبی چولی قربنده
 اقامت ایدن متعدد کوچوک خانلر اوکا تابعدرلر ، بر ویرکو
 ویریرلر . قالموقلره یاخود الوتلره قارشى موقعى تحکیم ایچون
 چین ایمپراطورینه عرض تابعیت ایتمش اولمقله برابر بو تابعیت
 صرف فیخرى یاخود موقت برشیدر . سائر خانلرک چین ایمپراطورینه
 تأدییه ایتدکلری ویرکو یرینه هر سنه کوزل هدیه لر کوندرمکله
 اکتفا ایدر . خراجکذارلرینک عزت نفسى اوقشامغه پک آز
 اهمیت ویرن چین سرایى بو حکمداره قارشى کوستردیکى رعایت
 ایله کندیسندن سائرلرندن زیاده چکیندیکنى اثبات ایدر .
 بوندن آکلاشیلیورکه قالقلار دنیلن قوم کندى بویوک خانلرینه
 تابع اولان تاتارلردر . چین ایمپراطورینه تابع اولانلرده
 موغول دیورلر . مختلف کوچوک قالقا خانلری علی العاده
 آتیده کی نقطه لرده قرارگاه تأسیس ایدرلر : ۱ - قالقا پیرا
 نه ری کنارلرنده قرق سکز عرض درجه سندن بر آشاغیده
 و بر ، ایکی ، اوچ ، درت شرقى طول درجه لرنده . ۲ -
 پوئیرنور قربنده ، قرق سکز عرض درجه سنده ، بر درجه
 یکر می دوقوز دقیقه طول درجه سنده . ۳ - قرلون پیرانه ری
 کنارلرنده ، قرق یدی و قرق سکز عرض درجه لری آراسنده ،
 درت ، بش ، آلتی طول درجه سنده . ۴ - تولا پیرا نه ری
 کنارلرنده ، قرق یدی عرض درجه سندن بر آزیوقاریده ،
 غربى دوقوز و اون طول درجه سنده . ۵ - هاراپیرا نه ری

ساحلرنده قرق دوقوز درجه اون دقیقه عرض درجه سنده
 و اون درجه اون بش دقیقه طول غربیده . ۶ - ساینغا
 پیرا نهری اوزرنده ، قرق دوقوز درجه یکر می یدی دقیقه
 عرض درجه سنده و اون ایکی درجه یکر می آلتی دقیقه طول
 غربیده . ۷ - ایبن پیرا نهری اوزرنده ، قرق دوقوز درجه
 یکر می اوچ دقیقه عرض درجه سنده و اون درجه اوتوز ایکی
 دقیقه طول غربیده . ۸ - توی پیرا و قارا اوژیر اوزرنده ،
 قرق آلتی درجه یکر می دوقوز دقیقه یکر می ثانیه عرضنده ، اون بش
 درجه اون آلتی دقیقه طول غربیده . ۹ - ایلوپیرا نهری
 اوزرنده قرق آلتی درجه عرضنده و اون بش درجه اوتوز بش دقیقه
 طول غربیده . ۱۰ - پاتاریق پیرا نهری اوزرنده قرق آلتی درجه
 عرضنده ، اون بش درجه اوتوز ایکی دقیقه طول غربیده
 ۱۱ - تهغوریق پیرا اوزرنده قرق بش درجه یکر می ایکی
 دقیقه قرق بش ثانیه عرضنده ، اون دوقوز درجه اوتوز
 دقیقه طول غربیده . بوتون بو مواقعه هامی شهریه اطرافنده کی
 کوچوک اراضی یی ده علاوه ایتلیدر . بوراسی مسلمانلرک
 النده در . بومسلمانلر چین ایمپراطورییه تابعدرلر . قرق ایکی
 درجه الی اوچ دقیقه عرضنده یکر می ایکی درجه یکر می
 اوچ دقیقه طولنده در .

بوتون بوقوملرک لسانی بردر؛ دینلری، اخلاق و عاداتلری
 بربرینک عینیدر . لسانلرینه ساده جه موغولجه دیرلر . قدیم

آبدات اوزرندە پايدار قالان حروفات بۈكۈنكى حرفلار
 عىزىدەر . بۇلار مانجەئۇ حرفلاردىن فرقلیدرلر . موغوللار
 قسم اعظمى قىصه بويلى فقط كوربوزدرلر . يوزلرى كنىش
 وياصصيدر ، رنكلرى يانمشدر . بورونلرى ياصصى ، كوزلرى
 سياه و دولو ، صاحلرى سياه وبار كيرلرينك قىلى قدر سرتدر .
 صاحلرىنى على العاده پك قىصه كسرلر تپهلرندە پرچم براقىرلر
 و بونى هيچ كسمزلر . صاقلالرى پك آزدەر . غايت قابا فقط
 ناموسايدرلر ، اى قىلىيدرلر . چاديرلرى پيس ، اثوابلرى
 كيرليدەر . حيوان ترسلرى آراسندە يشارلر ، بونلرى اوجاقلرندە
 محروقات يرندە قوللانيرلر . آوجىلقده و آتە بىنمكدە غايت
 ماهر درلر . كرك پياده كرك سوارى اوله رق غايت اى اوق
 آتارلر . عموميتله پك سفيلا نه بر حيات سوردرلر . چاليدشمقندن
 متنفر اولدقلرى اىچون طوپراقده كى اوتلرى زراعتك ثمراته
 ترجيح ايدرلر . اك بويوك امللرى عائله لرينك موقعنى محافظه
 ايدە بىلمكدەر . برشيئك كوزلا كنه ياخود نادرل كنه هيچ
 اهميت و يرمه يهرك يال كز فائده سـنه كوره حقندە بر حكم
 ويريرلر . طبيعتلرى نشئه لى و آچيقدر ، شطارتە پك مبالدرلر .
 پك آزشيدن انديشناك اولورلر . چونكه چكىنه جك قومشولرى ،
 قورقه جق دشمنلرى يوقدر . آرالرندە مداهنه ايتك لازم
 كلن اكابر بولونما ديغى كى مشكل ، كنديلرىنى صيقىشد پراجق
 ايشارى ده موجود دكلدر . مشغلەلرى ياخود دها دوغروسى

دائمی اکلنجهلری آوجیلقدن ، بالق طوتمقدن و دهاسائر
 تمرینات بدنیه دن عبارتدر . بونلرده غایت ماهر درلر . مع مافیہ
 فطرۃً یالکز علوم و فنونہ دکل ، اک بویوک ایشلرہ بیله
 قابیلیتیدرلر . اجدادلری چینده حکومت ایتدکلری زمان
 بوقابلیتلی کورولمشدی . هر زمانکی ائابلری قویون وقوزو
 پوستندن عبارتدر . بونلرک تویلی طرفنی کیدکلری طرفه
 چویرلر . سلاحلری مزراق ، اوق و قیلیجدر . سورولری
 بار کیردن ، دوه دن ، اینکدن وقویوندن ترکیب ایدر .
 دینلری ، تیت دینی کبی قومذهپیدر ؛ بوکا توشهقی
 نامنی ویریرلر . ارواحک تناسخنه معتقددرلر . لامالره
 قارشى کور کورینه اطاعت ایدرلر . بو لامالر تیت
 لسانیلہ یازلمش کتابلری اوقویا بیلدکلری زمان عالم دییه تلقی
 اولونورلر . بولامالر غایت جاهلدرلر . سفاهتلی صوک
 درجهیه وارمشدر . خلقی اوقوتهحق یرده چادیرلری
 دولاشهرق اجرت مقابلنده دعالر اوقومنی یاخود پک ماهر
 اولدقلرینی ادعا ایتدکلری طبابت تطبیقاتی یایمغی ترجیح
 ایدرلر . قربان کسمک ، معبودلره تقدمه لر ویرمک عادتلیری
 کندیلرنده یوقدر . فقط خلق چوق کره لامالرک اوکنده ،
 باش آچیق ، دیز چوکر ، کناهلرینی عفو ایتدیرر . لامالر
 یاغمور و دولو یاغدیرمق اللرنده اولدیغنی ادعا ایدرلر . ظن
 اولوندیغنه کوره بولامالر تاتارستانه آنجق قبلای خان زماننده

کچمشلردر . فقط دها اولده اورالرده لامالر بولونديغی
 محققدر . بعضیلری بونلرک قبلای زماننده تاتارستانده بولونان
 خرسستیانلرک بقایاسی اولدیغی فکرنددرلر . بولامالرک ماء
 مقدس استعمال ایتهلرینی ، آیین روحانی یاپارکن تغنی
 ایلهلرینی ، اولولر ایچون دعا ایدلرک پستپوسلر کی سرپوش
 کییمهلرینی وخرستیان مراسم وعاداتنه مشابه سائر عادات
 و مراسم مالک اولمالرینی بوقناعتلرینه بر دلیل اولهرق ارايه
 ایدرلر . راهب ژربیون بوفکردهدر . بوتاریخده لامالر
 حقنده سويله دیکم شیلری تدقیق ایدنلر بوفکری دائره
 احتمالده کوره جکلردر . لامالرک باشنده بر قوتوقتو [۱]
 یاخود بر حیات نو واردرکه قوقو هوتونده اوتورور وبویوک
 لاما طرفندن اعزام ایدیلیر ، فقط قالقالرک نزدنده بولونان
 قوتوقتو بویوک لامایه تابع دکلدر . کندیسینی بر معبود کی
 تلقی ایدرلر . معیتنده سائر بر طاقم قوتوقتولر دها واردر .
 یاواش یاواش بویوک لامانک نفوذندن کندیسینی قورتارمشدر .
 آی اسکیدکجه اختیارلادیغنه ویکی آی ایله تکرار کنجلاشدیکنه
 خاق اعتقاد ایدر . بویوک یورطیلرده کوزل چین قدیفه سندن
 بر چارداق آلتنده ، جالغی سسلری آراسنده کندیسینی
 کوستیر . بو چارداغک اوک طرفی آچیقدر . بویوک برقدیفه
 یاصدیق اوزرینه باغداش قورار ، ایکی یاننده برر ، فو رسمی

بولونور . سائر ايلرى كلن لامالر كنديسنك آلتندە ، دها
 آز يوكسك ياصديقلر اوزرندە اوتورورلر ، يالـكـز كوزلريلە
 ساكتانە برشيلر اوقورلر . خلق بونلرك حضورندە سـجـدە
 ايتدكن صوكرە لامالر معطر اوتلرلە بخوردانلر كتيريرلر .
 ابتدا فويه ، صوكرە قوتوقتويه ، صوكرە خلقە توتسو
 ويريرلر . صوكرە مشروبات و طائلى ايله دولو پورسان قابلر
 كتيريرلر . معبودر سملرندن هر برينك او كنهيدى طباق قويارلر .
 قوتوقتونك او كنهده اوقدر طباق ديزيلير . بونلردن بر پارچە
 طانار ، قالانى عشيرت رئيسلرينە داغيتديرير . بوقوتوقتونك دالاي
 لاما ياخود بويوك لاما كې ثابت بر اقامتـكـاھى يوقدر .
 يازين بعض كره نەشـيـنسـقـوى و آموړ نهرى جوارلرندە قراركاه
 قوراردى . فقط بوسنجاقدە روسلر تأسس ايتدكن صوكرە
 سيلينغيزقويدن اوتەيە كچميوردى . على العاده اور خون ، سـلـيـنـغـا
 واورن نهرلرى ساحلندە كورولور . اطرافندە دائما بر چوق
 لاما و مسلح موغوللر واردر . خلق يولده استقبالنە چيقارق
 خير دعاسنى آلير . قاپالى آووچنى خلقك باشنە قويهـرق
 اونلرە دعا ايدر .

ايشته چينك وبوتون آسيانك اسكى حاكملرينك بوكونكى
 حالى بودر . بوقوملر وقتيله ايچلرندە علوم و فنونك ، اداره
 دولتك و فن حربك اك بويوك آدمـلـرـيـنى يتشديردكن ، چين
 قدر مدنى بر مملكتك قانونلرينى قبول ايتدكن صوكرە بو

قانونلری تاتارستانه کوتورمك و او واسع الكالری تمدن ایتدیرمك
 لازم کلیردی . فقط چینك بو کون علومى ، صنایع نفیسه سی
 وقانونلری سـد چینی کچرکن زائل اولمشـدر . بونلر چینده
 قالمش ، موغولار مملکتلرینه اورادن نه قدر قابا بر حالدہ چیقـمـشـلر سـه
 ینـه او حالدہ عودت ایتـمـشـلر دـر . تـکـرـار چادیرلری آلتـنـدہ
 سورولریله یاشامغـه باشلامشـلر دـر . عینی حال چینی فتح ایدن
 سائر تاتارلرک باشنـه دہ کلـشـدـر . و بر مدنی ملت تاتارستانى
 فتح ایدوبدہ سکنه سنه بدوی حیات آرزوسندن باشقه برشی
 تاقین ایتمین بو عظیم صحرا لردہ بویوک شهرلر بنا ایتـمـه دـجـه
 عینی حال تـکـرـر ایدہ جـکـدر .


بشنجی جلدك صوکی

اون بىشنىجى كىتاب

جىنكىز ايله خىللىرى زمانىدە ، ۱۱۴۷ قارىخىندىن
۱۲۵۹ قارىخىنە قىدر موغوللار كى تارىخى - چىندە ، تاتارسىنانىدە ،
ايرانىدە ، سوريەدە ، روسيەدە ، لەستانىدە وىجارستانىدە
فتوحاتلىرى . - سىن لويىنىك وىپانىك بويوك خانە يوللادىلىرى
سفاتىلىرى . - نىيەچە ياخود آلتون خانلىر ايمپراطورلارنىڭ
اضىمچىلى . - موغوللار كى خرىستىيانلىقى ۷

اون آلتىنچى كىتاب

چىنكى موغول ايمپراطورلىرىنىڭ ياخود يوشى سىلالەسىنىڭ
۱۲۶۰ سىنەسىندىن ۱۳۷۰ سىنەسىنە قىدر تارىخلىرى . -
چىندە سولمىر ايمپراطورلارنىڭ انقىراضى . - موغوللار كى مشغول
اولدىلىرى علملىرى . - ژاپونىيە قارشى بويوك بىر سىفر . -
تاتارىستانىدە و ھىندىستانىدە مىھرىبات . - سىرايدە كى نىفاق
وشىقاق . - چىنلىلار كى عىصيانى . - مىم سىلالە^۲ ايمپراطورىيەسىنىڭ
تاسسىسى . - موغوللار كى طردى ۲۴۳
موغوللار كى تاتارىستانىدە قالقارلار نامى آلتىندە تىكرار
تاسسىلىرى . - بو اقوام كى شىمىدىكى ھالىلىرى



1 331 0503 141 BR

6397

DATE DUE

To renew
call 292-3900

[illegible]

The Ohio State University
Form 10620

MAIN STACKS

stx

D141

G8193

1923

v.5